




7,140/B







Digitized by the Internet Archive  
in 2018 with funding from  
Wellcome Library

[https://archive.org/details/b30528112\\_0002](https://archive.org/details/b30528112_0002)



33350  
ANTONII DE HAEN,

S. C. R. A. MAIESTATIS CONSILIARII ET ARCHIATRI,  
NEC NON MEDICINÆ IN HAC ALMA ET ANTIQ.  
UNIVERSITATE PROFESSORIS PRIMARII,

PARS QUARTA

RATIONIS MEDENDI

IN NOSOCOMIO PRACTICO;

*Quod in gratiam, & emolumentum  
Medicinæ Studiosorum,*

CONDIDIT

MARIA THERESIA,

AUGUSTISSIMA ROMANORUM

IMPERATRIX,

HUNG. BOHEM. &c. REGINA &c. &c.



L U C Æ MDCCLXI.

---

Ex Typographia Jacobi Justi,  
SUPERIORUM PERMISSU.

THE CIVIL DE HAVEN

THE CIVIL DE HAVEN  
THE CIVIL DE HAVEN  
THE CIVIL DE HAVEN

THE CIVIL DE HAVEN

THE CIVIL DE HAVEN

THE CIVIL DE HAVEN

THE CIVIL DE HAVEN



THE CIVIL DE HAVEN

THE CIVIL DE HAVEN

THE CIVIL DE HAVEN

THE CIVIL DE HAVEN



THE CIVIL DE HAVEN

THE CIVIL DE HAVEN

SACRÆ CESARÆ, REGIÆ, APOSTOLICÆ, MAJESTATI,  
 AUGUSTISSIMÆ ROMANORUM  
 IMPERATRICI,  
 HUNGARIÆ, BOHEMIÆ, DALMATIÆ, CROATIÆ,  
 SCLAVONIÆ, &c. &c.

R E G I N Æ,  
 ARCHIDUCI AUSTRIÆ, &c. &c.  
 MARIÆ THERESIÆ,  
 DOMINÆ SUÆ CLEMENTISSIMÆ,

ANTONIUS DE HAEN.

**E**N jam quartum Tomum annui laboris  
 ad MAJESTATIS TUÆ pedes devolutus,  
 humillime depono. Observata continet nume-  
 rosa, quæ partim Nosocomium TUUM, par-  
 tim Urbs Regia TUA, partim denique fi-



mitima TUÆ urbes, ac regiones, suppeditarunt: observata eum unice in finem collecta, ut calamitatibus subditorum TUORUM tum averuncandis, tum mulcendis, tum denique auferendis, inservirent. Eo enim, ut sane debuit, omnis diurna mea, omnis nocturna tetendit vigilantia. At neque hic metam fixi laboribus. Quantum enim legendo assequi poteram, quidquid celebres per Europam Eruditorum Societates variae, quidquid solertes in Arte Viri, quidquid demum privatum Literarum Commmercium, sive insolitum, sive plane novum, ad misérias humanas mitigandas auferendasque evulgarant, id omne ad experimentum in Nosocomio revocatum est; ut nimirum Populi tui salus, commissa nobis, eo cuncto gauderet auxilio, quo & alias terrarum Gentes gaudere intellexeram. Necdum tamen omni debito satisfactum. Vetus Adagium fert Amicorum omnia communia esse: porro universæ Telluris incolas amicos nostros, nostros proximos, reputamus; eorum ergo in gratiam publicæ lucis ea facere tenebar, quæ nobis recenter detecta, alicubi forte adhuc ignorarentur. Hisce, AUGUSTISSIMA IMPERATRIX, si quo sereno vultu præcedentis conatibus meis annuere solebas, etiam num annuas, erit quod

quod exsultem vehementer quod gratissimo re-  
corder animo , quod ad cursum sequentem  
alacrius absolvendum me potenter exstimu-  
let .

Dabam 31. Octobris  
1759.

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637

THE UNIVERSITY OF CHICAGO

LIBRARY

1971



# ELENCHUS CAPITUM

## C A P. I.

De Febribus Malignis Dictis.

## C A P. II.

De Aneurysmate.

## C A P. III.

De Tympanitide, & Hydrope Cystico  
varia.

## C A P. IV.

De Coxario Morbo.

## C A P. V.

De Apoplexia, & Nervorum morbis.

## C A P. VI.

De Sanguine & calore humano.

## C A P. VII.

De Singulari quorundam Medicamentorum  
virtute.

## C A P. VIII.

De Viribus Electricis.



## C A P U T I.

### De Febribus Malignis Dictis.

§. I. *Malignitatem de morbi cujusquam acuti essentia non esse, sed modo accidens quoddam, probatur exemplo variolarum.* §. II. *Cortice Peruviano plurimo qui olim a morbo maligno curati, valent pulcre omnes.* §. III. *Exempla duarum sceminarum, quarum alteram Cortex servavit uberrima cum Petechiarum expulsionem; alteram, cum earundem prematura retropulsione.* §. IV. *Cortex serius datus, malignitatem non curat.*

§. I. **Q**Uæ anno proxime elapso adeo fuscæ de Febribus, quas malignas vocant, disferui, ea præsens annus confirmavit abunde; tum quantum ad genium eatum attinet, tum quantum ad curam.

Quippe *Tom. 3. cap. 1.* frequentia observationum, suffultus, conclusi Malignitatem haud esse, quod in  
scho-



Scholis medicis ita vocant, de essentia Morbi, sed quoddam potius Accidens; quod nimirum alienis illum stiparet symptomatibus, quod Artis potentiae illum subtraheret. Id, nisi me animus fallit, manifestum est. Variolas v. g. descripturi Authores, haud solent ab illis, malignas quas appellitant, exemplar, normamve, desumere, sed a communi illarum genere. Quo facto, primo eam addere speciem consuevere, qua, licet genuina, qui laborant, tamen vix lectum petant, non ægrotent fere, & præter manifestam papularum expulsionem, maturationem, exsiccationem, aliud fere morbi hujus signum non habeant. Secundo pessimum istud genus adjiciunt, quod symptomatum numero, ac sævitie; quodque pertinaci adversus omnem Artis operam resistentia, ita sua malignitate ab illa prædefinita communi specie abludit, quam benignissimum illud bonitate, ac lenitate sua, ab eadem differebat. Ut itaque & dicta illa Malignitas æque parum in vera idea, ac definitione Variolarum includatur, quam miranda illa Mitissimarum Benignitas.

Quod si ita cum Variolis est, eo magis id cum Petechiis, cum albis, rubrisque Miliaribus, se sic habebit. Examine rite instituto, Efflorescentiæ hæbinæ 1<sup>o</sup> ut morbi primarii producantur: id vero rarius, & ad certas potissimum Epidemias duntaxat. 2<sup>o</sup> ut Accutorum Crises; quod etiam raro admodum; nec nisi Regiminis errore frequentius. 3<sup>o</sup> ut ἐπιγενόμενοι plerisque morbis acutis, puerperio; quæ duo posteriora de Variolis affirmari nunquam possunt. Porro quæ tria hic dixi, audacter assevero, cum sexto jam anno huic Nosocomio præpositus, innumeros acutos morbos hic jam demonstraverim, tractaverim, & ter modo quaterve primarium invenierim, semelque modo epigenomenon. Quotiescunque vero morbum hunc primarium in Urbe, suburbiisque,

que, inveni. Epidemico id tempore fuit, nisi semel forte iterumque sporadice. Cæterum vetæ experientia multiplici fretus, repeto id quod *Tom.1. §. 3. Rat. Med.* sat superque, ni fallor, evici, Morbos hosce a malo potissimum fegimine proficisci. & hinc Germanis, Hungaris, Bohemis, Sclavis, Styris &c. tanta frequentia ac malignitate infames esse.

§. II. Ad relatas *Tom.3. cap.1.* curationes, id modo addendum habeo, quod omnes illi, quod Cortice Peruviano abundantissimo usos ibidem enarravi, hucusque perbelle, cujuscumque demum temperamenti sint valeant; & quibus mobilior Nervus imbellem olim valetudinem consiliaffet, jam longe valetentore sanitas fruantur.

§. III. Pulcras hoc anno hujus morbi curas vidi. 30. annorum æminæ, petechiis adeo scatenti, ut Medici alii mecum testarentur repletorem iis se neminem vidisse, jamque maligne ab ipso principio decumbenti; consueta methodo Corticem dedimus, corticis usum a curato morbo dudum protraximus. Læti contemplantur postquam aliquot diebus eo remedio usa esset, vires incrementales, ægramque cum abundantissima efflorescentia vix ægrotantem, & firmam valetudine brevi potitam.

Contra vero æque fortunatum exemplum, cum retrocessione petechiarum, Juvenula dedit, quæ sex septimanarum spatio febrium insultu vago, universaque artuum lassitudine, suum inter famulatum vexata, febrim deinde continuam putridam, (incertum quot diebus, octo tamen ad minimum) perpeffa, ad nos adferebatur, multa jam scatens Petechia. Posttridie iisdem repleta omnino fuit. Eo usque nec vires, nec pulsus, nec febris, nec pravum quodquam symptoma, ullam faciebant Malignitatis suspicionem. At vero post meridiem, cum introcursu macularum, turmatim accesserunt.



runt. Cortex igitur illico datus, admota Vesicantia; Paregorica per vices sunt porrecta. Hinc sequenti quidem die paucus Macularum reditus, copiosior post meridiem, tertio autem die vix ullus; nisi quod eorum loco decem forte Miliaria alba in jugo colloque comparerent. Interim quæ paucæ superfuerant petechiæ latescebant; quæ pauca Miliaria comparuerant; mox opaca fiebant, quarto die evanida. Vomitus eodem tempore primo æruginosus, deinde frequenter flavus, insigni aderat levamine. Porro febris, postquam integro octiduo sub tanto corticis usu perseverasset, cessavit, integram sanitatem post se reliquens.

In penultimo exemplo corticis sub usu confertissimæ, quæ præextiterant, petechiæ, adhuc augebantur, & extantibus hisce sanitatem jam afferri cortice lætabamur; id quod in his morbis solenne esse *Tom. 3. cap. 1.* pluribus exemplis demonstraveram. Ultimum exemplum omnium primum est, quod observavi, Petechiarum introversarum, nec Cortice, nec Opio, redeuntium, Miliariumque numero tam paucorum, & quarto jam die evanidorum. Æque tamen & cita, & integra, huic, quam illis, salus rediit. Nunquid introversus illis humor vi corticis ad systema cæliacum determinatus, & sic vomitu eliminatus fuerit? Credibile.

§. IV. Quamvis porro hæc Methodus tum mihi felicissime cedere soleat, aliisque in Nosocomiis impense laudetur; est tamen quod sero adhibita mortem non averruncet. Puella 17. annorum; cujus historia in *capite de sanguine* habebitur, primis decem ægritudinis diebus penitus neglecta; ad nos adfertur, Petechiis in pectore plena. Consuetæ quidem Methodo Petechiæ pulcre per sex integros dies persistere, attamen febris continua remittens, eaque valida, die decimo ab ingressu ejus in Nosocomium,

su-



fulsit illam. Quippe inertiores Corticis vires, quam ut humores, jam intime hac malignitate penetratos, & infectos, repugnare emendareque possit.

## C A P U T II.

### De Aneurysmate.

§. I. Cum nullus fere locus humano in corpore sit qui Aneurysmati, interna de causa genito, sedem non præbeat, loca præcipua enarrantur. §. II. Varia circa Aneurysma: unicum existens duplex potest apparere; intus sæpe osseum est; loco potest mutari; est simplex ejus, & multiplex saccus. §. III. Anatomie Aneurysmatis cordis. §. IV. Solutio problematum, & Cur unum Aneurysma simplicem modo tunicam, eamque tenuem, habeat? Aliud crassissimam? aliud denique & pluribus, & sæpe concentricis sibi lamellis, compositam? §. Cur manu frequentius examinare haud tutum; ¶ Cur sæpe non pulset? §. Cur locum mutet? & Cur licet semper præsens, tamen nonnunquam absens videatur? §. Quare tremit aliquando? §. V. Curatio pallians, & curans. §. VI. Bini notabiles casus Aneurysmatum, quæ idiopathica haberi poterant, & modo sympathica, aut deuteropathica, erant. §. VII. Datur aneurysmatica totius fere corporis Diathesis. §. VIII. Biga Aneurysmatum a male administrata, venæ sectione ortorum. §. IX. Aneurysmatis ejusmodi externi curatio, quandoquidem Compressione, & Interceptione perficitur, præprimis differitur de Compressione; tam ea, quæ apertura facia, Arte-  
rie

*ria immediate incumbit, quam illa, quæ externe tantum, citra aperturam adhibetur. Prior harum, usitata veteribus, postmodum neglecta, a Germanis primum, dein & a Gallis, in usum revocata est, ab ultimis præterea Fungo Agarici decorata. §. X. Curatio in Nosocomio apertura loci adplicatione Fungi, compressione externa, feliciter peracta est. §. XI. Tentamen curæ per solam externam compressionem. §. XII. Fouberti sententia circa superiorum Aneurysmatum duplex genus. §. XIII. Responsum ad tria problemata.*

§. I. **C**UM nullus fere in corpore humano locus sit, in quo Aneurysmatis sedes inventa non fuerit; cum idem Aneurysma sub larva aliorum tumorum haud raro apparens, turpiter fallat incautos; cumque demum præsens creditum, nihilominus aliquoties minime adfuerit: frequentia observationum, qua instructus sum, me adigit ut de hac materia fusius agam. Ac primum quidem dico Aneurysma ubicumque inveniri locorum; externa sive causa, sive interna, genitum fuerit.

1° In Cubito, seu Brachio, frequenter observatur a male administrata venæ sectione.

2° Circa Talum a causa interna, ut videtur, ortum, vidit, descripsit, *Ruischius* Obs. anat. 38.  
 „ Si sanguis in Aneurysmate coagulatur, nulla percipitur pulsatio. Hoc olim decepit Chirurgum expertissimum, .... mihi, dum viveret, amicum, familiarem; qui circa talum Aneurysma, nucis juglandis magnitudine, aperiebat, nesciens tamen tumorem dictum Aneurysma esse, quia omnis pulsatio deerat. Aperto tumore, & sanguine coagulato expresso, tanta suborta est hæmorrhagia, ut vix esset sistendo.



3° In genu vidit clariss. Boerhaave in Studio suo germano, quem serio monuerat, ne unquam, quod non pulsaret, cuipiam aperiundi facultatem faceret. Fecit tamen, & periit.

4° In Arteria Poplitæa horrendum vidi, a saltu verosimiliter natum Crus amputandum fuit.

5° In Art. Femorali terribile, letale, vidi in orphanotrophio Hagano, vulnere ortum.

6° In Art. Iliaca, Lancisus.

7° In Aorta mox supra illius in Iliacas divisionem vidit Fantonus Tom.3. Sepulcr. Boneti, pag.556.

8° In Cæliaca Art. Lancisus. Studio omitto Aneurysma ter quater in Art. Mesenterica Equi a Ruischio inventum, cum hic de humano corpore tantum differitur.

9° In Intercoſtali Art. exili Ruischius ter quater vidit Aneurysma, ovi gallinacei magnitudine. Vulneri originem aliquando id debet, passim vero causis internis.

10° In Subclavia, a contusione natum, vidit Illustr. Baro von Swieten, Com. Tom.I. pag. 228. Subclaviæ Aneurysma homini mortem tussi, & hæmoptoe, consciscit. Anatome detexit Aneurysma hoc Asperæ arteriæ accrevisse, spatium intercartilagineum erosisse, & omnem vitalem sanguinem hinc profudisse, vid. Hist. Acad. Reg. Sc. Par. anni 1733.

11° In Aorta inter primas ejus divisiones, & Cor. ibid. ann. 1712. Etiam illud monstruosissimum Ruischii Obs. anat. chir. n°.38. incipiebat digitis tribus supra cor.

Et mox supra cor incipiebat compositum illud Aneurysma, cujus historiam brevi dabo.

12° In curvatura Aortæ. Hist. Acad. Reg. Sc. Par. an 1707. Aneurysma nascitur homini in collo, post enormem 5. dierum vomitum, quem Agyria, Rheumatismi discutiendi gratia, excitaverat, produ-

xerat. *Littreus* in cadavere ejus invenit Aortam, sua in curvatura in saccum dilatatam, qui media, sui parte in thorace locatus, cariem ossibus creaverat; dein alia sui parte superiora conscendens, totum latus colli, ad usque maxillam, expleverat. Multos polypos, & sanguinis tum fluidioris; tum coagulati, duos eduxit pentas. Videatur simile *ibidem* anno 1700, natum a subito flexu colli in ventu.

13<sup>o</sup> In Arteria Epicrania Aneurisma vidi ovo gallinaceo magnitudine par, felici interceptioni interfui. Contusione natum erat.

14<sup>o</sup> Cæterum Aneurysmata inventa sunt Arteriæ temporalis, Arteriæ in Naso externo, aliis corporis partibus, ut passim inveniri potest in Sepulcreto *Boneti*, in Biblioth. Med. *Mangeti*, &c.

15<sup>o</sup> Aneurysmatica datur plurimarum eodem in corpore arteriarum Diathesis, ut §.VII. patebit.

Unde conclusio hæc firma sit, quod in tractandis hisce summa sit prudentia opus, cum ubique locorum existentia, pathognomicis signis aliquando careant, facillimeque aliis cum tumoribus commisceantur.

§. II. Atque hæc de varia ejus sede sufficiant; considerata nunc veniunt observata quædam de Aneurysmate in genere; ac primo quidem observamus illud duplex quandoque adparere, cum tamen vere unicum sit. *Egregius Morand, Hist. Acad. Reg. Sc. Par.* ann. 1721. tumorem aneurysmaticum detexit alteram inter tertiamque Costam; alium iterum tumorem similem inter tertiam & quartam. At in cadavere unicum modo esse reprehendit, sed a costa, tertia intropressum, & vi sanguinis protrusum infra, supraque eandem.

Secundo, Aneurysmata inveni bis intus ossa, non quidem continuitate, sed veluti per insulas difformes. Magni *Wepferi* Aorta sic inventa est, ut Ta-

bu-



Bula vitæ ejus præfixa exhibet. Plurimi alii id ita invenerunt.

Tertio, Aneurysma loco mutari potest, ut disparuisse quis crederet, nisi revera adesse symptomata demonstrarent. En notabile Exemplum! Subtilissimus Anatomicus, præstantissimus Medicus, candidus Amicus meus, C. H. Velfe, egoque, anno 1753. quinquagenariam mulierem sæpius examinavimus, cui citra manifestam causam inter 2. & 3. costam, ad læva sterni, Aneurysma aderat. In tamen integro ante mortem mente penitus delituit, ut videretur disparuisse. Symptomata tamen continuabant. In Cadavere Aneurisma inventum, quod angulum Aortæ dictum occupans, tres forte pugnosc magnitudine æquaret. Tunicas habebat haud crassas, sed veluti lamellas albicantes, haud cohærentes inter sese, sed quasi alias ad alias adpositas, quo magis internas, eo magis fuscas. Nucleus sacci grumofus sanguis, erat, ita tamen ut nonnihil spatii in eo pervium esset, quo sanguis, corde missus, per Aortam descendentem transflueret.

Quarto, sunt aliquando Aneurysmata composita, ut haud ita pridem publice demonstravi. In Nôocomio dicto *Beckenhäusel*, in viri cadavere invenerat mirum hoc spectaculum expertissimus ibidem Physicus A. Storck, vir ad illustrandam sectionibus anatomicis Medicinam natus; dumque rari, utilisque, quiddam invenerit, quo universum studium medicum inde promoveatur, id intactum ad me mittere solitus. Porro Aneurysma istud erat in Aorta ab ipso corde inchoans, & ultra curvaturam pergens, ossibus insulis crassioribus instructum. Ubi nunc Aorta ex curvatura in rectum esset abitura, removebatur sensim a dorso, ita ut demum inde ad duos pollices latos aberraret. In causa erat saccus, ex postica parte ejusdem Aortæ descendentis enatus, orificio

crescens faccus, habebat quatuor pollicum longitudinem, crassitiem vero binorum, explebatque accurate cavum id, quod dorsum inter Aortamque interesset. Quod vero adhuc mirabilius, inter quartam ac quintam Costas idein ille ingens faccus primo removerat, valido pulsu suo, hasce a se mutuo costas, intercostales musculos deleverat, tumque inter remotas ad sesquipollicem a se mutuo has costas transeuns, mox supra easdem explicaverat sed in faccum manui integræ magnitudine parem. Neque vestigia invenire fuit musculorum dorsi secus spinam, & ultra; crassa demum substantia, eademque fungosa hunc faccum externum demum terminabat. Ipse vero faccus dudum ante mortem haud pulsans, cruore grumoso atro, tum intra, tum extra thoracem, totus infractus fuit. Haud multum dissimilem casum doctissimus *Noordwyk* habet in *Præfatione ad Francisci Solani Obs. de Pulsu*.

§. III. Ut Arteriarum, & Cordis Aneurysmata dari, tum passim Scriptores Medici, tum præprimis *Lancisus*, & denique Ill. noster Præses in *Comm. Tom. I.* ad §. 176. pluribus evicere exemplis. Addam quæ viderim ipse. Nauta, vir mediæ ætatis, levi sarcina onustus, iter unius horæ per pedes confecerat, indeque perceperat Cordis palpitaciones. Venæ sectio interim lenia solventia, blanda neurotica, effecere, ut conscendere denuo, ac gubernare Navim posset. Ter quater in Anno recrudit quidem Paroxysmus, sed ad eadem auxilia iterum conticuit. Intermedio vero tempore, atque id quidem integri quadriennii spatio, ab omni incommodo immunis fuit; levissimâ mali admonitione, ad majores animi corporisque motus, tantummodo percepta. At vero quinto demum anno continuarunt Insultus. Quum igitur tribus ferme mensibus vix remisissent, Exp. *Velfe* ordinarius ægri medicus, qui suis in difficilioribus me, ut ego il-

lum,



sum, amice consulere solebat, ad ægrum me adduxit. Horrui sane hominem videns, lividum, anxium; inæqualem habentem, ac tremulum, pulsum. Et si ipsi manus ad Præcordia, ad sternum, ad 7. & 8. sinistris lateris costam præcipue vero earum ad arcus, admovebatur, percipiebamus inæqualem, tremulum, ingratumque penitus morum: exceptis sex ultimis vitæ diebus, quibus nullus unquam pulsus observari potuerat.

Cadaver lustrantes multam invenimus in cavo pectoris dextro, putremque, aquam, ac pulmonem, medio lobo excepto, totum fere purulentum; ita sinistro vero cavo pulmonem a Corde maximo ita compressum, ut aëra ægerrime capere potuerit. Cor enim ad minimum triplo majus solito erat, mucrone quam basilatis. Omnium autem maximus sinister Ventriculus ad mucronem amplissimus, at vero extenuatus adeo, ut levis modo membranula albescentis, facile disrumpenda, ibidem superesset. Cæterum sanguis concretus, vehementerque tum polyposus, tum Cordis parietibus, columnisque, accretus, cavum hoc explebat. Cordis vero dexter Ventriculus, & binæ auriculæ, sinisque, Arteria pulmonalis, utraque Cava vena, polypos firmos longosque continebant.

§. IV. Sed ne longus sim, sufficiat hæc exempla attulisse, ut vera Aneurysmatum idea habeatur. Collectores casuum quidem, *Borellus*, *Schenckius*, *Paræus*, *Hildanus*, *Bonetus*, *Mangetus*, plurima exempla attulere; verum cum ad præcedentia jura referri queant, recensio eorum non usui, sed oneri, foret. Practice modo ex iis agendum est.

Ac primo quidem quæritur, cur multa Aneurysmata tenues tunicas, alia crassiores, alia denique easdem lamellatim dispositas habeant? Polyposus sanguis ejus est naturæ, ut ejusdem adplicatione tunica

arteriosa adpareat longe crassior. Deinde ipsæ Arteriarum tunicæ a se mutuo discedere queunt, geruntque nonnunquam inter sese sanguinem in lamellam compactum. Tandem in degeneratione partium, ut alibi, ita & hic, novæ membranæ ex veteribus nascuntur, ejusdem fere cum naturalibus substantiæ, Vesicam fellem inveni in septem loculos membranofos divisam, quorum quisque magnum gereret Lapidem. In antiquis Herniis vidi Operatores sudantes, dum 10. 12. 20. & plures membranas solvere deberent, priusquam verum Peritonei saccum attingerent. Ubi vero sanguis modo in sacco grumescit, vel potius paulo tantum spissior fit, tunicam mole non auct, sed extendit duntaxat, idque nonnunquam adeo, ut ruptura subsequatur letalis.

Secundo. Cur haud adeo tutum est Aneurysma frequentius tractare manibus, & curatis examinare? Pluribus de causis. 1. Quia eo modo reprimimus sanguinem versus cor, caput, &c. unde haud raro ingentes anxietates, suffocationes, vertigines. 2. Quia filamenta, ac fragmenta polyposa, pressione ad arteriæ axin ducta, impetu sanguinis facile abripiuntur, inque vasa minora impulsa, circuitum humorum in iisdem intercipiunt. 3. Quia sic tunicæ teneiores solvi queunt, letalemque hæmorrhagiam producere.

Tertio. Cur sæpe non pulsat Aneurysma? 1. Quia ita ejus tunicæ incrassari possunt, ut impulsu cruoris effectus exterius non percipiatur. 2. Quia tanta tunc adest in ejus sinu grumosi sanguinis copia, ut pulsus suffocetur. 3. Quia sensum impellentis cordis vires minuuntur? unde licet reliquis in arteriis pulsus quisquam percipiatur, vires tamen cordis debiliores sunt, quam ut per incrassatas tunicas, sanguinemve concretum, pulsus exterius percipien-



cipiendum producerent. Jam simile quid suspicatus *Paræus* erat.

Quarto. Undenam Aneurysma ita mutari possit, ut antiqua in sede ultra non inveniatur? An non ubique Ligamentis enatis ad vicinas se partes annectat? Aneurysma, ita loco mutatum, internum fuit, ut pag. 15. patuit. Hinc magnum illud, ac ponderosum, dum in parte averfa ponderis, forsitan augmentum fit, eo versus tota mole propendeat, antiquæ sedis ligamenta elonget, eamque vacuum relinquat, oportet. Casum hunc novisse juvat, ne forsitan relationem manifesti Aneurysmatis dubiæ fidei habeamus, illud ultra non invenientes. Quamquam symptomatum perseverantia cum Anamnesi priorē conjuncta, Aneurysmatis præsentiam abunde demonstraret. Mutatione autem loci hoc Aneurysma foeminæ multo molestius fuit, cum moles quondam foras extans, jam vero introversa, reliqua magis premeret, angeretque vitalia. Qua ipsa de causa compressio artificiosa mortem acceleravit Canonico, de quo *Lancisus* part. 1. Lib. 1. cap. 2. prop. 28. Quare cum eodem autore concludimus quascumque externas Aneurysmatum compressiones fatales esse, nisi osse probe sustineantur: tum quod hinc cavum internum angustetur, tum quod Aneurysma interiorius nunc minus suffultum, facilius findatur.

Quinto. Quæ causæ, quod Aneurysma cordis aliquo tempore Nautam vexaverit? & notabili iterum tempore non vexaverit? Cur iterum elapso quadriennio continuo ipsi molestum fuerit, ac mortem tandem intulerit?

Inchoans cordis debilitas, principium Aneurysmatis illius ponens, venæ sectione, diluentibus, pa-  
regoricis, & quiete, emendata fuit, ut jam inter vim impulsorum humorum, & contrahentis se cordis, æquilibrium restitueretur. Plethora post aliquot

mensēs elapsos renata, superabat denuo debiliore cordis vires: hinc renata sensim Aneurysmatis symptomata. Cura autem eadem æquilibratam potestatem restituens, symptomata abegit. Ita potuit hæc cura palliante homo ille quatuor annos illos sat commodè transigere: *palliante*, ajo; cum cor semper debilius existens, quam ut aliquam plethoram promoveret, proegumenam causam futuri Aneurysmatis perpetuo in se gereret. Demonstrabatque hanc ipsam proegumenam causam, levior ille morbi reditus, ad rarefactos, adeoque spatium sibi amplius poscentes, inenimi ac corporis validiore motu, humores; rarefactione cæssante denuo pacatus. Ultimis vero tribus vitæ mensibus debilitas hæc cordis tantopere increvit, ut ultra contrahere se non valuerit, sed amplificari sese, extenuarique, vi, & pondere sanguinis, permiserit; unde vitæ perfecta est orta quies.

Quinto. Uadenam tremor explorante digito perceptus, & si aliquantum continuatur, ingratus, Aneurysmatis, præcipue ejus quod in Brachio est? Isque tamen in uno, quam in alio, major? Difficilis est problematis solutio: sed ad finem, enarratis primo aliquot præclicis casibus, facilius forte patebit responsio.

§ V. Morbi atrocis nunc proponenda Cura est, eaque siue perfecta, curatoria dicta, siue pallians tantum. Ac primo quidem ea Aneurysmatis interni.

Si undique colligamus observata, & omnia unquam data remedia; si quæcumque dicta specifica; si successus bonos, tam celebratos Antiquis, quam nobis observatos, expendimus; clare comprehendimus cardinem rei versari in eo totam, ut quod solida inter fluidaque desideratur æquilibrium restituatur. Dum id restituit Medicina, vel *curative* id



facit vel *palliative*. Palliative, si, restituto æquilibrio, Cor, Arteriave, debilis esse perseveret, ipsumque æquilibrium restitutum non sit, nisi copia immixta humorum, ac morbus actutum redeat, dum vel copia, vel rarefactio, molem humorum iterum auget. Cura vero curatoria siue integra sit, si restituto palliative æquilibrium, Ars noverit debilitatis solidis priscum robur restituere, amplificatis pristinam reddere Diametrum. Id & possibile esse, & nonnunquam præstari, tum ratio suadet, tum experimentum confirmat. Facta enim ejusmodi evacuatione, quæ æquilibrium ita reddit, ut quod olim ratione solidorum deficiebat, nunc potius ratione fluidorum aliquantisper desideretur; fieri posse id videtur, ut solida, contractilitate adhuc sua donata, in priscam se formam restituant: præsertim si & copiose, & assiduo, tam alimenta quam medicamenta ingerantur, quæ spissitudini polyposæ, in dilatata parte hospitanti, diluendæ, apta nata sint. Curæ feliciter peractæ jubent hæc aliquando fieri credamus. Cæterum pallians cura, satis abundeque fortunatam seipsam existimaret, si nosset humores & paucitate, & tranquillitate perpetuo ineptos reddere ad tollendum æquilibrium. At vero, quandoquidem ita cum Mortalibus est comparatum, ut sex rerum non naturalium usus nequeat semper æque moderatus manere; hinc cum redintegrantibus paroxysmis toties hi ægri luctantur, donec demum suffocati, fati cedant.

Sed in ipsa cura magna differentia. In Nosocomio habemus, qui in antiquiore morbo, insigni levamine gaudeant; habemus, qui in recenti vix gaudeant ullo. Ratio videtur suadere hos longe citius ad immedicabilem conditionem adolevisse. Dantur enim, quibus malum incredibile quantillo creverit spatium! Ipse *Lanciscus*, cum examinaret cada-



ver Vestiarii quem Aneurysma, a sterni contusione oriundum, intra anni spatium e vivis eripuerat, detexit Anguli Aortæ Aneurysma, Punicum malum magnitudine æquans, quod os sterni elevaverat, & carie penitus excavaverat.

Cæterum si utcumque medicabile malum est, Humorū repetitæ evacuationes, Saponēs acidī, ut Tamarindus, variorum fructuum acido Saponaceorum Rob dicta, Nitrum copiosum, Cremor tartari; & quia id hominum genus spasmis admodum torqueri solet, Gummi ferulacea, & Opium; Diætā cæterum blanda ex jure carniū tenuiore, carniū tenerioribus, fructibus horæis, oleribus saponaceis; tum deinceps magna animi corporisque quies, calamitosum hunc morbum ad tempus notabile, sæpe etiam per annos tolerabilem reddunt.

§. VI. Sed est alia adhuc ratio, hic necessario memoranda, cur in suscipienda horum ægrorum curā minus desperare debeamus. Quippe plures morbi hunc ipsum ita simulant, ut sæpe protopathicus esse credatur, quem vel ipsa curatio, vel cadaverum ad alias morborum causas rimandas examen, deuteropathicum duntaxat vel sympathicum esse demonstrent. Adeo quippe facile hic morbus ludit mendaces. En quæ ipse expertus!

Ætatis Centurio florentis, temperiei biliosæ, illibatæ quondam sanitatis, sed a triennio ad Melancholiam ex animi ægritudine dispositus, cœpit demum, anno 1757. incunte, cordis palpitationibus vexari: quas eo tempore tamen Venæ sectio, ac Purgans, brevi, & integre, sedabat, Æstate idem malum passus, eodem sanatus auxilio fuit: labente demum anno repetens illud nulli auxilio cessit. Operam navantes peritissimi Medici inanem, jure suspicantur vel Aneurysma cordis, Arteriarumve majorum, vel Polypos iisdem innatos, vel & geminum

hoc

hoc malum, adeoque difficulter sanabile, hic adesse.

16. Jan. 1758. in consilium vocor; quo die perbelle se habebat sed animo corporeque adeo mobilis, ut a meo quem antehus expectabat, introitu, & adpectu, gravissimum mox paroxysmum pateretur. Cor percipiebamus horrende palpitans, Pulsus parvum, & admodum inæqualem, tussim cum sputo mucoso, lotium lateritio cum sedimine. Profecto terrimi mali jam annosa diuturnitas sedamen intermedium olim quidem habens, jam vero perennis, pessimisque stipata symptomatibus, ideam, quam præstantissimi viri de eo formaverant, omni ex parte confirmare videbatur.

Nihil enim mutare hanc idam poterat immunitas aliquoties observata morbi, cujus causa crederetur perpetuo adesse. In Lienis, Hepatis, Ventriculi, Cerebri, morbis, intervalla optima observamus, dum interim in cadaveribus causam mali perpetui magnam, sufficientem, eamque diuturnam detegimus. Imo in Nauta de quo antea actum, pag. 18. præsentem perpetui mali causam a morte deteximus, cum tamen causa hæc toties in vita effectibus caruisset. Nec tussis Pulmonis affecti symptoma, huic ideæ contraria fuit, imo potius confirmabat eandem; 1. quia in Aneurysmate circa Vitalia tussis ejusmodi frequens nobis observatur. 2. Quia ejusdem dudum meminerat in hoc morbo *Lancisus*; eamque validæ Pulmonum compressioni, & irritationi, tumentibus Vitalibus oriundæ, adscripserat.

At vero cum in his decipi facile, praxisque nos doceat, Vitalia nonnunquam tam valide secundario affici, quam si primario afficerentur; cum præterea *Boerhaave* §. 826. & seqq. Inst. Med. notasset Palpitationes cordis violentas originem spasmis aliquando debere, vel etiam „irritationi fibrarum cordis, ab acri quodam stimulo factæ, ut in caco-

chye



5, chymica materie mota, sententiam aliquo modo lenivimus, dubiam protulimus, abjectumque ægri animum aliquantula spe ereximus.

Impugnare igitur malum iis intendimus, quæ cuicumque proforent causæ; saponibus acidis, nitro, neuroticis, opio. Quibus equidem proderamus utcumque, lucida tamen intervalla diris exacerbationis turbari sæpe dolebamus. Quin imo ruit in pectus malum. Pulsabant haud Vitalia modo, sed & Abdominis viscera. Interim miramur insolitum phænomenon. Vomitus enim violentus, qui ex natura sua hic letalissimus videri debuisset, palpitationem sedavit, pulsum æqualem reddidit, & transpirationem dudum absentem restituit; non ea die duntaxat, sed sex integris postmodum septimanis. Interea tamen male ipsi fuit a tussi violenta, sicca, rebeli, a respiratione laboriosa; a pulsu, citra palpitationem, inæquali, & nonnunquam, rarius licet, intermittente. Sputa tandem crassa, flavo viridia prodire; a quibus tussis quidem mitior, sed notabilior languor, horror, frigus extremorum, & calores nocturni, anxietatesque enormes. Tussi demum cessante mobilis materiæ strepitus in pulmone exaudiebatur, perseverabat anxietas. Kermes minerale, & quotidianum clyσμα, hic proderant.

Martii 10. expectoratione sponte cessante, dirus rediit, qui a 24. Januarii siluerat, Palpitationis paroxysmus; quem denuo vomitus, ut olim, sed non tam integre, solvit. Vehementissimus autem Paroxysmus decimo ex illinc die recrudit. Epigastrium quoque ab aliquot retro septimanis intumuerat, jam vero totus venter tumidus, tensusque, deprehenditur. Cataplasma emolliens 3. Aprilis impositum profuit, successitque alvus flava quidem, sed multo glutine, multisque duris, & ex flavo viridibus, sæcibus referta. Idem & 4. Aprilis contigit; sed



sed eo cum eventu, ut vera jam accederet mortis imago: cordis pulsatio, virium collapsus, pulsus debilis, intermittens, atque omni modo inæqualis, frigus extremorum. 5. Aprilis Respitatio parva, inæqualis; pulsus exilis, intermittens, tremulus, facies vere Hippocratica. Dumque jam mors adstare præ foribus videbatur, alvus prodiit libera, foetidissima, nunc nigra, nunc viridescens; idque ea nocte octies. En vero ejus stupendos effectus! Mox cessarunt quævis symptomata, vires ad horam crevere, & sanitas tam cito rediit, ut 4. Maji gratias Deo acturus. Templum adiverit, meque postera die cum suo ordinario Medico *Störck* inviserit, perfectam suam valetudinem testatus, nec a consensu 46. graduum, quibus ad me conscenditur, vel quidquam defatigatus, aut anhelus. Mansit ipsi integra sanitas, donec hyemali tempore, Milite ad bellica exercitia coaptando, in Hungaria sese defatigans, ægrotaverit, perierit.

Luculentiusne exemplum haberi potest deuteropathici morbi, tam perfecte protopathicum æmulans? Atra bilis per vires mota varios hos paroxysmos excitaverat. Atra bilis tota in motum ducta, mortis ad limina hominem duxit; integre tamen expulsa, corpus reliquit sanum. Partitim mota, vomitu expulsa est; mota integre, alvo.

Est igitur exemplum ejus, quod laudato mox loco optimus *Boerhaave* de cacochemicali materia mota dixerat: sed cum deuteropathicum; vel etiam sympathicum morbum hunc, protopathici adeo æmulum, a miris nervorum affectibus deducit; en ejus quoque manifestum exemplum!

Juvenacula foemina ad Nosocomium nostrum accessit, multis ab annis vehementi cordis palpitatione, anhelitu, anxietate præcordiorum, tussique vexata frequenti; artis interea opem frustra eo usque

experta . Cum alvo ab octiduo careret , enema im-  
mitti jubeo , alia interim paraturus . In cadavere pub-  
blice examinato vitales partes sanitatem illibatam  
adeo referebant , ut nihil illibatius . Neque quod toto  
corpore tam in solidis , quam in fluidis accusaretis ,  
quidquam erat ; præter geminam , sed leviusculum ,  
Pulmonis ad Pleuram adhæſionem , & tres lumbricos  
teretes in Ileo intestino . Porro & cum his in lum-  
bricis , & cum longe latioribus Pulmonum adhæſio-  
nibus millenos homines ſaniſſime vivere , Anatomi-  
cis compertum eſt . Ut proinde cum *Eocrhaavio* §.  
326. concludamus : „ Cauſa ejus plerumque eſt , in-  
„ ordinatus , & violentus ſpirituum vitalium in-  
„ cordis villos impetus , &c.

§ VII. Porro morbi hi aneurysmatici , eorumve  
ſimillimi , hic loci frequentiffimi ſunt , multamque  
horum varietatem exhibent . Sunt duo in Noſocomio  
homines qui , omnibus rite perpenſis , protopathica vi-  
talium affectione laborare videntur , quibus tamen a  
validiore motu nec intermittat , nec remittat , nec  
inæqualis ſit pulſus . Alterique horum qui 17. annos  
natus , ex Hortorum forte cultura hunc morbum con-  
traxit , jamque triennem habet , vehementiſſima  
cordis adeſt pulſatio , ut viſu , audituque , percipia-  
tur ; Præcordiorum præterea , & ad arcus potiffimum  
3. & 4. coſtæ , ardor continuus ; carotidum ambarum  
totum collum concutiens , pulſus ; tumor colli ingens ,  
pulſansque ; pulſatio ad ambas inguinales tanta , ut  
tangantium digiti vi repellantur ; pulſus ad malleo-  
los tantus , ut dormientem continuo excitet , ſom-  
numve præprimis impediat ; idemque ad temporales  
arterias obſervatur . Eſt igitur univerſalis fere Ane-  
urysmatica Diathēſis . Egregii *Lanciſii* , aliorumque  
Obſervatio , ponens , quo diuturniora validioraque  
Ancoryſmata ſint , eo locorum remotiorum arterias  
debiliores & exiliores eſſe , in hoc juvne proinde  
locum non habet .

§. VIII.



§. VIII. Atque hæc sufficiant, ut quæ circa Aneurysmata interna nos nostra observata docuissent, communicaremus. Superest modo. Observationes itidem nostras circa Externa patefacere.

Notabilia exempla horum duo in Nosocomio probabant hoc anno, ex imprudenti Venæ sectione, resiliante instrumento peracta, nata. Fœminæ ambæ erant, juvencula, & Vetula. Vocabo utrumque Aneurysma spurium. Præmonitos enim Lectores velim, me hic loci haud immorari iis, quæ Viri egregii *Freind*, *Monroo*, *Foubert*, alique, contra communem Aneurysmatum in Spuria, ac Vera, divisionem, haud absque aliquo Rationum pondere, scripserint: sequar modo eam utriusque definitionem, quam, post *Sennertum*, *Boerhaave*, *Illustr. Præses*, & *Heysterus*, adoptarint.

Aneurysma hoc sensu spurium, homo, minime Chirurgus, foeminæ juvenculæ conciliaverat in dextri brachii arteria humeraria, mox ante ejus in Radicem, & Cubitæam, divisionem; quemadmodum in operatione patebat. Tremor modicus tangendo percipiebatur, & tumor sensim crescebat. Pulsus in carpo debilis: idque ut postea patuit naturaliter. Cum tumor augesceret, operatio concludebatur; variarumque Methodorum tum præstantia, tum periculo, rite pensitatis, Compressio debita cæteris prælata est. Arridebat equidem interceptio, quod & felix sæpe, & Optimorum in arte gauderet suffragio; cum nonnunquam id periculi involveret, ut circulatio sanguinis subiecta in parte aut multum læderetur, aut penitus deleteretur; cumque e contrario artificiosa compressio quoad curam æque secunda esset, nec hisce, tamen sociata periculis, hanc ipsi prætulimus. Est porro paucis super illa differendum.

§. IX. Compressio Aneurysmatum quæ ossa sibi subiecta habebant, stipticorum suffulta auxilio, mul-

to Priscis in usu, eviluerat; quod inanis, quod usu cassa, quod etiam aliquoties damnosa esset inventa. Industria vero humana, tandem periculis edocta, & infortuniis monita, didicit hanc ipsa interceptione præstantiorem reddere.

In commercio Literario *Norimbergensi* anni 1732. pag. 107. & seqq. optimus *Hamberger*, in inclyta Academia *Jenensi* celeberrimus, ac vere doctissimus Medicinæ Professor, curationem Aneurysmatis spurii felicissimam cum publico communicavit. Aneurysma hoc ignarus omnino Chirurgus, Venam Basilicam tundens, produxerat; pertusæ arteriæ manifestissima cæteroqui signa ne advertens quidem. Curatio hæc peracta est primo adpositione comprimentis arteriam humerariam funiculi, dein sufficiente dilatatione loci affecti, & denique adplicatione chartæ masticatæ, liquore stiptico Deppelii madefactæ, ad ipsum arteriæ vulnus: ita quidem, ut chartæ masticatæ lamina prima minima esset, altera paulo major tertio major priore, & sic porro; donec sufficiens laminarum altitudo haberetur, quæ circumdatus fasciis apte ad vulnus appressa maneret: adstringente interim pulvere totum explente vulneris cavum Publica disputatione Doct. *Enrich Jenæ* 1734. hanc curam propugnavit.

Vir eruditus omnibus carus C. S. *Trevæ*, S. C. Maj. ut & S. M. arch. Onoldino-Brandenb. Consiliarius, & Archiater, Reip. Norimb. Phys. ordinarius, senior, Comes Palat. cæsareus, S. R. I. Nobilis, Acad. Cæsar. N. C. Director, Reg. Soc. Lond. & Berol. Scient. Socius, in Eph. N. C. vol. 8. Obs. 126. similem Hambergerianæ curam *Norimbergæ* anno 1747. exoptatissimo cum successu intra mensis spatium perfecit. Anno 1748. eadem cum felicitate curam hanc repetivit, & Eph. N. C. vol. 10. descripsit. Ad aneurysmatum vero imprudenti venæ  
se;



sectione oriundorum intellectum, & curam, egregias, atque ad ipsam Naturam expressas, Tabulas tres addidit, una cum nitidissima earum expositione.

Exp. Chirurgus *Foubert* Acad. Reg. Chir. Socius, dedit de Aneurysmate Dissertationem in Tom. II. *Actorum* ejusdem Academiae, in eaque laudavit compressionem externam in recenti, parvoque Aneurysmate; in majore autem & utcumque vetustiore suadet, suoque exemplo comprobat, operationem. Operationem autem hanc, si est Arteriae truncus, mera compressione perficit, ut ita evitentur infortunia, quæ Ais aliquando post interceptionem luget; si autem vulnus in ramo est, intercipit illum, ligatque. Haud bene capio, cur Ramum etiam compressione curandum non suspiciat, si Truncum tuto noverit compressionem curare; sed hæc non sunt hujus loci. Illud autem ex hac dissertatione patet, quod Autor suam operationem primo Charta masti-cata peractam describat anno 1732. non adjungens quo præcise anni tempore. Porro eodem anno publicæ lucis curationem suam fecit Cl. quam *Hambergerus*, quam exeunte anno 1731; perfecerat. *Foubertus* vero sua non edidit nisi anno 1753.

Igitur compressio Arteriae pertusæ, celebrata Veteribus, feliciter peracta a *Sculpteto* anno 1631. primo compressione trunci tum spongia usta, adstringentissimo pulvere conspersa, ad vulnus Arteriae admota, dein conveniente ligatura firmata, & denique artificiose excogitato instrumento, quod ipsum *D. Morand* Tom. 2. *Act. Acad. Chir.* impense laudat, adpressa; Hæc, inquam, compressio, a *Dionysia*, ab *Heystero*, aliisque, commendata, deinde a Cl. *Hambergero* anno 1731. facta, & 1732. promulgata; anno 1732. a *Fouberto* primum *Parisis* instituta quidem, at vero non nisi 21. postmodum annis cum publico communicata est, Interea temporis Cl. *Trevv*  
bis

bis hanc curam perfecit, longe antequam ille Acad. Paris. Tomus secundus in lucem prodiit.

In hoc porro tomo duæ eruditæ Dissertationes de Aneurysmatis curatione habentur; quarum altera laudata jam sæpius illa *Fouberti* est, altera celeberrimi in arte *Morandi*. Morandiana hæc præter alia id novum habet, quod ad *Agaricum* pertinet. Nempe postquam Chirurgus *Brossard* arcano se pollere, indicasset, quo Arteriarum hæmorrhagiam quamcumque tuto sisteret, tentamen ejus & adplicatio facta est finiente anno 1750. idque in arteria brachiali gladio pertusu. Arcanum suum Chirurgus adplicuit vulneri: quo facto, simplici ligatura curabatur spatio mensis id Aneurysma. Erat autem arcanum hoc remedium *Fungus Agaricus pedis equini facie*. Ter jam huius experimentum successisse, aliisque præterea Chirurgus, *Morandus* asserit: equidem & citra *Agaricum* bis sese, aliunquæ haud ita pridem Chirur- gum, sola compressione arteriosi sanguinis impetum repressisse; Agarici tamen vires vel ideo præstantiores esse, quod compressione utcumque laxiora, Gangrænae propterea metum nunquam faciente, curam suam perficiat.

§. X. Plures ergo claros in arte Viros imitati, curam spurii nostri Aneurysmatis Agarici applicatione, & compressione, tentavimus. Egregius chirurgiæ Doctor, curisque tum gravissimis, tum felicissimis in Austria nobilis, Dominus *Ritter*, cum aliis claris urbis chirurgis, sua præsentia, consilioque, assistebat Nosocomii Chirurgus *Leber*, qui operationem in se susceperat. Inciso cum Integumentis tumore, extravasatus humor fere omnis sponte excidit. Arteriæ vulnus, laxato instrumento tornatili, apparuit in eadem ante ejusdem divisionem, obtinere: ut profecto hic casus ille haberi tristissimus potuisset, in quo, post consuetam intercipiendi methodum,

gan-



gangræna subsequeretur. Porro fuit & Arteriæ, & Aponeuroseos musculi bicipitis brachii tanta cohesio, atque coalitus, ut corpus fere unicum esset; sola capsula, vasa hinc involvente, intermedia; at complanata eadem, & cum subjecto vase, impostaque Aponeurosi, unita: ita quidem, ut nullo intermedio cruore, vulnus unum idemque videretur esse, quod penetraret utrumque; utque laxata tornatili machina, per unicum duntaxat foramen sanguis videretur scaturire. Hinc, cum Aponeuroseos percussio dolorem creet, & suppuratione nimia destrui possit; cumque ii, quibus sola compressione externa Aneurysma curatur, cum mutua vasis, aponeuroseosque, concretionem, brachii motum expedite absolvant? Aponeurosin conservavimus, & communi vulneri pulverem Agarici inspersimus, Fungi ejusdem lamellas contusione valida complanatas, desuper posuimus; eo quidem ordine, ut prima minor, altera major, tertia iterum hac major esset, sicque ad talem altitudinem ultima lamina emineret, ut idonea ligatura brachio circumducta, totus firmaretur apparatus. Ipsum vero brachium universum, ut tunc, ita toto curæ tempore, vino aqua misto fovebatur. Machina tornatilis post operationem relaxata, curam egregiam esse monstravit. Emulsio paregorica pluribus deinceps diebus data, & jus carnis dilutum cum pane, unicum medicamentum, & nutrimentum fuit.

Tribus elapsis ab operatione diebus, incipiens vulneris ob junios calores foetor deligationem suavit. Apparatu quamvis prudenter ablato, cecidere nihilominus omnes Agarici lamellæ, ut nudus vulneris fundus conspiceretur. Sanguinis porro nil prodiit. Ergo instrumentum tornatile suspenso manu laxantes, dein plus, tandem integre, ne guttam quidem unicam transudantem deprehendere potuimus. Gau-

dehamus sane, cum eo aliqui animo essemus, ut, operatione irrita visa, Aponeurosin ab Arteria solveremus, fungumque, ac totum adparatum, nudæ adponeremus arteriæ. Quia vero res pro votis successerat, aponeurosin integram reliquimus. Cur sub ipsa prima operatione eam non læseramus, rationem ante dedimus. Confirmabatur ea nostra intentio observatione *Fouberti*, qui eorum in cadaveribus, quorum aneurysma brachii sola externa compressio quondam curaverat, quosque alii jam morbi sustulerant, Aponeurosin cum arteria coalitam invenerat. Igitur pulverem Fungi de integro inspersimus, novas lamellas, imposuimus, & deligationem, ut antea, perfecimus. Spatio 14. dierum tota peracta cura fuit, ut modo deesset Epidermis, quæ quoque intra octiduum integra comparuit. Sæpius hanc foeminam, postea vidimus, eamque nullum in movendo brachio incommodum ab adhæsiōne Aponeuroseos pati deprehendimus.

§. XI. Altera, de qua dixeram, mulier vetula, spurium habuit, licet verum referre videretur, aneurysma; rationem mox exponam. Huic tumor longe minor, sed tremulus motus longe major, ei que, qui locum diutius digito explorabat, perquam ingratus. Non video qui in externis Aneurysmatibus hujus tremoris meminerint Autores. *Paræus* susurrum, sonitumve, non tremorem, observavit. Tremor tamen iste, quo blandiore digito tangebatur, eo distinctior; quo duriore, eo confusior; si fortissime, nullus adparebat. Cum igitur intra 14. dies tumor vix augetetur, simplici tantum externa ligatura hoc Aneurysma curare annisi sumus, subere oblongo, eoque fornicato, ad tumentem arteriam, adplicito, ac proba firmato ligatura. Quod ubi cum tantillo tumoris decremento spatio binorum mensium prosequeremur, tremor sensim cessavit, & corpus du-



durum, fere rotundum, extrorsum convexum, immobile. tegere videbatur arteriam in loco vulneris; unde nullam habens molestiam foemina, motu debito brachium exercebat.

§. XII. Cur vero spurium hoc Aneurysma vocem? Quæ origo rotundi hujus, atque immobilis, supra vulnus, corporis? Undenam tremulus ille motus?

Ad primum responsio facilis; ad alterum & tertium vix certi quidquam habeo: ut tamen verosimile quid proferam, licebit prius ex laudata *Fouberti* Dissertatione nonnulla proferre.

Dividit vir expertus spurium Aneurysma in *primitivum*, & *consecutivum*. Primitivum vocat id, in quo actutum ad pertusam arteriam tumor compareret, totum ferme brachium brevi occupans, citumque propterea, ne Gangræna & mors accedant, auxilium poscens. Consecutivum autem illud, in quo quidem nullus a principio tumor, præ valida compressione, qua Chirurgus, mox ab infortunata sanguinis missione, locum firmaverit; deinde vero tumor pedetentim observatur, dum ægro, Chirurgoque, maturius ostantibus, compressio solvitur, abjiciturque, ac consueti motus brachio exercentur. Quo demum fit ut Aneurysma hoc spurium referat verum. Quo autem modo id fiat, en qui explicet.

Prima compressione, ut dictum, facta, jam & cutis, & adeps, & aponeurosis, & capsula vasa includens nervosque, & arteria ipsa, Cicatricem communem formant; arteriæ tamen vulnus, cæteris tardius coalescens, rotundam aperturam servat, in qua hæret thrombus sanguinis. Thrombus ille perfecte coalescit in unum cum arteria solidum, si adparatus sufficiente temporis spatio adplicatus servetur; sin minus, thrombus expellitur, sequitur tunc sanguis sensim tumefaciens accretas superpositasque partes.

Sanguis porro ille partes hasce elevans, & in determinato quodam ambitu solvens, parvum ac circumscriptum refert tumorem, Eo rerum statu tum pulsus, tum reprimendus digito tumor, verum Aneurysma, sive Arteriam minime perforatam, mentiuntur. Pulsus porro ille manifestus hic percipitur, quia sanguis ex arteria per hoc foramen in formatum hoc cavum impellitur; tumorem autem digitus reprimat, quod fluidus medio in tumore cruor per arteriæ foramen repellatur. Censet autem autor hanc suam Theoriam anatome confirmari. Nactus enim occasiones aptas, invenit in illis quidem, qui sine perfectione integumentorum mera ambiente compressione aneurysmate ejusmodi curati fuissent, dum aliis postmodum morbis periissent, arteriam, capsulam, & aponeurosin, una eademque cicatrice coaluisse; in Operationibus vero suis, quas sæpius compressione externa haud sufficiente instituire debuerat, Sacculum detexisse se ait, pro diuturnitate mali nunc majorem, nunc minorem; qui exterius formabatur inferiore aponeuroseos facie, intus vero variis compacti sanguinis lamellis, eo compactioribus, quo exterioribus, quique demum fluidum gerebat in medio sanguinem.

§. XIII. His ex *Fouberto* præmissis ad tria data Problemata me converte. Ad I. dico, quandoquidem ex relatis tum nostræ mulieris, tum ex pluribus apud hunc autorem historiis, arteriam totam pertusam fuisse constet; & definitio spurii aneurysmatis id supponat; videor merito id nostrum spurium vocasse, quantumvis veri naturam æmularetur. Confirmant id etiam alia *Fouberti* observata, quæ in eorum cadaveribus, qui olim ab aneurysmate perperam vero dicto curati, aliis deinde morbis occubuerant, demonstrarunt stigma, sive cicatricem in Arteriæ pariete interno.



II. Quæstio erat, quænam rotundi, atque immobilis, nostra in foemina tumoris origo fuerit? Videtur *Foubertus* jam explicasse, ut responsum hic repetere sit supervacaneum. An vero ex hujus auctoris theoria, anatome confirmata, responsio quoque haberetur, ad singulare illud phænomenon, quod clarissimi viri, *Hamberger*, & *Trevv*, suis in casibus observatum notarunt, descripserunt, sed non explicuerunt? Prior in *Comm. Litt.* ann. 1732. sic scribit: „ Apparuit ( in operatione ) tunc globus ex „ carne membranofus, superficiei inæqualis, arteriæ adhærens, diametri duorum digitorum. Hunc exploraturus, digitis parum compressi, ex ægroto „ quærens num dolorem perciperet? Quod cum negaret, fortius pressi, & sic non solum ab arteria „ successive recessit, sed & in tribus locis ruptus, sanguinem coagulatum dimisit. „ Posterior vero sic: „ Post hæc, inquit, magis magisque totam cavita- „ tem a grumis, digitorum ope purgabat operator, ac denique quendam ( tumorem ) paulo firmius ad locum arteriæ adhærentem, & aliter conformatum, protrahebat, illi, quem *Domini Jensenes* in casu superius exposito offenderunt, valde „ similem, articulum digiti magnitudine æquante, „ sanguine congrumato pallidiorem, & quasi membranofum, inferius præterea sulco, arteriæ truncoco procul dubio respondente manifeste excavatum. „

Igiturne in nostra foemina, & in *Fouberti* ægris, in casibus clarissimorum *Hambergeri* & *Trevv*, hoc modo quo dixi, natum id corpusculum? An quod cum eodem nato nonnulli penitus curentur, alii curati ad tempus habiti, tamen posthac, tumente brachio, incisione indigeant; an, inquàm id ideo fiat, quod in illis ita corpus hoc cum Arteria coagmentatum est, ut vis pellentis per foramen Arteriæ san-

guinis nequeat illud ullibi, toto in ambitu, solvere; in his vero illud alicubi solvit, ita ut per rimas h. s. toto brachio longe lateque diffundatur? Videretur certe ex omnibus his observatis quid simile concludi oportere.

Ad III. problema, quod tremoris rationem poscebat, responsio difficilis mihi videtur. Expositum mox corpus, immediate, firmissime, & calli veluti ope cum arteriæ corpore coadunatum, utique motu arteriæ in Diastole ac Systole afficitur, sed cum obsequiosum præduritiæ non sit, fortassis ideo tantummodo tremit, non autem manifeste expanditur contrahiturque: Jamque novus sanguis assiduo ex arteria in hoc operculo repulsus, videtur quoque hinc tremorem augere. Binæ enim causæ continuo agitant hoc corpus superpositum, quod sua duritiæ non nisi levissime reagere, agique, possit.

### C A P U T III.

#### *De Tympanide & Hydrope cystico varia.*

§. I. *Examen Tympanitidis.* §. II. *Historia Hydropis Cystici, sive saccati, numerosis cadaverum sectionibus suffulta cum explicatione τῶν Εμπροτῶν Hippocratis* §. III. *Examen Doctrinæ secundæ Tomi Acad. Chir. Paris: circa amplum ventris dilatationem saccique, in hac specie Hydropis: eaque occasione cunctis emolumentis & necumentis hinc Methodi a Parisiensibus propositæ illinc Paracenteseos discussis; HAEC demum ILLI. quibusdam exceptis casibus, præferenda forte vide-*  
de-



detur. Simul eorum sententia de extirpando Ovario examinatur. §. IV *Quæstiones Pathologicae circa Hydropis originem & naturam.*

§. I. **P**Eculiari capite de *Tympanitide* egi Tom. II. Rat. Med. In præsentiarum nonnulla addere juvat, quæ ibidem dicta confirmet; huncque morbum, qui debitæ cognitionis defectu frequenter adesse dicitur, dum minime adest, ab omnibus aliis rite distinguant.

Puer necdum sextum ætatis annum integre explens, debilis, incedere necdum valens, a matre mihi sistitur. Narrat illa quo momento quondam huic suo infanti mammam præberet, se ex nuncio improvise nec opinatæ Mariti mortis vehementer fuisse perterritam; observasseque paulo post flavescentem infantem, ac postliminio indies macriorem reddi: ventrem ipsi quoque intumuisse, idque ea lege, ut nunc plus, nunc minus tumeret, nunquam vero integre detumesceret; jam vero a 30. diebus immanem excrevisse in molem, cum rara, duraque alvo; ita ut quintus denuo dies, ex quo eam non exonerasset, laberetur. Examinavimus tunc puerum. Facie excepta macerrimus, ventrem adeo tumentem gerebat, ut superius vix spatium pro Thorace relinqueret, inferius vero super femora propenderet. Haud æquabiliter tamen extendebatur, utpote eminentiis pluribus, iisdemque globosis & oblongis, inæqualis: parte nimirum dextra, eaque superiore, eminentior, inde depressior, in medio denuo elatus; mox inde iterum planior, in sinistra vero regione tum media, tum infirma vehementer extuberans. Percussus nihil undulationis, sed obscurum tympani sonum unde totus morbus nomen habet, referebat.

Quam verissime igitur *Boerhaave* post veteres docuerat *Inst. Med.* §. 817. ex lētero Tympanitidem facile nasci ! Bile intra sanguinem refusa , Intestinis deest necessarius , quo & agant & exonerent se , stimulus . Ergo expanduntur ; & perseverante , aut continuo repetente , eadem expansione , fibræ eorum demum fere paralyticæ fiunt , nec nisi duplicata vi respirationis , aut validiorum purgantium stimulo , commoventur ad evacuationem . Evacuata autem hæc Intestina vix concidunt , quum vi contractili amissa , mox aere extendantur , sæcibus dein tempore accumulatis immanius turgeant , atque ita , ad exonerandum sese vi indigeant validiore quam antea . Cum paralyseos hujus origo annosior esset , tristem prognosin dabat morbus . Cura tamen tentanda erat , eaque primum evacuando pallians , deinde roborando curans . Sed fero venimus . Eodem die satis cessit .

Inciso abdomine , tumoris causam videbamus nec aeri deberi , nec aquæ , verum unice expansis Intestinis crassis , & quemadmodum figura externa designaverat , hinc plus , illinc minus , dilatatis & impletis . Aëris porro immensa copia , multumque duarum sæcum , eadem explebant . Hocque jam tempore & multa , & profunde tincta , Bilis in vesicula fellea aderat , ut stimulare intestina potuisset ; sed dudum nata & inveterata paralytis , subito atque agente posthac stimulo , emendari nequivit .

Externa igitur , inæqualis ea , & tortuosa ventris facies sedem Tympanias ostenderat in Intestinis esse ; sed non in quibusnam propria esset ? Hic Anatome crassa Intestina , aliis in cadaveribus cum crassis & tenuia ostendit nobis inflata . Quin & præternaturalis crassorum decursus , & flexura , omnem genuinæ Morbi sedis determinationem a priore ut ajunt , negabat . Quippe in cadavere vidimus saccum



cæci vix pollices duos capientem, suo cum appendiculo, non sede consueta, sed aliena, versus medium abdomen, locari. Colon inde assurgens, mox amplissimum, ad Lienem vergebat, indeque retro versus umbilicum reflexum, & hinc iterum viam ad sinistrum Ileum petens, denuo oblique dextrosum, amplitudine stupenda assurgens, tandem sacci ingentis, potius quam intestini forma, ad anum descendebat.

Si jam vetebamur ab externa ventris forma locum proprie affectum vivente ægro determinare; nonne eandem ob causam idem in aliis abdominis morbis, ut puta in colica dicta, vetamur? Etenim pluribus in cadaveribus coli figuram minime naturalem deteximus: ita quidem ut in nonnullis ad Hepar affixum, mox vel ad umbilicum, vel ad imam pelvim descendat, indeque assurgens Lienem petat, postea autem cursum consuetum absolvat. In aliis iterum alio atque alio invenitur hæc forma tortuosa modo. Ita ut dolor versus umbilicum tenuibus inesse creditus, haud raro ipsum colon occupet. Et Experimentum capientes, inflando fortiter intestinum animalis, evidenter cernebamus illud & amplitudine & longitudine augeri, si determinato in spatio coarctabatur; nova in omnem modum, omnem in formam, volumina tunc producens. Qua etiam de causa toties in iis, qui calculo vesicæ perierant, & longissimos, & amplissimos, & maxime tortuosos, ureteres invenimus, & jam in prioribus descripsimus; eo quod urina, secreta renibus, intrare vesicam prohibeatur. Elongat quippe illa, ampliatque ureteres; & cum hi elongati nequeant amplius in longitudinem porrigi, coguntur hinc inde in latus secedere, formare volvulos, elongantes, vel lacerantes, quæ ipsos involverat, cellulositatem. Itaque protruso cum Peritonæo deinceps, in remotiore longe  
pla-

plaga, nova productione cellulosa vicinis affigunt se, ac si perpetuo ibidem hæssissent: quemadmodum plura nobis exhibuere cadavera.

Sed ut ad rem; Prospectus anatomicus hujus tympanitici confirmat eam, quam Tom. 2. cap. 5. ideam ejus dedi. Sedes mali est in ipso intestinorum cavo; materies, cum copiosis excrementis; Aër est. Si in cavo abdomine aqua inest, ea a cacochymia corporis universa producitur; si aër, ab eroso intestino. Causam remotam in hoc ægro, Bilis defectum cum *Boerhaavio* agnovimus, in aliis, iteratas Colicas, Ileumque, deteximus. Quippe in Colica clausa dicta, & Ileo, intestina materie chylosa, ac stercorea, tum & aëre copioso, amplificantur, & elongantur, ita ut figura, decursuque, mutantur. Repetitis his morbis tandem fit, ut licet homines posthac ab iisdem curentur, intestina tamen pristinam figuram nondum recuperent, atque ita causa prædisponens ad Tympaniam maneat. Si Intestinorum Nervis supersit nonnulla adhuc contractilitas; si etiam diæta talis sit, ut non ingerantur alimenta, quæ multum aëris factitii, aut *Gas Helmontii*, in ventre generent; si nec duri cibi assumantur, nec segnis sit alvus, Tympania non formabitur: sin vero ita perierit vis intestinorum contractilis ut plane sit iners; si continuo a prava diæta intestina distendantur, distentaque maneant; erit demum, ex proegumena, & procatarectica causa combinata, causa proxima nata, nempe ipsa Tympanitis. Ex iisdem simul intelligitur, quod si omnis aër, ac sæculenta materies, expulsa fuerit, Curatio tamen mali impossibilis sit, si Nervorum Mesentericorum ac Mesocolicorum paralysis sit irreparabilis. Causa enim procatarectica assiduo renascens, dat cum hac perseverante proegumena, semper novam causam proximam.



§. II. Atque hæc dixisse de Tympanitide sufficiant. Sequitur nunc consideratio morbi, qui multa sæpe habeat cum illa communia; Hydrops scilicet abdominis, ejusque potissimum quem *Cysticum*, sive *Saccatum*, adpellare solimus. Hic sane Hydrops inæqualitate notabili & miranda venris fere Tympaniam æmulatur; caretque ille fluctuatione aquarum in multis, ut hinc eo sit Tympaniæ similior. Attamen Resonantia non adest: unde hinc hic ab illa internosci potest. Sed si collectores casuum consulamus, cadunt casus rariores, ubi Tympanitidi Hydropus dicitur comitatus esse, aut saltem supervenisse: si id verum & multis in cystis ille Hydropus colligitur, poterit resonantia æris suffocari ab aqua utriculis contenta, atque ita tota morbi alioqui clara idea, penitus confundi. Anamnesis bona, & exacta utriusque morbi cognitio, poterit hanc confusionem utcumque emendare. Ut ergo utriusque morbi Diagnosin illustretur, juvat casus plures miserandos Hydropis recensere, & practice de eo differere.

Fœmina 30. annorum quartum infantem 21. Nov. 1758. feliciter enixa erat, sed tertio a partu die lecto imprudenter surgens, frigus suscepit: horrore inde atque ardore correpta, mox suppressa sibi lochia percepit, ventrisque deinceps tumorem, atque dolorem. Dolor quidem post aliquot dies remisit multum, tumor vero magna cum ventris gravitate perseveravit. Accessit me mense Aprili 1759. Quo quidem tempore cujuspiam liquidi fluctuationem tum nos percutiente ventrem manu evidenter deprehendebamus. Sed ut decursus morbi docebit, omnis posthac fluctuatio cessavit. Conquerabatur autem dum me primum accederet, molestissimam sibi mansisse dextro in inguine duritiem, quam pugno magnitudine parem deprehendere potui.

Diagnosin ergo evidenter docuit Uterum a suppressis lochiis inflammatum, suppuratumque fuisse;

ac forte ipsum, vel Tubam Falopii, vel Ovarium, pure tumidum, inguini accubuisse, accrevisse. Quam sententiam immobilitas tumoris, quodcumque in-  
latus se foemina verteret, confirmabat. Pronosis tum ex hac ipsa foemina tum ex multis aliis, quas habueramus, mulieribus, multiplex erat: vel puris intra sanguinem timenda resorptio, quo demum sanguis totus corrumpatur, ac serius ocyus foemina pereat: vel absorpti puris per alia viscera speranda excretio; unde perfectam consequi sanitatem notabilibus videram exemplis: vel etiam exitus puris in ipso accretionis loco per inguen praevidendus, cujus quoque exemplum habueram: vel denique, ut pus introrsum erumpens, in cavum ventrem effunderetur, omniaque ibidem viscera corrumpere.

Hunc ultimum eventum, quod frequens sit, quodque eum tam graphice *Hippocrates* descripserit, paulo attentius hic contemplemur. Ulcera demum hæc sunt, "Εμμοτα *Hipp.* adpellavit. Ita ut alia interna ulcera intelligenda sint, de quibus agit in *Aphor.* 47. sect. 5. "Ην ὁσέρη ἐν τῷ ἰσχύῳ ἐγκλειμένη, διαπύησι, ἀνάγκη ἐμμοτον γενέσθαι. Quod *Almeloveen*, post plerosque interpretes sic reddidit „ si uterus „ coxæ incumbens suppuratus fuerit necesse est medicamentum in linteo carpto applicari. Hoc sensu *Oedipo* opus est, qui explicet. Nemo ex omnibus Interpretibus rectius *Prospero Martiano* verum sensum *Hippocratis* reddidit. Videatur is *comm.* pag. 460. Ita ut vera Aphorismi interpretatio hæc sit: „ Si „ uterus suppuratus ad coxam vel ignem, accubuerit, necesse est cava ulcera interna fieri.

Ac primo quidem ipse uterus brevi a parru sanguine turgens, magnæque adhuc existens molis, si inflammatur ac suppuratur, mole adhuc crescit, fitque gravis ac facile alterutrum in latus cadit, &  
in.



inguini, ac versus coxam, accumbit, accrescitque. Tuba Fallopiana, ipsumque Ovarium, eadem de causa pure tumens, facile cum inguine, ac margine toto Musculi obliqui externi concrescit. Rebus sic se habentibus, periculum est, secundum & Hippocratis, & omnium observata, ne hic fiant Ἐμμοτὰ, ulcera cava interna. Hinc Hipp. Libr. de Nat. mul. cap. 6. pag. 684. apud Chart. Ἦν αἱ μήτραι ἄψωται, προσκεινται· καὶ ἡν ἄψη, ὀφεί σκληρὸν ἐπὶ τὸν νεφῶνα. καὶ ὀδύνη λαμβάνει τὴν νεύαιραν γαστέρα, καὶ σὰς ἐς χύας καὶ ἐς τὸ σκέλος ὀδύνη πίπτει, καὶ ἐκ τένειν ἢ δύνανται πολλάκις δὲ καὶ ἐκπύσκονται ἔμμοτοι γενομένοι, καὶ ῥέομεναι ἀποθνήσκουσιν ἢν μὴ καύσῃς ἢτάμῃς. „ Si adhæserint uteri, incumbunt. „ Et si attigeris, durum quid sub ilibus (sub laterum mollitudine, sub vacuitatibus abdominis) deprehendens; dolor imum ventrem prehendit, & ilia. & lumbos; & dolor in crus incidit, ut illud extendere nequeat. Sæpius vero uteri suppurantur, in ulcera cava, interna mutavi, & fluentes moriuntur, nisi locum vel ufferis, vel secueris; ut nimirum pus ad exteriora alliciat. Videte hæc omnia confirmata notabili Historia Maliensis Epid. 5. pag. 1149. Libr. de Artic. pag. 817. & 822. Edit. Fœs Deinde etiam Tom. VII. Chart. Hipp. pag. 684. 690. 740. 767 813. Sed legendus ubique græcus modo textus; nam versiones hic loci nihil valent. Vidi in cadavere puellæ, quæ clam pepererat, neglactaque fuerat, suppuratum uterum cum omento primo caluisse in dextro latere, omentum, hoc mire degenerans & incrassatum coivisse cum ligamento rotundo uteri, cum vasis nervisque cruralibus; ut longa patientia opus esset, antequam partes concretæ probe distinguerentur: fistulis, & ulceribus, massa tota penetrabatur.

Hisce

Hiscæ ita consideratis, casum nostræ mulieris intelligere “*Εμμορæ* quippe, ulcera cava, fistulosa, interna, ipsi aderant, unde pus cavum ventrem occupabat; cujus forte tantillum, a vasis bibulis resorptum, quotidie in Urina adparebat. Atamen solum pus non adesse, sed etiam magnam aquæ copiam, fluctuatio docebat; id quod inde natum facile intelligitur, quod vasis Lymphaticis & Uterus, & Tubæ, & Ovaria, undique scateant; quæ vicino pure erosa ventrem facile colluvie aquarum inundant. Suppurato utero plus simplici vice aquam cum pure in abdomine effusam vidi.

Vires ergo optime cum abessent, Paracentesi 24. Aprilis instituimus, eduximusque liquidi subviridescentis, turbidi inodori, Libr. 27. Venter videbatur jam integre evacuatus. Contringens ventrem machina post meridiem paululum laxanda fuit, cum Respiratio, mox ab operatione liberior, nunc impeditior fieret. Bene se post modum per omnia habuit; somno, viribus, appetitu. Eductus porro liquor, in 14. magnis vitris collectus, intra 8. horas cepit floccos oblongos, albosque, a superficie, deorsum versus formare, & seq. die pus in fundo exhibere. Liquor tenuior ad ignem coagulabatur. Servavi hanc suis in vasis materiam a 24. Apr. ad 5. Maji, & publico examini de nunc subjeci. Nullus aderat foetor, viridis, crassa, flocculenta esse perseverabat, ponens in fundo gelatinam spissam, nonnullis in vitris sanguine, pure in aliis, mistam, 9. Maji, 15. proinde die a paracentesi, phænomena omnia eadem manebant. Tenuior effusa pars colorem syrupi violarum minime mutavit, iterato licet sæpius experimento. Cum aceto non efferbuit. Spiritus nitri affusus nullam effervescentiam, sed insulam coagulatam, ad quamlibet portionem affusam, producebat. Portio vero alia in cochleari igni imposita,  
 mox



mox abivit in coagulum. Serum ergo, seu Lympha coagulabilis, eros vasis Lymphaticis, maximam partem, abdominis explevit, pus reliquam.

Ablatis tandem quæ abdomen per aliquot dies constringerant fasciis, Tumor in inguine dextro apparuit. & 18. Mj jam percipiebatur ab inguine sursum crescere, & versus medium abdomen pergere, tactu durus, plane immobilis. Simulque adeo tumidus venter, quam ante Paracentesin adparuisset. Augusti autem 10. durities toto fere abdomine, excepta regione iliaca sinistra, percepta est, supra umbilicum jam emiciens immobilis, inæqualis; sed nec fluctuans, nec resonans. Diuretica & purgantia mensibus Junio, Julio, Augusto, data, eo usque profuere, ut res domesticas suas, multorum liberorum mater sufficienter peragere posset. Septembri vero mense tumor totum ventrem medium, ad cordis scrobem usque implet, ibidem capite adulti hominis major, & in latere sinistro ad inguen usque porrectus; durus ubique, decem forte in locis globosior, & depressior; nec fluctuans, nec resonans.

Interim observamus, quod in primo Hydrope non fuit Musculos abdominales adeo molles ac flaccidos, ut supra enormes hos tumores prehendi pliarique possint. An igitur, a prima ventris extensione, musculi hi, totumque peritonæum, vim contractilem irreparabiliter amiserint, & in perfectam paralytin degenerarint? Plausibile hoc argumentum destruit sequens observatio. Tumores cysticos scemina quæpiam habere a quinque mensibus cœpit, prima vice vitæ suæ, ante id tempus perfecte sana; quæ tamen, tumidissimo cum ventre, flaccidissimos habebat Abdominis musculos. An ergo Nervi dorsales & lumbares ab internis tumoribus ita comprimerentur, ut Musculi abdominales hinc paralytici redderentur? Sed paralytis ejusmodi abesse nequit nisi

nisi simul & alias partes afficiat, quæ hic non afficiuntur. Ad modum hunc solvendum plures primo casus observandi erunt, pluresque cadaverum sectiones faciendæ; unde eum nunc in medio relinquam. Id modo addendum habeo, quod in utraque hac fœmina Umbilici regio arcte videatur cum cystico tumore connexa.

Gravem nunc ordimur quæstionem, qua petitur  
 1. An nostra mulier novam subire paracentesin debeat? 2. An dictis cum remediis sibi sit relinquenda? 3. An vero methodum minus palliantem, tutius curantem, qua illi succuri possit, possideamus?

Intricata quæstio responsum suspendit, quum illud totam, qua late patet, quæstionem, coram cerere debeat, cum omni ea varietate, quam varii casus ejusdemmet morbi exhibent. Igitur plures primo recensebo, ut responsio ad omnes adæquate adornetur.

Fœmina 50. ann. rite perpetuo, dolorem ad instantia catamenia si exceperis, valens, anno 1758. finiente Septembri, cecidit ab altitudine 12. pedum; ita quidem ut toto sinistro ventris latere impingeret in ligneum sepimen horti, deinde, gravitante corporis trunco, hinc in terram insiliret. Doluit inde venter, & dolore mitigato, duri quidquam habuit, sensim crescens, immobile, explens demum præcipuam ventris partem, doloremque medio in epigastrio creans. Altero mense post casum circiter elapso, fœmina terrore valido, ac mœrore de incarceratione marito afficiebatur, ex eoque tempore ventrem universum tumere sibi percepit, durum, quod antea, corpus ultra non animadvertens. Toto Aprilii 1759. vix horæ spatio somnum oculis videns, nihil appetens, & si forte quiquid appeteret, illud compresso ventriculo non admittens, ægerrime respirans, ad nostrum Nosocomium ducta est, in eoque successu.



scepta. Examine instituto, nullum deprehendimus durum in abdomine corpus, sed æquabilem distensionem, & manifestam aquæ fluctuationem. Parvus ipsi, & celer, & inæqualis pulsus.

Quærebatur num præsentis in periculo versanti mulieri instituenda Paracentesis foret? Remedia diuretica mox ipsi exhibens, inutilia profum vidi, & e contrario viris indies minui, omnemque fere respirationem suppressi. An ergo certo interitui relinquenda? Paracentesis hic damnari solet, meritoque condemnabatur olim, quando Ars in debitam abdominis compressionem nondum satis intenta, respirationem, effluentibus humoribus, suppressam cerneret, vitamque abeuntem in auras. Jam vero ars pro ratione effluentis Lymphæ arctans abdomen, ac vasa non sustentata tulciens, comprimensque, supplet functioni muscutorum abdominalium, qui jam otiantur; impeditque ne humores per vasa olim compressa, ægerime, jam ab aquis prementibus libera, impetuosius ruentes, haud sufficienter ferantur ad Encephalum. Quo igitur modo jam instituitur Paracentesis, licet parum nonnunquam juvenis, tamen vix unquam funesta, & sæpe vitam reddens ad tempus tolerabilem. præterenda certæ perniciæ videbatur: maxime ea si fieret cautione, ut aquæ haud plus una vice demeretur, quam viderentur vires commode ferre.

Itaque octiduo integro bene apud nos enutrita, ac viribus aucta, operationem subiit 9. Maji, & ingenti suo commodo 35. aquæ Libras emisit; ventre ita detumesciente, ut nihil Lymphæ superesse videretur; quantum nempe fasciato ventre deprehendi potuerat. Aqua Limpida, sed flava, erat, ad ignem coagulata, syrupum Violarum plane viridem reddens, cum aceto mista minime effervescebat, cum spiritu salis albescens, & in coagulum abe-

uns. Effectus habuit operatio omnes quos, a pal-  
liante cura expectare potueramus; respirationem sen-  
sim expeditiorem, appetitum redivivum, prudentis  
alimentorum ingestionis tolerantiam, doloris absen-  
tiam, copiosiores urinam, naturalem, liquidiores  
tamen, alvum, placidos, reficientesque somnos, de-  
mum auctas indies vires. Flatus modo molestos, ut  
prior illa, ut omnes quibus unquam Paracentesis  
institueramus, etiam & hæc est conquesta, idque  
jam mox ab operatione instituta. Opium hos flatus  
multum moderabatur. Quippe Intestina olim ab ac-  
cumbente aqua vehementer compressa, jam eadem e-  
ducta longe minus a constringente ventrem machina  
comprimuntur; adeoque ab alimentis, & ab aëre  
potissimum extenduntur; debilitata vix renituntur.  
Sanguis autem spiritusque in vasa nervosque com-  
modius influunt. Cum tamen Intestina aerem & ali-  
menta, præ debilitate sufficienter propellere nequeant,  
variis in plagis necessario extendantur, & in locis,  
ubi illa extensio non adest, spasmodice contrahantur,  
necesse est. Opium datum spasmos solvit, efficitque  
ut contenta hæc per universum intestinorum tractum  
æquabiliter distribuantur.

Attamen debuit ligatura, sensim jam laxata,  
18. Maji auferri, cum recrescentes aquæ respiratio-  
nem fere suffocarent. 21. Maji dimidiam partem,  
antiquæ molis venter jam erat adeptus. Et ipse tu-  
mor, quem illa ante hydropem perceperat; quem-  
que, Hydrope formato, nec ipse, nec nos, ullo  
modo deprehendere potueramus; laxata prius liga-  
tura, utcumque ablata eadem manifestus adparuit,  
superiora medii abdominis dextrumque ejus latus  
occupans; haud ita tamen deorsum vergens, ut Ute-  
rum, aut Ovarium affectum esse suspicareris. Im-  
mobilis plane idem, haud tamen peritonæo accre-  
tus; aqua ad digiti lati distantiam inter hoc & il-  
lum



lum manifesto, sæpiusque, deprehensa. Atque ita sensim increvit abdomen ad eandem, ad quam olim molem, imo ea majorem; cum iam ensiformis cartilago extrorsum a tumido corpore incurvaretur. Voluit tamen ad maritum, liberosque, redire, atque ibidem, me incio, mortua est: ut aperiundi, quod doleo, cadaveris facultatem non habuerim.

Vidua 48. annos nata, plurimum infantum mater, abdomine tumere cepit anno 1757. sed 25. Dec. ejusdem anni tota detumuit, enormi Lymphæ copia pleno rivo de pudendis profiliante. Unde Hydrops uteri fuisse videtur, qui sic sponte curatus. Attamen rursus tumuit, tantam demum in molem, ut hujus, quem vivimus, anni Majo mense finiente, distantia a scrobiculo cordis ad umbilicum 4. pedum esset, ab umbilico vero ad pudenda 3. pedum, Umbilicus in genu altitudine inveniebatur. Ut longitudo, ita monstrosa plane ventris amplitudo fuit. Unde nec ipsa movere sese, nec ultra fere a suo famulitio verti, attollique, posset. Consilio indicto Medicorum, & ego rogabar. Fluctuationem manifestam immensæ aquarum molis percipiebamus omnes. Quærebatur modo, qua illam methodo juvaremus. An medicamento evacuante? Sed & moles major erat, quam ut hinc sufficiens evacuatio speranda foret; & Medici hisce dudum oleum luserant operamque. Quin imo ab aliquot diebus respiratio suffocationis metum incutiebat, ut celeri auxilio opus esset. Num ergo paracentesis instituenda? certe permittebant eam ætas, viresque; suadebat suffocationis periculum; nec scirrhi forte præsentis suspicio dehortabatur, cum aquarum evacuationem palliantem, ut, ajunt, tantum intenderemus: eductis nimirum aquis homines suos scirrhos tolerabilius gerere, toties experti. Voce una ergo Paracentesi, qua unice imminens suffocatio averruncaretur, su-

simus, laudavimus. Sed vero in Paracentesi ligandus venter est, & pro ratione effluentis laticis constringendus. Qualis nam machina loris ac fibulis instructa, ad id apta erit? Et si apta nonne flaccido jam tantæ molis ventre, inepta erit, quæ sufficienter adducatur? Itaque unam communem ejusmodi machinam primo apponendam esse; & monstroso corpori aliam etiam monstrosam machinam, quæ illico parari posset, circumdandam esse, ea quidem intentione, ut si flaccido ventre, major machina, inepta, quæ sufficienter adduceretur, foret. minor supposita ventrem constringeret. Quod si commode liberaliorem aquæ educationem non ferret, parciori desistendum esse conclusum fuit.

Igitur in inferiore parte, eaque dextra, ventris, facta apertura, 37. aut 38. Libræ effluxere liquoris non foetidi, sed fusci, turbidi, amurcam, plane referentis. Substitit tunc fluxus omnis. Percipiebaturque cannula in corpus durum impingere. Penetrandumne per illud esset? Negabatur: ignorabamus enim an id non foret quodpiam scirrhosum viscus, quod pertusione malignum fieret. Sed quid si saccus durus, ac semiscirrhusus ingentem liquidi seu boni, seu corrupti, copiam contineret? Nonne pertusus evacuaretur? Evacuaretur quidem, sed primum in abdominis cavum; remotus enim ille a peritonæo erat, cum inter hoc & illum tot Libræ amurcarum jam effluxissent. Ponamus ergo sacco pertuoso liquorem effluere putidum, iehorosum, saniosum, cancrum: nonne ille, alluens ad intestina, ceteraque viscera abdominis, corrumpere eadem, morteque, quam procrastinare animus erat, acceleraret? Sed contra: Instrumento trisulco in saccum adacto, an cannula non clauderet foramen; ita ut, quemadmodum ex externo abdomine liquor copiosus cannula efflu-



efflaxisset, ita etiam ex sacco efflueret? Ita; sed considerabamus, amurcam quæ effluerat intuiti, improbabile non esse, quo spissus si quem durum hoc corpus gereret, amurcosusque humor foret, per canulam minime profiliturus, & eadem ideo extracta, in cavum ventrem effluxurus. Saltem maturius super hoc deliberandum esse, & jam corpus refocillandum, ac quieti tradendum fore. Levamen ab operatione nullum percepit, nisi 12. postea horis; jam, inquebat, me bene habeo, simulque expirabat. Mole cadaver vix imminutum, terribili mephiti totas explevit ædes: ita ut veniam ejus aperiendi  $2\frac{1}{2}$  a morte diebus nacti, re infecta aufugerimus, ne curiositatis poenâ, ut olim egregius *Anatomicus Cantius*, infantes lueremus.

Homo 49. ann. Hydrope ascite, ac simul anasarca laborans, in Nosocomio dicto *Becken häusel*, mense Octobri 1758. ab optimo ibidem Payſio *Störck*, vino squillitico curabatur, ut suos denuo labores perficere posset: superstitite tamen tumore duro, immobili, in Epigastrio. Curando illi varia quidem moliebatur Medicus, sed æger, victus proliis quæritandi desiderio actus, curam sui neglexit. Unde, de novo eundem in morbum relapsus, idem repetiit Nosocomium. Cum jam incassum quævis remedia adhibita essent, Paracentesis instituta est, & centum aquæ turbidæ, ac rubræ, libras eduxit,

Evacuato ventre, qui olim in Epigastrio perceptus tumor is jam longe extensior deprehendebatur. Dabantur selcta remedia, sed incassum. Crevit enim ita Hydrops, ut ex cæto a prima Paracentesi mense, altera instituèretur, ne suffocaretur, similemque & natura, & copia, materiem educeret. Id quod deinceps quovis mense septies repetitum. Post septimam Paracentesin videbatur 14. diebus bel-

le se habere, postquam terum, immane quantum intumuerit. Virium projectio, appetitus prostratio, febres, ac sudores, octavam dissuadebant: sed veritus homo, ne aut venter sibi finderetur, aut respiratio plane deficeret, octavam voluit subire: eductisque iterum 100. propemodum aquæ Libris, multum levaminis percepisse sibi visus est. Attamen colabescentibus pedetentim viribus undecimo ab illinc die periit.

Cadaver exhibuit omentum in pelvim usque propendens mutatum in crassum atque membranaceum Marsupium anteriore facie peritonæo, posteriore hinc inde intestinis accretum. Nulla in cavo abdominis aqua, in sacco vero Omenti copiosissima, rubraque eadem, & foetida. Ipse porro sacculus ille crassus, steatomatosum tumorem gerebat, massæ informis, 33. Libras medicas pondere æquantem. Nonnihil aquæ & Thorax habebat. Similem fere casum *Horstius* habet, Op. Med. Lib. 2. Tom. 2. obs. 4.

In eodem Nosocomio foemina circiter quadragenaria, enorme gerens, mole aquarum, atque ob eam fere suffocata, amisit paracentesi 60. circiter Libr. medicas aquæ subrubellæ ac glutinosæ. Sublevabatur inde. Sed quod antea nunquam experta erat, jam in pectoris sinistrum latus, citra intentatas suffocationis minas, ultra decumbere non potuit. Signa præsentis forte hydropis pectoris ejus paracentesi postulassent, ni & ipsa eandem formidasset, & vires dissuassent exiguæ. Porro a Ventris paracentesi primis 14. diebus venter haud multum crevit, sed duos modo in toto Epigastrio tumores exhibuit: elapsis vero hisce diebus tumor ventris universi denuo crevit, viresque ita projectæ sunt, ut ægra bimestri posthac spatio elapsa interiret.

In cadavere plurima aqua explebat abdomen, Hepar omnino scirrhosum, ac sinistro lobo suo far-



riminis instar productum, splenique accretum. Ovarium dextrum, ut publica demonstratione Auditoribus exhibui, in duo magna, eademque rotunda, fere, corpora formatum, puriformi materia plena. Cavum dextrum Thoracis admodum Hydropicum.

§. III. His variis historiis relatis ad quæstionem paulo ante pag. 82. propositam; utrum nempe Paracentesis nostra in fœmina sit repetenda, an vero Ars nostra aliquid possideat, quo vel constantius solamen, vel integram conferat sanitatem? ad hanc, inquam, quæstionem responsum nunc adornare convenit.

Si Tomum alterum Acad. Chir. Reg. Par. consulamus, viderentur efficaciora iis, quæ nos adhibuimus, auxilia modernis innotuisse Chirurgis, ac pulcris confirmata exemplis fuisse. Referunt hæc *Acta VII.* historias Hydropis, ut ajunt faccati, nec non scirrhusi Ovarii. Habetur deinde erudita Epicrisis clari in arte chirurgica *Morandi*, qua impense laudat chirurgorum conamina, qui Paracentesi minime contenti, Abdomen lata plaga vulnerarent, faccique tum membranosi, tum etiam jam scirrhusi facti, in quo inclusum liquidum, integra hoc modo evacuationem, collapsum, consumptionem, efficere annisi essent; imo qui in posterum scirrhusum ovarium, quod cystici hydropis frequens sedes, veluti castrando essent exempturi. Tandemque finiens in hæc verba erumpit, „ La Chirurgie moderne est capable de „ grandes entreprises; on ne sauroit lui ouvrir trop „ de vûes pour guerir.

Sane si omnes faccati Hydropes in ovario essent, iidemque perpetuo, lateque, peritonæo accreti; vel si essent inter Peritonæum & musculos abdominales; si præterea ipsi facci membranosi tantummodo, non vero crassissimi & valde scirrhusi essent; si denique in eodem homine faccus duntaxat

ubicus, & non, ut sæp. fit, multiplices essent; laudaremus cum *Morando* hæc molimina: sed haud videmur certi semper esse de parte aff. et, de natura affectionis, de numero loculorum, qui humores includunt. Si enim propriam meam experiēti m. mente recogito; si ingentem illam observationem, sylvam apud Collectores casuum revolve; si denique ipsa Academiæ chirurgicæ exempla ex mino: jure videor dubitare an cura ibidem commendata sæpius non frustranea, imo & periculosa foret? Unde juvat accurate rem totam examinare.

1. Sacci hi peritonæum inter, musculosque abdominales, repriuntur. Ita inisdem Actis casus Chirurgi *le Dran*, n. 1. ille domini *Mouton* n. 3. & Domini *la Chaud* n. 4. Quod enim ultimus saccum inter Peritonæi duplicaturam formatum dixerit, id inquit, *Morandus*, ex veterum opinione, postmodum correctâ, proficiscitur: unde idem sic concludit: „Cen'est pas la première fois qu'on a tenu „ ce langage; mais les Anatomistes ne l'admettent point: & je crois que cette Hydropisie pretenüe entre les deux Lames du Peritoine, n'est „ autre que celle, de l'espèce rapportée par Mr. „ *Mouton* nempe inter Abdominis musculos & peritonæum. Eratque eadem de sede hujus Hydropis sententia magni *Ruischii* Obs. anat. chir. n. 45. Videantur hic *Douglas* & *Winslow* de Peritonæo.

2. Saccati Hydropes. fl. etiam nonnunquam in abdomine, nullibi accreti. Ipse *Morandus* talem communicavit cum *Acad. Reg. Sc. Par.* ann. 1718. Cujus sacci particula, in ipsa paracentesi lacerati, clauderat cannulam, extr. etque cannula, vulnere prodibat, & ad duas ulnas extrahebatur, postquam demum abundantissima aqua effluxit. Addit oblongas has lacinias laceratam membranam vere retulisse. Attamen aquas, cito renatas, alteram, & tertiam



tiam paracentesi, unius mensis spatio singulis interposito, postulasse. am vero in *Act. Acad Chir.* addit in ejusd m hominis denati cada ere det xlii sc. hujus sacci reliquias, libere in abdomine, nulla facta adhæsiione, hærentes.

3. Tumores hydropici in corporibus reperire est, qui Peritonæo non accreti, imo ab eodem remoti sunt, & suo nihilominus loco fixi, immobilesque, Fœmina in Nosocomio nostro, cujus Historia pag. 82. relata, gerebat tumorem maximum, durissimum, ad digiti lati distantiam a Peritonæo remotum; ut interposita aqua manifesto docebat. Tumida ejusmodi corpora, a peritonæo multum remota, variis visceribus, seu radicibus intæerere, sequentia probabunt.

4. Nonnumquam sacci Hydropici, tumoresve purulenti, sciatomatosi, scirrhosi, a scirrhoso Hepate, Liene, Mesenterio, Omento, Utero, Ovario &c. proficiscuntur, tenuiore, ampliore, pedunculo indpenduli; iidemque aut libere fluctuant s., aut lapsu temporis demum tum vicinis partibus, tum peritonæo, affixi.

A. Ita inveni in Septuagenaria Ovarium stupendæ molis, totum fere abdomen explens; aqua, ichore, pure, infarctum, undique liberum; simulque veram præterea Ascitem.

B. M. supialis figuræ ingens Omentum, siccum Hydrops cum tectit ipsum, tota facie anteriore cum Peritonæo posteriore multis in locis cum intestinis connatum, in Viro. cujus historia habetur pag. 93.

C. Tumores universi abdomini, inæquales, compositi ex meris Hydatidibus, integrum ventrem replentibus, exundantibusque, in saccis quamplurimis Lympham continentibus, *Ruischio* comparebant *Obs. anat. ch. n. 46.*

D. Hy-

D. Hydrops abdominis datur cum tumentissimo, & inæquali Hepate, in Hydatidas toto converso. *Ruisch. ibid. n. 45. Et iterum n. 65. ubi pertusio ejus letalis fuit.*

E. Venter in Hydropico inæqualis, inventus a morte fuit pluribus, iisdem mole prægrandibus, in Mesenterio deberi tumoribus. *Blanckart Cent. 2. n. 30.*

F. Idem n. 25. detexit, præter casum *Ruischii* ad Lit. C. simul veram Asciten. Hæc ipsa fœmina initio ab Hydrope curata videbatur remanente durtie lapidea in abdomine; recrevit postea malum

G. Geminum ventris tumorem Virgo gerens, falso creditur ab obstetricibus paritura gemellos, moritur. Mesenterium exhibet duo ingentia steatomata, quorum alterum pus, ac saniem, in cavum ventrem effuderat, ipsum uterum eroserat. *Tulp. Lib. 2. n. 33.*

H. In Mesenterio Tumor reperitur 20. Libr. pondere, extrinsecus membranaceus. intus hydatibus refertus; sed præterea & Hydatides aderant Ascitin facientes. *id. ibid. n. 34.*

I. Tumor Pancreatis ac Mesenterii  $10\frac{1}{2}$  Libras ponderans, invenitur cum enormi Ascite *Blanck. Cent 1. n. 37.*

5. Ipse uterus immane quantum aquis possit extendi! Fluctuationis perceptionem percusso abdomine exhibet, mentiturque Asciten. *Blanckart. Cent. 2. n. 29.* Uterus hic continebat ichoris, ac materiæ oleaginosæ, 85. Libras mercatorias.

6. Ventriculus in Hydropici cadavere invenitur sedes esse Hydropis, ulnæ magnitudinem habens, peritonæo firmiter accretus: ita ut sectio, quæ puncto abdomine aquæ 90. Libras eduxerat, reperiretur eam ex cavo eduxisse ventriculo, *Idem Cent. 1. n. 84.*

7. Hy-



7. Hydatidas multas in cavo abdominis extendi posse, in punctis contactum mutuo inter se agglutinari, alia sui parte cum peritonæo coalescere, in cadavere Quinquagenariæ inveni: ita quidem ut claros apud Haganos *Velfius*, egoque, pertundentes Abdomen, inveniremas forte 20. & plura conceptacula aquæ, singula mediam, integram nonnulla Libram aquæ continentia, concreta tum inter se in punctis contactum, tum cum peritonæo. Ovarium sinistrum caput infantis recens nati referebat; dextrum, biennis: Hydatibus utrumque cinctum.

8. Actis *Edimburg.* part. 2. n. 30. refertur mira prorsum historia juvenis hydropici, ei, quæ pag. 82. ex Nosocomio nostro recenscebatur, similima, ortu, progressu, figura, symptomatibus. Paracentesi 12, Libris viridescentis Lymphæ eductis, æger postridie moriebatur. Triplici causæ hic fuit ventris adscribenda moles. Primo Asciti. Secundo Hydropi Lienis, qui supernumerariam tunicam a Peritonæo, qua parte Diaphragma succingit, accipiens, inter hanc, & propriam suam tunicam, aquæ limpidæ, inodoræ, non coagulabilis, sed admodum muriaticæ, sex Libras continebat. Tertio immani Vesiculæ felleæ amplitudini, quæ in concentricos loculos, singulos bilem continentes, divisa, octo libras bilis spissioris gerebat. Porro neque vesica fellea, neque lien, deprehendebantur peritonæo con-nati.

9. Datur ventris tumor enormis, durus, æqualis, in corpore summe cachectico, ubi omnis suspicio enormis hydropis saccati adest, maxime cum abdomen totum expleat, excepta infima hypogastrica regione; ubi tamen monitrosa abdominis moles unice debebatur sanissimis, & citra notatum Anatomicis exemplum, mole immanis, Hepati & Lien;

ut

ut 2. jan. 1759. publice demonstravi in cadavere adolescentis 14. annorum, spina ventosa, omnes dorsi ac lumborum vertebrae, etiam os sacrum, exedente, enecti.

Sufficiunt, ni fallor, hæc, tam clavis descripta Autoribus, quam observata nobis, exempla, ut varietas pateat causæ, sedis, phænomenon, in Hydrope abdominis. Quærebatur modo num certius, tutiusque, adplicatis hucusque, auxilium nosset Ars nostra, ad curandum hunc morbum?

Intentio expertorum *Acad. Gall.* Ghirurgorum ea demum est, ut in Hydrope faccato foramine Paracenteseos non contenti, idem insigniter dilatent, latamque aperturam diutissime apertam servant; ut haud modo is, qui in sacco cavo est, effluat humor, sed etiam ille qui posthac aliunde, in eundem influit. Quippe saccum, foramine paracenteseos clauso, a vasis in illum hiantibus denuo impleri, idque citius quam prius, tertia citius, quam altera vice, & sic porro: lata vero apertura facta, quod in saccum de integro perpluat, transudetve, exstillare id foras: sacci latera, haud extensa amplius, concidere, corrugari, condensari: hinc exhalantia in illum vasa sensim arctari minui, deleri, in fibras fere abire: hac lege demum tam parum in sacco colligi debere, ut totum facile apertura effluat, & saccus concidat totus. Id vero totum quo rite fiat, Artificem oportere maturius advocari, quam ut ingens jam factus sit saccus. Opus hoc facilius promoveri continuis injectionibus, v.g. Decocti hordei, mellis &c. Imo eo pervenerunt, ut statuant quamprimum percepto Ovarii Scirrhi. & nondum prodigioso sacco inde producto, Ovarii ipsius extirpationem indicari: quod illibata vita, illibata sanitate. effici posse quibusdam allatis testimoniis statuminare fatagunt. Finemque demum his omnibus *Morandus*  
im-



imponit exclamatione superius citata . . , Eſſe ita cum  
 „ Moderna Chirurgia comparatum magna tentare ut  
 „ auſit : nimium fore nunquam, qui ipſi proponatur,  
 „ curandi ſcopum .

Nequeo non laudare, ſummisq; celebrare en-  
 comiis, qui artem promovere noſtram genereſe an-  
 nitantur. Plurimis enim adminiculis jam gaudemus,  
 quæ difficilia, imo quæ impoſſibilia ætas remotior  
 crediderit. Industria humana nullis addicta hypo-  
 theſibus, ſolis innixa obſervationibus, Artis noſtræ  
 pomeria indies extendit, eorumque, qui id perfe-  
 cerint, nomen æternum cluet. Hinc cum reliquis  
 publicis Actis quibus numeroſæ Eruditorum Sodali-  
 tates, ut cæteris artes, ita & noſtram, perpoliant,  
 illuſtrent, extendant, hæc chirurgiæ *Parifinæ* Acta  
 per omne ævum clarebunt. Sed antequam egregia hæc  
 conamina, quæ Theoria formavit, unum quoque al-  
 terumve experimentum ſuggeſſit, ſtabilem praxeos  
 legem forment, perpendendæ primum erunt quæ in  
 eadem exſequenda occurrant, difficultates.

Primum itaque, ut a Caſtratione exordiar, ſi  
 eam in avibus, pecudibusque, homines inſtituant,  
 non inde datur ad caſtrandas mulieres argumentum.  
 Nam primo in brutis nihil periclitamur ſi inde pe-  
 reant, ut quædam inde perire certum eſt; in homi-  
 ne homicidium, ſi inde periret, foret. Secundo,  
 non habemus, qui affirmant, ſcriptores, inter huma-  
 nas femellas inculpate id tentatum eſſe. Videtur e-  
 quidem a *Morando* autoritas *F. Plateri*, ac *Diemer-  
 broeckii* laudari; verum, ut mihi ſaltem videtur,  
 minus convenienter. *Plateri* locus eſt *Libr. 1. Obſ.  
 pag. 261. 262.* Totum quod dixit, meræ ſpeculatio-  
 nis eſt: imo quo ſermone ad finem utitur, eo aper-  
 te teſtatur & ſine vitæ periculo aliquo inſtitui non  
 poſſe, & nondum ſe legiſſe quod a quopiam id ten-  
 tatum fuerit. Et quid hic *Diemerbroeckii* autoritas?

Di-

Diserte condemnat ille *Plateri* speculationem, statuitque citra summum vitæ discrimen, & citra summum Christianorum dedecus, id nunquam posse fieri, *Anat. Lib. 1. cap. 24.* Igitur haud oportuisset, ut mihi videtur, hos binos laudare autores, qui nihil minus, quam quod egregius Vir velit, statuerint. Quod *Hesychius*, & *Athenæus*, & *Alexander ab Alexandro*, de barbararum Gentium nefando, aliumque in scopum intento, ausu meminerint, etiam nullius esse ponderis mihi adparet. Quid enim nobis, cum gentibus effecis qui mancipiorum vitæ se arbitros crederent? Et si *Franckenau* casu semel viderit in vivis mansisse foeminam, cui in vulnerato abdomine simul ovarium periret, quid inde ad praxin? Si per momentum supponeremus sani ovarii excisionem nefandam salva vita fieri nonnunquam posse an ideo concludemus Ovarii degenerascentis, vasaque diametri ingentis habentis, excisionem etiam sine periculo fieri? Id mox patebit.

Sed secundo dico & rationi adversari. 1. Scirrhum Ovarium est, quod integrum excindere est animus. Scirrhum porro Ovarium & ego, & mecum plures, multoties in cadaveribus deteximus undiquaque connatum, scirrhisque annexum productionibus. Ut periculum ingens tunc esset, ne vel Tuba Fallopii, vel Fimbria ejus, imo ne vel ipsa læderentur intestina, aliæve nobiles, quibuscum connatum sit, partes. 2. Scirrhusa pars, ut mole crescit, ita & vasorum diametro: abscindendo igitur Ovarium, poterit Chirurgus hæmorrhagiam, cui sedandæ impar sit, producere; modo v. g. spermatica arteria ad suum, in Ovarium, ingressum, diametro multum amplificata sit. 3. Non semper ovarium est, quod durum extensumque in laterali Hypogastrio detegimus, verum aliquando tuba degerans, ipseque uterus, ut pag. 74. advertimus ex *Hippocrate*.



74. Ipsa vulneris consideratio in corpore Cachectico ; ut passim hæ mulieres id habent, quod hic latum esse oportet, hanc operationem condemnare videtur, ratione eorum, quæ sub ipsa, postque ipsam, generalis vulnerum historia docet. Consultum igitur mihi videtur, hanc Operationem haud ita promovere, ne forte temerarii nonnulli chirurgi eadem in humanam perniciem abutantur.

Jam ipsam sacci hydropici dilatationem examinemus.

1. Sacci hi habentur tantæ sæpe molis, ut integrum ferme expleant abdomen, cohæreantque cum Peritonæo, & Visceribus abdominalibus. Apertura, igitur lata, diuque servata aperta, poterit sacci quidem minuire profunditatem, vix vero ejus aut latitudinem, aut altitudinem. Ergo vasa liquorem in cavum saccum instillantia vix contrahentur; & quia prementis liquoris resistentia ablata est, copiosius jam fundent humores suos: quæ ratio primaria est cur etiam post Paracentesin Hydrops longe citius quam antea recrescat. Etenim incipiente primum Hydrope, vasa in initio minima sunt, parumque transmittunt. Extendente se sacco, amplificantur & vasa illius. Quandiu magna est resistentia a liquidis sacco contentis, vasa lente, quanvis sensim jam amplificata novum liquidum stillant, adeoque primum Hydropem lente producant. Dum vero distentissimus saccus, humoribus evacuatis nullam in sua cavitate resistentiam habet, vasa amplissima vacuata, aliunde valide implentur, & intra mensem forte plus liquidi suum in saccum effundunt, quam triennii olim spatio. Igitur in dato hic casu corpus totum extenuetur oportet, derivatione humorum undique facta in cavum saccum. Sed & aër, vulneribus adeo perniciosus, latissima superficie vulnus, totumque hunc saccum alluens, idque in Cacochymico corpore, putredinem brevi inducere potest.

2. Sac.

2. Sacci hi & a me & a clavis, quos citavi Ant. ribus, & a plurimis aliis, aliquando inveniuntur digitum, duosve digitos crassi: ita ut licet humor lato vulnere affiduo effluat, iidem tamen contrahere se nequeant. Unde vaf. in saccum se evacuantia, si jam intus nullam resistantiam offendant, copiam certe longe majorem aqua dabunt, cum diametro aucta maneant.

3. Iidem sacci sæpius reperiuntur postica facie cohære cum Intestinis. In his hominibus sensim ac lente comprimuntur Intestina, & tam em difficulter & cum dolore exonerant sese. Hinc male habent. Ubi vero fecus evacuatus est, iidemque durus ac crassus est. Intestina illi nonnullis in plagis connata, vehementer dolere atque inflammari possunt, cum aquis sublatis minus pressa, liberius agant, moveantque sese, connata sacco duro tamen. Et hinc forte pro parte dolores illi, ac spasmi, quos primo a paracentesi tempore conqueri homines solent.

4. Neque crassæ duntaxat substantiæ nonnunquam hi sacci sunt, verum etiam ingentibus obsita scirrhis; ut iidem illi quibuscum nunc agitur, fatentur auctores. Scirrhi hi; præsentē aqua sustinebantur, folciebantur: jam vero iisdem elapsis, saccoque concidente, se mutuo fricant, dirosque minitantur Cancros.

Oggeret forsitan quispiam tum hanc, tum n. 3. allatam difficultatem, æque in paracentesi obtinere, quam in dilatato vulnere sacci; adeoque si ratiocinium hoc quid valeret, etiam paracentesin ultra intuituendam non esse. Sed huic respondeo primo, Paracentesin in his desperatis casibus modo institui, ut certa alioqui perniciēs procrastinetur. Secundo subitum aquarum a Paracentesi reditum hunc motum, hunc impedire affricum. Unde nullius vis hæc objectio est.



5. In ipsa hac dilatatione, quæ ad 3. 4. 5. digitos lata sæpe fieri debeat, oportebit sæpe ipsos transcendere saccos. Præterquam quod scirrhus sic vehementer irritetur, vasa sanguinea in scirrho magna, nec duris in his massis facultate se retrahendi gaudentia, hæmorrhagiam letalem producere potuerunt; quemadmodum Scirrhi & Cancri Mammæarum toties ostendunt. Video equidem sapientem *Morandum* n. 8. testari: Il m'est arrivé le plusieurs  
 „ fois de porter le Trois-quarts dans ces masses  
 „ ( Skirreuses ) il en sortoit du sang; je reportois  
 „ le Trois quarts en d'autres points, l'eau sortit,  
 „ & il ne résultoit de la fausse ponction d'autre  
 „ accident, que la douleur passagere d'une piquu-  
 „ re. „ Verum primo, lata sectione longe plures  
 arteriæ perscinduntur, quam in punctura *Morandi*.  
 Secundo, ipsa scirrhi natura docet ejusmodi punctu-  
 ram haud semper impune patrari. Tertio in relatio-  
 ne hujus Autoris non notatur eas, quibus punctura  
 talis inutilis facta esset, ad sanitatem rediisse.

6. Sæpius tumores reperire est in Mesenterio, in Hepate, in Ovario, in saccis ab ovario, aliisque visceribus productis; qui ut exempla allata docuere, peritonæo nullibi accreti sunt. Ita in binis nostris in Nosocomio sæminis, hydropico maxime abdomine nullus tumor percipiebatur, quia tumorem inter peritonæumque moles aquarum. Vacuo autem abdomine, & maxime recrescere cœpit aquis, digiti aut pollicis distantia interesse clara deprehendebatur. Si hoc in casu lata plaga abdomen, saccumque perscindam, effluent quidem ex utroque aquæ, ichor sanies, pus, quodcumque demum in eodem continetur; sed ex sacco simul aliquid in cavum ventrem effluet, ubi ille evacuatus fuerit; & quandiu illa lata apertura patebit, semper plus in cavitatem peritonæi stillabit, quam extra illud, cum nulla hic

adhæſio ſit. Porro ſi aqua pura exſtillat, erit Hydrops perpetuus ventris; ſi liquor putridus, brevi abdominis ac pelvis viſcera peſſundabuntur, mortemque accelerabunt.

7. Nonne latum hoc abdominis vulnus inutile videtur; imo noxium, in Caſibus n. 4. Lit. G. & I. n. 5. 6. 7. 8.?

8. Quid jam ſupra innui, ſi quis velit vulnus 3. 5. 6. & ultra, digitos latum abdomenque penetrans, ſemper omni prorſum periculo carere; eique hoc per momentum concedamus; haud tamen illi concedemus Vulnus tantum, in Corpore cacochymico & cachectico, ut ejuſmodi homines paſſim ſunt, vacare periculo. Vulnere in ſanis periculo vacua, ſolent haud raro in morboſis periculum inferre; ut toties in Relationibus ad Judices Medici ac Chirur-gi teſtantur.

Has utique nunc enarratas difficultates lubens fateor me hucusque impediviſſe, quo minus optimorum Virorum *Acad. Reg. Par.* tum amplexus ſententiam fuerim, tum exſecutus: certiora prius obſervata, numeroſioraque experimenta, in ſubſequentibus *Acad. Tomis*, antequam imitari auſim, expectaturus.

Paracenteſin interim præfero hucusque, quia in ſaccato Hyrdope vitam alioqui ſuffocandam protrahit, & intolerabiles minuit anxietates. Si pluribus utriculis liquor contineatur, vix juvabit; ſed neque tunc utilis incidendi methodus erit. Si Scirrhi adſunt viſcerum, neutra methodo curabuntur, ſed educ-tio aquarum per paracenteſin Scirrhis minus nocebit, quam incidendi methodus, ut ad n. 4. oſtendi. Si vero unus alterve caſus extat, in quo Paracenteſin mors brevi ſequatur, ut erat monſtroſus ille hydrops pag. 93. oportet hoſce desperatos cæteroqui exiſtimare, ita ut etiam citra Paracenteſin mors ſubſecuta fuiſſet.



set. Porro agitur hic tantum de Paracentesi in cystico hydrope instituenda; si enim vera ascites est, eaque recens, & corpus cæterum bene habet, paracentesis simul & semel Hydrozem non raro curat integre.

Est nihilominus, ubi Natura ipsa exceptionem faciat & abdominis latam aperturam indicet. Aug. 22. nos foemina accessit, quæ 5. Junii pepererat. Hæc a dextro umbilici latere dolorem tempore graviditatis perceperat, a partu vero tuberculum; quod sensim crescens tandem in tumorem durum abiit, qui plusquam 5. pollices utraque diametro referebat, eo dolentior, quo mole majorem. Utrumvis in latus illa decumbebat, hic tumor plane immobilis erat, peritonæo proximus, & verosimiliter eidem accretus. Mensibus a partu carebat. Apposui emolliens atque discutiens cataplasma, remediaque solventia interna præscripsi; attentus in eventum, quem tumor hic dolens, nullam febrem comitem habens, esset habiturus. 29. Aug. dolor, tumor, rubor, externo jam abdomine observabantur; quare emolliens, & maturans cataplasma adhibitum est. Postera die, copioso pure fluctuante, apertura lanceola facta est; exivit puris dimidia libra, ut & die sequenti, reliquis quidem diebus minus, quo tempore deligabatur vulnus, sed continuo tamen hucusque pure locus totus madet. Injections cum aqua hordei & melle bis die fiunt, & aperturam, sat latam, diutissime apertam servare animus est. Tumor minuitur, totusque emollescit. Dolor vix observatur. Stylus ductilis reperit saccum undique clausum, sed sensibilissimum. Hic nunc casus est, Natura monstrante viam in quo *Parisina* Methodus juxta perpetuas Naturæ leges usui veniat; alias ineluctabilibus difficultatibus ut mihi saltem videtur, plena.

§. IV. Superfunt quædam Problemata solvenda.

I. Quid causæ, quod facta Paracentesi sæpe longe

citius renascatur Hydrops, quam primum natus esset? Respondi jam pag. 118. ad hanc quætionem. Ponamus Hydropem cyllicum primum nasci in parva cujusquam visceris Hyatide. Lente admodum Membrana continens a mole minima in majorem extenditur, ut semianno, biennio, quatriennio decennio, & quod plus est, indigeat, antequam verum referat Asciten. Facta jam paracentesi Membrana maxima, intus cava, Lymphaticis osculis pertusa mil-lenis, mox denuo repleatur necesse est; cum nulla intus resistentia sit, & in inania spatia humores undique veluti attrahantur.

II. Undenam Hydropici aquam nonnunquam citissime colligunt? Ita ut a Paracentesi elapso vix octiduo nonnulli 50. Libras aquæ recolligant, interea temporis vix potantes? Idque ad singulas paracenteses? Cur in relatis Historiis vix poti hominibus, singulo mense 100. Libras paracentesi evacuarint?

Cum neque ore liquor corpus intraverit, neque ipso corpore suppeditari potuerit, necesse est ipso in aëre causam quæri. Adverterat sua in Chemia Clarissimus Boerhaave aëra, etiam siccum, aqua saturum esse, inde corpora humescere, & si apta, quæ veluti attrahant, corpora inveniat, aquam inhibi deponere suam. Ita Cap. de Theoria Aëris. explicans quomodo uncia una salis tartari siccissimi tandem uncias quatuor olei tartari per deliquium, aëri tantummodo exposita, exhibeat; credit 1. hoc fieri vi, ut dictum est, attractrice inter aquam aëris & alcalinum salem. Vel 2. ex eo quod in loco quieto, clauso, subterraneo, ubi hoc experimentum fiebat, aër perpetuo moveatur, & sic suam aquam, successive ad salem adplicet. Vel 3. ex eo, quod quæ partes ita moveantur per aëream molem, ut jam in hac, jam in alia parte spatii aërei sint, atque



que ita tandem omnes concurrant cum illo sale, qui intra hunc aëra est positus. Addit demum: „ Verum credibile est omni de genere Experimentorum, quod omnes illæ causæ simul concurrant ad eundem effectum producendum. Ne quis autem credat experimentum in humido subterraneo aëre modo succedere, haud vero in siccissimo, addidit *Boerhaave* experimenta siccissimo hyemali aëre facta, quibus evicit etiam ultra tertiam ponderis salis accrevisse spatio 14. dierum.

Quæ cum ita se habeant credibile admodum Hydropicis corporibus latentem dispositionem inesse, qua aëris aquam continuo imbibant. Et si intra paucos dies ex siccissimo sale tartari nascatur oleum tartari per deliquium, idest, si sal tartari ex aqua aëristribus quartis partibus pondere intra paucos dies crescat; haud ita mirabimur hominem 150. Librarum paucos intra dies, Libris 50. & pluribus graviolem fieri, & nova paracentesi totidem aquæ Libris emittere, licet toto eo tempore vix liquidi quidquam hauserit. An sacci hydropici post paracentesin Vacuitas in omnibus aquam aëris attrahat, & sic una cum data antea causa hydropem renovet actutum? Intelligitur hinc humida Atmosphæra, humidis ædibus, Hydropem in Prædispositis nasci facilius, renascique.

III. An credendum cum doctissimo *Bianchi* quod Bilis defectus causa Hydropis sit, aut ejusdem saltem effectus? Ita nempe egregius vir scribit *Hist. Hep. pag. 147.* „ Pallida igitur occurrit ordinario „ ad Cyti in suam Bilis in Delicatulis, in Chlorosi, „ pallidior in Cachexia, fluxibosque Cæliacis, palli- „ diffima & fere absque ulla flavedinis tinctura, „ ac tantum non aquea in Hydrope, aliisque mor- „ bis diuturnis, in quibus sensim deperierit emica- „ tio in sanguine: in hisce interdum affectionibus „ albescens observatur, & candida; ut vidit *Diemer-*

„*broeck*„. Quantum ad bilem insipidam„. In *Ca-*  
 „*cheeticis*, ait p. 170. præcipue mulieribus, aliisque  
 „lente ægrotantibus, delinquentem hoc ritu bilem  
 „ordinario videmus.

Antequam respondeam, examinandus est cui ex *Diemerbroeckio* hic laudatur textus. Est ex ejus *Anatome*, ubi de bile agit. Invenit bilem *Vesicæ* post diuturnum *Hydropem* candidam, & utcumque viscidam. Hucusque res convenit cum observatis *Cl. Bianchi*: sequitur vero aliquid quod non convenit; nam ex *Ductu Choledochi*, & ex *Poro Biliario*, *Bilem flavam* versus intestinum fluentem vidit.

Ergo 1. *Diemerbroeckii* experimentum in *Hydropico* factum id quidem confirmat, quod de *Cystica* bile *Bianchi* retert, non vero demonstrat idem, quoad *Hepaticam* bilem: Bilis vere flava *Hepate*, secreta, ad intestina fluxit. Potuisset hic homo ictericus fieri, sine ulla vel minima flavæ bilis guttula in *Vesicula*.

2. Hoc ipso experimento intelligitur hominem, & ictericotatum posse fieri, & simul flava reddere alvi excrementa. Si enim ponamus hominem sanum quacumque causa obstructione in ductu cystico nata reddi ictericum, bilis flava ex poro hepatico ad duodenum fluens tingere excrementa debet.

3. Hoc eodem experimento conclusimus in ictero, dum albæ faeces sunt, vel nullam bilem fecerni hepate, & vesicula, vel obstructionem esse in *Ductu communi*, aut ad *Duodenum*.

4. Itidem inde apparet *Hepaticam* bilem in *Cystim* non influere, ut communiter creditur, sed totam in *Duodenum* abire. Neque suspicio hic haberi potest angustioris forte cystici ductus; cum Autor dicat miratum se illius amplitudinem fuisse. Unde recte judicat *Cysticam* bilem peculiari fabrica tunice internæ *Vesiculæ* generari, stagnatione perfici;  
 de-



defectu tamen ejus flavam bilem Intestina subire, excrementaque tingere posse. Certe si pulcherrima *Liberkubniana* Præparata, Microscopiis inserta, quæ Ill. *Baro van Swieten* Academiæ nostræ dono dedit, attente contemplemur, convincimur mirabilem hujus tunicæ structuram magnis usibus necessario destinatam esse. Unde cum eodem Ill. Viro, *Cap. de Hepat.* fatemur, quod „artificio summo, & penitus peculiari reptatu, arteriæ numerosissimæ decurrunt, „per membranas vesicæ felleæ, uti injectiones anatomicæ docuerunt; unde admodum verosimile videtur peculiarem adeo vasorum apparatus servire hic singularis liquidi præparationi & secretioni.

Hæc nunc de *Diemerbroeckii* testimonio in quantum firmet, & non firmet *Cl. Bianchi* sententiam.

Probatur etiam *Ruischii* observatione, n°. 87. invenientis in cadavere Hydropici Hepar induratum, vesicam felleam sextuplo majorem naturali, sed aquosa plenam, insipidaque Lympha; in ductu vero *Gholodocho* calculum ciceris majoris magnitudine, omnino obturantem hunc meatum.

Convenit etiam *Bianchi* sententia cum nonnullis meis observatis.

Anno 1744. Junii 30. cum doctissimo *Velfe* bimestris instantis cadaver lustrans, vesiculam felleam, inveni turgidam valde, sed humore plane aquoso plenam, gustu amaritiem vix ullam referente. Post hydropem pectoris, acidum terribile, copiosamque pituitam vitream, perierat infans.

21. Dec. 1758. idem in Nosocomio publice demonstravi in cadavere Hydropici, cujus Hepar granulofum totum. Ter ergo, pluresque adstantium, aquosum vesiculæ liquorem gustantes, ne minimum quidem percepimus amarorem. Nec pellucidus insipidusque modo liquor, sed gelati instar tremulus

fuit, & cohærens. Porro ejus igni in Cochleari expō-  
 sita nihil coagulabatur, sed avolabat in auras, tenui  
 pellicula relieta. portio alia syrupum violarum viri-  
 dem fecit.

Igitur plures casus dantur quæ idem, quod  
*Bianchi* voluit, posuitque, confirment; at vero sæpe  
 contrarium obtinet. Dedita opera rem examinans  
 bilem flavam, amaram, pluries in Hydropicorum  
 cadaveribus inveni, demonstravi. In Tympanitico  
 pueri, cujus morbum a defectu bilis pag. 64. dedu-  
 xi, demonstravi tamen bilem vesicæ flavam, ama-  
 ram, postea recrevisse ipso cachectico ejus statu.  
 Et in *Diemerbroeckii* enarrato casu, licet cystica bi-  
 lis pallida esset, aderat tamen hepatica flava. Equi-  
 dem Anonymus autor in *Act. Edimb. Tom. i. Diss.*  
 33. statuit Hepaticam Bilem blandum humorem esse,  
 qui parvam biliosarum particularum copiam modo  
 haberet: ita quidem, ut dubitet num, a bile hep-  
 atica retropressa, tum profunda flavedo, tum pene-  
 trantissima amarities, tum quævis alia, quæ subito  
 in Ictero adparent, symptomata, proficisci queant?  
 Attamen plus simplici vice bilem pori hepatici de-  
 monstravi flavam admodum, gustuque perquam a-  
 maram: licet cysticæ flavedine, amaroreque, ceden-  
 tem. Quis noverit an, bile cystica pallida, non  
 frequentior contingat *Diemerbroeckii* observatio? Sal-  
 tem meam ejus examinandæ negligentiam in posterum  
 emendabo.



## C A P U T IV.

*De Coxario Morbo.*

§. I. *Varia de Coxarum morbis . Cur nati hi exter-  
nis de causis dubiam haud raro Diagnosin habent ;  
imo cur eodem in morbo iuste data Diagnosin post-  
modum falsa reperitur . Insignis morbi varietas de-  
monstratur exemplis .* §. II. *Nec certior sæpe , con-  
stantiorque , ejus Natura adparet , dum internis  
solis , vel mistis simul internis externisque de cau-  
sis proficiscitur .* §. III. *Notabilis casus juvenis  
jæminæ id demonstrans .* §. IV. *Examen quæstionis  
num Coxendice affecta , tumida , præsentem testata  
materiem , ampla apertura facienda sit ; Negatur  
in genere , & in specie .* §. V. *Examen Doctrinæ  
Hippocratis de Coxarii morbi natura , eventu , cu-  
ra ; eaque occasione multorum eius textuum exposi-  
tio .* §. VI. *Curatio sequentibus Hippocraticum ævis  
celebrata , enarratur , discutitur .* §. VII. *Ratio  
cur Articulo Coxæ affectio multi non curentur ; Imo  
cur plures inde percant ; Phthisis ischiadica .* §. VIII. *Laus Corticis peruviani cum Lactea diæta , despera-  
tis aliquando in rebus vitam , sanitatemque , resti-  
tuentis conservantis .*

§. I. **P**ermultæ sese obtulerunt in Nosocomio oc-  
casiones Coxarum morbos cognoscendi qua-  
rum rationem jam dedi in singulis Tomis *Rat. Med.*  
Cum vero frequens admodum morbus sit , novas  
Observationes addam , quibus latens sæpe obscurus-  
que

que morbus clariorem sui Diagnosin postmodum præbere, tutiusque curari possit.

Multum sæpe & acriter utrinque disputari solet, quando femur post casum laborat, sitne os femoris luxatum tantummodo, an fractum? Et si fractum, utrum ad Epiphysin, an in cervice? Vel an in Luxatione frangatur Ligamentum teres, an vero possit sufficienter extendi, ut os aberrans sequatur? &c. Non est hujus loci ea enarrare quæ *Petit*, *La Motte*, *Heyster*, alique, ad varios hos defectus internoscendos pulcra scripserint. Tractatum Chirurgicum non scribo, sed casus medico-chirurgos in Nosocomio, & alibi, mihi observatos dentaxat communico. Hinc dixisse sufficiat vario admodum modo hæc se habere: ita ut 1. Cervix frangatur, ossis capite in acetabulo manente. 2. ut frangatur Epiphysis, & ab osse solvatur; maxime in junioribus: non tamen ita semper. 3. ut os femoris integrum luxetur, fracto ligamento tereti. 4. ut illud luxetur, hoc elongato, sed integro. 5. ut ipsum caput ossis cum acetabulo morbose uniatur, & perfecta fiat, eaque immedicabilis, Anchylosis.

In puero decenni, robusto, luxationem introrsum, deorsum, factam, perfectissime restituvimus; sed quo nobis curæ integritas patesceret, diuturno eum tempore in Nosocomio servavimus. Licet forte rariore casu ligamentum fractum uniri cenuo, elongatis utrinque fibris ligamentosis, possit, probabilius tamen est huic puero luxationem integro osse, integroque sed elongato, ligamento tereti, contigisse, eum debitus, ac constans articulo motus tam cito adfuerit.

Puer sex cum dimidio annorum sub ludibundo pedum exercitio dolorem percepit ad coxam dextram, cui brevi post tumor accessit. Trium aut forte quatuor mensium spatio hæc ita perseverarunt, absque  
qua-



eo, quod crus longis, breviusque, adparuerit. Deinde vero ad duos circiter digitos latos brevius redditum est. Vix septem mensibus ab origine morbi elapsis, diarrhæa, febre, convulsione, periit. In cadavere vidimus caput ossis femoris ad crepidinem superiorem acetabuli locatum. Ligamentum teres omnino desiderabatur. Tumida admodum glandula in cavo acetabuli, ut caput ossis femoris intra illud excipi ultra non posset. Mira igitur contorsio, & inde nata inflammatio primum adfuisse videtur cum subsequente degeneratione *Haversiani* smegmatis, cum erosione atque consumptione tum ligamenti teretis, tum ligamenti dicti ad teretem accessorii, ex cavo acetabulo enati. [vide *Schwencke* Obs. de Lg. c. os. fem. connectente interno, ad finem *Hist. Sang.*] Unde demum caput ossis femoris ex Cotula tradi ceptum, crus sensim brevius redditum, & integra, sed extensa adhuc Capsula idem caput ossis ad superiorem cavi acetabulo marginem applicatum.

Similem historiam in Nosocomio vidimus puellæ 16. annorum, quæ quatuor annis dolorum in coxa prægressis, utroque cum crure æquali, tandem incœpit crus brevius habere, ita ut nunc ad tres digitos latos altero brevius sit.

Meritissimo ergo jure egregius *Petit*, postquam semel hinc deceptus fuisset, scripsit *part. 1. morb. oss. cap. 12.* integram luxationem natam se invenisse. ubi bimestri ante spatio signa evidentissima articuli duntaxat læsi, haud vero luxati, affuissent. Videtur eodem præcise modo id *Petito* contigisse, quo nobis nostris in casibus visum fuit.

Sed & aliud in Nosocomio observavimus. Puer duodecennis, a teneris claudicans, alio morbo mortuus, exhibuit nobis caput ossis femoris suo cum acetabulo firmissime unitum; ita ut videatur a c. su, aliave violenta causa, semel nata contusio, inflam-

matio, suppuratio, erosisse tam caput ossis, quam cavum acetabulum: unde demum effectum, ut ambo hæc in unum corpus penitissime coaluerint. Genus igitur peculiare claudicationis, ab Anchylosi ortum, quale quid etiam *Petito*, ad finem mox laudati capitis, contigit. Simul aderat ossis Ischii versus interiora degeneratio; multum enim ibi eminebat in loco acetabuli.

Concludimus ergo in affectionibus ossis femoris, & articuli coxæ a causis externis ortis, Diagnosin sæpe plurimum difficultatis, incertitudinisque habere; tum & inconstantem eandem ideo esse, quod lapsu temporis affectionum harum tota natura mutetur.

§. II. Verum non minorem ambiguitatem sæpe infert hujus Articuli affectio, quam vel causæ mere internæ, vel internæ cum externis combinatæ, produxerint. Mala nempe plurima hunc articulum occupant. Levior contusio, quæ forte sine accedentibus internis causis non nocuisset; Communis inflammatio; Diathesis arthritica, rheumatica, scorbutica, venerea; Metastases denique, morbos varios, terribiliosque, circa hunc locum frequenter generant. Multa exempla dedi *Rat. Med. part. 1. cap. 7. pag. 129. part. 2. cap. 2. pag. 9. & ibid. cap. 8. pag. 131. Et part. 3. toto capite 5.* Hisce novam observationem adjungam, totum morbum dein dogmatice tractaturus.

§. III. Puella 14. annos nata, spatio 7. septimanarum laborans febre intermittente, aut continua remittente (id enim ex ejus enarratione ambiguum manet) emetico tandem dato, febre liberatur; toto interea corpore intumescens, & pellucidis, ad superos inferosque artus, vesiculis plena. Quibus citra aperturam evanidis, mansit tumidissima. Diureticis tamen & purgantibus inde ita curabatur, ut do-

me-



mellicos repetere quidem labores posset, sed tamen cum difficultate, ac lassitudine perpetua, utque tetteretur bona valetudine nunquam deinceps se usam fuisse. Transegit sic triennium. Postquam tumorem observare coepit ad externum latus femoris dextri, digiti circiter longitudine a crista ossis Ilei, versus os factum, & sesqui digiti longitudine exinde deorsum versus, supra Glutæum magnum. Dimissus sibi tumor sex integris mensibus, cataplasmate dein fectus, emollitur, sponte aperitur, funditque puris serique multum, trimestri spatio; tandem adperso ignoto sibi pulvere coaluit: sic tamen, ut perpetuo doluerit locus, ipsaque postliminio in eundem incumbere non potuerit.

Catamenia ipsi, 17. annum ætatis agenti, observari coepta, continuarunt quidem, sed & parce, & quovis alterno, tertiove mense, tantum.

Notandum porro est quod, ante tumorem primo perceptum, iratus Pater, magna vi, grave magnumque ligni frustum in illam, ab eo fugientem projece-rit, femurque dextrum percusserit, contuderitque. Quod equidem utrum immediate ante perceptum dolentis loci tumorem, an dudum antea, contigerit, haud bene meminit. Ita ut dubium supersit, sitne tumor ex relicta Cacochymia natus, an contusione? Alteram forte causam altera promovit.

Annos 19. nata, novum percepit antiquo loco dolorem, qui ignoto emplastro adposito ruptus, similem, ut olim, materiem dedit. Novembri mense 1758. ann. 20. attingens, tumorem deprehendit in medio postico femore sibi nasci, findi, purisque copiam magnam ad medium Decembrim usque effundere.

Anno 1759. Jan. 5. primum me convenit, exhibens ulcera duo; unum loco superiore antea descripto, alterum in medio postico femore. In hoc sty-  
lus

Ius ultra pollicis geometrici profunditatem fere perpendiculariter intrabat; in illud, pollicis medii. Os utriusque angustissimum, ut vix stylum admitteret: decursus totus fistulosum in profundioribus ulcus testabatur. Vagæ febres aderant.

Diagnosis incerta. Probabile erat Cacochymiam antiquam, contusione externa ad femur determinatam, tumorem produxisse; vel si tumor dudum præ-existisset, eum contusione auctum fuisse. Quid autem proprie, quæ ratione, læsum hic esset, signa non indicabant. Attamen cum omnibus suis ærumnis recta adhuc incedebat.

Ut Diagnosis incerta, ita ambigua prognosis. Ut enim Tomis hujus operis anterioribus demonstratum est, dum ad profunda Coxæ, Femorisque, ejusmodi dolores, ac tumores, dudum hælerunt, interiora, passim destructa sunt, aut vehementer saltem læsa, antequam materies prorumpat foras. Ex quo id contingere ibidem constitit, ut Arte postmodum aperturam faciente, aër accedat, & homo pereat. Attamen rem se non tam desperate habere semper imo consequi salutem posse, etiamsi interna jam pro parte erosa essent, felicia quædam exempla *Rat. Med. Part. 3. pag. 5.* enarrata demonstraverant.

§. IV. Indicatio in hujusmodi calamitatibus parvam facere aperturam jubet: *aperturam* quidem, ut materies interiora pessumdans foras alliciatur, expurgarique locus possit; *parvam* vero, quia aër multum accedens, citiore corruptione accelerare mortem solet. Unde aperturæ hæ & raro, & caute deligandæ sunt; hic porro cum parvam aperturam Natura fecisset, de alia facienda, eademve dilatanda, cogitandum non erat.

An tamen latior apertura, arte facta, non præstitisset, præ fistulis hisce binis, quæ sponte natæ tantillum modo de mali scaturigine auferrent?

Neu



Neutiquam . Primo repetita toties experientia nos , aliosque , nocumenta latioris aperturæ sæpe docuerat . Secundo styli sensim profundior , atque ad os demum fere penetrans ingressus , vetabat certe omnia hic perciudere ; Vaginam femoris , Glutæum maximum , Bicipitis Cruris caput longum , sub eoque Nervum Ischiadicum , tum Arteriam venamque insignes , quæ ex magno trunco Arteriæ ac Venæ Cruralium mox antè , in inguinibus . oriuntur , deinde ad posteriora femoris penetrant ; tandem & Semitendinosum . Præterquam quod Vasa insignia ex Cruralibus sese per Adductores magnos femorum , penetrantes , supraque eosdem decurrentes , hic lædi possent . Anno 1756. Vexillifer in Nosocomio , suppurato femore , & crure , indigebat ad medium femur posticum apertura . Ramus autem adeo notabilis ibi decurrebat , ut sistendæ hæmorrhagiæ vix pares essemus . Metus igitur Hæmorrhagiæ , Convulsionis . Claudicationis , dilatare hic late profundeque , omnino vetuit .

§. V. Quid ergo in ejusmodi malis , ubi a causis sive internis , sive externis , coxa , viciniaque ejus , efficiuntur , agendum ?

Lex nosocomii nostri immutabilis est Medicinam Hippocraticam facere , *Hippocratem* in omnibus , maxime autem in difficilioribus , consulere , consultum sequi ; nisi posteriora observata , quod tamen rarius , illum jam correxerint , & emendarint . Erat igitur denuo specimen juventuti Medicæ dandum , quo caperet , qua lege *Hippocratis* mentem investigare , vestigia premere , deberent .

Occurrebat 1. Aphorismus 31. sect. 4. Τοῖσι νεώτεσις ἐν τοῖσι πυρετοῖσι ,, Lassatis per se-  
,, bres abscessus maxime sunt ad articulos & cir-  
,, ca maxillas ,, . Quotidiana quippe observata do-  
cent

cent his, qui a morbo rebrili, aut acuto, haud rite judicantur, lassitudines manere, sensumque gravitatis; a materia, quæ vel admodum morbosa, vel saltem a sanitate aliena in corpore oberrat, cum reliquis circumfertur humoribus, & per multa vasa, minima penetrare se nequit. Hæc ipsa materies, quanvis nonnunquam febres, sive inflammatorias, sive hæcticas, letalesque, producat, sæpe tamen ad Parotidas, Coxasve, aut ad alias partes, metastatice deferitur. Incertum porro, quandiu hæc sit oberratura in corpore materies, antequam ad loca certa deponat sese. Incertum etiam an non eos affectura sit locos, qui affecti, vel partium quæ afficiuntur, vel totius corporis, inferant perniciem. Posse nonnunquam diu humoribus mistam manere, cumque iisdem circumduci, & experientia pluries in Nosocomio docuit. & peculiariter de Metastasi ad Coxam observasse *Celsus* videtur *Lib. 4. Cap. 22. de Coxarum Morbis*: „ Eoque id genus, inquit, difficillime „ curatur, quod fere post longos morbos vi pesti- „ fera huc se inclinat: quod ut alias partes liberat, „ sic hanc ipsam quoque affectamprehendit.

Attamen in hac incertitudine *Hippocrates* indefatigata sua observandi industria eo pervenerat, ut præsciret an non brevi tempore oberrans hæc materia ad certo determinatam partem adpelleret? *Aph. 32. S. Et. 4.* „ Quibus ex morbo resurgentibus alii „ quid dolet, ibi abscessus fiunt „. Materies quippe ad certam corporis regionem deferri cœpta, quæque per minima ibidem vasa se penetret inepta, extendit eadem, nervos subjectos, interpositosque premit; hinc tunc perceptio doloris. Porro dolor ille, descripto rerum in statu, innuit hujus impulsione primordia poni, adeoque futurum monet ibidem abscessum.

Imo



Imo in his lassitudinibus post febres relictis, locum ipsum prædefinire, etiam ante natos dolores, audebat *Hippocrates*, Aphor. 33. Sect. 4. Sed etiam, si quid doluerit ante morbum, ibi se figit morbus. Etenim si homini pars quæpiam ante morbum doluerat, bona Crisi ea quoque sanescebat: Crisi vero imperfecta prægressa, timendum nunc erat, ne hæterogenea materies, lassitudines post febres efficiens, eum peteret locum, qui ex antiquiore dolore jam obstructus, hincque debilitatus, crassiori morbosæ materiæ transitum necessario denegaret.

Sic, Epid. 7. Sect. 7. apud *Foës.* pag. 1139. morbos circa brumam ortos describens, Tussis nimirum, Peripneumoniam, Anginas variæ speciei, & Paraplexias, Anginæ autem, inquit, Paraplectica, mala, aut dura & sicca erant, aut parva, & raro maturum educebant. Nonnullis vero etiam multum educebatur. Qui ergo plus voce mala habebant, aut rigore corripiebantur, iis tussis in Anginas potissimum desinebant. Qui vero manu ægre habebant, manibus tantum resoluti fuerunt. Qui autem equitabant, aut plurimum viæ confecerunt, ἢ ἄλλοι τοῖσι σκέρεσι ταλαιπώρησ' αὐτεσ, τέτεος ἢ ἐσὸσφῦν, ἢ σκέλεα, ἀκрасίαι παραπληγικαί, aut alioqui cruribus male habuerunt, iis Lumborum, aut Crurum impotentia ex resolutione obortæ sunt, & ad femora tibiasque lassitudo ac dolor.

Epid. 4. pag. 1132. Apemanti foreris filius, tumida præcordia, & Lienem habuit. Crebra spiratio erat, alvi egestio glutinosa, & biliosa, quibusdam excrementis permixtis. Καπιώδης ἐξ ἔργων, cum ex opere defatigatus esset, 20. die abscessus in pedes decubuit, idque ex judicatione, qua delassatis ejusmodi, non ad oculum verbi gratia, sed ad articulos, abscessus decumbat.

Idem observaverat in alijs generis metastasibus.

v. g. iis, quæ, post immanem tussim cessantem; partes paralyticas redderent, Epid. 4. pag. 1138.  
 „ In tussientibus iis quidem, qui manibus labora-  
 „ bant ( male habebant ) velat *puero*, qui sarmentis  
 „ contorquebat, & *Amynthæ* filio, ubi utriusque  
 „ solius dextra resolutio contigisset, cessabat  
 „ tussis: postquam enim tussiverat, hac affecti sunt.  
 „ Qui vero aut equitarunt, aut pedibus iter fecerunt,  
 „ in Lumbis & Femoribus eam senserunt.

Itaque secundum *Hippocratem* Juvenculæ nostræ ideo ad Coxam materies decubuit, quod suo in famulatu pedibus, una cum toto corpore delassatis, multum uteretur; quodque etiam contusio ad eundem locum contigisset. Atque hæc de Hippocratica Diagnosi ac Prognosi: examinanda jam ejus curatio est.

Epid. 4. pag. 1127. „ *Moscho* nono die largus ex  
 „ nare sinistra, paucus autem ex dextra, sanguis  
 „ effluxit. In 14. diem, prout debebat, judicatio ab  
 „ initio commovebatur. 17. die errata in ciborium  
 „ ratione contingebant. 19. noctu natum est ad aurem  
 „ dextrum tuberculum parvum, intus durum,  
 „ foris paulum mole, dolorem inferens, nec remittens.  
 „ Purgatione rejecta sunt admodum biliosa,  
 „ purulenta, sepiæ atramento maxime similia. Neque  
 „ fecus, ac is, cui admota cucurbitula, cum dolor ad  
 „ Coxendicem esset, in crus descendit, allevatus est.

Nimirum *Moschus* acuto morbo communi laborabat, quem dies 14. pro parte judicaturus videbatur, atque dies 17. integre forte judicasset, nisi Diætæ errores hanc Naturæ intentionem & conatum interturbassent. Hinc die 19. forte finiente, aut 20. inchoante, Metastasis pene aurem contingebat; haud tamen cum totius morbosæ massæ eo versus determinatione, siquidem constet ejusdemmet portionem intestina petivisse. Attamen *Hippocrates* curam hujus

Me-



Metastaseos eodem modo perfecit, quo ejus, qui metastasin patiebatur ad Coxam; nempe Cucurbitulis.

Et pag. 1128. „ Qui ex figulino equo decedit,  
 „ cui nec illico admota est cucurbita. ἐκάλυθῃ ἔσω,  
 „ intus ustus est, ac die 20. malum recrudit: san-  
 „ guinis profluvia, feculenta, & erodentia, pro-  
 „ dierunt.

Epid. 5. pag. 1143. „ In Oeniadis Eupolemus  
 „ Coxendicis & Inguinis dolore conflict. batur, ut &  
 „ in toto loco propinquo Coxæ juncturæ, ab ingui-  
 „ ne, & anteriore coxendicis parte. Huic sanguis  
 „ ex malleolo detractus est, admodum multis, ni-  
 „ gerque idem, & crassus: epoto autem medicamen-  
 „ to alvum deorsum purgante, multum purgatus  
 „ est, & melius quidem ei aliqua ex parte fuit.  
 „ Dolores vero non cessabant, sed tum Coxendicem,  
 „ tum illius juncturam, tum Cochonam, [Cochona  
 „ est illa pars tota superioris femoris anterior, po-  
 „ steriorque, quæ est a crista Ilei & Pube, usque ad  
 „ extremum Tuber ossis Ischii, cui insidemus. Vid.  
 „ Goræum in Def. & Foef. in Oecon.], tum etiam  
 „ inguinis loca, suppuratio occupabat, ibique dolor  
 „ erat intensior. Pus autem os, potius quam car-  
 „ nem, pervadebat, & aliquandiu sic se habere igno-  
 „ rabatur, donec admodum debilis extiterit.

„ Tandem Crustis valde multis, iisque magnis  
 „ ac densis, inustus est, pusque multum & cras-  
 „ sum effluxit, ac paucis post diebus interiit; tum  
 „ ex ulcerum magnitudine & multitudine, tum ex  
 „ corporis debilitate. Hic videbatur sanari potuisse,  
 „ si unica ampla sectione sectus fuisset, & si per  
 „ eam sectionem pus effluxisset: aut si altera se-  
 „ ctione opus fuisset, amplam eam facere: & hæc  
 „ omnia ἐν τῇ ὥρῃ, idoneo suo tempore, instituere  
 „ oportuisset.

„ *Lyconi* in *Oeniadis* in reliquis quidem eadem  
 „ contigere, dolores tamen ad crus non admodum  
 „ pervadebant, neque purulentus exitit, verum sa-  
 „ nus longo intervallo. Medicamenta autem ebibe-  
 „ bat ( *Φάρμακα*, medicamenta purgantia ) & cu-  
 „ curbitulas admovebat, sanguis mittebatur, atque  
 „ interea melius habere videbatur.

„ *Larissæ Scamander* Coxendicem syæratam ha-  
 „ buit, *ἰσχίον ἐσφακέλισε*, coxendicem sphacelatum  
 „ habuit, & os diu disparatum. Hic post magnam  
 „ sectionem, etiam usque ad os ipsum factam, de-  
 „ nique inustus est, ac tam 12. post sectionem die  
 „ convulsio cœpit, ac magis detinuit. Convulsione  
 „ autem tentabatur crus ipsum ad latera usque, quæ  
 „ alteram etiam partem perveniebat. Crus autem  
 „ contrahebatur & extendebatur, cæteraque mem-  
 „ bra movebat, & maxillæ riquerunt. Hic octavo  
 „ post convulsioneis insultum die convulsione periit.  
 „ Utriculis vero concalefactis, ex orobis, ervis, ad  
 „ curationem totum corpus fovebatur, & ab ene-  
 „ mate paucum sterqus tandem prodiit. Medicamen-  
 „ tum sinceram bilem affatim deturbans, *Φαρμακον*  
 „ *κατακορὲς*, bibit, & repetivit. Ac secessit quidem  
 „ alvus, nihil autem opis inde tulit. Somnus par-  
 „ vus venit. Rursusque epoto sub vesperam valido  
 „ medicamento, sinceram bilem affatim deturbante,  
 „ sub ortum solis mortuus est. *Ἔδοκει δὲ ἂν πλείονα*  
 „ *χρόνον διενεγκεῖν, εἰ μὴ κατα τῷ φαρμάκῳ τὴν*  
 „ *ἰσχυὴν*. Videbatur autem longiore tempore mor-  
 „ bum laturus fuisse, nisi propter violentiam remedii  
 „ periisset.

§. VI. Ex his cunctis liquet summam horum  
 malorum curam *Priscis* in eo positam fuisse, ut in-  
 ternis externisque auxiliis materiem a coxa revel-  
 lerent. Ac primo quidem sectio & ustio frequenter  
 adhi-



adhibebantur, spemque curæ ipsis semper magnam videntur fecisse . Ita ut quemadmodum pag. 156. animadvertebamus, mortem *Eupolemi* adscripserit *Hippocrates* debitæ, ac tempestivæ, simulque profundæ sectioni, neglectæ . Itidem legimus pag. 1151. Edit. *Foëf.* *Hippocratem Cyrenii*, & *Hecasonis* mortem, tardius factæ inuisioni adscripsisse . Imo utrumque, hoc extremum remedium simul adhibitum fuisse docuit *Scamandri* mox data historia . Sectionem unam, latam, amplam, quandoque pluribus parvis prætulisse magnum virum, casus *Eupolemi* manifestat . Sed simul partibus iam sphacelatis hanc methodum non profuisse, nimia jam facta internorum destructione, antequam malum foras se verteret, *Scamandri*, aliorumque exempla, luculenter demonstrant .

Sectiones itidem hæ, atque inuisiones, leguntur quidem ad os usque factæ, at in sphacelo tantum, ubi vel nihil, vel profundissime secandum esset, & ubi mors cæteroqui certissima instaret . Cæterum amplæ ac late, haud vero nimis profundæ, instituebantur, & a subsequentium sæculorum Medicis institutæ leguntur .

Hinc *Celsus Lib. 4. cap. 22.* inuisionem duntaxat superficialiariam commendare videtur : „ Ultimū „ est, inquit, [ & in uteri morbis quoque efficacissimū ] tribus aut quatuor locis super Coxam Cutem cendentibus ferramenti exulcerare .

Equidem legitur *Hippocrates Lib. de int. aff. cap. 53.* apud *Chart. tom. 7. pag. 677.* jubere *Ischiadicis* „ πολλὰς ἐχάρας, καὶ βαθείας καῦσαι, escharas & „ multas, & profundas, inurere ; „ sed ideo profunditatem ad os usque intelligere non videtur . In obesis certe potest profunda ustio esse, quæ tamen adipem vix omnem penetret . Imo os ipsum vitari oportere laudato mox loco innuit *Hippocrates*, jubens „ Escharas multas profundasque inurere in os

„ seīs quidem partibus fungis , *μύκησι* ; in carno-  
 „ sis vero ferramentis . „ Et alio hujus libri loco ju-  
 „ bet inuri modo Lino crudo .

*Prosper Alpinus Lib. 3. de Med. Aegypt. cap. 12.*  
 innumeras Ægyptiorum curas , cauterio plurimis in  
 morbis peractas , enarrans . „ Hinc mirum , inquit ,  
 „ non est , si prospere hoc remedium in omnibus ar-  
 „ ticularum doloribus , curatu difficilioribus , expe-  
 „ riuntur ; potissimumque in Coxendico dolore mul-  
 „ tas uestiones , non modo supra articulum , sed e-  
 „ tiam supra femur , facientes „ . Gens porro illa ,  
 ut idem refert , inustiones facit Gossypio , linteo  
 involuto , filis cericis compresso , in conum forma-  
 to , perpendiculariter perforato , cujus coni perforati  
 basin loco inurendo apponunt , interea dum incen-  
 dant apicem . Unde etiam superficialia videtur eor-  
 um ustio esse . *Paræus Lib. 18. cap. 28.* ad digiti  
 [ lati procul dubio ] profunditatem locum hunc inuri  
 jubet , idque tribus , quatuorve , diversis per ambi-  
 tum articulo plagis ; cavendo , inquit , ne Nervi læ-  
 dantur . Cæterum raros invenimus , qui ad hos us-  
 que inuri locum jubeant , *Tulpium Lib. 3. cap. 26. De-*  
*ckers Exerc. pract. pag. 34.* aliosque paucos , si ex-  
 ceperis .

Referenda huc famosa *Moxa* , sive *Artemisiæ*  
*Lanugo* , quam Indii parent . Agit nempe , quo prio-  
 ra , modo . Vim enim *Artemisiæ* peculiarem hic non  
 agnoscimus . *Olaus Bonichius* dudum adverterat ma-  
 jorum virium in *Ischiade* curanda hanc cum *Arte-*  
*misiæ* factam inustionem non esse , ipsis vesicantibus .  
 Et si , quæ pro & contra scriptitata fuerint superio-  
 re sæculo , apud *Bonetum Med. Sep. Tom. 2. Lib. 6.*  
*Seçt. 5. cap. de Arthrit.* Attente pervolvimus , abun-  
 de convincimur hoc auxilium , adeo olim decanta-  
 tum , tam caro pretio solutum , præ reliquis inustio-  
 nibus nihil singulare habere .



II. *Cucurbitas Hippocrates* hic impense laudat ; laudarunt omnes post illum Autores . Iterata harum ætione Revulsio necesse est ab interioribus versus exteriora fiat . Continuo enim magnam in molem elata integumenta , humores huc undique alliciunt : spesque sic fit , fore ut hac lege & moveatur , & attrahatur , quæ profunda in sede locabatur , morbi materies . Idque revera fieri , innumera testantur exempla .

Ad Inuisiones & Cucurbitas , merito referimus lata *Vesicantia* nostra . Clarissimus *Boerhaave* aiebat sæpius nobis , si vellet arcanum quoddam vendere , id fore testas , & sub alia specie occultatas *Cantharidas* , in *Ichiadicis* . Hoc remedium Emplastri forma , palma manus majus adplicabat Coxæ , & dein , post ingentem vesicam contractam auferebat , vulnusque percurabat : dolore non abeunte , repetebat idem octiduo post ; idque aliquoties ac tertiam , quartamve , vicem : quamvis raro id sibi contigisse testaretur , ut quarto Emplastro indigeret . Innumeri sunt , quos in Nosocomio hac Methodo ab annosioribus hisce ærumnis percuraverimus . Hæc autem , cura vix obtinet ubi locus sponte exulceratur ; ut in casu *Juvenulæ nostræ* ; quanvis etiam in ambitu ulcerum semel iterumque explorata fuerit .

Tertio laudavit hic *Hipp. Venæ Sectiones* . Nec datur fere autor , qui eandem haud commendaverit revellendi animo , si indicatio utcumque vel juberet , vel permetteret . In initio tamen proficua magis futura , quam progressu malo videtur .

Quarto , *Purgantia & Clysmata* adhibuit , postque ipsum omnes . Præter Revulsionis intentionem generalem , veteres videbantur quid peculiare ab his remediis expectare ; saltem ab enematibus . *Dioscorides* clysmata hic adplicabat ex acerrimis omnium purgantibus . An Anatome hanc Veterum experien-

tiam forsan confirmat? Arteria Natum *Winflowo* dicta, producit Hæmorrhoidalem internam, aliam omnino ab iis arteriis, quas vulgo Hæmorrhoidales internas appellare consuevimus; simulque dat Ramum ad Articulum femoris; imo dat Ramulos qui interiorem substantiam perreptant Nervi Ischiadici. Præterea Ramus primus Arteriæ pudendæ internæ dat Ramos Hæmorrhoidales internos & Ramum antèrius posteriùsque decurrentem supra cervicem ossis femoris. Atque hæc de communibus Arteriis; si autem Nervos contèplemur, a Nervo Ischiadico, pelvi egresso, Ramus proficiscitur qui Anum petat.

Quinto, *Cbliasmata*, sive *Fomenta tepida*, egregii usus deprehendere, cum *Hippocrate*, Medici omnes; maxime si cum farinosis in Cataplasma redigerentur. Conabantur hinc omnia laxare, & per laxatos poros acres adigere stimulos. *Dioscorides* in Ischiadicis miscuit Cataplasmati Radicem scammonii, ipsamque Colocynthidem. Nullus fere Actor est, qui peculiarie quoddam acre hic non commendaverit. Videte *Prosp. Alp. Med. Meth. Lib. 9 cap. 5. Forest. Lib. 29. Obs. 22. in scholis*. Ischiadis subita admodum, curatio describitur a *Boneto Med. sept. Tom. 2. pag. 575*: partem affectam primo probe fricatam, igni dein expositam, fovendo hoc Lini-mento. & Sapon. ven. ras. unc. 1. Aq. R. g. Hung. q. s. Deinde fricando unguento, quod ex ung. Alth. Therieb. & Ol. Lumbr. pararetur. Egregium Belli Ducem *Hagæ Batavorum* iteratis vesicantibus frustra fere vex veram. Semicuratus iter suscipere debuit. Loco, quo perrexerat, quietus, ferendo dolori non erat. Matrona consulit totum quantum, femur involveret emplastro quod ex pulvere Mastiches cum spiritus vini s. q. pararetur. Adplicuit, dolore immunis Hagam rediit, rem mihi patefecit totam. Desperatis pluribus hoc consilio profui. *Calx*



*viva cum melle*, vel cum unguentis quibusdam mixta, plures egregias curas mihi edidit.

Sexto, *Friktiones tum siccae, tum humidae*, rebus penetrantissimis institutae, pertinaciter continuatae, saepius utilissimae inventae sunt; ut jam exemplis ad n. 5. patuit.

Septimo *Thermas* commendant, laudantque plures. His curari multos, multos minime, comperitum est. Plures vidi qui Aquisgranensibus, qui Badensibus, &c. usi, vel nihil lucrati essent, vel in pejus versi. Laudat tamen *Schultetus* proprio exemplo suo virtutes Balnei *Thalfengensis*, vulgo *Gesundbrun*, in Agro *Ulmensi*: cujus usu Ischiadico dolore, aliis quidem remediis olim cedente, sed tamen iterum redeunte, jam a novennio carebat. *Embroche* in desperatis semper tentanda est, licet habeamus, quibus non profuerit; prodest tamen aliquando.

Octavo *Fonticulos & Veterum* multi, & usus hodiernus, saepe salutares invenere. Irritatio est perpetua, perpetuusque revellens effluxus.

§. VII. Veruntamen in cunctis hisce tum Veterum, tum Modernorum methodis, Prognosis fere semper incerta est: cum natura mali nos prorsum lateat; nec nisi ex effectibus, & ut ajunt, a posteriore, nobis saepe manifestetur. Considerentur varii tantummodo, qui afficiuntur, loci! Prava materies haeret fortassis in cute modo, vel in Panniculo adiposo vel in Fascia lata vel in involucris Musculorum superiorum, inferiorumve, vel in involucris Ischiadici Nervi vel in Periosteo superioris partis ossis femoris, vel in Periosteo ossis Ischii, vel in ossea parte Acetabuli, vel in Capsa ligamentosa Articuli, vel in Cartilaginibus seu Os. seu Cavum acetabuli, incrustantibus, vel in Glandula magna, vel in Ligamento tereti, ejusve sive alterutra, sive utraque origine. vel denique in pluribus

bus harum partium simul. Deinde ad loca tam varia etiam multiplex adpellit materia. Est enim ferum acre Podagricum, Rheumaticum, Scorbaticum, Venereum; si locus primario afficiatur: vel est ichor, sanies, pus acrimonia jam exposita, metastatice huc aliunde delata: vel est materies genita ex prægressa loci hujus communi inflammatione. Quæcumque jam materies sit, si non corrumpatur, si eliciatur extrorsum, si nova non succedat, si nihil intus destruxerit, integram potest admittere curam. Si vero expulsam priorem nova subsequatur, recidivas facit, curasque inconstantes. Sed enim vero si corrumpatur, diuque ibidem hæreat, cunctis hic partes pessumdet necesse est. Ita vidimus in Nosocomio nunc ipsos Musculos, Nervosque, putredine liquatos; nunc Os femoris cariosum; nunc laceram articulare Capsulam; alio tempore Acetabulum cariosum fractum; alia vice caput ossis totum, eroso ligamento, extra Acetabulum; iterum Acetabulum destructum totum, ita ut vel illud solum, vel & Os Ischii, & Os Sacrum, & Vertebrae Lumborum, carie consumerentur, nunc iterum perfectam Ossis femoris cum acetabulo Anchylosin &c.

His ergo omnibus, quæ ad variam morbi sedem, variamque materiæ Naturam spectant, consideratis, minus mirabimur tam curas inconstantes, quam casus desperatos. Erimusque in Prognosi cautiores cum morbus toties fallat nos; quid dicam! cum ipsum πὸ πᾶν fefellerit Hippocratem. Juvat textum adducere ex Epid. 5. pag. 1151. „ Hecasoni in Omilo, „ ex Corporis impuritate, & prava (seu intempestive data) purgatione, gravis in Coxendicem dolor incubuit. „ Quo quidem demittente, febribus correptus est, diuque Lectulo decumbens, neque hibeat quidem „ neque sitiebat. Debilis erat, & crebro inhorruit. „ Huic probe quidem, ut conveniebat, morbus subla-



„ blatus est; corpus autem ex oblatiſ opem perci-  
 „ piebat. „ Igitur videbatur laboraſſe *Hecason* Phthi-  
 „ ſi vere cox ria, Heſticas febres, cum frequenti  
 „ horrore, & magna debilitate. inducente. Mor-  
 „ bo liberari viſus eſt, viresque deperditas belle re-  
 „ cuperare, ut jam ſaneſcere videretur. Sed an ſa-  
 „ nus factus eſt? „ Tandem, ait, morbus per in-  
 „ feriora erupit, ac totus cum multa bile ſeceſſit, &  
 „ mente motus, interiiit. „ Ergo morbus lucido quo-  
 „ dam intervallo latuerat, & veluti curatus habe-  
 „ batur; & quidem ita, ut *Hippocrates* ſubiungat,  
 „ ἐδόκει δὲ ἂν ἐκφυγεῖ τὸ νόσημα, *Hecason* vide-  
 „ batur morbo emergere, e morbo evadere. „ Sed  
 „ interea tandem morbus per inferiora ſeceſſit, occi-  
 „ ditque *Hecasonem*. Id quod Phthiſicis ſolenne eſt,  
 „ ut Diarrhœa colliquante pereant. Hujus *Phthiſeos*  
 „ *Iſchiadicæ* exempla plura præcedentibus *Tomis Rad.*  
 „ *Med.* dedi, morte paſſim terminatæ. Diarrhœa hæc  
 „ colliquans latenter promota *Eupolemon* occiderat,  
 „ pag. 156.

§. VIII. Haud omnium tamen in hac Phthiſi Is-  
 „ chiadica ſortem æque deſperatam eſſe, binis exem-  
 „ lis luculentis *Tom. 3. Rat. Med. cap. 5.* clare vi-  
 „ dimus. Ipſiſſimaque juvenicula, cujus caſus totum  
 „ hoc caput genuit, eadem, qua illæ binæ, methodo;  
 „ lactea ſcilicet Diæta, cum largo corticis peruviani  
 „ uſu; huc uſque bene ſe habet, ulcere Lympham mo-  
 „ dicam exſudante. Lymphæ autem hujus inde revel-  
 „ lendæ cauſa, fonticulus inciſus eſt. Hoc tempore  
 „ toroſa, robuſta, duros ſuos labores indefatigata per-  
 „ ſicit, idque jam trimeſtri ſpatio. Cæterum ſapones  
 „ Herbæque ſaponacæ atque antiſcorbuticæ dictæ, ſi  
 „ largiſſime ſumantur, egregium uſum habent, ubi-  
 „ cumque ſpes reſolutionis aliqua ſuper eſt.

## C A P U T V.

*De Apoplexia & Nervorum Morbis.*

§. I. *Variae causae remotae Apoplexiae unam modo eandemque causam proximam facientes, cadaveribus sectis demonstrantur; simulque practice differitur circa Apoplexiam sive desperatam, sive sanabilem, ex causarum expositarum contemplatione.*

§. II. *Examen causae curtoties Apoplexia aut generet paralyfin, aut ipsam sequatur; Ea occasione ostenditur Causam eandem proximam in decem v. g. hominibus, decem varios Cerebri, Nervorumque, gignere morbos. Ideoque quid iidem hi morbi commune inter se, quid diversum habeant, & quoniam demum ex illa diversitate effectus diversi producantur, examinatur.*

§. III. *Reperitur tamen ab omnibus hisce Catalepsis maxime abluere; cujus mirae historiae enarrantur. examinantur magnamque partem inexplicabiles declarantur: qua occasione etiam aliquid de somnambulibus.*

§. IV. *Examen quaestionis, cur Cerebro uno in latere affecto, oppositum latus Paralysis prehendat; Assertio haec justos intra terminos limitatur contrariis observationibus. De Lympha Cerebri non concrescibili.*

§. I. **N**onnullos morbos reperire est, qui saepius licet visi, inspectisque demonstrati Cadaveribus, repetito tamen frequentius examine, Medicinam magis illustrent magisque: quos inter Apople-



plexiam eique affines morbos merito recensemus ; de qua porro , ut quid digne proferamus , primo historias morborum varias , cadaverumque sectiones præmittemus .

Anni currentis 15. Aprilis , foemina 102. annorum habita , in Nosocomio , *civico* extinguebatur . Cadaver petieram , fati senilis prospectum Auditoribus daturus . Exp. Nosocomii illius Physicus Dominus *Erndl* sequentem primo dabat Anamnesin : Autumno elapso febrim continuam passa erat , hyeme Diarrhæam . Aptis restituta medelis , viribus tamen sensim defecit ; ut lectulo perpetuo affixa , cardiacis semper fovenda esset . Brevi ante mortem , en inquit , morior ; sumto autem cardiaco , gaudeo , ait , de quo me recolligo ; simulque desit vivere . En jam quæ dabat Anatome !

Musculi abdominales soli quidem tenuatissimi , cæteri vero musculi omnes , tendinesque , femorum , surarum , colli , dorsi , omnino carnosi , torosi , pinguedinosi , ut in ætate media . Egregia omnia viscera ventris . In Thorace itidem boni Pulmones ; Cor , vasa majora , ut in homine sano 30. annorum se habebant . Haud igitur quod expectaveram , & demonstrare gestiveram , inveni : inveni autem , quod non cogitaveram . Intra Cranium nempe , ubi cerebrum totum minime siccum , sed maxime naturale erat , Cruor ater , spissus effusus erat sub Pia Matre , ad lobum posteriorem sinistram ita quidem , ut cavum , pollicem capiens , in hoc lobo expleret .

Est Apoplexiæ species , solo spirituum defectu oriunda , quæ huic foeminæ jam pluries intentaverat mortis minas . Cum pauca tamen quantitate spirituum , ope Cardiacorum , tum replentium , tum excitantium , relecta , vitam protraxit . Jam vero effusus cruor subjecta pressit , Cranium enim semper exacte pleno , pressio grumosi sanguinis in lobo posteriore.

riore Cerebri removebat a se per ambitum lobī substantiam; ea remota substantia premebat vicina sibi, atque ita compressio progressa videtur ad ipsam usque Medullam oblongatam: quo demum factum, ut pauca illa spirituum copia, qua debilis hæc vita consueque sustentata, protractaque fuerat, interciperetur, eaque intercepta, Moī adesset. Uterum nunc sanguis sensim ibidem colligi cœperit, an effusus recentior fuerit, incertum: posse tamen subito ante mortem effundi, sequentibus demonstrabitur.

2. Die 19. Febr. ex eodem Nosocomio adferebatur mihi cadaver, senis, qui strenuus semper, helio vini, eodem sese triduo ante mortem ita impleverat, ut in ipsa ebrietate Apoplexia *ἰχθυή* tactus, bidui spatio extingueretur.

Dura Mater bona, tota vero Pia dicta Aneurysmatica, & Varicosa omnino fuit, idque non in superficie modo, sed inter omnes cerebri anfractus seu volvulos, & inter utrumque hemisphærium, potissimum vero ad Tempora. Ventriculus anterior cerebri sinister grumosi sanguinis eam habebat copiam, ut commune cochleare expleret, dexter dimidium paulo fluidioris. Cerebelli Pia Mater, maxime sinistri, ut ea cerebri se habebat.

Alcoholis est, dum sanguine susceptum circumducitur, illum rarefacere. Spatium igitur majus occupantes humores, vasa extendunt dilatant, simulque eadem dilatata, quod vehementem stimulum circumferant, in validiorem adigunt actionem. Repetita multoties hac actione, debilitantur sic vasa, ut communi & tranquilla humorum circulatione languide tantum reagant, nec nisi stimulo repetito debite suos propellant humores. Sed demonstratum est repetita rarefactione humorum vasa debilitari. Ergo quo sæpius necessarius est stimulus, ut torpor vasorum excitetur, eo frequentius eadem

rare-



rarefactio, vasa extendens, causam debilitatis adauget. Et hinc demum tristis illa necessitas vini, spirituumve, copiam sensim augendi, cum vasa de die in diem debiliora, a consuetis ultra non afficiantur. Hinc sensim homo ita flaccidus adparet, ut, qui Deus est imago, jam referat Bacchi simulacrum. Hinc igitur capimus cur Arteriæ Venæque Piæ Matris aneurysmaticæ ac varicosæ fiant: id quod videtur tolerari utcumque posse, absque eo quod vasa dehiscant, quia æquabiliter sustententur; at in Ventriculis cerebri alia res est. Vasa innumera plexus Choroidei possunt pro momento sine resistentia esse, si plus Lymphæ ex iisdem reorbeatur, quam in illos influit. Vel si id non fit, saltem vasa in rore, vel liquore, perpetuo sita debilitari, ac dilatari, prædictis internis de causis ita queunt, ut facile dehiscant: præterquam quod acrimonia in his corporibus nata, acrem ventriculis Lympham indillet, quæ eadem vasa corrodat, facileque dissolvat. Hinc demum effusio sanguinis. Hinc ventriculi sanguine turgidi totum cerebrum ac Medulam Oblongatam comprimunt. Hinc capimus unicam unciam sanguinis, intra cranium effusam, inter Apoplexiæ causas ab Autoribus jure referri.

3. Sartor 55. ann. 9. Aug. 1757. terrore, moerore, gravique ira correptus, cubitum sanus petit. 10. Aug. evigilans deprehendit se toto latere dextro tumidum, ac paralyticum; idque haud in crure, brachioque, solis, verum etiam in gena, & lingua; ita ut loquens non intelligeretur. Vena ipsi mox secta est, & quæ reliqua artis erant adhibita, tandem trigesies Balneo Badensi usus est. Quibus omnibus id effectum, ut tumor partium demitteret quidem, & cruri quisquam rediret motus; paralyxis vero eodem perseveraret cæteris in partibus modo.

Prima vice illum vidi 9. Junii 1758. eumque ab illo die ad Machinam electream adhibere coepi. Est idem ille, de quo Rat. Med. part. 3. cap. 6. n. 11. Mense Januario 1759. in lecto jacens, expedite poterat brachium, digitosque movere; extra lectum vero minus. Habent id plures Paralytici, dum incipiunt emendari. Suspendatis partibus obscurus qui redierit musculis motus, eosdem facilius movet, quam si pendente brachio muscoli totum brachii pondus simul sustinere attollereque debeant. Junio mense vox distinctior, tantusque jam pedis motus, ut solus, sine scipione, magnam circumambulet aulam.

Nona autem Junii ad secundam pomeridianam Machinæ accedens, dixerat famulo Nosocomii quidem sibi bene non esse, nobis vero nihil, nisi ad 10. forte lectum. Ducebatur illico in lectum, ut parum quiesceret, utque quid ipsi deesset examinarem. Illico magnam præcordiorum anxietatem conquerebatur, & intra dimidiæ horæ spatium mentis compos ultra non fuit. Frustra vena secta est; frustra injectum E-nema, adhibitaque vesicantia. Deglutitio sublata, prohibuit usum medicamentorum. Intra quadriorum expiravit.

In Cadavere Dura Mater a latere sinistro sinus Falciformis cum cranio concreverat, ibidemque crassa ac dura erat. In sinistro cerebri hemisphærio, potissimum ad latus, varicosissima eadem erat, in dextro autem parum tantum. Eademque in plaga, qua Dura Mater cum cranio cohærebat, etiam arcte coibat cum Arachnoidæa ac Pia membranis. Sub Arachnoidæa in posterioris lobi cerebri parte priore & læva, Lympha multa splendens, hinc inde subrubella, adparuit. Eadem Lympha coagulata, tremula, conspiciebatur in lobi hujus posteriore plaga, maxime inter medullæ volvulos, supra Piam Matrem.



Cæterum, niger sanguis videbatur omnes medullæ gyros, volvulosve, per totum Encephalon se jun- gere; id quod adhuc adparebat profundioribus sectio- nibus jam Medullæ bona parte ablata. Ventriculus sinister anterior, sive superior dictus, & amplissimus omnino erat, & tum copiosissima rubella aqua, tum grumoso sanguine plenus fuit; dexter vero ejus compar suam & amplitudinem, & lympham, natu- ralem habuit. Ventriculus quartus, amplus, copio- so ac coagulato sanguine, distentus erat, usque ad foramen magnum ossis occipitis.

In sinistro cerebri hemisphærio quæ enarrata vi- tia sunt, ad Parâlysin dextri lateris explicandam, sufficiunt. Vitia Ventriculi quarti ad Apoplexiam, eamque tam cito letalem, intelligendam sufficienter quoque facere videntur. Exposueram ad ægrum II. quo p. cto in plexu choroidæo vasa rōdi, rumpique possint, ac sanguinem suum intra ventriculos cerebri anteriores effundere. Eadem explicatio valet ad Ven- triculum quartum, cum & speciem quandam plexus choroidæi habeat. Cæterum ex historia morbi patet hanc effusionem letalem subito contigisse: an forsi- tan nimium repleverit ventriculum in prægresso mox prandio? Hacque lege Aorta, tumente ventriculo com- pressa, impetum majorem in tenera plexus hujus vasa excitasset?

4. Die Julii 6. 1759. anatomen puellæ feci, quæ jugi cephalæa laboraverat. *Fugi* dico; cum ex quo loqui potuit, eandem sit perpetuo conquesta. Præcipuam vero ejus sedem ad postica oculi sinistri potissimum indicaverat. Cætera hilaris, agilis, cur- su, saltu, lusu, indefinenter se exercens, nunquam tussire, aut anhelare, nunquam defatigari a digno pa- rente, Viennensi Medico, observata est. Sex cum dimidio annos nata interiit. Octiduo ante mortem, stupida nonnihil, & obliviosa, nonnunquam depre-

henderebatur, in reliquis tamen omnibus sana. Quatriduo ante mortem & ipsamprehendit apoplexia, & dextrum brachium convulsio. Ultimo vitæ biduo convulsio cessavit, Apoplexia autem sine notabili febre placidum vitæ finem fecit.

Dura Mater bona, Pia tota quanta varicosissima utroque in cerebri hemisphærio. In sinu longitudinali, ab ipso fronte, usque dum ille in sinus laterales abit, corpus album reperiiebatur, instar oblongi vermis. Sinus idem binis in locis habebat membranaceam expansionem, ab uno ejus pariete in alium porrectam, tensam. Ad primam harum oblongum hoc corpus album duas in partes findebatur, quarum altera sub hac expansione, altera supra eandem pergebat: emensæ autem hæ binæ partes expansionis latitudinem, quatuor propemodum lineas habentem, denuo coibant: ita ut posthac Solitarius veluti vermis supra posteriorem expansionem, sine ulla divisione, transcurreret, sinusque laterales utrinque subiret. Ex Ventriculo superiore cerebri dextro uncias duas aquæ eduximus. Limpidissima hæc erat, inodora, igni imposita non coagulabilis syrupi violarum colorem minime mutans. Aderat & aqua in fundo cerebri, ad usque foramen magnum ossis occipitis; sed eandem ibi in vita hæsisse affirmare non ausim. Forte enim, dum sectionem planam juxta lacunar sinus facientes, simul hunc sinum leviter læderemus, exiliens inde Lympha undique deorsum, adeoque inter Duram Matrem cerebrumque, insinuare se potuit. Unde certe longe copiosior Lympha in ventriculo fuerit. Pulmo totus quantus accretus fuit Pleuræ, Pericardio, Diaphragmati; ipsique inter sese connati mutuo Lobi. Modus autem hujus mutæ concretionis non erat illi similis qui in pectoris morbis, vel alias ad luctamina mortis, a crasso sero transsudante ortus, digitis commo-

de



de solvi possit: neque similis etiam illi, qui cellulosa productione, haud omnino difficulter solvenda, sæpe observatur: sed erat omni in puncto Thoracis coalitio firmissima, solidissima, cultello tantum, magnaue cum patientia, demum solvenda; ita tamen ut nonnullis in locis pulmo facilius percinderetur, ac laceraretur, quam a nexu sine læsione solveretur: nullibi autem id difficilius quam toto pectoris sinistro cavo.

Hæc ergo puella post perennem Cephalæam demum Apoplexia quatuor dierum moritur. Non morabor hic pessime affecti pectoris in casu quo, a longa die ejusmodi causæ hic natæ erant a quibus respiratio longe vitiosissima oriri debuisset; cum de simili casu egerim *Rat. Med. part. 2. cap. 8.* Adeoque ad Apoplexiam me modo converto. Oblongus veluti vermis finis longitudinalis merus polypus fuit. Patebat id maxime, ubi crura ejus utrinque ex finibus Occipitalibus extrahebantur: alba polypi materies incipiebat hic rubro sanguine tingi, & sanguineas fibras a sese dimittere. Confirmabat merum modo polypum esse ejusdem in aqua dissolutio, & interitus. Nam, quo post aliquot dies eum maturiori examini subjicerem, jussëram non in spiritu, ne contraheretur, sed in aqua, servari: quarto autem ex illinc die examinaturus, fere periisse dolebam. Porro de natura polyporum, in humano corpore genitorum, id esse *Rat. Med. part. 1.* demonstravi, quod in spiritu subsisterent, in aqua vero evanescerent. An a pressione intra sinum genitus polypus, ut variis exemplis ostendi *Rat. Med. part. 2. cap. 7.*? Forte; sed compressione sanguinis absente, etiam polypos copiosos generari posthac 2. Octobris propediem elapsi in cadavere didici. Homo quinquagenarius anomala Arthritide a 13. annis in calcem ad articulos conversus, & dirissimis paroxysmis fe-

re consumtus; a triennio frequentibus paroxysmis Colicæ Pictorum excruciatuſ, pus grave, copioſum a quatuor menſibus in omni Urina deponens; lenta, demum tabe in Noſocomio periit. In dilatatiſſimis Aorta, & Vena cava in peramplis arteriis veniſque Iliacis, arteria carotide, ac ſubclavia, in vena jugulari, tenuem chordam polypoſam invenimus, cujus chordæ diameter in maxima arteria vix ultra lineam, in magna vena vix duas excederet lineas; quemadmodum etiam ſinus ſalciformis exhibebat. Hic certe preſſio nulla, ſed vacuitas maxima ubique erat, cum polypo univerſo. Nec in capite preſſio ſanguinis fuerat, cum ibi nihil fere ſanguinis in vaſis. Dura Matre in ſiniſtro latere excepta, cumque etiam Ventriculi anteriores cerebri ita vacui eſſent, licet magni, ut vix dragmam aquæ, ad ignem minime coagulabilis, educere potuerim.

Hinc vel a preſſione, vel a ſtagnatione Polypus huic de qua agimus puellæ, productus eſt. Cephalæ antiquæ cauſa venis forte tribuenda varicoſis eſt: qualia exempla ut cephalæ cauſas, Collectores cauſam nobis alibi demonſtrant.

Intelligimus porro cur Apoplexia tam frequenter letalis ſit. Si compreſſio ab aqua, vel a ſanguine, producta, cauſam proximam produxerit, opus eſt, ſi Morbus curabitur, ut tum copioſum ſerum reſorbeatur, tum ſanguis effuſus ſotu, ac veluti coctione, aptus reddatur, qui reſorberi poſſit. Sed ad talem reſorptionem, coctionemque certum quoddam tempus natura requirit. Si ſufficiens circulatio per minus compreſſas partes interea temporis detur, ſi partes minus preſſæ nimia humorum copia non obruantur, dum per compreſſiores tranſire vetantur, ſpes eſt ut homo vel ſaneſcat integre, vel ſaltem necdum moriatur. Sin vero contrarium, ut pereat neceſſe eſt. Imo forte reſorbetur materies, ſed ero-



so de vase novus extillans liquor causam proximam redintegrat. Unde intelligitur cur nonnunquam per paroxysmos adoriatur, letalis demum Apoplexia.

Si his jungamus causas Apoplexiæ proximæ, aliunde natas, v. g. a Plethora, a serosa Colluvie, a Contusione, &c. patet evidenter revellentem dictam Methodum a magno *Boerhaavio* commendatam, unicum fere id esse, quod in Apoplexia ejusmodi prodesse possit: sed simul ex contemplatione causarum proximarum nihil perniciosius Emeticis, [ quæ utinam *Sydenhami* autoritate minus fulcirentur! ] in eadem dari posse, vel inde concludimus, quod vis humorum actione Emetici versus caput aucta, causam morbi proximam augeat, ac sæpe reddat insuperabilem.

Sed hæc methodus si integra adplicetur, bonam ægri deglutitionem supponit: quod in Apoplecticis sæpe fit; quo nempe ægri hæc Revellentia affatim, hauriant. Cum vero dentur, quibus omnis omnino deglutiendi sit ablata facultas, ratio alia adparet cur fors hominis insuperabilis sit. Est malum hoc ratione causæ, & ratione effectus.

Tandem ea Apoplexiæ species, quæ oriunda ex defectu non quidem sanguinis, sed materiæ ultimo elaboratæ, unde subtilis ille liquor, spiritus dictus, parandus; tum & illa, quæ a frigido glutinoso sanguine proficiscitur; longiore tempore egent, quam ut sufficienter suis in causis emendari possint. Unde hæc species hominem e medio tollunt, antequam vel restituti spiritus, vel iners pituita soluta, mobilisque reddita fuerit.

§. II. Cur Apoplexia toties Paralytin sive sequatur, sive generet? Resp. Paralyseos, Epilepsiæ, Apoplexiæ, Lethargi, Cataphoræ, Convulsionis, aliorumque Cerebri morborum, causæ reperiuntur eadem. Quod ita intellectum velim, ut licet frequen-

ter inveniantur distincte variorum horum morborum causæ proximæ, sæpe tamen quoque confundantur: ita quidem ut serum abundans ventriculorum anteriorum cerebri; in uno Apoplexiam creaverit, in alio Epilepsiam, in tertio Paralyfin. Obstructione, seu potius Symphyfi vasorum, vehementium sanguinem ab Encephalo in Sinum longitudinalem reducem, tumque spissa Lympha sub Pia Matre effusa, vidi in jureconsulto dirissimam ortam Epilepsiam chronicam, tandem acutam, letalem: quæ causæ tamen leguntur alibi inemendabilem induxisse Apoplexiam. Legite Boerhaavii Caput de Apoplexia, cum Ill. Præsidis Comm. Videte dein Hildanum, Borellum, Tulpium, Schenckium, Bonetum, Mangetum; quotiesna docti hi viri describunt eandem inventam in Cadaveribus causam, quæ hos diversissimos effectus produxit?

Quod si ita se habet, consequitur id, ut concludamus eandem Causam, v. g. serosam ventriculorum cerebri colluviem, ipsa pressionis differentia, vi etiam compressionis in hæc, magis quam in illam Cerebri, cerebellive plagam determinatæ, tum & majore aut minore resistentia compressæ partis ad vim pressionis, magnam varietatem habere in effectibus inde producendis.

2. Comprehendimus quoque causam eandem suis in effectibus mutabilem reddi, omninoque variam; tum pro effusi liquidi copia aucta vel imminuta, tum pro leviori aut graviore mutatione, ac labe-  
 factatione, partium compressarum; tum etiam varietate pressionis viam sibi novam ad alias cerebri plagas molientis, tum denique variante hominis regimine & diætâ. Quibus rite pensitatis non est sane, cur valdopere miremur, quod a causa, quæ nobis eadem esse videtur, diversos effectus, & quod a diversissimis naturæ causis, eundem plane contem-  
 plumur effectum.

3. In



3. Intelligimus utcumque quamnam ob causam omnes hi morbi, humoribus geniti, etiam queant defectu oriri humorum. Dum enim ita collabitur cerebrum, ut transeat nihil, est Apoplexia ab inopia humorum. Dum plagæ quædam collabuntur, his tamen vicinæ nonnullæ sât perviæ manent, ut excipiant, transmittantque, qui circulum continuet, humorem; minæ ad Apoplexiam, vel Paralyfes, subsequuntur plus minus completæ. Denique dum, uno momento vasa hæc tenera vi superflite sanguinis penetrantur, altero momento præ nimio lapsu penetrari nequeunt, convulsiones subsequantur necesse est.

4. Capitur quoque cur omnium horum morborum sive æffinitas, sive disparitas, rite inter se collatæ, ideam eorundem Medicorum menti vividissimam imprimant: ita quidem, ut Apoplexia compressione nata universum Encephalum æquabiliter premat; deinde ut Causa Paralyfin generans nonnullas modo fibras premat, quorundam nervorum futuras origines; tandem ut causa Epilepsiam aut Convulsionem efficiens, uno momento vi irruens, terribiles producat contractiones, altero momento, repleto, quasi nimium cerebro, vi repellatur: unde Epilepsia vera est veluti alternans Apoplexia, & nimius motus; & cessante demum illo motu, somnus Apoplecticus fit, quo morbus veluti coquitur, si paroxysmus est curabilis: sin minus, in letalem abit Apoplexiam.

§. III. Ab his regulis sola Catalepsis abludit. Ut ejus legitima Idea habeatur, omnino totus casus legendus est, quem *Ill. Præses* refert ad §. 1086. *Aph. Boerb. ex Act. Reg. Scient. Par. ann. 1742.* Primo enim describitur Catalepsis perfecta, cum omnibus suis stupendis apparitionibus. Id tamen hic notandum, quod in omnibus Catalepticorum historiis,

quavis diversi Observatores distinctum quid, alii præ aliis, notent; quodque hinc Catalepseos tam varia facies describi soleat: quanvis fateamur in omni vera Catalepsi, ipsis descripta, illud Catalepticum, *καταληψιῶς* ita dictum, certo morbi tempore in singulis adesse. Tum & mire mutantur ipsi hi morbi. Cataleptica, de qua textu citato, elapso aliquo tempore simul fiebat somnambula: deinde in eo etiam mutabatur morbus, quod deinceps multa garriret, inordinate loqueretur, cantaret, videret, & post deambulationem per vias iterum lectum peteret, teget corpus stragulis, cataleptica fieret, & post  $\frac{1}{4}$  horæ catalepseos paroxysmum totum absolveret. Ut melius autem capiatur qui morbus hic se habeat, en quæ viderim!

Puella 12. annorum frigida, mucosa tota, catalepsi bis ter nuñthemeri spatio repetente, corripitur; idque integro ferme mensis spatio. Catalepsis quacumque corporis positione eam prehenderet, jacentem, stantem, incedentem, in manducatione cibos potusve ad os ducentem, semper illam in eadem positione servabat; nisi forte quis alius mutaret. Vix per octiduum hic fuerat morbi status, quin ingentem subiret mutationem. Quæ enim taciturna olim in paroxysmis jam fit garrula, tantaque cum rapiditate loquax, ut sana nunquam tam præcipitanter loqueretur; sed distincte tamen, & ad rem. In pluribus paroxysmis præsens audiui eam *Psalmos Davidicos* cantantem ritu Protestantium; quorum fide a teneris imbuta erat. Cantus autem ille notas musicas exacte observabat, ut asseverabant adstantes. Tum audiui recitantem Catechismum, quem tenuerat memoriter, una cum plurimis textibus ex sacris Bibiliis, ad quæstionem catechismi quamlibet adpositis. Cum ad textus hos Librum adjungeret

sa-



facri Autoris, & Caput, & Versiculus, illico ego in catechismo id examinans ad literam omnia prolata esse stupebam. Sed neque hinc finis. In vitia hominum acriter inferebatur & occasione textuum, laudatorum invehebatur in Adulteros & Impudicos homines, præprimis autem in hominem viduum, in vicinia habitantem, quod pellicem domi aleret; qui tamen ipse, paroxysmum visurus advolaverat, atque ita præsens præsentem audiebat has diras imprecationes in sese proferentem, quanquam ipse nullatenus puellæ sub conspectum caderet. Sæpius contigit ut tum familia, tum ego maxime, quid doli subesse suspicati, varia, explorandi gratia, tentaverimus; sed nihil simile. Nunc unguibus teneram cutim ita vellicabam, ut multis post diebus impressa vestigia gereret; nunc lumen ipsis fere pupillis admovi, visurus an se contraherent; acicula varias corporis plagas pupugi, ita ut sanguis inde exsiliaret: verum omnia incassum. Interim per totum paroxysmi tempus quotiescumque ego brachium, crus, manum, digitum, caput, situ mutabam, perfecte sic, ut posueram mansit, itaque tam longo temporis spatio, quo ego sanus, partes extensas eodem in situ neutiquam servarem. Perfecte curata est iis, quæ mucosam ac flaccidam temperiem emendarent.

In hoc igitur morbo τὸ ἀγνώσκειν adest. Ab una parte commercium corpus inter mentemque deletum adparebat, quod Nervi sentientes nullatenus viderentur affici; ab altera parte commercium id non deletum adparebat, quod sapienter ratiociniata, & memoriter multa aptissime recitans, organa vocis, (& quotuplicia hæc! expeditissime moderaret. Sed est præterea aliud adhuc notandum hic. Nervi ad motum destinati se non ita habent, atque in Paralyticis, quando commercium Nervi cum Sensorio communi interceptum est. In Paralyti enim affecta pars mox

fac-

flaccefcit, ftque immobilis, atque haud raro etiam infenfibilis: in catalepsi vero corpus manet ut antea, fedentis, gradientis, ftantis, comedentis, bibentis, figura. Haud ergo Paralyfis eft, fed etiam non eft motus. Quid ergo eft? Eft continuatio ejus, quod ultimo fanitatis momento ad motum bonum requifitum aderat: id nempe in ea, quæ olim movebatur, fe fufinet parte. Imo fi adftantium quis fitum hunc permutaverit, & in alium direxerit, ut jam cogat alios prorfum mufculos ut agant, eft fere idem ac fi fenforium commune novis his mufculis novas vires largiretur, ad hunc fitum, idque pertinaciffime, confervandum.

Porro quod in corpore obfervamus, idem de mente cogitemus. Quoties enim obfervatum non eft ideam ultimam verbis expreffam, ante paroxyfimum, ita eandem manere, ita effe immutabilem, ut de-nuo prima fit, quam homo habet, verbisque enuntiet, catalepsi, quantumvis diuturna, foluta? Ut profecto, quemadmodum mufculi, fi ab aliis non mutantur, ita foluto paroxyfmo fe habent, quam, immediate ante illum habebant; ita quoque maneat impressio Idearum, & confequens inde ratiocinium. Igitur totum illud intermedium tempus infcia, ut videtur, mente tranfigitur; ita ut cogitationes mentis, loquela eas enuntians, novus ab adftante homine mufculis conciliatus motus, a mente non videantur adverti, a memoria non notari. Intermedium illud fpatium tam perfecte de Vita humana abfcinditur, ut prima poft paroxyfimum idea, primusque motus, eo modo cohæreant cum prioribus ultimis, ac fi integrum quid, & nunquam interruptum componerent.

Somnambuli forte quid fimile habentes, in nonnullis iterum differunt. His corporis cum anima, commercium filet, fed non inter animam, & grada-



gradatorios musculos. Imo cum quidam studiosè evitent mensas, sedes, obstacula, in via posita, idque in tenebris, videntur tactu valere, & mentis commercio eo usque uti, ut ad latus declinantes evitent obstacula.

Substitit hic examen physiologicum: haud enim datum est nobis miri animi nostri cum corpore commercii capere leges. Ignoramus prorsum eas, quarum ope commercium hoc peragatur, partes; ignoramus qua se lege & tangant, & moveant, & iterum sistant. In genere novimus necessariam musculi suis cum vasis integritatem; boni nervi toto itinere suo aptitudinem; integrum, quem pro sensorio communi habemus, locum: verum plures in sententias scissi, mutuum harum omnium harmoniam, agendique facultatem, minime capimus. Nervorum cavitatem, fluidi per eam transfluentis præsentiam, scholæ crepant, sed alterutrum existere nullus mortalium, optimis licet armatus microscopiis unquam demonstrare potuit: etiam videntur actiones musculosæ in corpore existere, quibus communi lege explicandis haud sufficimus. Unde ad hæc omnia sapienter Eminentissimus *De Polignac, Anti-lucretii sui pag. 158.*

Nos vero plerumque latet quænam organa motus  
In nobis vigeant; & qua sint arte regenda:

Nec rescire juvat: satis est nam velle moveri;

Quilibet ut se moveat, rudis atque peritus,

& pag. 187.

Scilicet ignorat mihi mens, sibi credita qualis

Machina sit; quanta momentorum arte regatur;

Quam varie compacta, & miro condita textu.

Attamen impellit cum vult, agit atque movendo

Compagem; ac subito flectit, prout imperat,  
artus.

Quod

Quod moveat, planum est causam prodire movendi  
Mentis ab imperio: verum id, quod nescia  
præstet,

( Nescia non motus, quem præcipit ipsa, sed  
Artis,

Qua fit, & elicitur, liquido demonstrat adesse  
Causam, quæ regit effectrix &c.

& pag. 358.

Denique nec per se Mens ullo corpore tangi,  
Nec quocumque modo connexam impellere corpus  
Nostra potest. Unde est igitur, quod mutua  
fese

Commoveant? Certisque in corpore motibus  
ortis,

Notities menti adveniat, tum certa cupido?

Atque ex notitia, certaue cupidine mentis,

Quidem enascantur motus, & corpore gliscant?

Naturas adeo duplices quæ fibula nectit?

Quidquid enim nectit partes, ad utramque ne-  
cesse est

Pertineat: Sic vitta manus, sic lora jugales,

Vincula sic ulmo vitem, sic stamina pannos:

At vinculum si corpus erit, qui prendere Men-  
tem?

Et si Incorporeum, qui prendere Membra va-  
lebit?

Ergo INFINITI conjunxit sola VOLUNTAS.

§. IV. Sed antequam hanc materiem missam  
faciam, quæstionem circa Nervos gravem movere  
necesse est. Cur nempe vitia pag. 214. in sinistro  
cerebri hemisphærio factoris, ut causæ paralyseos  
dextri lateris, assignentur?

Est profecto antiquissima Hippocratis observatio,  
ab aliis deinceps, præcipue ab Hildano confirmata,  
quod læso preslove, uno cerebri hemisphærio, oppo-  
situm



tum corporis latus paralyticum fiat. Frequentissimæ ejusmodi observationes effecere, ut jam ante 60. annos egregius *Poupartius* in *Act. Acad. Reg. Sc. Par.* statueret Medullares fibras se decussare; ita ut cranio egressæ, oppositas peterent corporis plagas. Ita quoque *Petitus* in scripto dicto *Lettres d'un Medecin*, *Valsalva*, Aliiqui: sed instar omnium magnus Venetorum Anatomicus *Sanctorini* *Obj. an. cap. 3. §. 12. pag. 61. edit. Leyd.* qui apta ad id cerebrum nactus, tribus potissimum in locis hanc Decussationem demonstrare solebat: Scilicet in priore & in posteriore protuberantiæ annularis crepidine, atque maxime in imo Caudicis medullaris, qua in spinalem abit. Vide etiam *Hist. Acad. Reg. Sc. Par. an. 1742. pag. 53. in 8.* Siccius cerebrum hisce diebus nactus, idem observasse mihi videor.

Sane si morbi cerebri læsi oppositam Corporis plagam perpetua lege afficerent, omnia quæ ad hanc quæstionem spectant, exposita decussatione jam explicuissimus: verum res ita non est, unde multæ difficultates hinc exsurgunt.

1. Apud Collectores casuum sæpius jam memoratos, historias reperimus innumeras, vitiosi v. g. cerebri dextri, cum Paralyfi lateris corporis sinistri & cum convulsione dextri.

2. Cum Paralyfi ejusdem lateris, convulsione oppositi.

3. Cum Paralyfi lateris ejusdem, sine ullius partis convulsione.

4. Cum convulsione ejusdem lateris, sine ulla ullibi Paralyfi, ut puella pag. 201.

5. Cum Paralyfi & Convulsione ejusdem lateris.

6. Cum convulsione universali, & Paralyfi dextri lateris, ubi tamen causa videbatur cerebrum integrum occupare.

Hac

Hac occasione nuperam addam anatomen. In pueri, cujus historia pag. 138. habetur, cadavere, Pia Mater universa varicosa, vix ullibi cum subiecto cerebro tam in superficie quem intra ejusdem gyros, cohærens, Lympham pellucidam, gelatinosam supra se gerebat. Hæc porro omnia in utroque Cerebri Hemisphærio ex æquo obtinebant. Equidem ventriculus dexter superior Lymphæ, ad ignem non concrefcentis unciam continebant; verum incerti sumus, an contrectatio & compressio alterius hemisphærii nondum percussa, aquam ex sinistro ventriculo in dextrum, quem examinabamus, non duxerit. Flatus enim in unum ventriculum immissus, in alterum sæpe transit; ita ut quo loco sese ambo contingunt in medio nempe, & iterum ante thalamos Opticorum, mutuo secum communicare videantur. Imo hac occasione ablata resistentia in ventriculo, quem examinamus, pondus relictæ supra alterum ventriculum Cerebri, potest subiectum ventriculum comprimere, premente Anatomi manu adjuvante, sicque subiectum ventriculum evacuare, dum Lympha vel ros, utrumque ventriculum explens, ultra non æquilibratur. Si quisquam hic forte regerat tunc nunquam posse de copia Lymphæ, unum ventriculum præ alio explente, judicium formari, & ad morbi referri causas; huic respondeo: casus manifestos dari, qui justum relinquant post sese, certumque judicium. Quippe ad casum pag. 185. vidimus ventriculum hydropicum duplo triplo ampliorem suo compare redditum fuisse: unde certe nulla ibidem adfuisse communicatio videtur, & ratiocinium de hydropico hoc ventriculo justum est. Deinde si Lympha tenax valde, etiam communicatio ventriculorum obtinere non videtur. Hinc casus existunt unde nihil, casus unde multum, concludi licet.



Puer porro hicce pridie ante mortem convulsiones universales habuit, & perfectam Paralyfin totius dextri lateris. Si nunc in eodem dicamus ventriculum dextrum præprimis hydropicum fuisse, sique lateris pressisse cerebrum, tunc paralyfin offendimus in eodem affecto latere: si vero negamus hoc inde posse concludi, probatur saltem id, quod mox ad n. 6. dixeram.

Ex omnibus autem hucusque dictis concluditur dari quidem, quæ sese decussent, fibras; hujusque decussationis effectu oppositi lateris morbos exponi; hæc tamen omnes se decussare; sed esse quæ se minime decussent, adeoque proprii lateris nervos formare videantur: unde tunc simul phænomena, quæ eodem in latere contingunt, explicata habentur. Sed ex omnibus his minime explicamus cur causa, eadem nobis visa, potius convulsionem, quam paralyfin excitet; aut vice versa? vel cur a causa iterum eadem in uno homine oppositum latus paralyfi, latus affectum convulsione prehendatur, aut iterum in alio præcise contrario modo?

Obiter monitos lectores volo me jam pluries deprehendisse, quod Lympha ventriculorum Cerebri ad ignem non coaguletur, ut jam quatuor experimentis patuit. Confirmant hæc *Boerhaavii* sententiam de Lympha Cerebri id jam olim statuentis: ad quam sententiam corroborandam laudare solebat totam octavam propositionem *L. Bellini* de motu cordis; qui & suis, clari *Lambechari* experimentis, id evicerat. Attamen egregius *Hallerus* ad §. 274. *Inst.* *Boerb* Lympham hanc concrescibilem statuit inter alia etiam *Tracassati*, cujus de Cerebro Tractatus inter *Malpighiana* habetur, autoritate fretus Respondere tamen possumus *Fracassatum* de Morbosis agere, *Bellini* vero & *Boerhaave* vel de sanis, vel de sal-

tem parte non morbosis. Experimenta saltem mea idem quod Boerhaave, idem quod Bellini, evincunt, clamant.

## C A P U T VI.

### De Sanguine & Calore Humano.

- §. I. Regula, ponentis in acutis morbis venæ sectionem post. 4. diem licitam non esse sanguinemque in acutis malignis dissolvi, incertitudo ac fallacia experimentis demonstrantur. §. II. Ad problema, utrum oporteat fœminæ, menstrua aut lochia, habenti venam tundere, necne; ratiocinio experientia, & autoritate, respondetur. §. III. Arteriosus sanguis nec colore mutatur ut venosus, nec suum ita a sese serum dimittit. §. IV. Constanti lege Syrupus Violarum viridescit a sero sanguinis recentissimo ab ovi recentissimi albumine: ita ut alcali præsentis hoc solo experimento non notetur. §. V. Calor non a solo attritu §. VI. Defectus est in Methodo mensurandi calorem humanum quod tempus thermometron applicandi non definiatur: probatur experimentis quibus simul evincitur latitudinem caloris in sanis hominibus esse inter 94. & 98. gradum. §. VII. Sententia communis de differentia caloris inter homines adultos vegetosque pueros, ac senes, multiplici experimento exploditur.

§. I. **S**anguis acutis in morbis, inflammatoriisque, vulgò scribitur phlogisticam suam naturam deponere post horum morborum diem quartum: in  
ma-



malignis vero dictis morbis loco vi plasticæ ac phlogisticæ dissolutionem præ sese ferre. Quam opinionem refellere, ut *cap. de morb. mal. tom. 3.* conatus sum ita novo luculentoque refellam experimento.

Juvenacula in febre continua putrida, neglecta, prorsum, nullam omnino artis opem experta, die undecimo morbi ad nos deferitur, toto pectore, colloque anteriore, plurimis petechiis scatens: morbo, ut illa retulit, quotidie aucto; nullamque, ut nos judicare debuimus, sui coctionem præbente, Sanguis ipsi tunc missus in vasculo primo & tertio crusta phlogistica tectus erat, universaque in rubra parte compactissimus. Duodecimo morbi die repetita, venæ sectio, crustam dedit hesternam densiorem. Ergo nec 12. dierum diuturnitate, nec centenarum petechiarum eruptione, sanguis inflammatoriam suam spissitudinem, siue cruditatem amiserat. Unde nemo miretur venæ sectionem, eandemque iteratam pro vecto adeo morbo, institutam esse. Ut enim *Tomo I. pag. 71. Hippocratis*, in Pleuritide *Anaxionis*, exemplo, & experientia medica evici. Cruditatis morborum non tempore duntaxat, sed conditione, cognoscitur: id quod Auditores mei centies in Nosocomio observaverunt. Quam ob causam varii textus *Boerhaaviani*, post quartum diem sanguinem mittere vetantis, ad mentem tum *Boerhaavii*, tum *Hippocratis* intelligendi sunt: tunc nempe venam tundere post 4. diem haud oportere, quando stadium inflammatorium circa id tempus, ut sæpius fit, mutatur; cæterum vero tundere oportere.

§. II. Problema sæpius coram Auditoribus agitati, num nimirum seu Catameniis, seu Lochiis, bene fluentibus liceret venam secare, si interea temporis ejusmodi morbus oriretur, quem alioqui, si alio tempore contigisset, venæ pertusio-

ne confodere debuissimus? Contrarias in sententias Medici abeunt; aliis id præfracte negantibus, aliis vero in summa necessitate, cum prudentia, ac parsimonia, id concedentibus. Bonam Problematis solutionem experimenta sola dare poterant.

Hinc primo conabar quantitatem sanguinis, quibus linteamina commaculantur, satis certo aestimare. Eo scopo in sanguine, determinata præcise copia misso, & adhuc calente, Linteamina submersi, magnitudinem oriundarum inde macularum examinaturus, notaturus. Iteratis hisce experimentis eo devenimus, ut sanguinis, linteaminibus excepti quantitatem, quovis deposito pretio, exacte calcularemus. Et quia plebejæ, tempore mensium, lochiorumve, mutatoriis carentes, unico linteamine toto tempore utuntur; quod, quia nunc multum nunc parum, & iterum sæpius, postquam, silente per horas fluxu, siccatum est, dein eodem redeunte, plurimum in siccatis imbibit locis; eadem arte in tingendis linteaminibus nostris usi sumus. Iusti ergo existimatores sic facti, linteamina, tum Menstruantium variarum, tum Puerperarum, exacte conservavimus, ut demum quantum linguiæ toto illo temporis spatio evacua-  
rent, jussu determinaremus.

Sic didicimus nonnullas foeminas menstruo tempore tres uncias sanguinis demittere, alias quatuor, quinque; pauciores esse, quæ semilibram; raras admodum quæ uncias decem evacua-  
rent, nisi uteri quopiam defectu laborarent. Quantum autem ad Puerperas; si prolem mox lactarent, his deprehendimus lochia passim pauciora cæteris esse, adeoque Libram nonnullas, alias sesquilibram, evacuare. Casus fuere Abortum, in quibus mihi jurarent Obstetrices plus 8. 10. Libris evacuatum fuisse, cum tamen totum sordidarium mapparum acervum examinans, vix sesquilibram evacuatam esse existimare.



debuerim. Cui hæc creditu difficilia videntur, hunc de veritate dictorum iterata experimenta convincere poterunt.

Si itaque Menstruantes 3. 5. 6. 8. uncias evacuant cruoris, eodemque tempore morbo occupantur, cui sedando vix quatuor Libræ sufficerent, nonne evidentissimum est venæ sectionibus jam parcendum non esse? An circa Puerperas acute laborantes non idem concludendum? Eoque magis, quo citiore Revulsione requisita, fluxus ordinarius passim non nisi guttatim prodeat?

Jure ergo meritissimo Ill. Baro van Swieten Tom 3. *Comm. C de Pleur. pag. 38.* Sydenhami, Tulpii, La Motte, exempla laudans, simul vituperat omnem in mittendo sanguine, dum casus urget, parsimoniam. Laudatus ibidem *La Motte Lib. 2. pag. 224.* pronuntiare ausus est venæ sectiones iteratas in puerpera unius diei unicum fuisse, quo servari potuisset, auxilium. „ Licet enim inquit, lochia abunde fluere, multumque Natura ageret ipsa, haud sufficiens tamen agere videbatur; cum sine iteratis venæ sectionibus, brevi suffocata fuisset. „ Et quid ita? Morbus ejusmodi erat, ut duplo copiosiores sanguinis evacuationem paucarum horarum spatio posceret, quam Uterus sponte sua integro stillasset octiduo. Addit idem *La Motte* plures similes Puerperarum historias, quas inter notanda citius quam puerperæ, continuante debito Lochiorum fluxu pleuritica, cui novem venæ sectionibus succurrere debuerit. quidem foeminarum temperies, idiosyncrasia, ætas, anni tempus, Regionum varietas, mutare utcumque, quem dedi, Calculum possunt; ipsam tamen rem sic se habere, constanter evincunt.

Hinc didicere Medicinæ studiosi in Nosocomio Venæ sectiones in his casibus nunquam reformidare, si alias indicarentur: ita vero eas esse instituen-

das, ut si nihil referret, qua vena sanguis efflueret; is semper, quo naturalis uteri evacuatio minus turbaretur, ex pede duceretur: sin vero Morbus ipse per se cum brachio educi postularet, ut v. g. in ea Pleuritide, quæ ab arteriarum intercostalium Aorta dicta descendente oriundarum, inflammatione profiscisceretur, audacter is, feliciterque, ex brachio mitteretur.

§. III. Indoles arteriosi sanguinis quam ab ea venosi differat! Toties repetitum experimentum docuit naribus profluum cum impetu sanguinem, colore vix mutari, dum conservatur, nisi demum quando putret. Læte rubicundus ipsi calor, & in superficie aëri contigua est, & in averfa, & omni denique parte, quotuplici sectione eandem diviseris. Demonstrant utique hæc justam Refutationem esse variarum sententiarum, quæ & necessariam statuerent Coloris mutationem, & mutationis ejusdem rationem exponere satagerent, in *Part. 1. Rat. Med. Pag. 49. 50.* Alio modo etiam differre a venoso sanguine Arteriosum, ex eo collegimus, quod vix serum a sese separare soleat, diu licet asservatus; perfectiorem, intimioremque, omnium miscelam, hinc demonstrans. Plura horum experimentorum ibidem communicatorum, sæpius repetita, semper eosdem, quam citato loco enarravi, produxere effectus.

§. IV. An notaverit quisquam quod serum sanguinis, recentis, tum optimum, flavescentisque, tum etiam non flavum, ut quorundam hominum est, venæ sectione educitum, Syrupo violarum viridem colorem constanter impertiat? Est tamen Observatio, me nunquam hucusque fallens. Communi sententia Alkali hæc nota esset: tamen hoc ipsum serum cum aceto mistum nullam gerit Alkali notam. Imo Albumen ovi, quod in multis (non in omnibus, ut

*Part.*



*Part. I. pag. 44. 45. evici* ) fero sanguinis simile est, hoc inquam, de recentissimo ovo sumtum, æruginis fere colorem huic Sympo conciliat. Novi equidem in ovi albumine quid inesse quod vas argenteum, in quo aliquantisper conservatur, tædætingat aurigine, sed nonnisi coctum id præstat; recens, nec igne mutatum, minime. Plus decies similia experimenta variis in subjctis iteravi, quo demum intelligerem, utrum serum Hydropicorum, si syrupum ita tingeret, nec cum acidis tamen effervesceret, alcalinum, necne, appellitarem. Certe perperam videmur hucusque alcali præfens hac nota statuisse.

§. V. Quæ variis in locis *part. 1. 2. 3.* de vario caloris gradu, morbo ingravescente, mitescente, finiente, protuli, hœna mea experimenta confirmarunt; quorum en pauca!

Mulier exulcerato Mammæ cancro misera, colore livida, omnino emaciata, pulsum parvum, habens, tota die sedens iterato quater spatio mensis experimento, constanter inventa est gradus tres quatuorve majoris, quam sano in homine est, caloris notare.

Sed, mirum dictu! omnium maximus calor inventus est hominis, quo tempore cum morte luctatur, expirat, jamque aliquantum vivere desinit. Ita quidem, ut deprehenderimus, in ægro, cujus calor per totum acutum morbum supra 103. gradum non adscenderat, sub mortem, perque bina a morte minuta, notari gradum caloris 106.

Vir 50. annorum, de quo pag. 99. sermo erat, lentissimo igitur morbo cæctus, notabat 9. horis ante mortem adplicato thermometro per 8. minuta 97. gradus caloris; per 15. minuta 100. hicque fuerat in longissimo morbo consuetus explorati caloris gradus. Quo momento animam efflabat 97. gradus, id-

que per 7.  $\frac{1}{2}$  minuta. Deinde per 4. minuta rot. Posthac omni quarto minuto thermometer vigesies examinatum, id est per horam & 20. minuta, semper grad. 101. Dein quovis quarto minuto examinatum, 100. gradus: omni quarto minuto quater, 99. gradus: omni quarto minuto tr, gradus 98. omni 4°. minuto quater, gradus 97. omni 4°. minuto septies 96. & 15. a morte horis necdum infra 85. gradum thermometer descenderat, licet aer domesticus eo tempore vix 60. gradum notaret.

Quæritur nunc an Theoria caloris, ut solo attritu geniti, satis fundata sit? An vero in corpore animali causæ aliæ, præter attritum, necessario existant genetrices caloris? Veteres saltem causam nativi dñi caloris diversam credidere ab ea, quæ febrile incendium faceret. Ita *Galenus in Aph.* 14. *Señt* 1. ait: „ Alioquin febricantes diceremus plurimum habere nativum calorem; qui nedum plus, „ sed nec priori æqualem habent. *Ευκρατῶ μὲν* „ *ἔστιν ἡ ὁσία τῶ ἐμφύτῳ θερμῷ, πυρώδης δὲ ἡ τῷ* „ *ἐπικτητῷ*. Probe namque temperata est caloris „ nativi substantia, ignea autem substantia est caloris adventitii.

§. VI. *Rat. Med. part. 2. c. 10. p. 136. 137. 138.* in caloris gradu, tam in ægris, quam in sanis, definiendo, conquestus sum justum tempus adplicationis Thermometri ab autoribus non determinari, cum pro tempore adplicationis multa ejus differentia esset. Plurima recentiora experimenta legitimas has querelas demonstrant. In sano homine thermometer spatio  $\frac{1}{8}$  horæ notans 96. gradus, facile per horam ad 100. imo ad 102. adscendit: quantacumque vero temporis diuturnitate tunc adplicatur, non adscendit ultra. Centies iteratum experimentum, toties idem confirmavit. Haud tamen ita semper adscendit. Unde cum observatio variet, en quid

pro



pro certo communico. Contingit nonnunquam ut ultra gradum caloris illum, qui spatio horæ quadrantis notabantur, thermometer non petat altius; nonnunquam ut supra eum gradum haud adscendat qui spatio dimidiæ indicabatur horæ; sæpius non supra gradum dum intra tres horæ quadrantes indicatum; frequenter tamen ad horam integram crescat. Ut ex omnibus hisce hæc sit certa conclusio, qui gradum caloris in dato homine jussu determinare gessit, eum horæ integræ spatio thermometer adplicare debere. Quod si Medicus aliunde occupatior suo tempore eget, eum raro fallendum, falliturumque, si per  $\frac{3}{4}$  horæ adplicans, unum alterumve gradum notatis gradibus adjecerit: licet enim nonnunquam, ultra quadrantis spatium non adscendat, licet etiam post quadrantis horæ adplicationem thermometer plusquam duos gradus ante horam elapsam adscenderit, tamen respectu communicatæ observationis adeo hæ exceptiones sunt rariores, ut qui ad gradus, spatio quadrantis horæ notatos, unum alterumve adjecerit, rarissime fallatur.

Sed & hoc addendum est. In multis sanis vegetisque hominibus; quietis, leviter motis; jejunis, leviterque pastis; exploravi num semper calor naturalis 95. 96. graduum foret; sed deprehendi qui constanti lege 97. rariores, qui 98. rarissimos qui 99. semper notarent. Quod ideo notatu dignum judico, ne qui sint, qui ex solo thermometro hominem febricitare pronuntient, qui forte naturaliter modo calet.

§. VII. Quæritur quid censendum sit de sententia Hippocratis Aph. 14. „ Sect. 1. Quæ crescunt plurimum habent calidi innati: plurimo igitur egent alimento; si minus, corpus consumitur. Senibus autem paucus calor; propterea paucis fomitibus, indigent: a multis enim extinguitur. Idcirco

„ co etiam febres senibus non similiter acutæ . Fri-  
 „ gidum enim est corpus „ . Forſitan *Hippocrates* hic  
 tantum de Calido innato ventriculi , & neutiquam  
 de calore univerſi corporis , in variis hominum æta-  
 tibus egit ; & Aphoriſmus hunc proxime ſequens , ut  
 eum ita intellexiſſe credamus , nos utcumque indu-  
 cit . Tamen cum ipſum *Senum Corpus* , non ſenam  
 ventriculum , *frigidum eſſe* affirmet , videretur in hoc  
 Aphoriſmi univerſi corporis calorem intueri . Quem-  
 admodum quoque hunc ipſi ſenſum *Galenus* in longo  
 hujus Aph. Commentario , & præcipue in Libro ad-  
 verſus *Lycum* , tribuit ; qui & ipſe ejuſdem cum *Hip-  
 pocrate* ſententiæ ſe eſſe manifeſto ibidem declarat .  
 Verum necdum ideo hos veteres autores , ita de  
 calore variæ ætatis differentes , errores inculſare li-  
 cet ; cum quo id ſenſu intelligerent , addiderint . Si  
 enim totum *Galenum* in Libris ſuis de Temperamen-  
 tis patienter evolvimus , inveniemus demum eum  
 ingenue fatentem Lib. 2. cap. 2. apud *Charterium*  
 Tom. 3. pag. 60. „ Et quid opus eſt in tam diffimi-  
 „ libus Exemplum proponam ? Cum ipſe aër , *qui*  
 „ *ſimili ſit calore* , varie tangenti occurrat . prout a-  
 „ lias veluti caliginofus , & halituoſus , alias veluti  
 „ fumofus , & fuliginofus , interdum purus omnino  
 „ eſt . Igitur in pluribus , iſdemque differentibus ,  
 „ æqualitas caloris conſiſtit : *quæ inconfideratis , quaſi*  
 „ *inaqualis ſit* , imponit ; propterea ſcilicet , quod  
 „ non undequaque ſimilis adparet . Cæterum homo ,  
 „ qui rationes , quas propoſui , expenderit ; & ſenſum  
 „ in multa particularium experientia exercuerit , is  
 „ nimirum *æqualitatem caloris in pueris , florenti-*  
 „ *busque* , inveniet : nec eo falletur quod alter in  
 „ humida , alter in ſicca ſubſtantia , repræſentetur :  
 „ quippe lapis aliquando pari cum aqua calore eſſe  
 „ poteſt , nullum eo faciente diſcrimen quod lapis  
 „ ſiccus ſit , aqua humida . Ita igitur mihi , cum pue-



ros, juvenes & adolescentes illius considerassem;  
 præterea eundem infantem, puerum, adolescentem-  
 que tactum; nibilo calidior visus est nec puer,  
 quam ætate florens, nec ætate florens, quam  
 puer: sed tantum, quemadmodum dixi, in pueris  
 magis n. lituosus, & multus, & suavis, in floren-  
 tibus exiguus, siccus, nec similiter suavis esse,  
 caloris occurfus . . . . . Itaque neuter eorum sim-  
 pliciter videtur altero calidior; sed alter, multi-  
 tudine ejus, quod diffatur, alter acrimonia.

Qui postremis hisce temporibus de sanguine ac calore humano scripsere, unanimiter statuunt in media ætate calorem esse maximum, eo quod vasa, robustissima illis sint, densique ac compacti salubriter humores: senilem vero ætatem, quod vasa morbose rigida, glutinosaque liquida habeat; tum & puerilem, quæ vasis copiosis sed flaccidis, humoribus vero aquosioribus componitur, calore minore gaudere. Affirmant & doctrina mechanici attritus, & experientia thermometrorum, evidentissimam hanc Thesin esse, meritoque se huic totam suam de sanguine Theoriam superstruere.

Statu quæstionis utrinque proposito, liceat, pro omni responso experimenta nostra enarrare, quæ hac intentione institui in Nosocomio Civico, quod cum Orphanotrophium, Gerontrophium, ac Ptochotrophium simul sit, ob idque 1400. homines alere soleat, aptam mihi præbebat experiundi occasionem. Experimenta omnia capta sunt jacentibus, & bene tectis circa thermometer hominibus. Et ne quandoque thermometer a thermometro tantillum differret, unicum modo adhibitum est, ea lege, ut post singulam adplicationem calorem deponeret, antequam denuo adplicaretur; licet forte cura hæc superflua fuerit. Omnes sani erant.

Caput VI.  
Primo summus Infantes.

2. *Dier. per  $\frac{1}{8}$  hor. 94. Grad. per  $\frac{1}{4}$  hor. 96*

3	—	—	—	95	—	—	—	97
3	—	—	—	97	—	—	—	99
4	—	—	—	97	—	—	—	99
3	—	—	—	95	—	—	—	97
5	—	—	—	96	—	—	—	98
7	—	—	—	97	—	—	—	99
7	—	—	—	97	—	—	—	99
10	—	—	—	96	—	—	—	99
21	—	—	—	95	—	—	—	97
22	—	—	—	97	—	—	—	100
28	—	—	—	96	—	—	—	98

Ab Infantibus devenimus ad Pueros.

4  $\frac{1}{2}$  *Annor. per  $\frac{1}{8}$  hor. 96 Grad. per  $\frac{1}{4}$  hor. 98*

5		—	—	95	—	—	98
5 $\frac{1}{2}$	—	—	—	94	—	—	97
5 $\frac{1}{2}$	—	—	—	94	—	—	97
5 $\frac{3}{4}$	—	—	—	96	—	—	98
5 $\frac{3}{4}$	—	—	—	96	—	—	98
6	—	—	—	95	—	—	97
6 $\frac{1}{4}$	—	—	—	94	—	—	97
6 $\frac{1}{2}$	—	—	—	95	—	—	97
7	—	—	—	95	—	—	98
7 $\frac{1}{2}$	—	—	—	96	—	—	99
7 $\frac{1}{2}$	—	—	—	95	—	—	98
7 $\frac{1}{2}$	—	—	—	97	—	—	99
9	—	—	—	96	—	—	99
9	—	—	—	95	—	—	97
0	—	—	—	96	—	—	98

Æta-



Ætatem mediam five adult in opus non erat examinare , cum infinita experimenta calorem dudum determinassent ad grad. 95. 96. 97. 98. Sed senes jam erant præprimis examinandi .

66 Annor. per  $\frac{1}{8}$  hor. 97 Grad. per  $\frac{1}{4}$  hor. 99

64	————	————	————	96	————	————	————	99
69	————	————	————	95	————	————	————	97
70	————	————	————	95	————	————	————	98
73	————	————	————	96	————	————	————	98
76	————	————	————	96	————	————	————	98
79	————	————	————	95	————	————	————	97
80	————	————	————	95	————	————	————	98
80	————	————	————	97	————	————	————	99
81	————	————	————	95	————	————	————	97
82	————	————	————	95	————	————	————	98
83	————	————	————	96	————	————	————	98
84	————	————	————	96	————	————	————	99
90	————	————	————	96	————	————	————	99
91	————	————	————	98	————	————	————	100

Ergo in omni hominum ætate calor naturalis æqualis est , & latitudinem illam poscit , quam in Adultis requiri demostravi . Erantque omnes illi infantes , pueri , senes , utriusque sexus ; nec minores gradus hic foeminam notant , cum promiscue nunc masculi , nunc femellæ , minorem notarent majoremve gradum .

Igitur vetustissimi Autores , diversitatem in varia ætate caloris statuentes , eam ita explicuere , ut cum experimentis eorum observata apprimè congruant ; saltem quoad infantes , pueros , juvenes , atque ætate florentes . Recentiores occasione certi experimenti gaudentes , neglexere eadem frui ; quia doctri-

nam suam de Attritu , genitore caloris , inconcussam credentes , corollaria inde ad Senes , Infantesque , deducta , similiter adeo inconcussa autumarunt , ut vel experimentis nullis indigere sese crederent , vel iisdem & raris & neglectim captis , abunde confirmata esse concluderent . Adeo quippe arduum est Hypotheseos amore teneri , & interim a veritate non abduci . Utinam his exemplis demum sapientes , desineremus Humano generi , nobisque ipsi , tam turpiter imponere !

## C A P U T VII.

*De singulari quorundam medicamentorum virtute.*

---

§. I. De multiplici Autoris Naturæ intentione in creandis , perpetuandisque , Vegetabilibus , deque necessitate explorandi eorum vires : quibus intermiscetur seria Venenatarum plantarum contemplatio .

§. II. Varia tentamina instituta cum *Lysimachia* , vulgari flore purpureo , *Polygalâ Virginiana* , & indigena quavis , *Marrubio* , *Abiete* , *Uva ursi* . Qua occasione exhibetur *Anatomicus Cadaverum conspectus* eorum , quibus *uva ursi* frustra data : proponiturque tentamen prognoseos de *Lithotomia* instituenda in eo , cui *uva ursi* profuerit . §. III. Laus *Plantaginis latifolii aquatici* , & *Aquæ Calcis* in hisce iisdem morbis . Laus denique *Merc. Subl. corr.* in sp. fr. ad multos morbos .

§. I. **F**uribunda modernorum Philosophorum Gens  
impium hoc delirium ingrato pectore fovet , quod Vegetabilia , quorum Botanici , ac Medici ,



cī, 20000. fere numerantes, vix  $\frac{2}{3}$  partem viribus noscunt, aperte demonstrent cœco penitus materiæ impetu, casu in motum actæ, prodiisse cuncta: Orbemque terrarum hinc multis quidem, iisque præstantissimis, rebus expletum fuisse, sed simul etiam multis inutilibus, noxiis, letiferis. Nos qui infinita DEI clementia, ea felicitate gaudemus, ut Naturæ Autorem ex ipsa Naturæ contemplatione veluti præsentem intuemur præsentem, atque ad adorandum & amandum Illum fide adducimur, move-mur, ac veluti cogimur; nos, inquam, hanc impiam gentem detestantes, mentemque illis sanam, apprecati, tam certum habemus, quam quod certissimum, OMNIPOTENTEM in Vegetabilibus ex nihilo creandis, perpetuandisque, plurima habuisse, sapientissimasque rationes; quarum nonnulla pia conjectura assequimur, alias demonstratione percipimus, plures denique ignorantia involutas adoramus, osculamur. Frustra enim eum nihil fecisse arbitramur, qui Sap. 11. v. 12. *omnia in mensura, & numero, & pondere, disposuit*; qui ipse quæcumque fecerat, approbavit, Gen. 1. v. 31. *Viditque Deus cuncta quæ fecerat, & erant valde bona*.

Ac primum quidem videtur DEUS Tellurem, amœno hoc adspectu ornasse, hominem recreandi, exhilarandi seque laudandi gratia. Integer Adamus & sanctus, hunc certo inde usum habuit, virtutis Plantarum medicæ, qui illibata sanitate perpetuo fruebatur, minime indigus. Atque & ipsi nos mortales, Adami deploranda profapia, læto Plantarum adspectu, mirifice nos delectari percipimus: & si recte sapimus, si intelligimus, quid sibi benignissimus noster Servator velit, Matth. 6. v. 29. asserens ditissimum, regioque splendore fulgentem, *Salomonem, in omni gloria sua haud ita coopertum fuisse, quam*

*quam cooperiantur Lilia agri, nequimus non in summas Creatoris laudes effundi.*

2. Numerosam classem constituunt Vegetabilia, quæ hominem vestiant, alant, tegant, calefaciant.

3. Animalia terrestria, aquatilia, volatilia, in usum creata hominis erant, primo ad vestiendum & agriculturam; postque Cataclysmum etiam ad nutriendum. Tum & ad usus Mechanicos, Medicos. Hinc plana Tellus & Juga montium, Mare, quoque, ac Flumina, undique vegetabilibus ornanda erant; ut & alimenta inde haberent Animalia, & in iis nidos struendi, ponendique, tum & pullos alendi, sub iisdem habitandi, similesque alios inde usus captandi, occasionem nanciscerentur.

4. Cœlo decidua pluvia in Arbores, Frutices, Plantas, incidens, moram trahens, earundemque propterea viribus imprægnata, partim se in telluris, montiumque gremium, insinuat, fertilitatem forte iisdem concilians; partim juxta declives montes, perque eorum incilia, in terram cadens, fontes ac flumina format. Unde oportet aquas quodammodo medicatas reddi; ad potum proinde, ad lavacrum, ad balneum, fieri salubres.

5. Athmosphæra porro tota quantoperene debeat plantarum impleri, saturarique effluviis! Ut ipsi Nautæ, odore illarum percepto intelligant se continenti proximiores fieri. Estque hæc una de causis, quæ aëra rusticanum adeo salubrem reddant.

Sed ad hanc, ut & ad præcedentem rationem, forsitan de impia Gente quisquam ipsam PROVIDENTIAM de noncurantia accusare audebit; eo quod tum aër, tum aqua, æque venenatis, quam salubribus imprægnentur effluviis, particulisque: adeoque si hinc profint, illinc noceant vehementer. Sed O minutum philosophum! Noxias vocat plantas, venena-



natas vocat, letiteras vocat, quæ quid proprie sint, ne intelligit quidem. Centenæ certe venenatæ sunt, & quia venenatæ, ideo salubres. Ita tota plantarum cassis alvum, ventriculum, urinas moventium, venenata quidem, & inimica corpori, & letalis tandem fit, assumpta si fuerit copiosius; cognita autem debitis experimentis apta earum dosi, salutifera esse hæc tota deprehenditur classis. Verum venenum est Opium; iusta autem dosi moderator dolorum est, turbarum pacator est, stator est nimie evacuationis. Asa foedida copiosius data ventriculum subvertit, rarefacit humores, febrem creat; moderate sumta corpori prodest, solvendo, reficiendo; tandem Gentibus nonnullis patinis molli-ter affricta, gratiam eduliis summam conciliat. Dulco-amaræ stipites majori dosi convulsiones, & deliria excitant; moderata vero spasmos convulsionesque solvunt, humores blande attenuant.

Hinc in eam sententiam facile inducimur, quod venena plurima ideo venena sint, quia nimia copia dantur; apta si dosi darentur; egregie futura Sanitatis auxilia. Id quod iudicium tamen, & prudentiam, & tempus, omaino requirit. Attamen nemini mirum videri debet, si quondam nonnulli sua horum specimina, probatosque salubres effectus, publice prodant. Quid ergo ille male feriatus Sophistes mihi respondebit, asserenti venenatas plantas merito creatas esse, quod ad salutiverum usum, Athmosphæræ & Aquæ, earum effluvia in universa effluviis miscela, iusta proportionem, necessario requirebantur; quoque spes sit fore, ut demum etiam interno usu adplicatuve externo, si semel æqua earum dosis determinata fuerit, Mortalibus egregios producant effectus? Helleborus, Felandrium, Cicuta, Solana varia, Bella Dona, Hyoscyamus, & id genus alia, noscuntur interno, externove usu,

noxia plantæ non esse, ferrique, si non interne omnes, externe saltem posse; hinc fore ut aliæ venenatæ plantæ etiam Salutares denuum deprehendantur, spem merito faciunt.

Hinc 6°. dico, Providentiæ divinæ placuit scientiam virtutum plantarum, instinctu naturali, casu, observatione, ratiocinio, manifestare, idque ita per cuncta sæcula. *A DEO enim est omnis medela*. Eccli. 38. *Altissimus creavit de terra medicamenta, . . . Ad agnitionem hominum virtus illorum, & dedit hominibus scientiam Altissimus honorari in mirabilibus suis*. Crevere hac ratione experientiæ plurimæ, multaque vegetabilia in usus pat-facere humanos. Socordiæ ergo summæ foret veterum inventis aut nova accipere nolle, aut adjici posse diffidere. *Dies dei cruciat verbum, & nox nocti indicat scientiam*, Psalm. 18. v. 3. Sed quid de mu est quod scientiæ nostræ incrementa retardat? Casus fortuiti, instinctus naturales, ut olim ita & hodie obtingunt: prisca gens, in omnia attenta notabat ea, privatos publicosque communicabat in usus: nos vao impetu ad altiora nobis volantes, ea negligimus quæ & nobis coram, & ad nostrum aptissima captum observanda dabantur. Atque utinam adhuc inventis Priscorum uteremur! sed proh dolor! plurimarum herbarum vires a Dioscoride olim, recentius a Dodonæo, Clusio, aliisque, enarrantur, laudantur, exemplis demonstrantur; quarum nos nec usum nec ipsam mentionem facimus: atque ita ad veterum sapientiam nihil novi addimus sed partem adhuc detrahimus, oblivioneque sepelimus, sicque in Materia Medica longe pauperiores ipsis deprehendimur. Hæc porro me impulit causa, ut dudum viribus simplicium, quas vetustas cognovit, neglexit posterior æras, ex oblivione resuscitandis totum me dederim, & nova quæ



quædam observata iis , quæ Tomis prioribus dedi ,  
adjecerim :

§. II. 1. Quæ de *Lysimachia vulgari flore purpureo*,  
anno præterito notavi in Diarrhœis ac Dysenteriis a  
laxitate oriundis ; etiam in Diarrhœis & Dysenteriis  
olim a causa quavis alia productis , jamque causa  
priori devicta , a debilitate superstite postmodum con-  
tinuatis ; multa nova experimenta confirmarunt.

2. Radix *Polygalæ Virginianæ* ; Antidota inven-  
ta fuerat adversus morsum serpentis , dicti Boicini-  
ga . Cum porro cadavera eorum , quos morsus iste su-  
stulerat , coagulatum phlogistice sanguinem omnino  
exhiberent , Medicus Angelus periculum fecit an ea-  
dem Radix , quemadmodum inflammatum morsu ser-  
pentis cruorem curat , ita eundem spissitudine inflam-  
matoria obstitum quoque curaret ? Votis experimen-  
tum respondit . Medici Parisienses idem experti sunt  
quacumque Polygalarum gallicarum specie . Vide de  
*Sauvages* Diss. Acad. sur l' inflammation . In acutis  
inflammatoriis experimentum facere nolui , quia voto  
non respondens periculosum esse potuisset : dum enim  
experimentum fit . non est dandum aliud interea re-  
medium , siquidem alioquin ejus , de quo quæritur ,  
efficacia non patefiat . Hinc quatuor diversis homini-  
bus dedi qui ex inflammatorio morbo suppurationem  
habentes , continuo prava de integro symptomata a  
phlogistica sanguinis Diathesi paterentur ; sed binorum  
mensium tempore in uno , quatuor in alio , in aliis  
duobus quinque , datum remedium non profuit : san-  
guine ad necessarias indicationes postliminio sæpius  
misso , crustam densam ac tenacem perpetuo gerente .  
Lac cum melle copiosum adjunxeram ; dumtaxat tum  
quod hoc eidem indicatione inserviens , vires medica-  
menti infringere non posset , tum ne , si illud ipsum  
medicamentum non juvaret , reliquis artis auxiliis  
ægri omnino carerent .

3. *Marrubium* in abscessu, maxime Pulmonum, veteribus celebratissimum, in uno alterove casu aliquantum profuit; in cæteris minime.

4. *Abies* in Scorbuto quocumque adeo celebrata, trimentri spatio a Puella maxime scorbutica affatim epota, nihil attulit levaminis, nunquam pro ichore ulcerum verum pus produxit.

5. *Uva ursi* variæ fuit in variis efficacix, quam expedit exacte enarrare.

Omnes, quotquot suppuratione, eaque etiam, valida, diuturna, ac reliquis auxiliis immorigera, in Systemate urinoso, Renibus, Ureteribus, Vesica, Urethra, Scroto, Perinæo, nulla labe venerea subli-  
ncente, laborarunt, idque citra evidentia præsentis calculi signa; hi passim & integre uva ursi curati sunt, & ærobæ etiam curæ hucusque referunt.

Qui manifesto calculo, calculive laborarunt, harum plures tam constans levamen habent, ut du-  
dum etiam a remedio quiescentes, nec doleant, nec æsum in Urina reddenda, retinendave, incommodum patiuntur. Hos inter Octuagenarium numero, qui a  
acutis percos lapillulos, multamque arenam, mu-  
cata tenacem, frequenter minxerit, doloresque inde  
passus enormis fuerit: ante usum hujus remedii  
omnem plurimorum Europæ Medicorum opem frustra  
expertus. Videantur etiam exempla n. 2. & 3. cap.  
seq. de Elæc.

Alia Classis horum est, qui remedio hoc curati  
vix, deinde r laberentur: repetito remedio, iterum,  
quasi curati: idque ita per 3. 5. 6. vices. His suadeo  
perpetuo continent; quod a plerisque, dum belle  
habent, vix obtinemus.

Tertia classis eos continet, qui vel nihil leven-  
tur, vel ad tempus modo, ita ut sub continuato re-  
medio æque gravia symptomata patiantur, quam eo-  
dem non usi? quinque vel ad Lithotomiam confugere



buere, vel viribus tracti, adeoque ad Lithotomiam inepti, occubuerunt.

His posteriores inter Puer fuit, de quo Rat. Med. part. 3. cap. 4. pag. 233. n. 3. Huic & levamen incollans & febris hæctica aderat, hincque ad Lithotomiam destinatus. Sed Dyfenteria tenesmode cum magno Recti intestini prolapsu oborta, operatio differabatur. Dyfenteria tandem sustulit illum.

Haud sane profuturam operationem fuisse testabatur cadaver. Vesica urinaria circum calculum in substantiam densam compactamque ita contrahebatur, ut vix superesset, quod lotium exciperet cavum. Calculus ad forcipis adtactum in centena fragmenta difsiliit. Erant autem Ureteres utrinque, tota sua longitudine, digitum ampli, atque ubique, inæqualiter tamen, callosi; proindeque, qui contraherent sese, prorsum inepti. Eorum in dextro & volvulus ingens, & tota interna superficies purulenta, pusque effundens. Renes toti callosi. Ita ut omne systema uropoieticon, adeo immedicabiliter degenerans, nullum fere levamen a sectione Calculi retulisset.

Similem harum partium degenerationem, sed praviolem, in viri 37. annorum corpore invenimus; qui e longinquo ad Nosocomium Fr. Miseric. delatus, Lithotomiam præ dolorum immanitate enixe rogabat, eamque certo subiturus fuisset, nisi qua erat, insignis debilitas procrastinasset eandem. Tempore igitur intermedio, quo restaurandis viribus allaborabatur, simul ura urfi, cum paregoricis, data fuit; idque eo profecto cum successu, ut per aliquod septimanas dolores admodum mites expertus, solo virium defectu periret.

Utraque hæc Historia, similesque Tom. I. pag. 134. enarratæ, ostendunt ejusmodi mirificas systematis urinosi degenerationes frequentiores esse, hominibusque tales nec remediis sanari, nec sectione posse.

Quid enim proderit calculo sectum esse, & interim pelvim, ureteresve, adeo & amplos habere, & callosos, & purulentos? Quæ cum a priore non cognoscantur, patet Lithotomiam eventus incerti esse; huiusque incertitudinis ægros, dum eam rogent, rogenturve, serio monendos esse.

An passim, ii quo Uva ursi non juvat, suspitione laborent ejusmodi degenerationis? An igitur ideo, qui uva ursi immedicabiles sunt, etiam ad fortunatam sectionem inepti? Saltem contrarium nondum experti sumus. Callosa penitus pelvis; Callosus, & convolutus, fedeque pulsus, atque sua amplitudine intestinum potius quam ureterem referens, ureter, urinam suscipiunt, copiose colligunt, nec nisi ingenti cum difficultate in callosam, contractamque, vesicam impellunt. Quin & semidigitum crassa, eove crassior, vesica, universim callosa, vulnere facto non coëuns, perpetuum urinæ stillicidium, si vita adhuc perdurat, excitat.

Cum Uva ursi adeo egregia deprehendatur in systematis urinariæ abscessibus, occupor jam viribus ejusdem explorandis in quocumque aliorum viscerum abscessu: at vero pauciora ac recentiora sunt experimenta, quam ut hucusque certi quidquam pronunciare auserim.

§. III. Amicus, Medicus celeberrimus, laudes ad me scripsit *Plantaginis aquaticæ latifoliæ*, in infuso aquoso propinatae, ad calculosos morbos, ut eam cum uva ursi viribus decertare arbitretur. Factis experimentis effectus egregios cum laudato caro, jamque celebri nomine auctoris, fore ut evulgem spero.

Curæ Aqua Calcis, & Sapone, quondam peractæ constantes manent: hocque ipso tempore eandem de novo multa cum spe instituto.

Mercurii Sublimati corrosivi, spiritu frumenti misti, usus in Nosocomio copiosissimus, perseverat  
mi.



miras edere curas ; quasque precedentibus annis inde habuimus , gaudemus costantes ; malo semel bene curato , nunquam , nisi ad novos errores , repullulante. Hoc currente anno Amauroses incipientes , pannos , Albugines , Annosas narium labiorumque exesiones , &c. aliquoties feliciter inde curavimus fatendum tamen est in quibusdam casibus susceptam curam haud successisse .

## C A P U T VIII.

*De Viribus Electricis .*

§. I. *Cura hoc anno vi electrica peracta .* §. II. *Frustranea quædam tentamina .* §. III. *Apoplexia mucosa , terribilibus symptomatibus sociata inde curatur .* §. IV. *Difficultas curæ Paralyseos & Convulsionis in facie , reliquo corpore sano : miranda Naturæ via , ad desperatissimum ejusmodi casum curandum .*

**E**lectricitatem sexto jam anno in hoc Nosocomio profecutus , eam mihi sententiam annuatim firmiorem gaudeo , quod inter præstantissima artis auxilia jure referenda sit : licet enim multis frustra adplicetur ; pluribus tamen eam sive emendationem mali , sive integram curationem conferre , quam nullo alio auxilio Ars præstare potuisset , indies testatius redditur . En iterum Experimentorum hujus anni compendium .

1. Deauratores , quorum felices historiæ anno ultimo dabantur , partim pulcre se habere pergunt , partim ab aliquot septimanis , quod fere nunquam a Mercurii hauriendis vaporibus quiescant , in antiqua mala incidere incipiunt , ideoque nunc denuo ad Machinam accedunt .

2. *Baumgartnerin* 59. ann. maligne ante biennium decumbens, nec rite iudicata, dudum languit, ac tandem eousque restituebatur, ut incedere utcumque, ægre tamen, inciperet. Verum integro eo biennio Dysuria, & stranguria, maligno morbo oratæ, miserrime eam hucusque excruciabant. dextraque manus tota ita debilitata manserat, ut prehendere eadem, tenereque, posset nihil; ultimi autem digiti perpetuo frigerent. Hanc & ad Machinam admovi & unguis usinam ipsi dedi. Utroque hoc auxilio bimestri spatio usa, ita restituta fuit sanitati, ut post integram curationem elapso mense me adhuc adierit, Deo præprimis, tum & mihi, quod utraque hac calamitate dudum jam liberata esse, gratias actura.

3. *Adam Schneider* 47. annos natus mense Aug. 1758. illibata valetudine gaudens, dum Cithara ludit, percipit manifesto sinistro in capitis latere frigidam veluti auram suboriri, e mou sensum descendere ad Collum, pectus, brachium, & crus, ejusdem sinistri lateris; postquam tandem totum illud latus paralyticum deprehendit, mente interim semper sibi præsens. Linguam quoque impedit in in loquela, totamque genam sinistram adeo paralyticam deprehendit, ut facies tota scedo sane adspectu dextrorsum distrahatur. Oculus porro sinister a primo invadentis mali momento tantopere debilitabatur, ut postmodum dum parum admodum eodem videret. Remediis sibi a Medico suo datis intra XI. septimanas id lucrabatur, ut paulo expeditior fieret linguæ metus pedique insistere per momentum, bono Scipioni innixus, utcumque valeret; in cæteris per omnia idem. 7. Nov. ad Machinam primum admotus est, & 1750. 24. Febr. oculo lucratus nihil, genam perfecte restitutam gaudet, pede apto integroque, ita fruitur, ut genu tantisper, sed rarius, titubet, brachioque etiam emendetur. Gavius ita hac cura est, ut integram neglexerit.

4. *Magda-*



4. *Magdalena Strecker* 40. annuū agens, a sexennio catamenius caret, pectore hinc anxia, multaque pituita obfesso, ægre vitam tulit. Accessit ut inunte hoc, quem vivimus, anno, in cubitum ceciderit; tumidumque primo brachium, ac tumore remittente frigidum immobileque, deinceps habuerit: cum etis digitorum unguibus secedentibus prorsum & eorum in locum difformi cornu enato. Primo quidem labefactæ sanitati restituendæ intentos fui, eamque consequutus, mense Majo feminam ad Machinam electricam admovevi. Inde emendatur, sed tardè admodum; emendanda citius, si diligentius accederet: quod autem frequenter desit, id inde ortum ait, quod si 3. 4. diebus sibi subsequenteribus adfuerit, artus omnes sibi vehementer doleant; ita quidem ut quiete nonnulla indigeat, antequam ille dolor evanescat. Sanitas interim corporis integra jam adest; ut etiam Brachii cura merito speranda sit.

5. *Georgius Huber* 56. ann. 3. Mart. 1759. primum ad me accedens novendecim annos narrabat elapsedos esse, quod in Lumbis, ac Perinæo, validos sit passus dolores, multosque calculos parvos emiixerit. Dolores describit sic, ut ad lumbos perpetuo oriantur, pergantque deinceps ad inguina. Decem abhinc prægressis diebus, perceperat calculum a Rene pelli, per veterem premi, mingique dein ceptum, in urethra subsistere, & integro quatridduo ibidem hæreret; urin. interim guttatim modo, ac furtim, transfluente. Eo tempore rus sibi petendum erat. Quo carpente victus, calculum vi emisit, urinæque simul ingens profluvium; redeuntibus tamen mox symptomatibus antiquis.

Sub ipsum hoc tempus, nempe novem abhinc diebus elapsis, contigerat, ut nocte exiguans, totum brachium sinistrum sibi paralyticum esse perciperet, sequenti autem die totum latus & linguam. Ex his omnibus sola lingua jam emendatior erat.

Primum curam sibi mali urinario læso adhibui, data uva ursina: a qua mox opem mirificam expertus est. Interea temporis fumo aromatico partes paralyticæ, totaque spina dorsi, egregie fricabantur. Cum spatio Mensis calculi symptomata integre silerent, ad Electream machinam eum coepi adhibere. Quarto porro die ad ipsam Machinam sentit novum descendentem a Rene calculum, qui in urethram dein pulsus, horæ spatio mox emingebatur, ubi antea urethra hoc crudeli hospite 3. 4. diebus excruciarī solebat. Cum nec doluit deinde, nec calculos ultra excrevit, licet uva ursi binis modo mensibus usus esset, neglexit hucusque totam Paralyseos curam, licet hæc spem curæ minorem non daret, quam cura calculi.

6. *Benedictus Erringer*, an. 18, molitor, 5. Julii 1759. hora sexta vespertina, medio in opere suo vertigine & somnolentia corripitur, & retrocadit, per  $\frac{1}{4}$  horæ sibi non præsens. Postquam ad se redierat, pedibus insistere neutiquam potuit, uti neque integro quatrIduo post. Vena 8. Julii secta, coepit 8. & 10. Julii pedi in se sensum posse. Quod autem notandum, ab ipso primo mali inchoantis momento manus dextra vehementer tremuit, idque diu noctuque, ut eadem perficere nihil, nihil tenere, nec cochleare ad manducandum dirigere, posset. Non enim tremor modo aderat, sed etiam digitorum perfecta Paralysis. Sic se habens adiit 23. Julii Nobiliss. B. *van Swieten*; qui re examinata eum mox ad me misit, quo ad Machinam adhiberetur. Adhibui. Vix decem Etas sustinuerat, quin curatum se diceret. Perfectissimeque curatus manet hucusque.

7. *Mirrus Krafft* somno obreptus, capite suo incumbit brachio dextro. Expergefactus deprehendit totum brachium, manum, digitos omni prorsus motu carere. Sensus admodum paucos adest: pollex vero & index interne externeque frigidi, ne vellicati quidem quid-



quidquam sentiunt . Malo jam 19. diem numerante , ad Machinam accessit : vires ejus 19. diebus expertus , sanitatem integerrimam recuperavit .

8. Scibaldin , me convenit 13. Sept. 1758. Hæc dudum jam cum Marito occupabatur plumbo veteri purificando , fundendo , hincque jam a dimidio anno in Colicam piætonum incidens , dolores ventris enormes patiebatur , dolores quoque ac tremores per artus universos . Dedi ipsi singulis vespers unc. iv. Olei Lini & unc. i  $\frac{1}{2}$ . Syrupi Diacodii , unico haustu assumendas . Unde mox levata , post decimum haustum perfectam sanitatem nacta est ; solo tremore redeunte , posthac , ac perseverante . Ad Machinam tunc admovi , dedique pilulas ex sap. ven. unc.  $\frac{1}{2}$ . gum. amm. Ter. fol. t. rt. Mas. pil. Ruf. a dr. ii. & Suffimigium ad fricandum abdomen & artus . Hinc spatio 2. mensium perfectissime curata est , curata mansit , donec cupro , aliisque metallis , & semimetallis fundendis , iterum occupata , veteris mali reditum animadvertat , jamque ad Machinam denuo accedere inchoet .

9. Tentavi an Experimentum Electricitatis succederet in curandis colli strumis scrophylisque , quemadmodum Act. Acad. Monspel. id testantur . Binas puellas per 8 menses constanter ad Machinam adplicui , ictu ad affecta loca determinato , sed frustra fui . An mala inveterata nimis ?

10. Curationes Tom. 3. cap. 6. n. 17. 19. 20. 25. inceptæ , dudumque protractæ , nondum perficiuntur , spem jam minorem , jam , majorem facientes .

§. III. Atque hæc de experimentis nostris sufficiant . Addam quod de viribus electricis ad Apoplexiam mucosam mecum communicaverit celeberrimus apud Haganos C. H. Velfe : „ Virgo inquit , honestissima 24. ætatis annum agens , tenerrima , nuper „ Apoplexia pituitosa corripiebatur , cum palpitatio- „ nibus cordis tam irregularibus , itemque adeo co-

„ stas

„ stas pulsantibus, ut eas manifesto audire, licet  
 „ satis distans, possem; & præterea cum largissimo su-  
 „ doris totius corporis profluvio. Hæc cum morbo  
 „ Chronico, diversissimis symptomatibus corpus con-  
 „ terente, & sanguinis (qui missus postridie nonnun-  
 „ quam in serum totus liquebat, vix phlogisticæ  
 „ placentulæ superflite vestigio) Missiones, sexenties  
 „ forsan, nunquam tamen citra summam necessitatem  
 „ intra quinquennium repetitas, exigente, diu-lucta-  
 „ ta, & adeo enervis erat, ut (in hac Apoplexia)  
 „ evacuantia quæcumque vetarentur; neque roboran-  
 „ tibus, aut spirituosius ingerendis, ob deglutitionem  
 „ prorsus sublatam, & linguam exsertam, ulla spes  
 „ superesset. Quamobrem acutum Electricitatis *Neu-*  
 „ *perthianæ* periculum feci; sed non alio cum eventu,  
 „ quam quod palpitatio cordis multum remitteret, &  
 „ sisteretur sudoris per aliquot horas eruptio, Apople-  
 „ xiæ tenore eodem perseverante: usque dum, 18. inde  
 „ elapsis horis, secunda vice virtutem electricam diu  
 „ in Nasum determinarem, atque hinc primo indicia  
 „ sensus ingrati, deinde sternutationem frequentem,  
 „ tandem media hora post Apoplexiæ sanationem fe-  
 „ licissime efficerem,,.

Demum & hoc addiderim. Genarum Paralyfin &  
 Convulsionem Chronicam, rarius curare solemus, quam  
 desperatam relinquere. Præcipue si topicum hoc fa-  
 ciei vitium id unicum sit, quod toto in homine accuses.  
 Absolvi equidem hanc curam nonnunquam, sed fre-  
 quentius frustra fui. Et etiamnum scœmina adest, quæ  
 a biennio fluxum puris dextra aure passa, tandem au-  
 no 1758. exeunte, paralyfin scœdam oculi dextri dex-  
 træque genæ patitur, fluxu purulento auris nihilomi-  
 nus continuante. Octavo jam mense ad Machinam ac-  
 cedit; oculo multum, gena fere nihil lucrata; quanvis  
 & ad originem Rami infraorbitalis secundi rami *Quin-*  
*ti* paris, & ad locum ubi portio *Dura* Septimi paris  
 Aquæ



Aquæ ductu Fallopii emergit, pedem dictum Anteriorum formatura, vis electrica peculiariter determinatur. Ut autem in topica hac Paralyfi, ita quoque res se habet in Topica hujus loci convulsione: hæc etiam artem nostram ludere solet. Anatomicorum hujus sæculi facile Princeps *Albinus*, narrabat nobis in Collegiis ejusmodi Convulsionem quondam sibi curandam datam fuisse, eamque ad omnia rebellem, sese, Nervo infraorbitali abscisso, percurasse. Sed en alium casum, qui doceat quam expedire nonnunquam se norit miris Natura modis! Communicavit illum nuperrime mecum integerrimus amicus, celeberrimus apud Haganos Practicus, Abrahamus *Westerhoff*, vir, cujus consilio arduis in rebus saluberrimo sæpius me usum esse gratus recorder. Casus quippe per omnia illi Albiniano similis, tum maxime annosus erat, tum ad quævis artis auxilia, vimque electricam, penitus immoriger, Consuluerat clarus Amicus eundem nostrum venerandum Magistrum qui curæ tam egregie quondam a se peractæ probe memor, eam tamen hic ambiguum suspicabatur; cum qui proprie ramus incidendus, non poterat determinare. Sed en quid tunc contigit! „ Fit interim, inquit, ut parvus tumor Cysticus, mollis, enascatur in parte interiore labii inferioris, continuo increscens, mobilis neque dolens. „ Quum ergo & incrementum nimium metuerem, & „ quod spasmodica affectio ingrata illa viciniam constans occuparet, hinc mihi persuaderem, posse „ aliquid inde boni redundare, curavi excindendum „ integrum. Effectu laudatissimo! Sanatus homo est, „ manus Chirurgi tempore brevissimo morbum sustulit, quo Vir nobilissimus per annos laboraverat, „ languerat, quovis pretio redimere curationem dum paratissimus.





ANTONII DE HAEN,

S. C. R. A. MAJESTATIS CONSILIARII ET ARCHIATRI,  
NEC NON MEDICINÆ IN HAC ALMA ET ANTIQ.  
UNIVERSITATE PROFESSORIS PRIMARIJ,

PARS QUINTA

RATIONIS MEDENDI

IN NOSOCOMIO PRACTICO;

*Quod in gratiam, & emolumentum  
Medicinæ Studiosorum,*

C O N D I D I T

MARIA THERESIA,

AUGUSTISSIMA ROMANORUM

I M P E R A T R I X,

HUNG. BOHEM. &c. REGINA &c. &c.



L U C Æ MDCCLXI.

---

Ex Typographia Jacobi Justi,  
S U P E R I O R U M P E R M I S S U.





SACRÆ CÆSARÆ, REGIÆ, APOSTOLICÆ, MAJESTATI,  
 AUGUSTISSIMÆ ROMANORUM  
 IMPERATRICI,

HUNGARIÆ, BOHEMIÆ, DALMATIÆ, CROATIÆ,  
 SCLAVONIÆ, &c. &c.

R E G I N Æ,

ARCHIDUCI AUSTRIÆ, &c. &c.

MARIÆ THERESIÆ,  
 DOMINÆ SUÆ CLEMENTISSIMÆ,

ANTONIUS DE HAEN.

**P**ostquam Medicinam Hypothesibus in-  
 nixam fugare, eandem autem solis, quoad  
 ejus fieri possit, experimentis fundatam,  
 cum ad lectos agrorum tradere, tum pro  
 A 2 sug-

<sup>4</sup>  
suggeru exponere, illustrare, amplificare-  
que, mihi, AUGUSTISSIMA IMPERA-  
TRIX, ab ipso principio mei ad TUAM  
Universitatem Viennensem adventus, serio  
mandasses, nequeo citra summum animi oble-  
tamentum, gratitudinemque, non meminis-  
se, quam gratiosissimo sane vultu varia ten-  
taminum meorum specimina contemplarere.  
Cum enim latini sermonis haud ignara, opu-  
scula mea volvere non dedignaberis, vehe-  
menter videbaris laudare Ducem me sequi  
Hippocratem, quem talem ubique Virum  
predicari audiveras, qui nullo unquam sy-  
stematico implicitus, nullo partium studio  
abreptus, nulla seductus opinione, nulla  
denique arrogantia elatus, e contrario vero  
fidus, & solers, & docilis, & indefessus  
naturæ minister, naturam in prospera ad-  
versaque valetudine, unice consuluerat, ea-  
demque simplicitate & candore, atque de-  
texerat illam, in seros usque traduxerat  
nepotes. Approbabat præterea MAJESTAS  
TUA non nisi summos Doctrinæ Hippocra-  
ticæ administratores, imitatoresque, cum in  
facienda Medicina me sequi, tum & ad le-  
gendos, & imitandos, commendare Audito-  
ribus: hos vero inter, duo maxima fulgen-  
tissimaque Medicinæ Naturalis lumina, duos  
na-



*natura genuissimos cultores, duos alteros Hippocrates, me in ore habere perpetuo; scilicet Immortalem Boerhaavium, qui ut ubivis terrarum, ita potissimum apud TE, doctrina limpida, nativi candoris, sapientiae fere immensa, indefessi laboris, felicissimarumque ea de causa curarum, fama fulgebat: Virum deinde, Archiattrorum TUORUM, principem, quem & Orbis Medicus universus ob incomparabiles in Boerhaavium Commentarios summis semper laudibus effert; & ego ob Tyrocinii mei partem, Eo Praeceptore transactam, sapientissimaeque ejus Consilia, quibus a triginta ferme annis fruor, æternum venerabor; &, quod calmen humanarum rerum est, quem IPSA TUA MAJESTAS propter Medicinæ exercitium, quod in SESE, quod in universa AUGUSTA FAMILIA, quod in Nobiliorum pluribus, experta felicissimum est, tanto honore condecorat, tantaque existimatione ac benevolentia complectitur, ut ille sane complementum possideat omnis humanae felicitatis.*

*Quæ cum ita se habeant, Quintum Operis Tomum TUÆ MAJESTATI ad pedes eo confidentius depono, quo id. testetur apertius, id altius clamet, quod ad REGIAM Voluntatem magis me magisque accommodem, Me-*

*dicinam, Ducibus natura, hisque fidis natura ministris, unice colendo, colendamque monstrando. Idque volupe sane. Quamvis enim sola TUÆ MAJESTATIS Intentio sufficiat, ut demandatam hanc mihi Provinciam strenue administrem, tamen insitus ad Philosophiam Naturalem amor ad illam graviter administrandam haud exiguum affert auxilium. Unde hoc ipsum Medicinæ professoris munus, quo a septem cum dimidio annis condecorare me dignabar, me recreat potius quam defatigat, me unice oblectat, me rapit totum.*

*Quapropter simul hanc occasionem arripio publice TIBI, AUGUSTISSIMA IMPERATRIX, gratias testandi, quas debeo, maximas, quod dum immeritum me honorificentissimo Archiatri TUI honore beasti, id ita moderaveris, ut munus Professorium commodissime, curatissimeque, sustinere pergam.*

Dabam 8. Novembris 1760.

ELEN.



# ELENCHUS CAPITUM.

## C A P. I.

De Febris cum Exanthematibus, quæ Petechiæ  
& Miliaria vocari solent.

## C A P. II.

De Hydropē & Tympanitide.

## C A P. III.

De Hydrope Pectoris.

## C A P. IV.

De Epilepsia & Convulsionibus.

## C A P. V.

De Calculo, Uva Uræ, Lithontripticis dictis, &c.

## C A P. VI.

De Aneurysmate.







## C A P U T I.

De Febribus cum exanthematibus, quæ petēchiæ  
& miliaria vocari solent.

§. I. *Historiæ XVII. Aegrorum, hæc Exanthemata plane symptomatica esse probantes: ostenditurque hac occasione perfectæ criseos in Acutis certitudinem nos sæpe non habere; sanguinem in Morbis, quos malignos vacant, & crassissimum sæpe, & maxime esse inflammatum; tandemque communicatur notabilis observatio circa prædictionem in Acutis ex Pulsu intermittente.* §. II. *Ex omnibus horum aegrorum exemplis concluditur Exanthemata similia rarius observari oportere si legitima curandi methodus adhibeatur; eaque, si contingant, prava potius Medicationi, quam Aeri, aut Climati, originem debere; paucis exceptis casibus, in quibus aut sponte, aut contagione, nascuntur.*

§. I. **L**icet in ultimo de *Februm Divisionibus* Tractatu de *Exanthematibus Petech. & Miliar.* fuse egerim, tamen cum nova exinde *Observata* colligere licuerit, pondus rerum tantarum me adigit, ut nova hæc cum Publico communicem, unaque ex

No-

Nosocomii Diariis, omnium illorum, qui ibidem, unquam hæc passi sunt, fidelem historiam tradam; quibus eorum, quæ in eodem Tractatu posui, evidentia, ni fallor, veritasque, patefcet.

1. Hoc verno tempore proxime elapso femina, 22. annorum Febre valida laborans, quinto sui morbi die ad nos delata est; extantibus jam tum Petechiis. Vere ardens Febris erat, tertiam eo die habens exacerbationem. In summa omnium cruditate Petechiæ extabant. Igiturne hæ Criticæ? Certe cum nullum symptoma mitesceret, quin ingravesceret potius, Symptomaticæ duntaxat vocari merentur. Sanguis hoc die vena missus, crustam formabat portionem rubram densitate superantem. Die septimo ad quartam, eamque prioribus longe mitiorem, exacerbationem, febris sudore & urina maximam partem judicata; ad nonum vero diem, in quinto, eoque omnium levissimo insultu, urinis ac transpiratione integre judicabatur. Novem diebus perstabant Petechiæ.

Sana octiduo vixit; die autem 17. post morbi principium, ad primas carnes vitulinas degustatas, licet tenerrimas, in febrim æque vehementem incidit: cujus altero die Miliaria alba, numero pauca, comparuere. Sanguis bis missus corio densissimo tegebatur. Nec numero Miliaria augebantur, nec diu perstabant. Imperfectum judicium contigit 23. morbi die, prægresso intermittente pulsu, per alvum; integrum vero 27. die, eodem modo, eodemque pulsu.

Die 29. nova Febris vehementissima oritur, in qua sanguis bis vena missus, singulis in vasis, æque magnam, densamque habet, quam olim, crustam. Nulla vero hic Exanthemata. Die 4. & 5. judicium alvo, urina, sudore,



Ex data historia nihil evidentius est, quam utrumque hoc Exanthematum genus minime criticum fuisse. Summa morbi cruditas; ejusque, postquam hæc effluerent, validum incrementum; critica aliunde contingens posthac evacuatio; evidenter, arbitror, hæc demonstrant.

Quod eo magis notandum, quia hic casus ex rarioribus est, in quantum nobis adparet, in quibus nulla arte producta Exanthemata erant. Frigido quippe in loco, frigida tempestate, primis quatuor morbi diebus ægra jacuerat, remediis calidioribus minime usa. Ita ut hæc ne critica quidem fuerint, licet prava arte non producta. Confirmat id sententiam, quam egregius *Paulus de Sorbait* annis abhinc 90. ex Cathedra *Viennensi* docebat, *Petechias esse motum noxium & symptomaticum* Med. Pract. Tract. 3.

Advertimus quoque Exanthemata putridæ sanguinis solutioni proprie non deberi, cum post eorum exitum idem sanguis, etiam iterato missus, densissimus fuerit.

Tandem Febris tanto cum furore tertio repetens nos docet, id quod toties ad lectos ægrorum advertimus, perfectam non haberi, judicio jam facto, certitudinem morbi ita devicti, ut non fiat recidiva. Equidem quo omnes functiones perfectius, celeriusque, in integrum restituuntur; quo motus critici diebus judicatoriis exactius fiunt; quo denique evacuationes perfectiores, constantioresque, cum virium incremento, contingunt; eo minor adest relapsus metus: at vero hucusque non habetur ejusmodi certitudo, quæ excludat omnem omnino relapsus formidinem. Vidimus sane & in hac muliere, & in pluribus aliis, nihil judicio defuisse, attamen iisdem successisse relapsum. Nisi forsitan quis novum potius morbum, quam recidivam, appellandum idem esse arbitretur; sed difficulter profecto admittetur hæc opinio, si suce-

cedentis Febris cum præcedente similitudo attentius ponderetur. Itaque merito jure Medici omnem adhibeant diligentiam, ne in sex rebus non naturalibus quid committatur, quo repetat morbus: juvatque hujus incertitudinis serio monitum esse ægrum, monitosque ejusdem familiares; ne morbo male curato adscribant, quod a quopiam regiminis errore, aut etiam absconditis plane de causis postliminio forte contingit.

2. Juvencula 20. annos nata, tertio Hemitritæ die Petechias jam habuit, nostrumque in Nosocomium die quarto illata est. Multæ sane hoc die conspiciebantur in jugulo, pectore, humeris, dorso, lumbis, femoribus, cruribus.

Notabile porro 1. quod hæc femina die morbi tertio, ipso Hemitritæ accessu, summo mane, in frigido ad 27. gradus aëre, extra Civitatem pedes ivit, nec motu per horam producto ullatenus incaluerit. 2. quod post meridiem intropulsos frigore humores, eosdemque plane crudos, valido sudorifero moverit; hincque crudis hisce ad ambitum corporis pulsus, Petechias consciverit sibi. Miri ergo nihil, quod ad 5. diem, cum valida Hemitritæ exacerbatione, Exanthematis intropulsio observaretur. Quare etiam illico, maligni quidpiam hic presagiens, Cort. peruvianum dedi. Confestim inde convaluit, extraordinem fluentibus mensibus, mox a Petechiarum recessu.

Hæ certe pessimo more expulsæ, penitus symptomatice fuere; eademque suo subito recessu alioquin nocituræ, jam & dato cortice, & profluis catameniis, subitam reconvalescentiam non retardarunt.

3. Femina 39. annum vitæ agens, Cardialgia acida crudeliter per annos vexata, totaque inde cachectica, gravi demum Peripneumonia corripiebatur, & ex Nosocomio, in quo multa Exanthemata gras-

sa.



fabantur, die morbi quinto ad nos deferebatur. Maculæ in collo, dorsoque, rubræ, eæque, quod profundius hærent, quasi eruptioni impares, suspectæ, omnium cruditas; morbique augmentum; suasera, venæ sectionem. Sanguis crusta facile transscindenda tectus fuit, rubra autem parte dissolutus. Crescente ad diem 6. Febre cum anxietatibus, verisque Pulmonis inflammatis signis, iterata V. S. est. Sanguis educus priori similis, nisi quod ultimo in vase, sub alba tremulaque crusta, iuste compactus cerneretur. Die 7. una pustula alba Miliaris visa ad jugulum. Febris pravis cum symptomatibus perpetuo stipata, pulsuumque exploratione Homotonos quidem appellanda fuit, sed calore ad Thermometrum mensurato minime Homotonos. 9. & 10. die pauca, die 11. copiosa, eaque alba, in pectore Miliaria. 12. die paulo minus conspicua. 13. eadem iterum, ac nova præterea, in pectore conspicua. 14. die mortua est. Febris ab initio ad finem usque horrida fuit.

Historia mali docet 1. Petechias contagione susceptas, nec sufficienter propulsas, morbi cum augmento adparuisse. 2. Miliaria eadem origine nata, quo copiosiora, eo & graviora, & magis fuisse letifera. Unde concludimus Exanthemata hæc, non a natura, sed a contagio genita esse; eademque minime critica, sed mere symptomata habenda fuisse.

Hic in transitu noto hoc exanthematum Contagium, ut illud Variolarum, Morbillorumque, sæpe habere, non nisi prædispositos afficiundo. Præter alia exempla, memorabile illud Ancillæ est, quam susceperamus eo momento ex ædibus educam, in quibus cubiculo, iubente Medico, arcte clauso, calidissimoque, inservierat Patri nobili filiabusque duabus, Exanthemate Miliari omnibus successive enectis: Febre continua hæc apud nos decubuit, & sine Exanthemate brevi convaleuit.

4. Juvenculæ, mensibus terrore suppressis, ingens brachii dolor, brevique post acuta Febris oritur. Die 11. Peripneumonia adest, albaque Miliaria confestim prodeunt, continuoque augmentur. Die 14. Gangræna brachii & mors. Eo tempore nondum sciveram, quod posthac expertus sum, in Febre continua non remittente, ac vere inflammatoria, si Exanthemata adsint, morbusque rebellis sit, corticem peruvianum egregie prodesse.

A resorptu Ichoris gangrænosi nata pectoris anxietas, nata copiosa Miliaria, criseos nullam, ni fallor, suspicionem faciunt.

5. Femina vehementi ira excandescens, gelidamque affatim hauriens, Febre corripitur; & continuans interim ancillares labores, vagos ejus insultus per octiduum sæpe experitur. Tandem in continuam incidit, cum gravi pectoris anxietate, vehementi cephalalgia, multa siti, prostrato appetitu, vertigine, vigiliisque continuis. Eo in statu omnis auxilii inops, calida admodum tempestate, per integram septimanam, jacuit, jure carniū, & frigida aqua usa duntaxat. Accessit angina biduo durans, & sic demum octavo die continuæ suæ Febris ad nos delata est. Quo ipso tempore catamenia ipsi, octiduo maturius, fluere ceperunt. Febris validos artuum dolores sibi junctos habebat, vires autem nondum prostratas. Die 11. Miliaria maximam partem alba, pauca vero rubra, apparuere; signis coctionis in alvo prægressis. Ab 11. ad 14. diem bene procedente Exanthemate, vomitus glutinosus vexabat, vel copiosæ pituitæ tremulæ, pellucidæ, vitreæ, per alvum successus, vel noctes insomnes, pectorisque anxietates, imo novi, simulque feroces, artuum dolores. Alvo cocta partim judicata est 14. die, sed eadem demum integre ad diem 17.



Morbus neglectus per 14. dies, humores crudi, ancillaribusque laboribus intempestive moti, & cum perangustiora vasa transadigerentur, dolores rheumaticos excitantes; deinde decubitus per tantos calores in parvo squalidoque cubiculo, vix renovata atmosphæra, corpus ad Exanthemata necessario disposuere. Morbus vero post exorta Exanthemata, cumque eorundem non interturbato progressu, diris symptomatibus, cruditatem spirantibus, increfscens, posteaque demum alvo judicatus, hanc profecto eruptionem minime criticam, sed penitus symptomaticam, declaravit.

6. Juvenis Febre continua putrida, gravi cum delirio, laborans, in Nosocomium inferebatur. Diem morbi primum exacte rescire non potui, cum ex ejus incerta, ac variata, enarratione, sextusne ab illo tempore dies, an octavus esset, ambigeretur. Saltem eo tempore crudam morbi materiem Emeticis & Purgantibus vehementer moverat, ingentem præcordiorum gravitatem, anxietatemque, perpetuo expertus.

Præterea ex Nosocomio alio, ubi Exanthemata fere perpetua erant, in nostrum ductus erat. Interim sensim ad coctionem morbus tetendit, alvoque, & leni sudore, ad judicationem pervenit: urina interim sæpe enæoremate, & nubecula, carente, nec hypostatica unquam.

Judicio prægresso, incredibile quam cito perfecteque, sanesceret; ita ut integris noctibus, idque sponte, dormiret, belle comederet, totasque obambulare per ædes. Sed biduo post, Miliaria totum pectus obsiderunt; quibus tum prodeuntibus, tum triduo post exsiccari ceptis, mirum quam bono somno, quam grato appetitu, quam facili corporis exercitio, integraque prorsum valetudine, fruere.

Neglectus igitur, pessimeque tractatus, morbus; decubitus primo pro Patriæ more in calida atmosphæra,

ra, idque in fervida tempestate tandem infectus priore in Nosocomio aër, labem aliquam sanguini conciliare potuerunt; quæ demum crisi prægressa, & recuperata sanitate, expulsa fuerit. Unde certe nec origine, nec effectu, hæc Exanthemata critica fuerunt.

7. Juvenis femina ex eodem Nosocomio suscepta, hanc nobis anamnesin formavit. Tribus integris septimanis lassitudine spontanea, cruribusque nonnihil tumidis, laboraverat, eamque ob causam illud Nosocomium adiverat. Ibidem porro tum præstantissima cura, tum blanda quiete, se ita refocillatam, experiebatur, ut repeteret famulatum; at vero eidem sustinendo inepta, in quotidianam Febrim inciderat, ad quam curandam quendam sibi pulverem coemerat, qui decies & novies alvum, vomitum autem ter vehementer ciebat, posteaque venam sibi tundi curaverat. Tandem in continuam acutam intermittente conversa, quarto ejus die ad prius Nosocomium, quinto ad nostrum, delata est; Petechiis, dum nobis afferebatur, jam prodeuntibus.

Septimo morbi die subito hæ evanuerunt, datoque cortice, pauca die 8. repullularunt. Die 9. pauca Miliaria alba visa sunt. Vomuit eo die pluries cum euphoria; ut & die 10. cortice interim uti perrexit, paucisque opacis Miliaribus, quæ ad posteriora colli perennabant, exceptis, intra ægidium integre convaleuit.

Morbus dudum neglectus, contagium, intemperativus crudæ materiæ motus, ægram hanc quarto Febris continuæ die Petechiis macularunt. Crevit postea morbus. Cortice sanatus est, licet retrocedentibus Petechiis pauca Miliaria successissent. Iterum nihil hic criticum.

8. Juvenis 17. annorum in neglecta per sex dies Febre continua ad nos adfertur, Die 14. Febris alba



ba Miliaria erupere. Crevit iisdem erumpentibus vis morbi; & qui eo usque bonus fuerat, æqualisque, pulsus, inæqualis nunc rythmo, temporeque, factus est. Unde mox cortex datus; cujus sub usu pustulæ ad 5. diem disquammari incipiebant, & integra sanitas octavo post eruptionem die succedebat.

Die quanvis critico erumpentes papulæ miliares, nullam criseos, sed præcipuam Symptomatis notam, gesserunt; morbo tunc admodum calamitoso facto.

9. Adolescens, qui a septennio spina ventosa, foede exulcerata, laboraverat in Nosocomium demum susceptus, diætam lacteam, & corticem peruv. spatio bimestri idque bono cum effectu, adhibuit: at vero ulcere tandem sponte siccato, Febris continua acuta eum aggressa est. A 4. usque ad 9. diem cutis rudebat, ac si expectanda scarlatina eruptio foret. Die autem ipso nono Miliaria solitis in locis comparebant; unaque vehemens ac sicca tussis, quæ eo usque diu noctuque ægrum vexaverat nunc & mitior, & pulcre humida, reddebatur. Hucusque Exanthema istud, ut criticam evacuationem, facile quis salutaret; at vero ad sequentia attentus symptomaticam audacter pronuntiabit.

Etenim 11. die observabamus 1. eam in pulsu inæqualitatem & intermissionem, ut quandoque, sed sine ordine, per integrum unius pulsationis spatium differret, moxque insolitam repeteret celeritatem.

2. Nauseam, vomitumque. 3. Ulcus, quod eo usque siccum fuerat, jam fluidum, suoque postmodum in fluore continuum. 4. Subito turbatas urinas, quæ pluribus diebus limpidissimæ fuerant.

Igitur iudicium proprie fiebat die undecimo. An integrum? Equidem dubitabam, propter notabilem pulsum, in diem 20. usque, intermissionem; Febris tamen acutæ absentia, ac virium reditus, citra aliam, quam ulceris, evacuationem, iudicium perfectum ostenderunt.

Quid igitur intermittens ille pulsus? Sane ex eo & circa criticum tempus, & cum prægressis quibusdam coctionis signis, observato, sæpius, autore *Solano*, evacuationem criticam, vomitu aut alvo futuram, prædixi ad ægrorum lectos in Nosocomio; id quod etiam in hoc ægro, eodem undecimo die, exacte confirmabatur. Attamen cæteris octo diebus, cum nulla per vomitum, alvum, hæmorrhoidasve, evacuatio, pulsu continuo intermittente, contingeret, experimentum fallere visum est. An quia cocta morbi materies, in corpore superstes & ratione intermittentis pulsus aut vomitu, aut alvo, aut hæmorrhoidibus, eliminanda, ulcere effluxerit aperto? Numquid hic pulsus, si materia per vias a *Solano* indicatas non effluit, etiam ulceris, si adest, fluorem præfagiat?

10 Adolescens 17. annorum, obnimii ponderis, gestationem febricitans, bis secta vena ad nos adducitur, finiente jam die sexto, & jam tum in pectore brachiisque variegata, præ rubedine, cute. Crevit pessimis cum signis, & symptomata maxime alvo, morbus. Die autem 11. alvus pulti similis, ac flavida; simulque ad pectus, maculæ plures, ad nullum certum eruptionis genus sese determinantes, conspectæ sunt. Quæque a nuethemeri spatio defuerat urina, copiosa nunc illa, & cum enæoremate fundum brevi petente mittebatur; Febris modica, flava, pultique similis alvus; &, projectus qui fuerat, renatus appetitus. Die 12. perseverantibus bonis hisce signis, vires majores, lingua nitidior, nox optima fuit. Die 13. veniam per conclave ambulandi, cibosque tum mutatos, tum copiosiores, rogavit. Die 14. vero juveni per omnia sano Miliaria alba erumpunt, paucas intra horas iterum sicca; eodemque plane modo, spatio 5. dierum, continuo renascentia, & eodem die exsiccantia sese ac disquammantia, absque ulla vel minima labe sanitatis. Ita ut brevi

No.



Nosocomio exiret, constantique postmodum sanitate gauderet.

Maculæ rubræ ad sextum diem, adeoque per morbi augmentum, adparuere: pustulæ Miliaribus forma similes, crisi jam perfectæ, ac sanitate recuperata, effloruerunt. Criticum ergo neutrum fuit.

11. Maligna admodum Febre Juvenis decubuit, variolas nunquam passus, easdemque valde metuens. Ad sudores validos, eosdemque continuos corpus, patrio errore, disposuit, quotiescunque non aderam. Hinc die 5. maculæ rubræ in collo ac manibus visæ sunt, mox vero iterum evanidæ. Itidem die sexto. Posthac illum, ægrotans ipse, non vidi. Ab aliis autem rescivi rubris illis maculis alba Miliaria sensim accessisse, profusissimosque toto in corpore sudores. Ad diem 15. totus Miliaribus scatens, periit.

Nimio atmosphæræ, parvo in cubiculo, calore, coactisque sudoribus, utrumque Exanthematum genus genitum est; neutrum sane criticum.

12. Femina 24. annos nata, nono morbi acuti die ad nos deferitur, maculis rubris in collo, facie, pectore, summo humero, jam a biduo deturpata, & ab earum eruptione in pejus lapsa: Porro ipso hoc 9. die duo observabantur: 1. Retrocessio macularum, 2. intermittens pulsus cum torminibus ventris, cum tenesmo, & dein cum alvo cocta multaque, ad tertiam usque vicem repetita. Mitis exinde illico Febris.

Judicium factum multa suadebant; sed insolita admodum debilitas post subitaneum macularum retrocessum, maligni quid portendebant. Unde corticem extemplo dedi. Mox inde recreata bis similem alvum posuit. Die 13. tria visuntur in collo Miliaria, quæ perstant triduo. Die 17. pauca alia accedunt. Ut & die 18. 20. 21. Sed ut dixi, mox assumpto cortice mire recreabatur, subitoque reddeba-

tur sana; ut cum paucis hisce papulis egredi domo; si opus fuisset, potuisset.

Enarratione tota arguitur rubras maculas, crescente morbo natas plane symptomaticas fuisse; Miliaria vero post crisin quandam, postque plenarum virium reditum, nata, Criseos certe normam non habere. Forte prius illud symptomaticum Exanthema subito evanescens, viresque prosteruens, posthac bonitate corticis, paucorum forma Miliarium, effloruit.

13. Vir 27. annorum sexto Febris continuæ die Miliaria habet, quæ nunc plus, nunc minus, extabant, usque ad 12. diem, quo nova pellucidaque eadem & alba, prodire. Continua Febris nunc in remittentem, bis die exacerbantem, abivit. Die autem 16. & 17. æger copiosissimis scatuit Miliariibus, Febris inde exacerbatio major, viresque projectiores. Cortex ad 20. diem dari ceptus; cujus sub usu papulæ novæ. Sanitas integra brevi sequuta est.

Prodire prima Miliaria cum morbi incremento, imo morbo posthac in longe periculosiorem mutato; posteriora itidem. Nulla proinde criseos similitudo.

14. Eodem tempore mulierem, ulcerosa scabie, sponte fere curatam, ceterum arthriticis obnoxiam insultibus jamque univerforum pene artuum rheumatismo laborantem, suscepi in Nosocomio. Febris acuta fuit, pustulæque nonnullæ rubræ in facie, unaque insignior ad nasum, aderant. Die 13. rubra Miliaria copiosa prodire in facie, collo, brachiis, cruribusque universis; una hora conspicua admodum, hora altera vix visibilia. Die 15. & 16. bene prostant. 17. adhuc magis. 18. maxime, sed cum intolerabili cephalalgia. Die 19. ipsi pedes Miliaria habent. Die 20. Miliaria rite quidem prostant, sed magna præcordiorum anxietas adest. 21. & 22. die cum copiosissimis Miliaribus enormes pedem, quo præcise olim loco Po-  
da.



grā, excruciant dolores. Die 24. cum Miliaribus & copiosis, & magnis, valida Febris. Miliaribus jam, in facie siccescentibus ad 27. diem Febris magna. Decem postmodum dies elapsi sunt, priusquam ultimæ pustulæ exsiccarentur. Rheumatici dolores, Febre, & Exanthemate jam evanidis, diu adhuc perstiterunt.

Contagium hæc femina vel jam habuit, cum ad nos duceretur, pustulis in facie rubris tunc jam maculata; vel in Nosocomio, Miliaria ægro mox descripto habente, contraxit. Ceterum, nemo, credo, criticas has, eruptiones esse autumabit, qui cum iisdem videt morbi durationem, Febrim validam, judicium imperfectum.

15. Mulier 27. annorum sexta die suæ continuæ ac putridæ Febris numerosas acquisivit circum labia pustulas, ut & die 7. Ad finem autem hujus diei siccescentibus illis alba, eaque copiosa, succedere Miliaria ad scapulas, humeros, faciem, ac demum ad brachia universa, die 10. ac 11. pulcre prostantia, 12. numerosiora, 13. in toto dorso atque abdomine conspicua. Die autem 14. hæc omnia rubris Miliaribus plurimis interspersa, tam in priore, quam in posteriore corporis parte, inveniebantur. Die 15. his cunctis rite extantibus valida admodum Febris dum cephalalgia per integrum diem intolerabili, ægram vexavit. Die 17. ingentes anxietates adsunt. Cum 19. die examinarem an diuturniore decubitu, licet omnis adhibita cura fuisset, postica corporis haud excoriarentur, vidimus totum dorsum lumbos, nates, crura, pedes, pedumque digitos, confertissimis Miliaribus scatere. Hoc die incipiebant, exsiccari, exsiccatio tota brevi successit, integraque sanitas.

Quia eodem tempore cum binis posterioribus ægris hic decubuit, natum contagione Exanthema

facile credimus ; symptomaticum autem fuisse dies 15. 16. 17. abunde evincunt .

16. Femina Petechiis , antequam ad Nosocomium deferretur , fere enecta , altera die mortua est .

17. Peripneumonicus in Nosocomio casu & neglectu Exanthemata passus , brevique inde curatus , crisi Peripneumoniæ posthac rite absoluta , Tom. 1. hujus operis , ut & alibi , descriptus fuit .

§. II. Ægri ergo numero septendecim spatio sex cum dimidio annorum Petechias , aut Miliaria , aut utrumque , in Nosocomio practico habuerunt , adeoque quinque circiter omni biennio . Pars media horum , Exanthemata , antequam ad me adferrentur , jam habuerunt ; pars altera iisdem in Nosocomio practico correpti sunt : ergo inibi spatio trium annorum Exanthemata hæc quatuor duntaxat ægris eruperunt . Omnium vero duo tantum fuere , quibus id sponte contigerit ; reliquis quindecim aut contagium , aut prævum regimen , medendive methodus , aut combinatæ hæ causæ , Exanthemata produxere . In nemine vero illorum ea critica fuisse , ipsa cujusque morbi historia abunde evicit . Ad historias autem illas quod spectat , exacte profecto eas ex majoribus Nosocomii Diariis contrahere valui , quod in hisce quidquid ægris nostris omni die , quavis hora , singulo momento , contingit , exactissime , amplissimeque , adnotetur : unde etiam fit , ut ipsa hæc Diaria basin ponant dicendorum Medicinæ Studiosis ad ægrorum lectos .

Igitur irrefragabili experientia convictus , assero nemini meorum critica hæc Exanthemata fuisse . Imo si nunquam Petechiis , Miliaribusve laborantes vidissem , & nudam modo horum 17. ægrorum historiam legissem , quo amabo ! jure criticum id vocarem , quod sæpe diebus neutiquam criticis , sed admodum  
in .



infidis, contingat? quod cum morbo & multum, & diu ingravescente, auctoque proinde periculo, fiat? vel etiam quo erumpente, criticæ evacuationes, in morbis acutis citra Exanthemata consuetæ, eæque sufficientes, prodeant?

Hinc concludo I. Si in Aëre *Viennensi*, in quo Medicinam facio, adeo rarissima mihi hæc Exanthemata sunt, ut spatio  $6\frac{1}{2}$ . annorum vix 17. exemplarum centenis testibus potuerim producere; si præterea plerisque ægris meis, citra Exanthemata, integræ contingant, felicesque crises; tunc Exanthemata illa, aliis Medicis adeo frequentissima, critica utique appellari non posse.

II. Si iisdem acutis in morbis Exanthemata mihi rarissima sunt, in quibus alii Medici ea frequentissima vident, ea sane ab aëre, seu nostro, quod vocant climate, neutiquam generari; at vero potius a certis quibusdam causis, quas ad ea generanda ponere soleant illi, ego autem non soleam. Quænam porro causæ illæ sint, has in *Tract. de Febr. Divis.* satis superque, ni fallor, ex pluribus; imo etiam ex celebrioribus *Germaniæ* Authoribus demonstravi.

Ut igitur multa paucis dicam, differentia exercendi Praxin tanta est, ut differentia in morbis inde necessario generari debeat. *Mistura Hofmanniana* Præctici *Germaniæ* dicta, eive similis, nunquam adhuc cuiquam nostrorum acuto in morbo, data fuit. Deinde 2. Pulveres absorbentes, sive testacei, ac præcipitantes, nec non bexoardici, & cinabarini, nunquam iisdem in morbis in Nosocomio præscribuntur; pueras, infantes, & præterea ex centenis forte hinc inde unum alterumve, cui ab acido Febris, excipiat. Tertio Emetica aut Purgantia nunquam adhuc debui principio Acutorum dare. Ita ut *Hippocrates* Aphor. I - 22. & maxime in *Libro de Purg.* sive in Fragmento dicto *Heurniano*, recte monuerit oppido

raros esse casus illos, in quibus aut emetico, aut purgante, initio Acutorum, uti oporteret. Quam utique doctrinam in *Epidemiorum* Libris, passimque alibi, exemplo confirmavit. Quarto in calida, non renovata, putridis exhalationibus inquinata, atmosphæra, nunquam ægri includuntur, & fere suffocantur, in nostro Nosocomio.

Unde tam certum mihi videtur, quam quod certissimum, Exanthematum frequentiam a quatuor hisce causis positis oriri, ac perennare; & e contrario a Medicina *Hippocratica* eorundem observari raritatem. Hujus observati veritatem partim jam confirmarunt edita, partim brevi confirmabunt edenda in lucem variorum *Diaria Nosocomiorum*, in quibus demum Modernorum hæresin antiqua *Hippocratis* Medicina pepulerit. Merito igitur concludere mihi videor, quamdiu Moderni morem obtineant, eos Exanthematum perpetuare crebritatem; eorumque conscientias graviter oneratas manere, tum ea majori molestia, quam suis ægris frustra faceffant; tum graviore periculo, in quod conjiciant eosdem; tum denique multorum strage, quos Exanthema, dedita opera provocatum, quotannis e vivis tollat.

## C A P U T II.

### *De Hydrope, & Tympanitide.*

---

§. I. *Viri Hydrops ascites cum monstroso Omento, ceteraque Abdominis pinguedine mire degenerante. Varia circa ejus causas, & effectus. Observatio perti-  
nens ad Historiam Vomitus, qui secundum communes Pathologiæ leges inevitabiliter hic adesse debuisset, adesse tamen baudquaquam potuit.* §. II. *Hydrops*  
fe.



*femina cysticus, ascitesque, Abdominis; una cum hydrope pectoris, & inferioris corporis intercute. Saccus ex Ovario ipso, ejusve Hydatide, ortus, ventrem explens fere universum. §. III. In alia muliere Hydrops & cysticus, & ascites: saccus autem tam ab Ovario, quam a toto sinistro uteri latere, natus, in eoque una cum aqua aër contentus. Parvus admodum Thorax; pulmonumque pars notabilis aquæ, in quam injecta, fundum petens. Ad trinos hos casus impossibilitas Parisinos imitandi ostenditur. §. IV. Ostendit idem historia Hydropicæ ex Tom. 4. resumta, atque in præsentem diem producta. §. V. Prosecutio alius exempli ex Tom. 4. curam cystici tumoris, natura viam monstrante, enarrantis. §. VI. Tympania improprie dici potest Aqua, & Aëre, gigni; unde Veterum quorundam, id ita affirmantium mens intelligitur: quanvis eo in casu alio potius, quam Tympanitidis nomine, morbus insigniendus esset.*

**D**E hoc argumento fufe egi Tom. 4. *Rat. Med.* cap. 3. variasque curandi methodus examinavi, ut constaret qua demum ratione ejusmodi calamitates sive percurare nonnunquam, sive saltem tolerabiliores reddere, possimus. Verum cum proxime elapsus Academicus annus novas suppeditaverit, easdemque notabiles admodum, observationes, operæ precium erit hæc nunc recensere, fufiusque differere super hac quæstione.

§. I. *Scrini*orum faber 36. annos natus, sanus perpetuo, vino licet deditus, calidissimo die 25. Julii 1759. domicilium mutans, transferenda suppellectili plurimum occupabatur, gelidamprocul dubio plurimam ingurgitans. Nocte insequente collo, lumbisque, dolere, simulque tumere ventre, cepit. Variis remediis frustra usus, ad *Fratres Misericordiæ*, mense Novembri

bri, se contulit. Hydropes intra octiduum immensa crescente, libras medicas aquæ limpidæ, flavæ, utcumque flocculentæ 68. Paracentesi eduxere: renato autem subito malo, 48. libras, elapso vix a prima Paracentesi octiduo, iterum evacuarunt.

Ventre hinc egregie depleto, expertissimus huius Monasterii Medicus D. *Guarin* minitantes morbi reditum aptis semper retudit medicamentis. Interim manifesto deprehendebantur in ventre tumores, qui prominentes globos hinc inde referrent. Perpetuosque fere & dolores & ardores miser ad umbilici regionem, conquestus est. Unde demum collapsis viribus 13. Dec. periit.

*Fratres Misericordiæ*, Lymphæ 2. aut 3. ut putant, mensuras cavo abdomine eduxere: cum vere ceterum totum inibi confusissimum cernerent, attulere mihi exentam totam quantam viscerum ventralium molem, cohærentem ita, ut in corpore fuerat. Cujus en publice factam Anatomen.

Ingens ventriculus adparuit, lieni arcte connatus; hepar autem mediocriter. A fundo autem ampli, latique, ventriculi, durum, crassumque scutum nascebatur, universum explens abdomen, usque in latera, imaque pelvis; viscerum proinde omnium conspectum velans, peritonæo hinc inde connatum. Eodem elevato intestina nuda patebant. Ut manifesto constaret ingentem hanc molem degenerans Omentum esse. Accuratiore examine patuit substantiam ejus constare tuberculis innumeris, majoribus minoribus; hinc omnino informem, & inæqualem; lamellis Omenti ambabus, intime connexis, constantem. Cartilagineam naturam plura tubercula induerant. Parvumque ita *Winslow* dictum Omentum pariter degenerans, cum Omento magno, cum gibbo ventriculo, cum cava hepatis regione, ante sinum venæ portarum,



rum, intime concreverat. Pondus autem Omenti totius  $5\frac{1}{2}$  librarum fuit.

Omnes præterea productiones adiposæ, quæ, totidem Omentulorum instar, ad Colon, Rectumque, enascuntur, eodem modo degeneraverant; ad Rectum, vero adeo, ut inde tota pelvis repleta cerneretur.

Mesenterium, ac Mesocolon, iisdem quidem tuberculis scatebant, sed aliter dispositis; ramosis nimirum, eumque productis in modum, quo in Fodiis, vel subterraneis specubus, Stalactica.

Sub duro Omenti tegmine compressa locabantur, interque sese ligamentis, facile tamen dilacerandis, connata Intestina. Omnis pinguetudo, quæ tria ad hepatis ligamenta comitari solet; omnis ea, quæ vesicæ tellæ, ejusque ductui, circumfusa cernebatur, nil nisi similem induratum, atque globosam, referebat substantiam. Pylorus intus bonus, exterius tumorem gerebat, qui & durus, & semicircularis, & plus quam tres digitos latus crassus, inventus est. Diaphragma tota sua inferiore facie duos hos sebaceos tumores, semidigitum crassos, gerebat.

Si spicaremur fere calore nimio fusam Omenti, Ventrisque pinguedinem, subito frigore, dum vespere a laboribus quiescebat homo, ad ventrem externum admissio, frigore quoque potus gelidi intro suscepto, coaluisse, induruisse, in irresolubilem hanc massam abiisse; sensimque appulsis humoribus autam esse; atque hinc positam demum, quod in ejusmodi degenerationibus assolet, Hydropis causam fuisse. Utique dies fuit totius æstatis calidissimus, thermometro post meridiem in loco a reflectione radiorum immuni 90. gradum notante. Si in tanto calore ponderetur labor, quem vehementem, quem continuum, sustinuerit, & conferatur cum observatione *Ruischii* fusam a motu pinguedinem in equo descri-

scribentis , conjectura verisimilitudinem adipiscitur :

Nunquam , quod notandum , homo in hoc morbo vomuerat . Attamen præter alias vomitus causas , irritatio perpetua Ventriculi , tum & Pylorum pre-mens , arctansque , moles , vomitum frequentem , ac vehementem , ex iterata experientia anatomica , excitare debuissent . Verum in hoc homine Ventriculus & utrinque , & toto fundo suo , tam duræ , tam crassæ , tamque ponderosæ massæ , adeo intime adnatus erat , ut videretur , ne a fortissimo quidem Emetico in convulsivos vomendi motus contrahi , agitari-que , potuisse . Bilis in Cystide copiosa , aurantia , tenax .

§. II. Mulier 52. ætatis annum agens , adhuc mestrans , a 12. retrò annis tussi vexata , alvo perpetuo segnis , curat sibi pro consuetudine majali venam tundi ; ex eoque tempore fluore menstruo caruit . Brevi postea dolorem in Hypogastrio quidem toto , sed sinistro ejus in latere intensiorem , percepit ; ut ultra in illud incumbere nullatenus posset . Crevit sensim abdominis moles , ita tamen , ut cutis & musculi semper flaccidi manerent ,prehendique ac complicari , possent , præterquam ad umbilicum . Dolorem deinde in dextro hypocondrio conquesta est , versus costas ac ventriculum se extendentem ; qui tamen posthac minus observabatur . Quinque septimanarum spatio ventrem ego sæpe sollicitè tangens , dura omnia deprehendi , præcipue utroque Hypogastrii in latere ; fluctuationem vero liquoris nunquam . Tandem contigit , ut dum incederet per plateam , acutum sinistra in abdominis parte dolorem , cum quodam dilacerationis sensu , perciperet . Ex illo die manifesta humorum undulatio ab utroque umbilici latere , in Epigastrio potissimum , percepta est . Jamque integumenta , & musculi abdominis , olim adeo flaccidi , vehementer tensi , expansique observabantur . Ventris cru-  
rum .



rumque. Hydrops intercus hisce se junxit .

Qui cysticus olim Hydrops fuerat, eum nunc, dilacerato sacco, Asciten produxisse rati, ad Paracentesin devenimus, apertura solito altius facta; quia infra nulla undulatio, sed magna potius durities. Unde nobis videbatur callosus, crassusque faccus, licet infirmiore quadam plaga crepuisset, multisque esset evacuatus aquis, tamen dura sua mole, lymphæ forte multa adhuc circa ejus fundum existente, hanc efficere Hypogastrii duritiem.

Paracentesis 7. Nov. 1759. instituta, 22. prope modum libras medicas fusci, turbidi, spissi, liquoris eduxit. Ventre inde plurimum evacuato, femina veluti reviviscere tridui spatio visa est. Verum brevi adeo tempore liquor undulans recrevit, ut propter anxietates auctas, suffocatamque respirationem, cogeremur 31. Nov. repetere Paracentesin; qua tamen haud ultra 16. libras educere potuimus.

Vix inde perceptum solamen, quod anxietatum alia longe, quam olim, se causa prodiderit. Decubitus in dextrum latus commodior, subita a primo somno excitatio, & suffocans eo tempore anxietas, Hydropem dextri thoracis lateris innuerunt. Ita tamen, ut sinister thorax haud omnino ab aquis videretur esse immunis: diutius enim in dextrum latus jacentem suborta nonnunquam nova anxietas in sinistrum latus convertit.

Diuretica & ante, & inter, & post Paracenteses, cujuscunque generis, etiam varia Purgantia, nullam opem tulerunt. Exigua alvus, & pauca atque lateritia dicta urina, tantum prædierunt. Conamina nostra ad aquas exulceratis, aut scarificatis cruribus educendas, palliarunt quidem aliquantisper, symptomata autem non abstulerunt. Ad 15. Januar. 1760. obiit.

Cadaveris venter valide fuit ; æquabiliterque ; tensus . Aperto prudenter Peritonæo , corpus ingens , fuscum , durum , totum quantum explebat abdomen , ab ima pelvi , ad usque lienem & hepar . Idem illud , variis in locis , expansionibus firmis , membranosis , & adiposis , cum Peritonæo concreverat , præsertim circa umbilicum , & in eadem cum umbilico latitudine , sinistro in latere , idque transversim , latitudine quatuor digitorum ; deinde & per tres , quatuorve digitos deorsum , ut cum prima transversa adhæsione angulum fere rectum componeret ; etiamque hinc inde , ad latus dextrum .

Examine eo usque producto patuit vel Ovarium dextrum esse , vel ex Ovario Hydatidem natam , quæ totam hanc expansam molem produxerat ; intus plenam subrubra aqua , quæ 24. libras ponderabat , quæque igni imposita , in scissilem abibat materiem . Saccus porro totus facie sua interna mire exulceratus , & hinc tuberculis , seu sebaceis , illinc ichorosis , iterumque alibi cartilagineis , aut etiam saniosis , plenus .

Quod vel Ovarium , vel ex eo natam Hydatida , hunc saccum formare dixerim , id ideo dixi , quod ambigui hæserimus utrum corpus quoddam , quod ad sacci radicem inveniebamus , Ovarium ipsum , an vero separatus parvus saccus esset ? Sinistrum ovarium in varios degeneraverat tumores . Uterus mutatus fuerat in duram substantiam , eamque carnosam , & difficulter perscindendam ; crassam adeo , ut vix in utero cavitas , nisi prope ejus orificium , superesset .

Universa pene Intestinorum moles versus lienem trusa erat . Ventriculus pro more ingens ; cum is , compressis adeo intestinis , vehementer distendi , inflarique , soleat .

In thoracis cavo dextro rubicundior adhuc aqua , quam ea , quæ in magno sacco hæserat , ad trium libra-



brarum pondus inerat, verum non, ut illa, in duram massam ad ignem mutabatur; pauca namque pellicula superstita evaporabatur tota. In sinistra thoracis camera, in qua aliquam, sed copia minorem, aquam, vivente femina, suspicati eramus, nulla aqua inventa est. Pulmo lateris dextri vix mediam ejus altitudinem occupans, adparuit condensatus, ac veluti ad ignem crispatus. Idemque inferiore sua tota media parte, dum in aquam conjiceretur, ejus fundum petebat; innatabat vero superiore. Interna pulmonis substantia sat bona, sed lata ejus in dorso cum pleura cohæsiō.

Tota superficies inferior pulmonis, Pleura, Diaphragma, Mediastinum, id est, quævis partes aquæ contiguæ, plenæ fuere tuberculis variæ magnitudinis, semiscirrosi, purulentisve, aut saniosis. Lien quadrifariam, profundaque incisione dentatus; durus. Hepar albescens & compactum. Vesiculæ bilis profundissime tinctæ copia duas pondere uncias superabat: ineratque vesiculæ calculus, quadrangulus fere, trium linearum diagonalem habens, spiculis innumeris, ac parvis, splendidisque lapillis concretus, exusto carboni rudiore adspectu haud absimilis. Nulla feri in encephalo redundantia, & quæ pauca aderat ventriculorum anteriorum lymp̃ha ad ignem non coaluit.

Ex historia morbi, & sectione cadaveris, id videtur colligi oportere, quod mulier ista primum Hydropem cysticum passa fuerit; quod deinde saccus parva quadam in plaga crepuerit, & Asciten effusis produxerit aquis; deinde quod paracenteses aquas Ascitis duntaxat eduxerint; præterea quod lapsu temporis concidentis sacci apertura, cujus vestigium invenire non potuimus, consolidata fuerit, sicque regenerata aqua sit, quæ saccum in eam, quam in cadavere deteximus, extenderit molem. Probabileque admodum, eam sacci

cras-

crassitiem impedivisse, ut vel morbi principio, vel sub finem ejusdem, undulantem perciperemus Lympham. An ideo, quod femina a 12. retro annis sicca, eaque valida tussi laborasset, Hydrops thoracis eo, qui abdominis, longe annosior? Nunquid, quod posteriore anno menses adeo irregulares, ac paucos, habuerit, & tamen Plethorica existeret, uterinum systema obstructum, atque induratum, habere ceperit?

§. III. Sub idem tempus aliam, quinquagenariam suscepi, quæ bona semper, ut aiebat, valetudine usa; nisi quod febre intermittente, seu quotidiana, seu tertiana, laborare consuevisset. Quas quidem febres largiore vini potu, quem impense amabat, semper se dispulisse asseverabat. Catamenia tarde incepta, maturius finita, pauca perpetuo & irregularia, habuit. Quinquennium elapsum esse aiebat, ex quo semel urinam mittere, præ adstantium verecundia virorum, impediretur: elapsis aliquot deinceps horis se ventre doluisse, urinam vero, quum mittere gestiret, nullatenus mittere potuisse: fomento tamen ad Hypogastrium vespere adhibito paucas reddidisse guttulas: remediisque postera die a Medico acceptis iterum guttatim eam prodiisse, postea autem sensim abdominis tum tumorem tum dolorem se percepisse. Adjungebat porro elapso ab illinc mense se, vehementer sitientem, copiam gelidæ immensam hausisse; cumque tota insequente hyeme admodum siticulosa foret, plurimum bibendi necessitati parere se debuisse; nec unquam nisi stranguriose reddere potuisse urinam.

Porro ventris mole crescentis extensionem, eo usque æqualem, ut ait, perceperat; cum vero plurimorum Medicorum opem frustra esset integro triennio experta, & tandem Decoctum Juniperi diu affatimque hausisset, ventrem quidem multum concedisse, sed etiam admodum inæqualem tactu, figuraque, reddi-

rum



tum esse deprehendebat: relicto autem eo Decocto, advertit antiquam ventri molem, antiquam rediisse æquabilitatem.

Ex hac sæpe repetita, eodemque semper modo enarrata, ac confirmata Anamnesi, conclusimus cysticum Hydropem adesse; cuiusdam visceris incerti quidem, probabiliter tamen obstructione systematis uterini natum; eique demum ascitem junctum esse. Quippe Catameniorum modus hoc ipsum systema dudum laborasse indicaverat nobis: annosusque vini abusus, frequentiores quoque narium hæmorrhagiæ ad causam prægumenam accedentes, morbum præsentem gignere potuisse nobis videbantur; ita tamen, ut continuus aquæ abusus eundem vehementer auxisset.

Urinosusne Hydrops forsitan non fuerit si quis suspicetur, respondeo Hydropem urinofum celeriter perimere, hunc vero jam integro perstitisse quinquennio. Sed præterea Hydropis causæ pridem in corpore extitere, antequam urinae retentio nasceretur.

Decoctum Juniperi multam sane ascitis lympham diuresi eliminavit, quum venter ita detumesceret; sed ascite evanido cysticus Hydrops cum omnibus suis tumorum inæqualitatibus eo manifestior adparuit. Confirmavit hanc phænomenis hujus explicationem ventris renato ascite æquabilitas.

6. Nov. 1752. Paracentesi eduximus 56. libras liquoris, qui fuscus, atque instar potus Chocoladæ spissus deprehensus fuit, integraque septimana asservatus non fœtuit; igitur autem a principio educationis impositus, pauca sui massa coagulabatur, plurima sui parte in auras evanuit. Principio, ut fit, ab operatione recreata, viribus solito citius decrevit, perpetuisque tum anxietate, tum pertinaci diuturnoque singultu, 19. ejusdem mensis obiit.

Venter monstrose inflatus. Musculi abdominales tenuatissimi. Peritonæum denso cum sacco, in cavo

ventre contento, hinc accretum, illinc liberum. Sacco levi vulnere pertuso, mox venter, flatu sibiloso erumpente, multum detumuit.

Saccus ex ima pelvi supra umbilicum, ac per totam ventris latitudinem adscendens, fundo suo terminabatur latis circiter quatuor digitis infra cartilaginem xyphoideam. Omentum supra saccum sub hepate locabatur, & hinc inde ad ejusdem lobi majoris crepidinem, tum & ad totius sacci fundum, adhærebat, & connatum erat. Thorax minimus fuit, nam hepar tam alte sub costis recondebatur, ut gibbo suo ultra tertiam [ ducto a superioribus numero ] adscenderet; eodemque modo diaphragma medio sui. Cellulositate quidem facile dilaceranda saccus pluribus in locis cum peritonæo connexum; ad latera vero, & in illibus, ligamentosis productionibus, non nisi cultro separandis, cohæsit. Origo ejus ab Ovario sinistro, totaque uteri sinistra parte; rundi sui postica plaga cum intestinis tenuibus unitus ope ligamentorum membraniformium, non tenacium, sed digito facile solvendum. Tenuia intestina omnia fere in Epigastrio sinistro convoluta: suo Colon loco. Jamque in inguine dextro, hisque cunctis in locis ubi saccus a cohæsione cum peritonæo liber, ac toto abdominis cavo, ascites erat. Aqua ascitis minime foetens; ea autem sacci, fusca & foetida fuit. Ipse autem saccus inæqualiter crassus, intus tuberosus, saniosus, semipurulentus, tota sua interna substantia. Aër, qui sibilo exiverat, ad anteriora sacci locatus fuisse videtur, hincque, facto vulnere, exitui aptus. Substantia sacci hic semilineæ, ibi lineæ, alibi 2. 3: linearum; in latere vero sinistri digiti, imo pollicis, crassitudinem inæqualem ac tuberosam, habebat.

Circa uterum nihil non confusum. Examine tamen patienter instituto, patuit Ovarium ipsum, dum extendi inciperet, cum laterali uteri superficie cohæsisse



fisse; Tubam Falt. pianam implicuisse sibi, eandemque ad sesqui spithamæ longitudinem extensam, secum duxisse, sic dum occupasse ventrem fere totum. Habebatque ad suam originem appendiculum, aqua similiter repletum. Dextrum Ovarium diametri sesqui pollicis lymphæ gelatinosa repletum erat.

Igitur Paracentesi eductus fuit liquor turbidus, non foetidus, in cavo abdominis ascitem faciens; qualis etiam a morte ibidem deprehendebatur. Libere enim effluere sub Paracentesi potuit e locis a cohæsiōne cum peritonæo liberis. Hincque factum, ut etiam in vivente undulatio perciperetur aquarum.

Docent porro hi tres casus, me, *Tom. 4. Rat. Med. cap. 3.* haud immerito aliquas, easdemque haud leves, adnotasse difficultates, in exequendo erudit. *Parisi. Chirurgorum* systemate, quo statuerant, eductis Paracentesi aquis, vulnus insigniter dilatandum esse, apertumque servandum; ut & omnis posthac renascens liquor, abdomen alioquin iterum extensurus, inde extillaret perpetuo, & saccus ita concideret, complanaretur, convolutusque concrefceret, ut deinceps ultra extendi nunquam posset.

In I. enim historia Hydrops renascens præcaveri quidem potuisset, lata servata ventris apertura; sed Omentum ita monstruosum non modo inde mutatum, non fuisset, sed aëris allapsu in sphacelum dirum, subiecta sibi omnia destruentem, abivisset.

In historia II. & III. saccus in Paracentesi perfcissus non fuit; perfcindendus ergo fuisset. Equis vero pollicis forte densitatem offendens, nescius proinde quid forte perfcinderet, cultro penetrare ausus fuisset? Haud enim id in vita, ut quidem in cadavere; illico patescit. Nec concidisset saccus, sustentaculis quippe & adhæsiōnibus validioribus cum peritonæo cohærens. Quid vero in substantia ulcerosa, scirrhusa, saniosa, adeo crassa, vulnus effecisset? Quid

demum aër? Dira certe carcinomata, quæ mutus binorum pendentis sacci laterum affrictus auxisset vehementer. Quodsi demus aperturam forte fortuna in tenuiore sacci substantia, ut latis in plagis anterior, posteriusque erat, penetratam fuisse, quid inde non timendum ab Intestinis? Compressa hæc olim, jamque libertatem nata, & flatibus distenta, aut colicis expansa doloribus, versus locum minime resistentem, saccum, seu ejus parietem posteriorem, protrudere, extrudere, & ventrem extra ventrem, monstruosamque formare Herniam, potuissent. Mitto nunc, quæ de degenerascente Ovario exscindendo, etiam ab iisdem claris viris proposito *Tom. 4.* dixi. Utique in tertio hoc exemplo patuit Ovaria, dum extendunt sese, quandoque utero primum adplicari, eidemque arctissime uniri; Ovarii proinde extirpationem majoribus difficultatibus premi, quam quidem theoretica ejusdem contemplatio suggessisset.

§. IV. Prosecutio historiæ mulieris, de qua *Tom. 4. cap. 3.* difficultates confirmat eandem. Sic enim res nunc cum illa se habet. Tumor abdominis post Paracentesin semper recreverat, undulans nunquam. Hydragoga vitam hyeme præcedenti, bonaque veris parte, tolerabilem ipsi reddiderant. Maji vero 10. proxime elapso, motum exercens validum, pondusque elevans, crepitum in ventre percepit, veluti quid intus sibi dilaceraretur, simulque subitum ventris incrementum. Fluctuationem nunc manifestam iterum deprehendebamus.

Ut anno præterito præter cysticum tumorem habuerat asciten, Paracentesi eductum, ita etiam nunc, vel sacco ipso vi lacerato, ut in historia II., vel alio tumore hydatico rupto, asciten adesse rati, 14. Maji Paracentesi eduximus libr. 20. liquoris turbidi fusci, tenacis, haud foetentis, vix imminuta abdominis mole. Unde potius alterum a primario sacco disruptum



ea vi fuisse credimus, cum primarius ille, intra oëtiduum a percepta dilaceratione, æque magnus, extensusque, quam olim deprehenderetur. Liquor eductus secessit in gelatum, quod luminì admotum pellucet, & in liquorem fuscum, fere limpidum, qui ad ignem omnino coagulatur. Toto eo tempore notavimus ejus urinas nunquam habuisse lateritium sedimen, ut alias id hominum genus habet; sed tale, quod a bona in acutis hypostasi haud facile interstinguas.

Post hanc Paracentesi aliud quid, præter descriptam formam, extensionemque, venter notandum exhibuit. Circumscriptus quippe tumor ab Hypogastrio ad umbilicum, & ultra, extensus, durusque idem, atque ovalis, deprehenditur; haud sane aliter, ac si ultimam graviditatis metam attingeret. Maritata cum sit, graviditatis datur una cum Hydrope, tum cystico, tum ascite, possibilitas. Id vero incertum. Casus famosus *Drelincurtii*, cui similem etiam *Tom. 4.* descripsi, abunde evincit uterum posse, dum privato turget Hydrope, simulare graviditatem. Tempori utique hoc concedendum. Interim præter alias sufficientes rationes haud imitandi *Parifinos*, nova hæc nobis, eaque urgens sane ratio, saccum haud aperiundi, fistebatur.

Dies interim docuit diem. Elapsis nunc fere quinque mensibus, dum hæc sub prælo sudant, ex quo subdubitare ceperimus, mutatio figuræ, incrementumque abdominis, plane arguunt, personatam graviditatem fuisse. Quamvis igitur graviditatis metus haud existat ultra, subsistunt tamen graves aliæ rationes abstinendi a cura proposita.

§. V. Anno proxime præterito innueram casus nonnunquam dari, ubi id ipsa per sese natura facit, quod in proposita methodo & difficile deprehenderamus, & periculosum, & sæpe impossibile. Videatur hist. mulieris *Tom. 4. cap. 3.*, quæ scilicet in gravidita-

tate, præcipueque deinde a partu, ab umbilici dextro latere tumorem gerebat, qui manifestam puris, ætioris spatio contenti, fluctuationem exhibens, aperiebatur, pusque copiosum per multos dies fundebat, cum imminuta duritie, & ceteris bonis inde sequentibus signis. Quandiu potuimus, locum in illa, servavimus apertum, quia purulentus sacculus peritonæo accretus esse detegebatur, nec admodum magnus ille, ut Sylo flexili & incurvo patebat. Mense Octob. & Nov. 1759. vulnus sponte coëuns, aliquoties dilatavimus, eo quod superstitem duritiem deprehenderemus. A partu, qui inenate Junio contigerat, defuerant menses; finiente vero Octobri rediere; ex eoque gravida facta, mense Augusti feliciter peperit. Locus affectus sine ulla duritie relicta, aut tumore, coivit. In ejusmodi casibus verum illud Manilii: *Artem experientia fecit, natura monstrante viam*: præter naturam magistram, res semper periculosa admodum alæ.

§. VI. Antequam hoc caput finiam, unum monendum habeo. Tom. 2. & 4. de Tympania agens, in eorum sententiam abivi, qui aëri soli, eique intestinis cavis contento, adscribant eandem. Quippe capta in cadaveribus experimenta, præter *Dureti* & *Littræi*, aliorumque, auctoritatem, eo me adduxerant. Historia tamen III. hujus Capitis, demonstravit posse ex putrido liquore aëra in sacco gigni, pertusaque sacco exire sibilando. Ergo si Veterum nonnulli simile quidpiam forte observant, Tympanitidem dixerint aqua & aëre gigni, hancque partim aëream, partim aquosam, haudquaquam in Intestinatorum cavo, sed in ventre, contineri, non est quod obloquar. Verum enim vero nec in vita, nec in cadavere, hic, de quo agimus, morbus, ipso Tympanias nomine recensendus venit, totam ejus historiam attente pervolvamus. Utique nulla in eo Hydropis sicci signa.



## CAPUT III.

## De Hydropē Pectoris.

§. I. *Signa & Symptomata morbi ex Hipp. Sequentium ævorum Scriptores parum aut nihil ejus meminerunt. §. II. Sæculo autem XVII. ut & præsentī, plures de eo ex professo egerunt. §. III. Diagnōsis & curatio ex authoribus formantur. Ea occasione Paracentesis tum in genere, tum ea Thoracis in specie, examinatur, ac remediis ceteris præstantior declaratur. Inquisitio fit quibusnam, & quandonam, proſit. §. IV. Examen Evacuationum in Hydropicis per Cauteria, Scarificationes, Vesicantia, &c. & qua lege usui venire queant. §. V. Problema proponitur cur laudata in Hydropē pectoris Paracentesis adeo raro instituta fuerit, adeo raro adhucdum instituatur? Responsum petitur ab inchoantis morbi incertitudine, & a rebus ejus, dum probe cognoscitur, conclamatis. §. VI. Fallacis morbi historia, practica traditur, qua dicta probentur. Incertitudo signorum ejus probatur historia Hydropicæ, multisque aliis practicis exemplis. Confirmatur ulterius alia historia notabili, & sectione anatomica. Conclusio medica.*

§. I. **F**EMINA, de qua Cap. proxime superiore actum, præter Hydropem cysticum & ascitem, Pectoris quoque Hydropem habuit. Hunc, vivente ea, dudum suspicati eramus, ut ibidem innui. Attamen quæ signa pathognomica morbi vocari solent, non aderant omnia; & quæ etiam in eadem Hydropem sinistræ thoracis cameræ indicare videbantur;

nos plane fefellere. Fallacem sane morbum plura nobis experimenta jam evicerant; ita ut eum incertissimorum morborum in classe locari oportere, cum Auditoribus meis sæpius doluerim. Quum tamen adeo & frequens morbus sit, & difficulter cognoscendus, operæ precium erit eum ab incunabulis repetere, adeoque examen instituere quorumvis signorum, quibus cujusque ævi Scriptores Medici illum nobis depinxerint, cognoscendumque, ut indubie præsentem, dederint. Inquiram deinde num incipientis morbi signa propria artis usus forte non suggerat? Ex omnibus practicas regulas deducere conabor.

Ad signa morbi tum communia, tum pathognomica examinanda ab *Hippocrate* ordiri convenit. *Lib. 2. de Morb.* pag. apud *Fœs.* 483. *Tom. 1.* apud *Charter.* *Tom. 7.* pag. 575. vocatur morbus Ὑδρῶν πνευμονῶν, Si Hyderos, inquit, in pulmone nascitur, febris, & tussis, vexat, confertim respirat, pedes intumescunt, ungues omnes contrahuntur, & iisdem, quibus suppuratus, afficitur; verum remissius, ac diutius. Quod si Infusum, aut Fomentum, aut Suffitum adhibeas, pus non sequitur; indeque cognoveris non pus, sed aquam iotus esse. At si diutius aure ad latera admota auscultaveris, intrinsecus velut acetum olet. Et aliquandiu his afficitur, sed postea in ventrem erumpit: confestimque sanus, & morbo liberatus esse videtur. Verum, procedente tempore venter incenditur, eademque illa, & graviora patitur. Quibusdam etiam venter, & scrotum, & facies, intumescit. Et nonnulli istud ab inferiore alvo, provenire existimant, cum ventrem magnum, & pedes tumere, videant. Quæ certe intumescunt, ἢν ὑπερβαλλῇ τὸν καινὸν τῆς τομῆς, si sectionis tempus opportunum præterverideris.



Libr. de Aff. int. apud Foëj. Tom. 1. pag. 544.  
 & 545. apud Charter. Tom. 7. pag. 655. & 656. mor-  
 bi descriptionem & curationem eodem modo, sed fu-  
 sius, prosequitur. „ Hic Hydrops, ait, ex his oritur.  
 „ Quum ætatis tempore, siti premente, copiosam  
 „ aquam biberis, quandoquidem inde maxime gigni  
 „ solet, & pulmo expletus fuerit, rursus in pectus  
 „ dimittit. Quumque in pectore extiterit, vehemen-  
 „ tem ardorem excitat, ita ut pinguedinem, quæ in  
 „ arteriis inest, liquefaciat. At si semel pinguedo  
 „ multo magis liquefieri ceperit, Hydropem brevi  
 „ efficit. Gignitur etiam ubi tubercula, *φύματα* in  
 „ pulmone exorta fuerint, eaque aqua repleta in pe-  
 „ ctus eruperint. Quod etiam a tuberculis oriatur Hy-  
 „ drops, mihi argumento sunt Boves, & Canes, &  
 „ Sues. In his enim Quadrupedibus maxime pulmo-  
 „ nis tubercula oriuntur, quæ aquam continent. Se-  
 „ ctione namque facta id illico cognoscēs; aqua  
 „ quippe effluit. Talia autem multo magis in homi-  
 „ ne, quam in pecoribus fieri videntur, quanto mor-  
 „ bosa magis etiam victus ratione utimur. Pleri-  
 „ que vero exortis tuberculis purulenti etiam exti-  
 „ terunt.

„ Hæc igitur per initia oboriuntur morbo: tussis  
 „ sicca, & fauces exasperari videntur, & rigor, &  
 „ febris succedit, & orthopnoea; cutis totius corpo-  
 „ ris tumescit, tument pedes, ungues contrahuntur;  
 „ & quandiu quidem in superiore ventre Hyderus  
 „ extiterit, extat acutus dolor: cum vero ad infe-  
 „ riorem ventrem devenerit, melius habere videtur:  
 „ deinde progrediente tempore impleto ventre, ea  
 „ quæ prius patitur. Interdum vero ad latus tume-  
 „ scit, & qua parte secandum sit, indicat. Quod si  
 „ non indicet, multa calida lotum, humeris compre-  
 „ hensum, concutito, deinde quonam in latere mate-  
 „ ria magis fluctuat, auscultato,

*Hippocrates* igitur causam Hydropis Pectoris ducit 1. ab aquæ potu, & nimio, & celeriter ingurgitato. 2. A ruptis pulmonum tuberculis, [Hydatidibus] quæ, si versus externam pulmonum superficiem perfringuntur, suam utique lympham in cavum thoracis effundunt.

Morbi signa & symptomata ait 1. Tussim siccam 2. Faucium raucedinem. 3. Rigorem. 4. Febrim. 5. Respirationem citiorem. 6. Orthopnoeam. 7. Totius corporis, pedumque præsertim, Hydropem intercutem, seu *ἀνὰ σαρξά*. 8. Thoracis dolorem. 9. Hydropem ventris, cum remissione omnium symptomatum, quum pectus ad tempus evacuetur. 10. Recrescente pectoris lymphâ, quod ejus sit scaturigo perennis, tunc ascitem ultra non levare morbum pectoris. 11. Unguium curvationem, qualis fieri solet suppuratis: addit & alia suppuratorum signa, quæ mitius tamen ait, & diutius, ipsis evenire. 12. Absentiam sputi purulenti, etiamsi medela ad sputum provocandum adhibita sit.

Symptomatum horum plura etiam signa vera morbi sunt, sed addit *Hippocrates* aliud quid. Hominem nempe in sedili collocatum humeris valide concutit, movetque; ut sic aure mox ad latus admota, undulantem percipiat aquam. Addit pro alio signo, *Lib. 2. de Morb.* quod eadem pectoris aqua, dum sic aurem pectori admoveris, veluti acetum olet.

Errone aliquis hic exemplariorum? *Foësius*, & *Charterius*, & *Lindanus*, hic legunt ὕζει, *Cornarius* vero ζέει, nempe, *fervet*. Juxta hoc exemplar sensus bonus est, non vero lectione alia. Nunquid enim *Hippocrates* juberet non nares, sed aurem, pectori admovere, ut odorem aceti perciperemus? Sed si *fervere* intellexit, tunc aurem admovere oportune præcipit.



Cum magnus *Hippocrates*, adeo in ceteris *Lacōnicus*, judicaverit hunc morbum adeo fuisse describi oportere, expectare quis possit *Galenum Calium Aurelium, Aetæum*, posteriorumque ævorum scriptores, & fufos, & perfpicuos esse, cum de eodem agunt. Sed nihilminus. Plures in transitu meminere illius; nonnulli ne meminissent quidem. Quo quid in obvio adeo morbo mirabilius? *Platerus, Hollerius, Goræus, Capivaccius, Hier. Mercatus, Salius. Diverfius, Jacotius Ballonius Duretus*, &c. obiter modo de Hydropse pectoris locuti sunt, eorumque, quæ adeo fuisse *Hippocrates*, signorum pauca modo raptim tetigerunt: unde concludere nos cogunt morbum ipsis minus in viventibus ægris, quam in denatorum cadaveribus, patuisse. Idemque judicium fit de *Cardano, Coitero, Donato, Cratone a Craftheim, Casparo Bobino*, & reliquis omnibus, ex quibus optimus *Schenckius*, utiliffimas suas adornavit collectiones.

§. II. Ineunte autem Sæculo XVII. tres magni in arte Viri simul hoc argumentum pro aliqua ejus dignitate tractarunt. *Prosper Martianus*, Romæ; *Carolus Piso*, Nanceii; *Daniel Sennertus*, Wittenbergæ. Paulo post etiam *Lazarus Riverius* utcumque fuisse de eodem egit. *J. B. Helmontius*, quanvis de eo parum habet, in Tractatu tamen, qui vocatur *Ignotus Hydrops*, & morbum in ægri vita præsentem cognovisse, & in cadavere demonstrasse, videtur. Post illum *Sylvius de le Boe*, & cum *Lovvero Willisius*, ex professo de eodem egere. Plures tamen post illos, ut *Juncken, Etmuller*, &c. solo vix nomine morbum recensuerunt. Egregius *Wepferus* Libr. de *Affect. Cap. Obs. 60.* anatome potius illum, quam ægro vivente, cognovisse videtur: cumque ipsemet hoc morbo laborasse post mortem inveniretur, minus tamen id credidisse legitur apud *Brunnerum*, eo quod urinam egregie redderet, matutinisque gauderet sudoribus,

*Wratiflavienses N. C. Medici* ad *Ephemeridas* suas ann. 1699. -- 1702. *Tractatum* de *Hydrope Pectoris* adjecerunt, in quo ejusdem causas, signa curamque, erudite tractant. Exinde *Academia N. C. Paris. Lond. Edimb.* varia ejus dedere exempla, *Immortalis Boerhaave* Cap. de *Hidrope* §. 1219. *Hydropem* hunc describit *Empyemati* multis signis similem, sola causæ antecedentis observatione ab illo discriminandum. Nobiliss. *Russiæ Archiater de Gorter*, in *Med. Comp. Tract.* 35. morbum obscurissimum vocat, ejusque signa ex *Hipp. Pisone, Sennerto*, tradit.

§. III. Porro si ex quibuscumque recensitis hisce Autoribus causas, signa tam communia quam pathognomica, dagnosin quoque, & curam, diligenter colligamus, notanda sequentia invenimus.

1. In causarum enumeratione passim conveniunt omnes. Causas enim *Hydropis* generales recensent, quæ vel in aliis corporis plagis *Hydropem* primo conciliant, deinde pectori; vel pectori primum, deinde reliquo corpori; vel denique pectori soli. Causas præterea peculiare quasdam nonnulli addidere: v. g. maturiorem vulneris in thorace curationem, rupturam ductus chyliiferi, diruptionem hydrofici pericardii, vasorum in osseam substantiam degeneraciones, &c.

2. Signa morbi multi haud alia enumerant, quam quæ *Hippocrates*; nonnulli vero singularia dedere, quæ vel pathognomica, vel illis saltem proxima, appellarunt: v. g. subitaneam prima nocte excitationem, cum intentata fere suffocatione; alterutrius, vel utriusque, manus sive paralyfin, sive oedema; hypochondriorum tumorem: pulsum debilem, tardum, inæqualem, haud raro intermittentem; foentem animam; urinam paucam, crassam, & brevi ante fata ex atro rubentem, cum fuffuraceo, aut lateritio sedimine.



3. In Diagnosi multi, gravesque Viri, difficilem, obscurum, ambiguum, morbum esse fatentur: variis e contrario tanquam communi omnium more propriis ex signis cognoscendum, atque ab aliis interstinguendum eum describunt.

4. Curam ejus varii, vario admodum modo, auspicati sunt: Hippocrates textibus, ex *Libr. 2. de Morb. & Lib. de Aff.* supra recensitis, "Hunc quidem, ait, si exteriore parte intumescit, inter costas sectione facta, curare oportet. Sin vero minime intumuerit, etiam multa calida lotum tunc, veluti purulentos in fella collocato, & qua parte strepitum edet, ea secato: tertiam ab ultima costam ad os usque secato: deinde terebra acuta, ulterius perforato: votumque est, quo sane facile effluat, ut quam infimo loco id fiat.

„ Ubi autem secueris, oportet ulcus cavum, in interna patens, efficere imposito lino crudo; crassum autem, & extremo acutius, oportet hoc linum, five linamentum, facere. Quam paucissimam aquam parce emittas. Imposito igitur linamento mollem spongiam supra imposito; deinde ne penicellus decidat, deligato. Et si quidem 5. diebus in ulcere circumnascitur, ut plurimum evadit: sin vero circumnascitur nihil, postquam aquam eduxeris, sitisprehendit illum, ac tussis & moritur. Per 12. autem dies semel die aqua educenda: post 12. vero dies, id est, 13. die, tota aqua educenda est: & reliquo tempore, si ab aqua distensio fiat, exhaurienda, venterque cibis siccis ressecandus.

„ Hæc autem post sectionem exhibenda: succum laseris dragmæ pondere adparatum, & Aristolochiæ tali cervini magnitudine frustulum derafum, & lentium, ervique, torrefactorum polentam; utriusque purgatæ chænicis dimidium: hæc melle & a-

5, celo subigito. Deinde 60. trochiscis formatis;  
 5, unum tritum quotidie viai nigri austeri quam-  
 5, suavissimi heminae dimidio maceratum, mox jeju-  
 5, no potui exhibeto. Reliquam vero victus rationem,  
 5, & exercitationem eandem, quam priore tempore,  
 5, habere jubeto. Et si pulenda, ac femora intus-  
 5, muerint, audacter scarificato. Hunc si ita curave-  
 5, ris, certissime sanum reddes.

Monitos Lectores hic velim me 1. utrosque  
 laudatos *Hippocratis* textus dedita opera confudisse,  
 & commiscuisse, ut continua oratione integra ejus-  
 dem sententia pateret. 2. Me *Hippocratis* μότα, &  
 ἔμμοτα eo modo latina reddidisse, quo *Tom. 4. cap.*  
 3. necesse esse demonstraverim.

Haud omnibus æque arrisit hicce curandi modus.  
*Prosper Martianus* Paracentesin *Hippocratis* ut pri-  
 mum, ut prestantissimum auxilium, commendavit.  
*Magus Boerhaave* Aph. 1219. & 1238. *Hippocratem*  
 & *Martianum*, presse sequitur. At vero Auctorum  
 plerique hanc eo duntaxat casu laudarunt, quo re-  
 media consueta minime juvarent. Ita *Piso*, *Senner-  
 sus*, *Wratislivienses*, *De Gorter*, &c. Imo dantur  
 haud contemnendi in arte Viri, qui hanc operatio-  
 nem, cum bona *Hippocratis* venia, condemnarunt.  
 ut v. g. *Ludovicus Mercatus*, *Petrus Salius Diver-  
 sus*, & pene etiam *Sylvius de le Boe*.

Hinc ultimæ penultimæque classis Scriptores,  
 ut quovis passim Hydropem, ita & hunc eva-  
 cuantibus docuere debellandum. Unde purgantia  
 hi leviora illi drasticæ, tum omnis generis diu-  
 retica, ac sudatoria, præscripsere. Fonticulos quo-  
 que, & setacea, vesicantia, sacificationes, inustio-  
 nesque crurum, femorum, tumentisque scroti, ad  
 revellendam de pectore lympham, unanimiter com-  
 mendarunt.



Et sane quoad Paracentesin in genere, in quovis Hydrope, notamus eam ab omni retro ævo male audisse, & a multis tanquam periculosam, a nonnullis tanquam quovis indiscriminatim occidentem, proscriptam fuisse. Quos egregie *Cælius Aurelianus*, primi sæculi æræ Christianæ, ut videtur, autor, refutavit; ut & Sæculo 16. finiente *Ambrosius Paré*, alique. Præcedenti ac præsentī Sæculo frequentiorē in usum vocata est. Notabilia exempla *Acad. Reg. Sc. Paris. Theses Parisinæ* observationes omnium Regionum, multas Hydropis ascitis curationes ut vocant, radicales, aut semel, aut iterum, aut pluries instituta Paracentesi, referunt: tum & curas plures morbum egregie palliantes.

Numerosi, qui mihi obtigere, casus me docuerunt, palliantes curas numero plures, quam integras, Paracentesi perfici. Quare examinare confert quandonam integre, & quandonam tantum palliative Hydropici ejus ope curari queant: sponte tunc liquebit quibusnam Paracentesis, & quousque, prodest.

A causa quacumque homo potest notabili tempore eam suis in humoribus tenuitatem, eam cutaneis in vasis laxitatem, & anastomosin, habere, ut perpetuo fere sudet, sudorque guttatim defluat, & vestes madefaciat, lectosque. Sed & idem homo, seu bonitate naturæ, seu diætæ mutatæ, mutatæve atmosphæræ, medicamentorumque, auxilio; ita potest compingi humoribus, vasis ita constringi ut ultra, non sudet, viresque sudore contractas brevi recuperet. Hic homo tunc integre curatus est.

Verum ponamus exhalantium vasorum debilitatem minus ad corporis ambitum peccare, quam ad pleuram, ad peritonæum, ad viscerum in thorace, ac ventre superficiem; ita ut potissimum per harum partium exhalantia vasa tenuati humores Hydropem transsudendo creent. Ut priori, ita & huic naturæ,

regiminis, artis, auxilio, diathesis ita tolli potest, ut internus ille sudor cesset. An autem ita hic, quam ille curatus? Neutiquam. Prior ille vasis roboratis, inspissatisque humoribus, jam curatus erat; posterior cum omni hoc beneficio aquæ dolium manet. Hæc porro aqua si bonitate medelæ, aut maxime Paracentesi, evacuata fuerit, cum mutata in melius jam antea diathesi, perfecta aderit ac firma sanitas.

Etiam hoc in casu contingere potest, ut Paracentesis, nondum mutata diathesi, colluviem aquarum auferat; ac deinde optima roborantia & inspissantia remedia integram efficiant, constantemque salutem.

Si nunc homo a subito, ac copiosiore potu aquoso, post diuturnam sitim hausto in Hydropem incidit, quemadmodum olim totus pene exercitus invictissimi Imperatoris *Caroli V.* in expeditione *Tunetana*; utique potus abstinentia, motus, elater conservatus vasorum, ejusmodi innumeros restituere possunt. Sin vero abundantior lymphæ, in corpore effusa remanserit, homo hic aut aptis medicamentis, aut paracentesi, ab illuvie aquosa liberandus erit: liberatus, recte valebit.

Sed alia longe res est, si dispositio in corpore perseveret, quæ sublati aquis, perpetuo succedant novæ. Si educatis aquæ vasorum humorumque vitia corrigi nequeant, causæ persistentes novas continuo regenerabunt aquas. Si aperta hydatis aquam stillaverit,educta ea, novam abundantius, ablata resistentia, dabit. Ergo paracentesis ad tempus modo levabit; sed & medicamenta belle evacuantia etiam tantum ad tempus proderunt. Igitur cum medicamenta sæpe nihil aut vix agant, prætereaque corpus defatigent; ipsa vero paracentesis vires vix projiciat, nec corpus exagitet, secute autem semper, certoque evacuet; merito *Prosper Martianus*,  
& *Boe-*



& *Boerhaavius*, paracentesi medicamentis prætulērunt. Tandem in ascite, cui Hydrops cyticus jan-  
ctus, etiam ceteris paribus est Paracentesis medica-  
mentis anteferenda; quia medicamenta ibi vix un-  
quam efficaciter agunt, & Paracentesis semper eva-  
cuat.

Diffiteri equidem non possumus mortem Para-  
centesi pressio pede nonnunquam insequi: cum tamen  
eo modo in casu tunc adhibetur, ut vitam lymphæ  
abundantia jamjam suffocandam fortassis aliquantisper  
producat, dubiumque tunc auxilium, quam nullum,  
adhiberi præstat; neque etiam hic condemnanda Pa-  
racentesis erit. Hujus erat mentis *Hippocrates* Lib.  
*de Loc. in hom.* pag. apud *Foëf.* 417. τῶν νοσηματῶν  
δ, τι ἂν ἐπικινδυνότον ἔστιν, ἐν τῶτοις παρακινδυνε-  
υειν χρὴ ἐπιτυχῶν μὲν γὰρ ὑγιᾶ ποιήσεις, ἀτυχήσας  
δὲ ὅπως καὶ ὡς ἐμελλε γίνεσθαι. In morbis, in qui-  
bus periculum ingens adest aliquid audendum est: si  
enim successerit, poteris servare ægrum; si non  
profeceris, sit modo id, quod sine tuo molimine  
brevis contigisset.

§. IV. Atque hæc de Paracentesi. Sed quæ com-  
mendatur evacuatio in quacumque Hydropis specie,  
cauteriis, ac scarificationibus peragenda, illa etiam,  
subsequa brevi gangræna, discrimine non vacat. Pas-  
simque omnes post *Hippocratem* Medici Hydropicorum  
ulcera curatu difficillima, ne dicam impossibilia, no-  
tarunt. Interim qui hoc primus notavit *Hippocrates*,  
ille etiam ulcera Hydropicis arte excitanda esse pri-  
mus monuit. Sibine igitur contradixit? Minime; sed  
necessariam adhibuit, quam negligere solemus, cau-  
telam. Ἀεὶ τὰ ἐξοιγώμενον χρῆεν θεραπευτῆρι φαρ-  
μάτῳ. Sicque averruncare gangrænam potuit. Unde  
bene *Prosper Alpinus*, finiens suum 7. Lib. *de Med.*  
*Methodica*. „ Hocque, inquit, præsidii genere sci-

„ mus nos complures Hydrope fuisse sanatos ; at quia  
 „ curationem vulnerum neglexerunt, alio morbo quam  
 „ Hydrope interemti sunt : quippe vulnere in gangræ-  
 „ nam abeunte . . . Quare, dum in Nosocomio scarifica-  
 „ tiones, Hydropem palliantes, instituimus, saturato  
 corticis peruviani fomento gangrænam averruncavimus.  
 Ultra nunc progrediemur, Hydropem & ascitem, &  
 intercutem, curatum vidimus in cancrrosa femina,  
 cui cortex adversus cancrum dabatur. Cancer quidem  
 non curabatur ; sed vasa corporis, cortice roborata,  
 omnem aquarum colluviem alvo, & urinis expule-  
 runt. Quid ergo impedit, quominus Hydropis, sine  
 viscerum interiorum scirrho obtinentis, curam cor-  
 tice & assumpto, & sacrificatis admoto locis, tuto ten-  
 temus ? Duplex sane causa nos eo adigit : altera egre-  
 gius effectus in ipso morbo ; altera ejusdem, ad mor-  
 bi proegumenam causam haud raro tollendam, ex-  
 ploratissima virtus.

Atque hæc de ejusmodi evacuationibus in genere  
 dicta sunt ; superest eam, quæ de ipso thorace di-  
 recte instituitur, nunc contemplari.

§. V. dudum quidem accessi ad sententiam Hip-  
 pocratis, Martiani, Boerhaavii, Paracentesi tho-  
 racis sive in Hydrope pectoris recentiore, sive viri-  
 bus utcumque constantibus vetustiore palmarium au-  
 xilium esse statuentium ; attamen abstinere nequeo,  
 quin medicum hoc problema proponam ; scilicet ; *Cur  
 ita laudata Paracentesis, sive ut primum, sive saltem  
 ut alterum in hoc morbo adhibendum auxilium, spa-  
 tio XXIII. Saculorum theoretice commendetur, & vix  
 unquam instituta legatur ?* In Emphyemate historiam  
 operationis, tateor, habemus : in Hydrope autem pe-  
 ctoris, forte unus alterve me casus fugit, sed vix  
 illam institutam novi, nisi a Louzero & Willisio, id-  
 que modo semel, *Willis. op. omn. in fol. tom. 2. Phar-  
 rat. part. 2. sect. 1. cap. 13.* Quid igitur causæ, quod  
 nul-



nulla operatio universalius commendata, nulla rarius instituta fuerit?

Si conj. cturare liceat, suspicor morbum inchoantem difficulter sæpe ægriorum in vita cognosci; morborumque aliorum, in quibus Paracentesis haud conveniat, sub larva fallere: dumque demum cognoscatur, adeo jam provectum esse, ut eandem haud ultra admittat.

§. VI. Morbum apud *Batavos* haud infrequenter sæpius in denatis, quam in vivis, cognovisse me fateor. Quod cum Veteranis in arte quoque contingere cernerem, phænomena observata in illis, quorum me morbus fefellerat, animo volvi cum phænomenis simili morbo deinceps laborantium sedulo comparavi, atque ita tandem sæpius eundem citius præsentem detexi; haud tamen ita, ut nonnunquam illum non, nisi conj. ctura assequerem, imo vix rite, nisi desperatis fere ægri rebus, cognoscerem. En igitur quæ attentior observatio me ducit!

1. In plena sanitate omnium prima observatur Dyspnœa levis, vix notabilis, ut & vix advertenda, Tullicula; quæ a communi Dyspnœa inchoante nullo signo distinguitur. Ejicitur nihil tussiendo: unde Medici totum incommodum pulmoni utcumque debiliori adscribendum rati, roborantia cum effectu aliquoties bono, sæpe autem nullo, exhibent. Neque tantillo debilior pulsus, aut vix perceptibilis ad motum defatigatio, anhelitusve, aliud suadent. Nulla enim ratio subest vomicas, aut abscessus, suspicandi. Lento interim passu crescit malum, interea dum non raro fallaci curatione Medico imponat. Quippe sicciore dudum tempestate, moderatiore forte motu, curatum, læto ægro, latis adparet Medicis: quiescente vero ægro, aëreque diu valdeque humido non curatus morbus, sed auctus adparet. Tussis paulatim increfcens, glutinosa pauca ac spumosa producens, cum fonticam cau-

sam non agnoscat, prognosin vix viletur gravare; quia in debiliore paululum pulmone quid glutinis generatione facilius? Malleoli posthac pedisque œdema levissimum conspicitur, vagum quidem primo, postea autem constantius: sed vix inde augmentum inquietudinis; quid enim in desidiosa vita frequentius? Hic primus mali gradus, diuturno tempore sic in pluribus obtinens.

2. Interim fiunt ægri corpore haud modo, sed & animo imbecilliores, spasms flatibusque, ac levioribus anxietatibus magis obnoxii somnum ægrius capientes, exiguosque, leves, vix inchoantes, Asthmatis spasmodici patientes insultus. Cum hucusque nulla cujuscumque visceris labe se manifestet, persistit nobis imbecillioris pulmonis idea, solidaque roborandi, ac fluida inspissandi indicatio. Si autem, gluten paucum pulmone ejectum Medicis eo usque imponat, ut ad attenuandum illud accingant sese, morbi causa facile adaugetur.

3. Crescunt mala pedetentim; observantur quidam noctu inquietiores, & conquerentur quadam anxietate se a prima somni blanditie capta expergesceri, erectos se esse oportere, postea vero nonnihil tranquillitatis se denuo percipere. An id quia jacentibus, truso altius diaphragmate præ mole viscerum abdominis, thorax angustior? An vero iis modo fit, quibus venter effuso intra illum liquore turgidior? Practica observata has rationes omnino non per omnia admittunt. Observavimus has nocturnas anxietates in his, quorum cadavera abdomen aquis inane exhiberent. Observavimus easdem cum *Pisone*, licet ægri illarum evitandarum causa in sedili obdormivissent. Utique res explicatu difficilis! sed quid tunc Medici concludunt indicari? Si gluten aliquid copiosius ad has anxietates exspuatur, Asthma glutinosum; si vix tale quidquam, spasmodicum concludunt. Præsertim  
que



que dum dato pægorico, & antispasmodico ad novem remedio, subitaneam mali furentis remissionem ægri ita lætantur; ut sequenti, altero tertiove die, noctes agant tranquillas; imò obliti ærumnarum, in publicum prodeant, suisque cum amicis se exhilarascant. Ergo antispasmodica vel expectorans medela continuatur; morbus in pejus ruit.

4. Caducam suam Machinam interea adhuc miserari trahunt, donec ad tragicas illas noctes deventum sit, quibus decies minantur suffocationem; unde tandem leipothymia; Syncope, debilitate, vitam ducant ipsa morte miserabiliorem; sicque; quanquam mortem effugere sæpius visi, tandem subito suffocantur. Lepida catarrhi suffocantis applicatio Medicorum servat factum testumque honorem; & si forsan Medicus affuerit, qui morbi præsentiam ante fata subolfecerat, utique non nisi ut immedicabilem pronunciatet; cognoverat illum.

Hæc nunc historia miserandi morbi; ut plurimum ignoti, quo plures extincti in una, alterave; aut etiam in utraque thoracis camera collectas exhiberent aquas. Unde quidem crebrior nata postliminio ejusdem in vita suspicio; sed sufficientium defectu signorum, quibus a morbis, quos simulabat, quosque ars sæpe feliciter tollit; discriminaretur; nulla certitudo.

Quamobrem ad invenienda propria morbi ac pathognomica signa variorum adhibiti animi; eorundemque demum is adornatus catalogus est, cujus cum pag. 75. meminerim, hic non repetam; sed ad singula ejus Capita ordine respondebo.

Ac primo quidem respondeo; subitam a prima somni dulcedine excitationem, cum intentatis suffocationis minis, semel mihi octiduo ante fata quondam apparuisse, & pluries quidem maturius; at vero semper propecto ita morbo, ut omnem respiceret cura-

tionem. Pathognomicum proinde hoc signum non adpellabo.

Secundo dico Hydropem pectoris aliquoties adesse posse citra hoc signum. En evidens exemplum! Sexagenaria mulier hoc ipso anno, ineunte Majo mense, ad *Pasmanianum* Nosocomium transferebatur, ascitem habens, tumidisque, atque hinc inde ulcerosis cruribus lympham stillans. Pectoris quidem nonnulla anxietas, ut in ascite consuevit, aderat, sed admodum exigua: quodque in provecto ascite mirandum, nulla tussis. Nulla præterea peculiaris de nocte anxietas, aut subitanea e somno excitatio. In dorsum quidem sæpe incumbens vis ægra, frequenter autem etiam utrumvis in latus. Vino herbis amaris medicato, cui Oxym. Squill. Spir. nitr. dulc. Tinct. Millep. &c. adjuncta, tota fere, idque iterata vice, detumuerat, sed aqua furtim capta continuo se replens, relapsa est. Tandem manu ac brachio sinistris quatrduo ante mortem tumentibus, 3. Julii expiravit.

In cadavere invenimus ascitem ventris cysticique principium: scilicet duas ovarii hydatidas, quarum una pellucens lymphæ ultra libram gerebat. Deinde ovarium dextrum in cellulas cartilagineas degenerans, ossiculum magnitudine pilulæ duorum granorum, membranula cohærens, suo in fundo continebat. Uterus vix distentus, glabro, carnosoque corpore repletus, quod cum uteri fundo posteriore ita unitum, ut non nisi unam eandemque cum eo formaret substantiam.

Sed quis mortalium credat hanc feminam utrumque pectoris cavum copiosissima lymphæ repletum gessisse, ita ut arcto in spatio compressi pulmones, pluribus in locis aëre vix ultra permeabiles essent, magnisque sui portionibus aquæ, in quam injecti, fundum peterent? Utque Pericardium, undique pres-

sum,



sum, cum cordis massa, nullo cavo relicto, in unam coivisset, albitudine modo sua, duas circiter lineas crassa, a cordis substantia distinguenda? Obiter hic noto Pericardii absentiam, ab Anatomicis notatam, similibus forte causis deberi.

Si ergo nocturna orthopnoea omnino deesse in gravissimo pectoris Hydropē potuit; si in aliis paucis modo ante funera diebus apparuit; si denique ubi adest, provectiore adeo morbo patescit, ut quodvis fere respuat auxilium; non videtur illa pathognomici signi nomine venire debere.

2. Signum, oedema scilicet, aut paralyſis alterutrius, imo etiam utriusque brachii, manusve, priorē vix multo certior est. In quo viro dixi nocturnam orthopnoeam octiduo priusquam periret, me observasse, in eodem quoque manus non nisi eodem die oedematosa apparuit. In femina, cujus historia mox data fuit, quatrīduo tantum ante obitum. In ea vero, cujus casus Cap. 2. descriptus fuit, tale oedema adfuit nunquam. Caruit quoque eo clarus *Wepserus*. Ergo quod vel deest aliquando, vel morbo ad interitum proximo sæpe advertitur, pathognomicum non est.

3. Signum, aquæ nimirum fluctuatio, pluribus defuit meorum. Adesse tamen sæpe illud, & ratio suadet, & Hippocrates tradidit, & nostra femina Cap. 2. pag. 44. experta est, & plures memorant Autores. *Hippocrates* sedentis hominis comprehendens humeros, valide ejus corpus concutiebat, ut audire fluctuationem posset. Autorum nonnulli corpore inclinato id explorant; imo ægro toto corpore superiore de lecti crepidine deorsum pendulo. Verum vel non adest multis, vel sero tantum adesse percipitur fluctuatio; & in casus *Hippocraticis* similes incidere oportet, ubi auditu percipi possit. Quod ergo

pe deest, aut sero nimis advertitur, pathognomici morbi signi conditione caret.

4. Signum, Hyponchondriorum, vel alterutrius ejus tumor dicitur; sed cum tumere id variis de causis queat, non est pathognomicus hic tumor. Contingere quidem potest, ut aqua in diaphragma gravans, hepar v. g. premat, trudetque extrorsum; cui signo, si forte fluctuatio simul adest, morbi major certitudo nascitur: sed in multis & tumor deest & fluctuatio. Ergo.

5. Pulsus debilis, tardus, sæpe intermittens, inter hujus morbi signa recensetur. Erat quidem talis *Wepseri*, testante *Brunnero*, pulsus; sed cum *Wepserus* etiam osseam habuerit Aortæ substantiam, pulsus ejus non potest Hydropis pectoris pathognomicus adpellari. Deinde talem pulsus multi Autores non recensuerunt. Tandem pluribus nostrorum defuit. Sane febricula, individua multis comes, pro tarditate celeritatem habet.

6. Foetentem animam meorum nemo habuit.

7. Urina pauca, crassa, Hydropicorum passim esse solet, sed non immutabili lege. Hydropica Cap. 2. pag. 64. eam reddit pulcre coloratam, limpidam, cum sedimento fere acutorum bonorum. *Wepserus* ideo minus credebatur se pectore hydropicum esse, quod *urina copiosa, naturalis; matutinusque adesset sudor*. Descripta *Wratislaviensibus* urina, qualis prope mortem ipsis observata fuit, etiam sic in Nosocomio apparuit: sed quod lethi instantis id morbi ipsius signum dici non potest.

Quam parum ergo certi, ut morbum initio presentem dicamus, ex recensitis nanciscamur! Provoco etiam ad quotidianam Praxin. Quid incertius concilio Medicorum, quos similis convocaverit morbus! Examine per horam producto sæpe uni horum malum asthmaticum audit; alteri dyspnœæ similis;



tio Hypochondriorum affectione natum ; quarto peculiari nervorum irritabilitati , cum aliqua acritudine juncta , adscribitur ; cuiquam forte etiam Hydropis pectoris suspicio nascitur . Ac profecto si talis revera esse apprehenderetur , idoneum Paracenteseos tempus nunc forsitan esset . Sed suspicio morbi duntaxat est , eaque cum aliorum morborum ita intricata , permistaque , signis , ut certi quid concludi nequeat ; rarusque sane ille Medicus foret , qui operationem hanc ex mera hac suspicione in se suscipere vellet , rariorque æger , qui incerta de causa , permetteret thoracem sibi terebrari . Unde ad maxime verosimile concilium concludit , donec signa evidentiora elucescant ; utinam modo , iis elucescentibus , conclamatum non esset !

Nunquam e mente excidet casus viri , quinquagenario in ætate , qui spatio quinquennii sæpius meam imploraverat opem . Cardialgiis ab immemorabili penitus tempore obnoxius , nullum demum solamen habuit , nisi vel ab opio audacius dato , vel quando digestionis tempore doloribus ferendis ultra non erat , compresso valide epigastrio . Ita ut aliquoties invenirem eum in terram pronum , substratis soli ventri pulvinaribus . Sponte enim noverat vehementiores sopire dolores , nervis abdominis prope ventriculum & pancreas compressis . Semianno ante mortem vespere tempus suaviter cum amicis fallens , crudeli cardialgia afficitur , brevique postea anhelitu , demum aphonia ; anhelans autem ac vocis expertus , cardialgia liberabatur . Vena secta , immisso enemate , vesicante inter scapulas adhibito , insultus ille mirus tridui tempore integre cessavit ; sed quæ eo triduo plane siluerit cardialgia , mox rediit . Quindecim diebus elapsis idem paroxysmus rediit , ut instar asthmatici respiraret æger ; at mistura Neutotica sumpta brevi convalesceret . Octiduo post repetens priore sævior insultus , eidem remedio adtutum cessit .

An

An hic, amabo vos! pectoris hydropem somnare, qui in consilium vocati Medici potuere? Quid asthmatico insultui similis? Potissimum si consideremus 1. quandam affuisse materiem, quæ in singulo Paroxysmo sedem consuetam reliquisse doloris, & ad thoracem videretur transmigrasse. 2. Idem ita creditum Asthma consuetis discutientibus & antispasmodicis auscultasse. 3. Sed auscultasse nunquam, nisi prius dolor antiquam sedem occuparet. 4. Per integros quinque deinceps menses pectus nihil simile passum esse. Interea tamen torosus eo usque homo, ac perfecte quadratus, indies collabascere animadvertebatur.

Ostiduo tandem ante fata plura subito signa manifestabantur, quibus Hydrops pectoris subdole dudum latuisse, jamque adeo provectus esse videretur, ut immedicabilis esset. Improvisa scilicet e somno excitatio, orthopnoea, oculorum vultusque livor ac simul manuum inflatio ambarum: consueti vero in Epigastrio dolores hac vice minime cessarunt. Prædie autem mortis omnibus symptomatibus tam in ventre, quam in pectore liberatus, pulsum bonum, vultum mire recreatum, ac veluti vegetum, præ se tulit, suaque repetere negotia jam meditabatur. Nocte autem insequente in lecto invenitur cum matula in manu veluti vomiturus, sedens, sed jam mortuus; atro, eoque plurimo cruore, sub utraque albuginea, suffusus.

In cadavere præter ingentem totius pancreatis scirrhum, præter lienis crassam cartilagineam superficiem invenimus diaphragma utroque in latere abdominis, sacci instar, prominens; & lympham enormi copia explentem sinistrum thoracis cavum; eodemque modo, sed paulo parcius, dextrum; costarum denique cartilagineas plane ossificas factas.



Priorum anamnesis, morbi finis, inspectio cadaveris, videntur demonstrasse colluviem in pectore aquarum diu adfuisse; quæ cum larvata, complurium Medicorum aciem fugerit, simul evicit; quam in proclivi sit hic falli. Præter orthopnoeam nocturnam, œdematosasque manus, etiam convexum versus ventrem diaphragma a gravante lymphâ inveniebatur; sed crassitudo ventris notabilem non exhibuit in vita differentiam. Ita ut hoc signum, pag. 108. ex Autoribus recensitum in graciliore ventre evidentius, quam in crasso, adverti possit, debeatque.

His omnibus ita pensatis, veram capimus, arbitror, causam, cur centeni Scriptores practici Paracentesimam vel in morbi principio, vel saltem post irritum remedium usum adeo laudantes, eam tamen nunquam instituerint: morbus quippe in principio non manifestus, eam non suavit; cognitus postmodum, eam ultra non admisit. Qui vero illam instituerunt, ut Hippocrates, Lowverus, Willisus. & forte pauci alii, hi censendi sunt in ejusmodi ægros incidisse, in quibus signa morbi opportuno tempore manifesta erant.

Unde ea proficiscitur conclusio, ut 1. subdolus hic morbus raro, dum curabilis est, cognoscatur; cognosci incipiat, dum ultra vix admittat medelam. 2. Ut si cognoscatur mature, nihil sit Paracentesi potentius. 3. Ut in posterum, dum ambiguus inchoantis mali se exhibet casus, diuretica, purgantibus, sudatoriis, diaphoreticis remediis minime parcamus; cum ex effectibus brevi patefeat subsistere, quem suspicemur, an alius morbus?

## CAPUT IV.

## De Epilepsia &amp; Convulsionibus :

§. I. *Impossibilis alias Epilepsiae cura non raro obtinetur sedula causarum procatacticarum expiscatione, quanvis proegumenta haud auferantur. Gravidæ Epilepticæ id demonstrans exemplum. §. II. Multiplices viæ, casu detectæ, enarrantur, quibus aut sopitus morbus, aut sublatus fuerit. Hunc in scopum simplicia quædam laudantur. §. III. Exemplum mirabile curatæ in Adolescente Epilepsiae. Mors ejusdem alia de causa orta; & inspectio cadaveris. §. IV. Epilepsiam vafri homines varias ob rationes plurimum simulant. Bina, quæ id ostendant, exempla enarrantur. §. V. Variæ leges dolos eorum malos expiscandi, & demonstrandi. §. VI. De Dæmoniâcâ fletis, eosque palam prostituendi methodo. Magna prudentia Medicis opus esse ostenditur.*

§. I. **E**pilepsia morbus est omnem artis opem haud raro eludens, sæpius tamen vel curandus integre, vel ita saltem moderandus, ut, causa procatactica ablata, proegumenta veluti sopita maneat, atque ita certo quodam sensu morbus plane abactus esse videatur. Unde plurimum juvat, quæ symptomatica aliquandiu, aut mox, ante insultum presentiat ager, apprime nosse; nota autem tollere, aut saltem suffocare posse. Experimentis enim constitit horum felici ac prompto moderamine, haud raro totum averruncari Paroxysmum. En ex pluribus unum! Inexpugnabilis multis ab annis Epilepsia tandem & ante Paroxysmum, nauseas, & in Paroxysmo vomitus, exhibet violentos. Illustriss. Baro Van Swieten, egoque, ad Emeticum ante futurum Paroxysmum, deinceps,



de, ne Emetici turbæ nocerent, ad Paregoricum exhibendum, facile devenissemus, ni graviditas obstitisset. Considerantes tamen postea, & prægnantem, & foetum, Paroxysmis vehementissimis gravius lædi, quam Emetici actione, Emeticum dedimus, Emeticum repetivimus: idque eo cum successu, ut morbus integro decennio siluerit. Præsentiebat quidem illa aliquoties quasdam veluti futuri insultus inchoamenta, sed & has usu sequentis remedii penitus compescuit. R. Spir. sal. ammon. Tinct. Cast. Suc. Alæ foet. ʒ dr. 3. ter., quater, die 60. gtt. cum vino. Exacto vero decennio, summis animi mœroribus confectam repetens Epilepsia occidit.

§. II. Dum vero aut nihil horum ab ægro præsentitur; aut etiam præsensum auferri nequit; aut denique ablatum, effectum causæ latentis non sopit: sæpe immedicabilis morbus haberi solet. Attamen ne tunc quidem absolute conclamatum pronunciare oportet. Fuere quibus excitatus ille, & nutritus, opipara ac desidiosa vita, subita fortunarum jactura per omnem vitam, haud contemnenda plane compensatione, siluerit. Alii, quibus casus ab alto in cranium, vulneraque ejusdem, aut contusiones, morbi aut moderamen, aut integram effecerint absentiam. Etiam mutatione domicilii, diuturniore peregrinatione, vitæ genere prorsum permutato quidam leguntur se etiam ab ipsa gentilitia labe præstitisse immunes. Ars hæc, similiaque, contemplata, ac imitata, stupendas nonnunquam curas perfecit. Sed & simplicia usu detexit, quæ summæ ad hunc morbum refrænandum efficaciam sint. Hæc inter *Pæonia*, *Viscus Quercinum*, & *Radix Phy*, sive *Valerianæ*, foliis omnibus pinnatis dictæ Botanicis. Vidimus sane rebellem dudum morbum aut hisce mitigatum, aut silentem penitus. Experimenta nostra dudum facta confirmavit nobis Doctissimus Vir J. Scopoli, Phy.

*Physicus Idriensis*, *Flora sua Carniolica* clarus, qui binis dragmis pulveris Radicis *Valerianæ* quotidie datis, deinde ejusdem decoctæ libra post singulam pulveris dragmam exhibita, Epilepsiam triennem, ex terrore, ( pessima sane origine ) natam, & quovis fere die adorientem, jam per decem septimanas, dum hæc ad me scriberet, suppresserat.

§. III. Sed præterea dum polymorphus hic morbus nos per hæc omnia tentantes, prorsum eludit, nonnunquam nobis, animo ad cuncta attentis, sui amotionem veluti furtim indicavit. En notabile ejus, quod habuimus, exemplum!

Sexennis puer, sanissimus, insiliente in se cane molosso ita terretur, ut integro triduo convellatur, horrendosque postmodum Epilpsiæ insultus fere quotidie patiatur. Morbus ad omnia rebellis, ac per sexennii spatium perdurans, ignoto Parentibus remedio paululum mitescebat, sed novo irritatus pavore, nec ultra ignoto remedio moriger, puerum, vario modo, quotidie, eodemque die multoties, adoritur. Tandem inter pauperes, qui in ne Nosocomium consilii causa petunt, mihi sistitur.

Radicem *Phy* trium septimanarum spatio ipsi dedi, sed ab eadem desistere increascens vis morbi me compulit. Quo autem securior medicina esset, illum in Nosocomio locavi. Sedulo examine constitit vigesies & ultra, die, inchoari Paroxysmos, sed semel tantum, bisve, compleri eosdem; idque hoc modo singulis diebus ac noctibus. Virus *Castorei* copiosioris me explorantem, itidem effectus elusit. Quemadmodum etiam aliorum foetidorum, & acrem spiritum rectorem habentium, usum. Morbus varietate terribilis nunquam graviore suos insultus modo perficiebat eodem. Alio enim tempore totum corpus, medium autem alio, convellebatur, altera sui parte obrigescebat. Nunc Opistotonos; Emprostotonos ut-

cum-



cumque alio tempore fuit. Jamque una vice vehemens calcitratus alia vice manuum in proprium pectus caputve, tanta agitatio, jactatio, vibratio, ut, ni cautum fuisset, sibi nocuisset vehementer. Sudor perquam ætius insultum comitabatur, copiosus ita, ut indusium, lectusque, plurimum maderent; tenax itidem adeo, ut corpori, ceu quopiam glutine, adhæreret. Mugitus, ululatus, rugitus, gemitus, vultusque omnem in modum horridus, & urinæ profluvium Paroxysmum frequenter concomitabantur.

Interim morbo quotidie in pejus verso, nascuntur signa vehementis humorum rarefactionis, quam ipsa natura haud levi narium hæmorrhagia testabatur. Sed sæpius me Mater monuerat, nunquam ipsi graviores fuisse, frequentioresque Paroxysmos, quam qui hæmorrhagiis ejusmodi successissent. Re nihilominus crescente, admodumque urgente, sanguinem pede bis detraximus, diluimus, moderavimus, sed morbum hinc vehementer augeri dolumus.

At vero dies diem docet, Animum quippe, quamcumque in partem vertentes, constanter demum, observavimus puero jacenti, frequentique somno obrepto, morbum frequentiorē esse, quam antefidenti, aut vigili. Hanc ob causam majore die parte illum in sedili locavimus, vigilemque variis obiectis mentem grate occupantibus servare annisi sumus. Sensim hinc insultus rariores.

Verum soporosus erat. Et tandem somno quidem capto Paroxysmum accedere, nunquam autem vigili, advertimus. Ergone causa tetri mali latens aptiores in somno nervos, ut agitare, invenit, quam vigiliarum tempore? Utique experientia convincebatur, quo Adolescentem diutius vigilem servabamus, eo rariores contingere Paroxysmos. Sic liberos quidem dies integros nanciscebamur; nocturnos vero insultus, cum tamen dormiendum erat, avertere non poteramus.

Aliud

Aliud igitur consilium arripuimus . Vigili insultus ultra non fuit : sunt autem , dum stertorosus eum somnus capit . Ergo causa latens invenit nervos somni stertorosi , quam vigiliarum tempore , ad Convulsiones , ad Tetanos , ad Spasmos , aptiores . Ipseque ille stertor somnum minime naturalem esse demonstrat . Quid igitur si opio nervos insensiles redderemus , ne causa illa , ignota nobis , irritare eosdem posset ? Sed contra : Nunquid opium in dispositione adeo comatosa somnum non posset æternum facere ? aut per omnem vitam stupiditatem ? Sed periculo saltem vacabit minima dosis . Igitur tentavimus . Jamque minima dosis in corpore , opio neuntiquam assueto , nec soporem augebat , & tamen boni præstabat quidquam . Dosin ideo prudenter auximus ; omnem omnino Paroxysmum averruncavimus ; pro sopore somnum naturalem produximus ; puerum brevi agilem , alacrem , sanum , salutavimus ; Matri reddidimus .

Ufus adolescens integra per tres menses valetudine , ad Nosocomium rediit ; tumorem sponte in inguine natum mihi exhibiturus . Herniosusne esset , an alius generis tumor , ambiguum fuit . Ventre primum liberato emolliens Cataplasma appositum est . Sed paucis postea diebus nuntiavit Mater Dysenteria , quam mihi non indicaverat , sed commiserat Balneatori , Filium periisse .

Cadaveris examinandi copia fuit . Patuit tumorem in inguine ante aliquot dies exhibitum , ingentem fuisse abscessum . Nodus durus nervo diaphragmatico in medio suo itinere arte circumcretus inveniebatur ; aliisque similis illi ejus loco ubi in diaphragma abiturus erat . Thalami Opticorum emar-  
cidi .

Nunquid vitia enarrata nervorum , medullæque , diu post Epilepsiam nata sunt ? An vero dudum præ-  
sen-



sentia, causam proegumenam posuerunt, cui terror accedens, causam Epilepsiæ proximam cum illis formaverit? Incertum! Saltem aut Idiopathica Epilepsia a terrore genita, excitatave, aut Idiopathica a terrore cum male affecta medulla cerebri orta, aut deum invincibilis Deuteropathica, ex male affecto nervo diaphragmatico & terrore nata, arte medica si non curabilem, sopiri saltem ita, ac si penitus abesset, se posse ostendit.

§. IV. Sed tædiosa causa ingratam observationem, Tyronum in gratiam, adungere jubet. Quippe nulla re turpius decipimur, quam Epilepsia, aut Convulsione, fictis. Vix morbus datur, quem & frequentius, & artificiosius simulare Mendici norint, quo transeuntium animos in commiserationem commoveant. Pueri ac puellæ hanc vāsam fingendi artem a se mutuo discunt, ne vapulent; vel ut mollius tractentur; vel ut nihil cogantur addiscere: quemadmodum vident cum pueris, quos in Paroxysmis forte viderint, a parentibus, tutoribusque agi. Maturam Virginem Procorum penuria torquet, angitque. Forte casu audivit a garrientibus inter sese matronis Epilepsiam matrimonio nonnunquam curari. Ergo eam artificiose fingere discit, quo cogat Parentes se viro jungere. Monachus, quo a Choro, a jejuniis, aliaque monasticæ vitæ asperitate se vindicet, se fingit convulsam. Quin & sine peculiari intentione ipse malus animus eo nonnullos seducit. Tandem etiam in scenam diabolus adducitur, quo obsessos se fingunt, intentione fontica varia, etiam, quis credat! superstitionis roborandæ causa. En aliquot, quæ habuimus, exempla!

Adducebatur mihi puella gravi auditu laborans. Quo revellentibus, & factis in aurem injectionibus, restituto, Convulsiones suboriebantur, quas hoc ordine contingere Mater narrabat. Incipiebat tremere,

E

puel-

puella , angi , anhelare , clamare , brachia agitare , totumque corpus , humi cadere , pollices fortiter intra pugnos firmare , vociferari , cantare , ore tandem producere spumam . Principio bis , ter , die , id contigisse ; jam autem quavis ferme hora .

Commodo meo morbum examinaturus , puellam jussi in Nosocomio servari . Vidi illam , eadem die , in lecto decumbentem , convulsam , mediisque in Convulsionibus pollices adeo fortiter intra pugnos firmare , ut maxima vi vix solvere valerem . Oculos horrende agitabat . Attamen dolum subesse suspicabar 1. quod oculi durante Paroxysmo non connivendo , sed sano prorsum modo , aperirentur . 2. Quod pulsus fere naturalis esset . 3. Quod cortinis lecti clausis pupilla dilataretur , vicissimque apertis iisdem , contraheretur . 4. Quod pupillæ admota candela vividissime se contraherent , & puella quasi nocumentum inde percipiens , caput rotaret . Igitur e lecto statim exemi ; minitanti ipsam lapsam Custos ægrorum minis , si caderet , intentatis , erectam servavit , & baculo munitus , eoque veluti vibrans , Convulsionum progressum sistit . Convicta demum puella , fatebatur & surditatem olim , & nunc Epilepsiam , finxisse sese , ne cogeretur munus ancillare obire , cui eam Mater destinaverat .

Hanc in fingendi fallendique artificio crassiorē , sequebatur astutior Adolescens , quem vaframento suo pluribus me luisse diebus fateor . Mirifice convellebatur toto abdomine , tumque vehementer singultiebat . Ortum porro id asseverabat Mater , quod Emeticum ipsi datum fuisset . Adjungebatque Paroxysmum non raro etiam invadere dormientem . Detentus aliquot diebus in Nosocomio , enemate , epithemate , neuroticis ac paregoricis , sanitati , ut videbatur , restitutus . Parentibus redditur . Vix vero tantisper paternas incoluerat ædes , quin repeteret Paroxysmos ,



& a Matre in Nosocomium reduceretur. Fucum suspicatus, privato eum cubiculo inclusi, ubi se solum credens, nobis eum per rimam contemplantibus, tranquille sedebat, nobis intrantibus in Convulsionem Singultusque prorumpebat, nobis egressis iterum sedatus. Imo idem in Paroxysmo contingebat, dum adstantes aliorum carneret occupatos; nam fictis tandem motibus defatigabatur. Patri arcesso veritatem fateri coactus, ideo se simulasse hæc confessus est, ut a Magistro, apud quem carpeatariam artem discere cogebatur; dimitteretur, ædibusque reciperetur paternis. Igitur vel Mater cum Filio collusit, dum etiam dormientem malo invadi affirmaret, vel ipse novit se dormientem vaferrime fingeret.

§. V. Versati in hisce Practici ea passim experiri solent, quæ jam enarravi, quo doli latentis fiant certiores; ac præter hæc omnia, bonis unguibus norunt prehensam cutim rudissime vellicare; imo ignem manui, aliisve corporis partibus admove, & si ne id quidem juvat, ignem immediate adplicare solent. Exempla docent fictas Epilepsias ejusmodi tentaminibus se prodidisse.

Attamen & morbum fictum esse, & ne igne quidem posse detegi, non caret exemplo. Sceleatissima femina 20. annorum, quæ animi gratia vetulam truculenta manu occiderat, passa in carcere est horridam Epilepsiam, qua longo tempore laborasse credita fuerat, se impio animo fluxisse; id quod etiam experimento confirmavit. Morbum enim simulare jussa, ita simulavit, ut quivis fere crederent fictum morbum in verum demum abivisse; jussaque medio in Paroxysmo surgere, & tranquille ambulare, surrexit, ambulavit. Hinc nos, Illustrissimus Præses, Spectabilis Decanus, & Clarissimi Professores, supremo jussu, nomine Inclytæ Facultatis Medicæ examinantes, eadem audacter proferentem, & repetentem audivimus. Et

quod res est, ostendit nobis tres scædas in manu cicatrices quas ipsi igne Chirurgus, urendo veritatem exploraturus, olim inusserat, quasque inuri sibi adeo tranquille pertulerat, ut ultra nemo de certitudine Epilepsiæ dubium moveret. Quis crederet remedium, adeo ceterum infallibile, quandoque turpiter fallere posse? Melius profecto in hac scelestissima muliere Parisinum successisset experimentum. Cum enim quisquam ad Epilepsiam in platea adstantium fucum subolfecisset, iussit convulso paleam substerni, ne sibi læderet: quo facto, utrumque paleæ extremum flamma incendit, effecitque, ut vaferrimus homo fulmine citius fugam capefferet.

§. VI. Sed & aliud Convulsionum genus hic memorandum est, quarum autor, horresco referens, Sathanas dicitur, Utroque in sexu id expertus sum. Plures feminas, quas a diabolo obsessæ vulgus non modo, sed & Sacerdotes jurabant, AUGUSTISSIMA IMPERATRIX ad Nosocomium præticum deferri iusserat, examinandas. Examinaui porro easdem eo munitus principio, quod homines a demonibus revera obsideri, ut ajunt, queant; quodque id invictis argumentis tum ex Novo Testamento, tum ex genuina Historia Ecclesiastica, & SS. Patrum Doctrina, petitis, in dubitatissimum sit; ut meridiana luce evidentius Illustrissimus Præses, Cap. de Epilepsia, demonstravit: sed simul eo principio, quod Sæculis posterioribus, præsertimque corruptissimo nostro, millenæ fingantur fallaciæ, quas utinam Simpliciores Monachorum, Sacerdotumque, haud ita foverent! Horum porro principiorum ope fraudem facile detexi, detectam revelavi. Ubi igitur res mihi constabat, sic egi: Custodes ægrorum, singulos bona aquæ amphora munitos in acie collocabam, ut mox, dum ad auditum venerabile DEI Nomen, nominave Sanctorum, rerumque sacrarum, fictus diabolus corpora pro more  
agi-



agitaret ; integram amphoram unico ictu in faciem ; pectusque profunderent ; idque ita , ut si ad primam profusam insultus non cessaret , suam ordine omnes evacuant . Prima utique vice amplo satis aquæ dolo indigebam : sed cum intelligerent omnes deinceps Convulsiones hanc sortem habituras esse , non habuerunt postmodum ullas , sed integre sanæ apparuerunt .

Nemo in nos , confido , quod rude adeo & incom-  
tum experimentum tentaverimus , tamquam in pro-  
fanos , indignabitur . Eramus aliis argumentis planè  
convicti de fraude nefanda ; sed ejus fabricatores pu-  
blice convincendi erant . Ad exhibitam v. g. sanctæ  
Crucis imaginem , aut ad alias res sacras , quas cor-  
pori adplicas illico diabolum revocare ferebant ,  
videramus quidem statim id , quod prædixerant fieri :  
sed quando easdem res sacras involveramus , ut , quid  
essent , non adpareret ; involutasque eisdem applicue-  
ramus , Convulsio nulla excitabatur . Si quoque rude  
lignum aqua sacra aspersum esse dicebamus , eoque  
corpora tangebamus , furebat diabolus ; itidemque si  
ipsa corpora aqua lustrali aspergebamus ; sed æque va-  
lide etiam , dum aqua mera utentes , tantum finge-  
remus eam aquam sacram esse . Igitur fraudis certi ,  
reliquum experimentum dumtaxat instituimus , ut do-  
lus omnibus patefceret .

Igitur sanctissimæ nostræ Religionis veneratione  
& amore ducti , debuimus ea confundere , quæ illam  
adeo dehonestent : & ex corde vovemus , ut ii ,  
quorum est Catholicam Religionem tueri , propagare ,  
& ornare , a depravata aut malitiosa hominum idea  
fovenda , statuminandaque , abstinerent ; & sive per se ,  
sive per alios , eadem , quæ nos , tentamina institue-  
rent . Utique haud tam sæpe res ad Religionem spe-  
ctantes , ludibrio & irrisioni exponerentur , nec ipsæ

illi , fraude postmodum detecta , ignominia confundere-  
rentur .

Profecto si ad doctos hominum dolos , erudi-  
tamque vafritiam , Medici se non aliquantulum cau-  
tos , atque subargutulos præsent , & artem suam , &  
se ipsos , ludibrio continuo exponunt . Casus quoti-  
diani sunt . Haud ita pridem femina aderat , quam  
ipse Confessarius , tanta Religione pollere , tanto emi-  
nere pietatis exercitio , assererat , ut si Sancti in hac  
tellure haberentur , hæc saltem Sancta habenda foret .  
Anxietatibus , & plane singularibus faciei convulsio-  
nibus viciniam totam in commiserationem ducebat .  
Hinc illam in Nosocomio suscepi , & bona fide ali-  
quantisper deceptus , tandem attentior in rem dete-  
xi pulsum & ante insultum , & sub insultu , postque  
eundem , nunquam non optimum esse ; dum de pro-  
strato prorsum appetitu conquereretur , eam integram  
suam portionem avidè abligurire ; & durante Paro-  
xysmo me manibus meis ita vultum ejus compone-  
re posse , ut Convulsiones plane cessarent . Convictus  
doli ego , turpitudinis eam suæ , suæ hypocriseos ,  
convincere annitebar , sed incassum . Alio ergo modo  
convincenda erat . Cura per aquam , ut in dæmonia-  
cis fæctis instituta , effecit , ut Convulsiones redierint  
nunquam , licet adhuc per 12. dies in Nosocomio de-  
tineretur . Sed ne tunc quidem finis fingendi . Quip-  
pe a facie malum in pectus delapsum esse , continu-  
umque creare anhelitum conquerabatur . Fraudem  
ipsa prodidit , dum liberrima , & longe producta re-  
spiratione fruebatur , quando per horæ quadrantem  
mentem ejus grato , quem cum illa miscebam , ser-  
mone , a decipiendi studio adduxeram .



## CAPUT V.

### De Calculo , Uva Ursi , Lithontripticis dictis , &c.

---

§. I. Historia hominis a diuturnis calculi doloribus Uva ursina liberati ; eaque occasione describitur remedium , quo sibi olim multum profuerat . §. II. Alius Calculosus , qui quodam remedio multum levatus , deinceps vero minime , ab Uva Ursi juvabatur ; viribus autem penitus extenuatis moriebatur . Miranda ejus Anatome . Non curat Uva Ursina , quos Lithotomia non curasset . Recensio multorum , quæ vocant , Lithontripticorum ; quæ probantur Uvæ Ursi viribus minora . §. III. Uva tamen quosdam non nisi tarde admodum juvat , imo nonnunquam Recidivam post se relinquit , si non continuatur : his sectio suadenda , ne degeneratio partium immedicabilis fiat . §. IV. Congenitus verosimiliter Calculus felici sectione curatus . Anceps hæc curatio , cum omnibus eam suadentibus , dissuadentibusque , argumentis enarratur , acutissimusque illi mox subsequens morbus : tum etiam urinae phenomenon , Uvæ Ursi necessitatem , etiam post sectionem indicans . Subjunguntur , intermiscunturque observata circa Lithotomiam ; & incommoda , quæ illa nonnunquam post se relinquit . §. V. Urinam calculosus reddit , in qua , dum in vitro quiescit , lapilli generantur . Homini huic Uva Ursi mirifice confert . Puer calculosus , quo toto tempore Stephenianum Remedium sumit , calculosa ramenta cum urina copiosissima emingit ; sectione nihilominus liberandus . Non fuerunt soluti Calculi ramenta , sed corpora genita a materia terræ copiosa , in vesica præsentia . Forsan generalis Calculi

loforum ejusmodi Dispositio est. In contrarium autem affertur Historia Rev. Kirkpatrik, & Quadraginta Calculolorum, in Actis Acad. Reg. Scient. Paris. ex quibus Cl. Morandus concludit id proprie effectum esse remedii Anglicani, viresque ejusdem, Lithontripticas hinc demonstrari. Argumenta contra hanc sententiam. §. VI. Novum experimentum ostendens id multiplici observatione constare, quod hæc ipsa Diathesis Calculosis communis sit, quodque facere loquendo Stepfenianum Medicamentum, si forsitan sapone, ac calce, quibusdam levamini est, plurimis tamen ita hanc in Calculosis dispositionem augeat, ut id jam fiat in vesica, quod alias in matula. Conjecturæ quædam circa Lithiasin, & circa originem copiosæ adeo calcariæ materiæ. §. VII. Bina nostræ methodi in calculo videntur cæteris hucusque cognitis anteponendæ. Vires horum omnium vere Lithontripticas nulla experimenta adstruunt. Unde cura integra non est, sed egregie adeo pallians, ut homo æque liber sit ab incommodis morbi, ac si Calculum non haberet. Nec Calculus extra corpus humanum in aqua calcis magnam partem solutus, aliud docet. Tandem problemata proponuntur circa causam hujus indolentiæ.

§. I. **S**patio elapsi Academici anni frequentiores quoddam olim morbos, observavimus rariores; Paralyfin nempe, Calculos, ac systematis urinosi alias affectiones: haud tamen ita raros, quin novas observationes colligere potuerimus, quorum præcipua dabo, una cum nondum communicatis antiquioribus.

Vir mediæ ætatis a 14. annis dolores in mittenda urina percipiens, cujusdam consilio usus est quotidie, spatio novimestri, septem nucibus Avellanis, & novem Juniperi Baccis. Quo remedio, postquam  
uri-



urinam vini ſœcibus ſimilem trimetſtri tempore minxiſſet, vitam diu tolerabilem duxit. Tandem tamen dolores redierunt, & urina anni abhinc ſpatio glutine copioſo ſcatet, validique adeo urgent tenefmi, ut Intefſtinum Reſtūm ad pugni molem extrudatur. Remiſſionis tempora obſervat nonnunquam. Et quæ utilia quondam remedia fuerant, ea uſe nunc caſſa experitur. Calculus, Cathetere inducto, manifeſtus adparuit.

Integris ſex menſibus Uva Urſi, & opiato nocturno, uſus, fere convaluit, ut leviora, quæ nonnunquam ſuperſunt, incommoda non curet, remediumque, quod ceterum gratis habet, & facile ſumit, prorſum negligat. De induſtria formulam remedii quod malum quondam compoſcuerat, addidi; ut plurā rerum natura exiſtere intelligeremus, quæ hæc ærumnas mitigent. Aliud ſequens hiſtoria dabit.

§. II. Vir 32. annorum a 4. ætatis anno urinæ difficultati obnoxius vixit, varioſque excrevit Calculos. Ad vitæ ſuæ annum 24. mulierculæ conſilio, liquore uti cepit, qui odore ac ſapore Therebinthinam referret, eoſque integri ſeptennii ſpatio optime ſe habuit. Pauper ipſe, cum liquori ſolvendo ultra non eſſet, ſubſtituit Juniperi Baccas, immenſaque devoravit quotidie copia. Tandem vero redeuntis doloris crudelitate iterum victus, antiquum liquorem repetivit; ſed jam citra levamen. Doctiſſimus *Gleiſner*, qui jam *Græcii*, *Styriæ* Metropolis, praxin magna cum prudentia & laude exercet, miſeri hujus curam ſuſcepturus mecum conſuluit, datiſque cum Uva urſina, & Opiato, traumaticis ob puris emincti copiam Decoctis, ingens ſolamen homini attulit, & a doloribus per tres ſeptimanas immunem præſtitit. Homo tamen labefcentibus ſenſim viribus contabuit, periit.

In cadavere renes magni, ſiniſter præprimis, ſaccos pure plenos referebant. Ureteres ita ampliſſimi, ut ſiniſter Intefſtinum Colon amplitudine ſuperaret.

ret. Vesica circum calculum contracta, ac plane ulcerosa. Calculus uncias quatuor, una dragma minus, pondere pendebat, fuscus uno latere, altero cinereus.

Confirmari dato exemplo cernimus, quod *Tom. 4.* variis anatomicis observationibus posueram; eos nimirum Uva Ursi non curari, quos Lithotomia curare non potuisset. Calculi quippe sectio degeneratorem ureterum, ac vesicæ, renumque, non emendat, non aufert. Deinde ex enarratis patet solamina plura adhiberi posse, quibus longa annorum series sopiantur hæ calamitates. Occasione liquoris Therebinthinam referentis memini olei dicti *Harlemensis*, apud *Batavos* famigeratissimi, quod Therebinthinam odore ac sapore quoque multum æmulatur. Equidem nocet multis, aucto forte stimulo, aliave ejus qualitate; sed plures tamen novi, qui ejus usu per annos sese præsent doloribus immunes. In Millepedibus cum Oleo Vitrioli Rostochii *Laurenbergius*, in *Dissert. de Lithotrip. ad Hoyerum*; in Olei Vitrioli rectificatissimi usu copiosissimo *Schulzius* (vid. *Disp. Chir. in Collect. Ill. Hall. tom. 4.*) efficax ad Calculum remedium invenisse se autumant. *Uva Ursi* tamen reliquis palmam præripere videtur, quia & pluribus prodest, & constantes curas, Calculo etiam manente, efficit.

§. III. Porro quanvis celer in multis ejus effectus sit, in aliis tamen tardus admodum observatur; id quod in bienni infante, ante triennium mihi exhibito, præprimis observavi. Etenim datum per 4. menses remedium vix juvabat quidquam; deinde inconstanter; jam vero ab anni elapso spatio constantissime: ita tamen, ut si semper bene valentem esse puerum Parentes velint, pulveris usum intermittere nunquam debeant. Asper Calculus ipsi ante triennium deprehensus, similis etiam hoc anno, repetita per

Ca-



Cathererem exploratione , inventus eſt .

Hic ſane puer non eum remedii habuit , quem alii , effectum . Alii enim poſt longum ejus uſum neſciunt ultra ſe Calculo laborare , quanvis a longa die remedio carentes ; hic ſi diu intermittat , a redeunte dolore ad idem confugere cogitur . Quare ſi hoc anno id non emendetur , facile proponemus Parentibus Lithotomiam : cum ab una parte Uva Urſi , magno- pere licet ipſi proficua , clare tamen innuat aliquam , quanvis forte nondum valde notabilem , urinoſi ſyſtematis degenerationem ; prout obſervata *Tom. 4.* data docuerunt : ab altera parte metus eſt , ne a diuturniore medicamenti uſu vel abhorrere puerulus , vel deſiſtere Parentes , incipiant , quod remedio dudum non adhibito , malum ſeſſim renaſci videatur : quo in caſu miſerrimum in ſtatum puer dilaberetur , neglectaque auxilii in Veſicæ , Ureterum , Renumve , immedicabilem incideret degenerationem . Ita ſimili in caſu hoc anno fecimus .

§. IV. Quippe menſe Februario anni 1759. Pa- rentes ad me ducunt novennem filium ſuum , qui ex quo natus erat , perpetuo ipſis viſus fuerat in emit- tenda urina dolere , ejulare , eamque nunquam natu- raliter , ſed perenni reddere ſtillicidio . Ærumnis hi- ce pauperes pedetentim aſſueti medelam non fece- rant ; jam vero cum ſine commiſeratione intolera- biles pueri dolores a 14. diebus adſpicere ultra non poſſent , eum mihi obtulerunt , Immiſſo Cathetere , Calculum manifeſte deteximus .

Bimeſtri ſpatio incredibile quantum Uva urſina profuerit ! Renascente nihilominus poſthac dolore , omnem curationis fiduciam depoſuere Parentes , pue- rumque omni deſtitutum reliquere auxilio , Interea ita crevit crudele malum , ut nunc hunc , nunc illum , levandi cauſa , adierint . Integro demum anno , ex quo puer ultimo nobis oblatus fuerat , elapſo , Pater  
ilo

lum hoc mense Majo iteram adduxit, enixe petens, ut eum sectione liberarem. Calculi præsentiam exploraturi, Catheterem non nisi cum labore, dolore, hæmorrhagia, inducere valuimus, nec movere induratum: ita ut Calculum ea vice non perciperemus. Digito vero in anum immisso, eundem versus vesicæ colum deprehendere videbamur.

Hic optimus noster Chirurgus *Ferdinandus Leber*, egoque, rem citro, ultroque, versavimus. Re præsentabamus nobis 1. Casum ut fere congenitum, forsitan incurabilem fore, & notabiles nonnullas partium degeneraciones jam adesse. 2. Uvam U. si initio prodesse visam, reditum calamitatis minime impedivisse, adeoque non juvante ea, nec Lithotomiam, ex factis antea observationibus, profuturam. 3. Vesicæ ad Calculum contractionem, tum impedimento fore, ne operatio rite peragi posset, tum si adhuc perageretur, vulnus vesicæ densæ, cartilagineæ, imo scirrhusæ, non coaliturum. 4. Hisce iisdem difficultatibus fortassis etiam alios permotos fuisse, ut operationem prudenter a sese declinarent; ac proinde eadem nobis non succedente, aut justam deprehendendi, aut saltem iniquam calumniandi causam, nos iisdem præbituros.

Sed ab altera parte considerabamus 1. Patrem, aliosque, qui nobis puerum commendabant, id ardentè desiderare. 2. Vires ejus aptas ad subeundam sectionem. 3. Ex reditu doloris ad degeneracionem partium paulo forte meticulosius concludi; cum Uva urfina haud sufficienter adhibita fuisset. 4. Vesicæ validam circum Calculum contractionem, indurationemque, tum operationi, tum vulneris consolidationi, impedimento quidem fore; attamen id nondum certo constare. Cavis namque in visceribus nunc summam observari contractionem, nunc iterum relaxa-

tio-



tionem; adeoque ad eorum contractionem ſemel, iterumque, perceptam, velle eandem perpetuam credere, iniquum fore. Argumento eſſe experientiſſimi *La Motte* obſervationem, qui tertio jam die uterum contractiſſimum, una cum ſuo Collega, offendens, partumque lege naturæ impoſſibilem credens, demum Perurientem DEI ſolius auxilio commendaturus, abiturusque, ultimo tandem explorare tentabat, jamque mirabundus contractionem ita relaxatam deprehendebat, ut breviorẽ commodiorẽque partum, vix unquam vidiffet expertiſſimus Embryulcus. Sed etiam mutuæ noſtræ circa veſicam urinariam experientiæ, mutuam nobis memoriam refricabamus. Adeoque nec hoc operationem impedire oportere, ſi nova exploratione contractionis relaxationem deprehenderemus. 5°. Denique ſi ad ſectionem rationes ſufficienter probabiles adeffent, quæ ſartam nobis teſtamque conſcientiam redderent, famæ detrimentum omnium poſtremum eſſe oportere, ad quod ii attenderent, quibus proximi ſalus uniçe ante oculos verſaretur.

Sectionem igitur concludentes, inſtituimus eam die 26. Maji, præſentibus Magnifico Archiatro A. *Störck*, Cl. Viro J. *Gaſſer*, digniſſimo noſtro Anatomies Profefſore, Viro expertiſſimo L. *Erndl*, Phyſico in Noſocomio Civico, Medico prudentiſſimo, optimo Chirurgo Cæſareo *Homburg*, dexterrimo ad S. Marcum Chirurgo *Reigberger*, Noſocomii Aſſiſtentibus, aliisque.

Catheterem, Itinerarium in operatione dictum, non niſi magna cum difficultate Operator D. *Leber*, induxit, ſanguine denuo ex uretere profuente: eo vero intra veſicam admiſſo, urina mox jactu valido, & continuato, Catheteris apertura proſiliit, ipſeque Catheter commode in veſica movebatur. Itinerarii apice oblique ducto, ut fere 15. gradus notafſet in

iqua

quadrante circuli, si angulus rectus a centro Itinerarii & ad medium Perinæi, & ad latus, ductus fuisset, fiebat sectio sufficiens. Cujus longitudinem cernens Operator, eamque Calculi magnitudine, per annum explorata, majorem intelligens, non usus est instrumento famosi Lithotomi *Le Dran*, quo in longitudinali sectione adhuc alia fiat, quæ latus sectionis externum in angulos rectos fecet, ut Calculo majus spatium paretur: eo, inquam, instrumento ob vulneris amplitudinem haud egens, illico Conductorem introduxit, & extracto Itinerario Forcipem. Verum cum simul Calculum digito in vulnere prehenderet, Conductorem, Forcipemque extraxit, ac digitis Calculum prehendit, eduxit. Vix quinque minutis tota operatio durabat. Ejulans eo usque, puer, mox ad visum Calculum præ gaudio exclamabat, veluti hoc momento omnium ærumnarum, oblitus. Calculus ovalis, asper, sed mollior; ut si forcice captus fuisset, exteriore sui parte omnino abiisset in grumos, parvosque lapillos. Erat ponderis unc. i. dr. i. scrup. i. Potuit Chirurgus facile perillustrare vesicam, alium Calculum, grumove, quærendi causa. Vulnus illico plumaceolo textit, & emplastro; repositoque in lectum puero, ventrem tepido oleo rosaceo totum inunxit, ac mappa lanea textit. Emulsionis leviter paregoricæ, & juris carnium, portio modica dabatur alternatim.

Fortunatissimam sectionem horrida symptomata, a nobis sane non prævisa, sequebantur. Post meridiem quippe febris magna, vespere ad octavam, maxima, oriebatur; una cum pessimo Peripneumonicorum roncho, tensoque, & asseris instar duro, abdomine. Quare mox novem uncia sanguinis brachio detractæ, & emolliens cataplasma ventri, oleo bene inuncto, admotum est. Ingravescente autem post mediam noctem febre, roncho, tumore, ac duritie,

ven-



ventris, repetita V. S. fuit. Summe pleuriticus utriusque missionis sanguis fuit. Exinde sensim decrevit febris, ac febricula modo per aliquot dies adfuit; urina per vulnus bene effluxit, pusque quarto die ad bona labia deprehensum est. Eluebatur porro vesica sæpius decocto hordei cum oleo lini, ne quid heterogenei in eadem maneret. Emulsiones paregoricæ diu continuabantur.

Sed de Urethra nunc cogitandum erat. Vulnerata quippe hæc toties per Catheterem, nec amplius stillicidio urinæ consueto aperta, sed collapsa, nunc facile coire, obturarique, poterat, omni urina per vulnus effluente. Cum enim a secto Calculo nonnulli per omnem vitam urinas vulnere stillent, sive ob vulneris non coeuntis malignitatem, vel ob Urethræ coalitionem, meminimus molestissimum hoc torpissimumque incommodum a posteriore causa. Unde liquorem in Urethram quotidie injiciendum esse decrevimus. At vero læti advertebamus maturum urinæ per Urethram stillidium, ideoque desistimus incepto. Tandem hortatu, multisque promissis, puerum deduximus ad consuetudinem urinam in vitrum reddendi: unde clauso penitus exacta septimana tertio vulnere, ac cicatrice obducto, urinam deinde semper debito tempore retinuit, & in vitrum aut matulam reddere consuevit.

Attamen necdum absoluta cura nostra. Glutinis, Calculum vesicæ comitari soliti, & aliquoties puris, copia notabilis in foecente urina quotidie apparuit. An id residuum ejus Calculi tempore in vesica præfens, injectionibus ablui, præ tenacitate, non potuerit? Et an vesica hinc inde exulcerata a Calculo fuerit? Igitur mox Uvam ursinam dedimus, qua continuata urinæ foetor paulatim emendabatur, & pauculum ultra illius materie nunc prodit.

Quam

Quam pulcre hæc Lithotomia confirmat sententiam, quam supra, de varia amplitudine & contractione viscerum cavorum protulimus! Hinc raro desperandum. Prudentia tamen semper opus est, ne vesicam, quo tempore adeo contracta est importune lædamus. Nunquid, si ter, quater, eandem contractam invenimus, ipsam irreparabiliter contractam esse concludemus? Forte sic est: sed si per vices contrahatur, laxeturque, fieri id potest, ut sæpius in contractionis tempora incidamus, & ut ea tamen haud perpetuo contracta maneat. Ita ut ne tunc quidem, sine ulteriore examine, animum despondeamus.

§. V. Est hac occasione de alio Calculosorum phænomeno differendum.

13. Julii hujus anni ad me venit Civis *Cremensis*, vir 34. annorum, qui per 28. annorum spatium verus Lithiascos Martyr, cum ardore nunquam non minxit rubram arenam, Calculos autem nullos. Evacuavit subinde olim, & nunc sæpius ab octo retro annis, copiosissimam albam glutinosam materiem; quæ pauculo tempore sibi relicta, friabiles format, albidosque lapillos. Et hæc quidem in quiete. At si corpus itinere, aliove modo, movet, urinam fuscā, ac stranguriosā deponere solet. Lapillos hos, quorum copiam habeo, diceret quis cretæ albæ majora esse minoraque frustra, ad figuram demum vasis, in quo urina servatur, formata. Incredibile, quantum Miserrimus ille intra mensis spatium *Uva Ursi* mutetur, idque jam ab ejusdem initio: ut certe spem magnam faciat summi solaminis.

Juvat hic phænomenon referre, quod 20. abhinc annis observavi, una cum celeberrimo Viri W. *Ouwens*, *Franequeræ* Academiæ in Medicina Lumine, ac Celsissimæ Principis *Arausianensis* viduæ Archiatro. Calculosus puer *Hagæ Batavorum* utebatur famoso Anglorum remedio, *Joannæ Stepsens*, dicto; quod



quod constat pulvere, decocto, & pilulis. Pulvis componitur ex putamine ovorum, & limacibus, domiportis dictis, omnibus vero calcinatis. Decoctum fit ex Sapone Hispanico, seu Veneto, ex calcinata herba dicta Ambrosia campestri, Floribus Chamomillæ, Fol. Fœniculi dulcis, Petroselini & Bardannæ. Pilulæ parantur ex Domiportis calcinatis, semine Pastinacæ sylvestris, seu Elaphobosci, & Lappæ majoris; tum ex Fructibus Fraxini, Rubi Idei, & Oxyacanthæ: horum omnium calcinatorum à q. s. Cochleare pulveris cum unc. iv. Saponis Hispanici, & Mellis q. s. in pilulas redigitur.

Videamus porro hunc puerum, magno cum Parentum gaudio, cum urina quotidie emingere fragmenta alba, lapidea, val calcarea; ejus quidem formæ, ut adparerent veluti excorticantis se Calculi ramenta esse. Quanvis autem longo tempore ejusmodi materiem copiose redderet, Calculi tamen symptomata ideo non mitigabantur, neque imminutus deprehendebatur Calculus. Ita quidem, ut tamen post collectam magnam ramentis hisce repletam pixidem, puer sectione liberari a magno Calculo debuerit.

An ergo in corpore illius pueri idem a glutine, in vesica Calculosorum contento, productum est, quod in Cive *Cremzensi* ab eadem materia in vitro? aut in matula? Et quidem ita, ut indurefcens, lapidescensve, hoc gluten, primo adhæserit circum Calculum; deinde fragile nimis, per ramenta cum urina prodeuns, exfoliati in dies Calculi specie de-ceperit? Utique si binos hosce casus inter sese conferamus, videremur ejus fere convicti esse, quod talis sit calculosæ urinæ dispositio, ut quandoque suo in glutine, sive dum intra vesicam est, sive extra eandem, petrificantem, ut ita dicam, hanc materiem gerat. *Cremzensis* enim nihil sumsit, quod

ullam habeat cum *Stepfeniano* remedio affinitatem ; ut exactissimo examine , iterato instituto , certus novi . Hanc autem sententiam confirmabit afferendum , deinceps ex Clarissimo *Adamo* exemplum .

Contrariam tamen conclusionem sequentia videbuntur suadere . Rev. *Jacobus Kirkpatrik* , in edito morbi sui *Diario* narrat se , postquam 17. annorum spatio *Nephritide* calculosa , & vesicæ *Calculo* , laborasset , *Steptenianis* Medicamentis ab *Octobri* mense 1738. usque ad *Aprilem* 1739. sedulo usum esse , & quod nunquam antea sibi contigerat , jam ab initio curæ se ejusmodi fragmenta cum urina excrevisse , idemque & durante tota cura , & post eandem , continuasse : ita ut majora minoraque fragmenta numero 1036. eminxerit , prætereaque quinque parvos lapillos .

Sed secundo idem *Kirkpatrik* sæpenumero in matula sua advertit illud ipsum glutinosum urinæ sedimentum , in similem , sed sæpe crassio rem , magisque lapideam , abivisse substantiam . Egregius *Morandus* in *Act. Acad. Reg. Scient.* anni 1740. in sua prima *Dissertatione* super *Stepfenianis* Medicamentis , observationes nobiscum communicans , quas circa 40. homines , iisdem usos , jussu *Academiæ* fecerat , adnotaveratque , asserit illos homines passim omnes solere , *Communement ils ont rendu* &c. ab ipso remedii principio , cum urina gluten , albumque deponere sedimentum ; quod dum fervaretur , atque siccesceret , in flavum pulverem abiret ; huncque pulverem , dum igni imponeretur , animale quidquam redolere . Plures porro non nisi hanc solam materiem produxisse ; alios autem etiam veluti *crystallizatas* laminas , talco perquam similes ; alios squammas lapideas , easdemque convexas ; nonnullos dura fragmenta *Calculi* ; quosdam denique lapillulos . Additque eos , qui ante remedii usum rubram mingere arenam



nam conſueſcerent, eandem ſub remedio ultra non reddere.

His ita utrinque poſitis, qui ab una parte conſiderat in glutine Calculoſorum, qui *Stepſeniana* medela nunquam uſi fuerint, hanc calcariae aut lapideae materiae geneſin haud ita deſcriptam eſſe; & e contrario eandem a glutine urinæ eorum, quibus hæc medela exhibita fuerit, fere inſeparabilem eſſe; in eam facile ſententiam abire forſan poteſt, quod ab eodem remedio miſeranda ad Lithiaſin Diatheſis paſſim generetur, illudque ideo augere potius Calculum, quam ſolvere, conterereque debeat. Equidem contrarium laudatus mox *Morandus* in altera ſua Diſſertatione *Act. Academ. Reg. Scient. Pariſ.* anni 1741. evincere conatur; dum Calculum hominis, qui poſt ejusdem remedii uſum, crudelitate morbi auſta, periſſet; dum duos alios Calculos binorum hominum, quos remedio fruſtra uſos ſectiōe ſervare oportuiſſet; plenos invenerit inæqualitatibus, crenis, foraminibus. Fateor, cum claro hoc Scriptore in eandem olim ſententiam abiveram, præ argumenti probabilitate: ſed ab eadem diſcedere obſervationes poſtmodum captæ jubent, cogunt.

Obſervo enim 1. & Civem *Cremzenſem* lapideam hanc, aut calcaream materiem abundanter reddidiſſe, licet nec hoc famoſo olim remedio, nec illi conſimili, unquam uſus ſit; & *Haganum* puerum, poſt tantam emiſſæ hujus materiae copiam, nullam Calculi; ſectiōe educti, ſolutionem habuiſſe. Conſidero 2. præclaram remedii famam velocius forte evanidam, quam natam fuiſſe; ipſosque *Britannos*, ab octo & pluribus retro annis, in Aqua Calcis cum Sapone, vix ulla *Stepſeniani* remedii facta mentione, omnem fiduciam collocare. Sed dico 3. ejusmodi Calculos inæquales, ac veluti corroſos, foraminofos, hinc inde pumicoſos; frequenter reperiri in

his, quid illud remedium non adhibuerint; hasque præterea inæqualitates Calculi æque ab adposita inæqualiter materie, quam ab eadem soluta & ablata, produci posse.

Fuisse tamen, quis oggeret, quos observationes allatæ integre curatos affirmant. Respondeo nondum convincentia, quæ id statuunt, argumenta esse. Equidem copiosior Calcis, Saponisque, usus, multis profuit, ut Nobilissimo *Horatio Walpole*, ut Homini nostro *Tom. 2. Rat. Med.*, ut ibidem *Viro militari*, & ut novum exemplum adhuc præ oculis habeo. An vero ideo, qui remedium *Anglicanum* sine noxa tolerantes. Levamen inde experiuntur, curati dici debeant? Et *Kirkpatrick*, & reliqui Angli, Gallicique, quos inde curatos fama ferebat, vix notabili tempore a remedio destiterant, dum promulgarentur eorum curationes. Imo ipse *Kirkpatrick* vix ab illo cessaverat, quin lumborum se vexari dolore denuo conquereretur; quem tamen in gratiam, ut apparet, remedij, Lumbagini, quam Nephritidi, acceptam, ferre maluit.

§ VI. Sufficiat porro, occasione experimenti Civis *Cremzenfis* ea argumenta attulisse, quæ *Anglicanum* Medicamentum laudent, vituperentque. Superest meam paucis opinionem dicam, quam novo experimento fundabo.

Urinas enim varias Calculo laborantium collegi, gluten inde separavi, & in aere aperto, limpidam urina abjecta, posui. Brevi glutinosum hoc exaruit & dr. 2. aliquando dr. 3. materiæ lapideæ ad figuram vasis formatæ exhibuit. An autem non datur Calculosus, quin idem phænomenon in ejus urina adpareat, nondum assero; sufficiat experimenti demonstrasse frequentiam.

Summa ergo rerum hæc esto: Quivis homo, etiam sanctissimus, Calculi rudimenta in se habet, eo  
quod



quod ſolida corporis continuata vitæ actione dete-  
rantur , abradantur , humoribus miſceantur , & ma-  
gnam partem per urinæ vias eliminantur de corpo-  
re . Hinc etiam pro magna parte oritur terra illa  
ſubtiliſſima , quam Chemia in urinis invenit . Nullam  
inde labem ſanus homo habet ; quia ex alimentis  
tantum ac tale deperditorum loco adplicat , quantum  
& quale deperditum fuerat : deinde cum nulla in iti-  
nere obſtacula terrea hæc materies offendit , innoxie ,  
integreque de corpore eliminantur . Huic nunquam  
Calculus naſcetur . At vero ſi contingat vel mini-  
mum corpusculum alicubi hære , ut v. g. fibrillæ  
portionem ſuppurando ſolutam , aut tantillum paris  
mora exſiccati , aut grænum ſanguinis , &c. id tunc  
inde proficiſci poteſt , ut terrea materies ad ejuſmo-  
di obſtaculum retardetur , adplicetur , & adhæreſcat :  
id quod dum continuo ſic pergit , ideam Calculi nobis  
facile format .

Sed 2. Experimenta , ut vidimus , docent in urina  
Calculoſorum multorum copioſam materiem ter-  
reſtrem haberi , quæ in his cito , in illis tardius ; in  
quibuſdam ex ipſa urina ſtagnante , in aliis duntaxat  
ex aſſervato poſt effuſam urinam glutine ; cretam ,  
quandam , lapilloſque formet . Quæri hic poteſt , num  
omnis illa cretacea materies tantummodo a ſolidis  
humani corporis detritis ? An vero dentur alimenta ,  
potulentaque , quibus ſubtiliſſima hæc terra contineat-  
ur ; quæ idoneo vehiculo miſta , Lacteorum oſcula  
ſubeat , cum ſanguine commiſceatur , ab eodem per  
urinam abluatur ? Sane Regiones , in quibus Calculo-  
ſos vix invenire eſt , ut v. g. multi *Lombardiæ* loci ,  
ejuſmodi ſuggerunt ſuſpicionem .

An præterea calculoſam Diatheſim id demum  
appellemus , quod efficiat , ut terreſtre id , quod in  
aqua , quod in alimentis , quod in vino eſt . minus  
ſubigatur , ad ſanguinem vehatur , cum ſanguine com-

misceatur, iterumque humorum circuitu, ac vi vitæ non mutentur, & in renibus tandem cum urina secernatur?

Nunquid etiam Arthritica materies eidem producendæ apta? Utique cum Arthritidem ultimæ digestionis defectus efficiat, videntur minima quædam elementa terrestria immutata manere; eaque ut ad juncturarum arteriolas applicantur, ita etiam ad eas renum applicari posse, & urinas generare calcareas. Hujus mentis clarissimus *Adamus* est, in Dissertatione anno 1740. edita, occasione sexagenarii hominis, qui perpetuo rerum aut saccharo, aut lacte, paratarum, impensus amator, Arthritidi, quosvis occupanti artus, obnoxius ultra 20. annos vixerat; dolorum vero pertæsus, eosdem novem abhinc annis Theriacæ emplastro sopiverat. Unde in periculosum morbum primo prolapsus, dein anomalam prorsus Arthritidem in multis internis corporis partibus per vias expertus erat; a Quinquennio autem acerbos vesicæ urinariæ dolores crebro repetentes, Dysuriam, & varia alia Calculi vesicæ symptomata. Biennium erat, quod ramenta calculosa, nucum putaminum instar concava, copiose emingeret; annus autem, quod his ramentis absentibus mucum cum urina redderet, qui in cretaceam abire materiem soleret. Et quod præprimis notandum, Podagræ accessu lotium eo mucro carebat; Podagræ recessu scatebat eodem. Confirmat deinde hanc suam de Materie Arthritica ideam Autor eruditus variorum Scriptorum testimoniis. Quæ etiam exemplis demonstrat calcaream Arthriticorum materiem non modo ad varias urinarias, sed quoque ad quævis alia corporis loca concretiones producere lapidosas.

Sane quæ mihi hanc sententiam probabilem reddant, plures habeo rationes. Arthriticum homineum Nosocomium XV. mensium spatio aluit, qui ab an-

nis



nis quindecim tum colli vertebriſ, tum pedum manuumque ambarum articulis, calcaream materiam excreverat, & etiamnum excernebat. Primo tempore urinam pallidam, & admodum fuſturaceam emit-tere ſolebat; ultimo autem ſemianno, multo ſemper pure, una cum fuſfuribus, onuſtum; denique multis ante obitum diebus & limpidam, & pauciſſimam. In cadavere nullus ullibi puris fomes: verum ipſe ſanguis, qui incredibiliter paucus in corpore ſupererat, adeo polypoſus fuit, ut vix guttula ejus inter ſecandum prodierit; quod, ut obiter notem, clare ea confirmat, quæ Tom. 2. Cap. 2. de *Puogenia* ſcripſeram. Quod autem maxime ad rem noſtram; Renes ambo in corticali ſua ſubſtantia, craſſi & ampli, omnino arenofi erant, ita ut quacumque in parte nitido ſemper cultro ſecarentur, novam ſemper arenam proferrent. Quippe calcarea materies hujus Podagrici partim ad renes delata, videbatur jam urinam calcaream productura fuiſſe, niſi eadem vaſorum urinam ſecrenentium ora obſtruxiſſet, hincque tum urinæ ſecertionem fere impediſſet, tum ipſam corticalem renum ſubſtantiam reddidiſſet arenofam. Calculoſus ceterum nunquam fuit.

Præterea relatus a Sigifmundo Koenig ad Societatem *Anglicanam* caſus Juvenulæ, quæ poſt enormes artuum dolores demum in plurimorum, eorundemque majorum, Calculorum vomitum inciderat; deſcripta *Weifmanno* Hiſtoria quinquagenariæ, quæ crudeles Arthritidis dolores perpeſſa, tandem tum Intestino Recto, tum ipſa vulva, plurimos excreverat lapillos: notata denique ab ipſo Clar. *Adamo* enarratio *Schneideri* de INVICTISSIMO IMPERATORE MAXIMILIANO II., qui Podagra graviffima conſictari ſolitus, Calculos in corde geſſiſſe poſt mortem inve-

niebatur : hæc , inquam , omnia Cl. Viri sententiam mirifice fulciunt .

Porro quod concavas Podagricus ejus reddat has concretiones , id vel ideo est , quod Calculum in vesica habeat , ad quem adplicata hæc materies , hanc formam induat necesse est ; vel quod vesicæ ipsi , forte contractæ , qualis Calculosorum frequenter reperitur , se adplicando , eam figuram adipiscatur . Prius tamen enarrata symptomata probabilius reddunt ; & Catheteris , quem non adhibuerunt , ope , certum , ni fallor , fieret .

Tandem 3. Compertum esse vidimus , calculosos homines ab *Anglicano* Medicamento sic disponi , ut materies illa , toties descripta , jam in ipsa eorum vesica lapidescat . Infaustum ergo remedium hoc tam a priore dici deberet , quam tale esse experimentis comprobatur .

§. VII. Ex omnibus hucusque dictis evidens demum fit binas nostras in Calculo Methodos ceteris omnibus , hucusque per alios laudatis , tum præstantiores esse , tum constantiores . Curæ enim id mihi fuit , ut , quotquot eorum , qui alterutra curati , indagari potuerant , quærerentur , examinarenturque , seculo , utrum ab omnibus symptomatibus immunes esse persisterent , nec ne ; ut demum , si relaberentur , genuinam relpsus historiam cum Publico communicarem ; at vero curæ perstant . Prima nostra Methodus vere *Brittanica* est : eandem tamen , æquali copia lactis ad aquam Calcis adjecta , promptiorem feliciorisque , invenimus . Unde etiam eandem *Stepfeniana* Methodo , licet nonnulla cum illa communia habeat , tum efficacior , tum humano corpori per omnia tutior , existimamus . Altera vero Methodus quam compendii causa nostri Nosocomii voco Methodum , Illustrissimo autem Præsidi



gratus debeo, numero plurimas constantes curas effecit.

Facile ex his omnibus patet, nec in nostris remediis, nec in omnibus per alios recensitis, vires inesse Lithontripticas, quantumcumque id de suis multi jactitarint. Experientia sanè convincere omnes debuit, tum in paucioribus his, quos *Anglicano* Medicamento dudum frustra adhibito, sectione liberare a Calculo oportuit, tum in omnibus, quibus remedia nostra profuere. Quippe fuimus in eo Chirurgis Gallis fortunatiores, qui, teste *Morando*, a nemine eorum, quos *Stepseniana* remedia juverant, id obtinere potuerint, ut se denuo Cathetere examinandos præberent: dum interea nostri voto morigerari, Calculi, ejusque nonnunquam asperioris, præsentiam, nobis demonstrarint.

Nunquid tamen Calculus vesicæ, longiore tempore in Aqua Calcis maceratus, non solvitur? Solvitur certo multorum mentium spatio, modo Aquæ Calcis aditus detur ad Calculum, auferendo sæpius id, quod in ejus circumferentia pumicosum ab aqua redditum fuerat; ceterum minime. Ita demum trium mensium spatio solvi præcipuam majoris Calculi portionem. Similiter in experimentis suis Calculos in Aqua Calcis solvebat Doctissimus Vir *Carolus Alston*, famosus Professor *Edimburgensis*, scriptis clarus. Videatur in egregia sua *Diss. de Calc. viva, & Aqua Calcis*. Verum in vesica humana neque Calculus scalpello abraditur, neque illibata virtus Aquæ Calcis ita vesicam ingreditur, ut in experimentis nostris. Non mirum ergo hominem, qui 1600. libras Aq. Calc. spatio sex mensium biberat, jam post tertium illibatæ valetudinis annum adhuc Calculum in vesica gerere, ut exploratione Catheteris constat.

Quærat porro nemo a me, qui fieri id, qui concipi queat, quod homo Calculum in urinario systemate gerens, secernendi tamen, excernendique urinam, perfectam exerceat functionem; & adeo indolens vivat, ac si Calculum non haberet? Sufficiat rem, captu difficilem, observatu constare. Præcedentibus Tomis maxime tertio, Observationis frequentiam plurimis exemplis demonstravi, quæ exempla ab Autoribus notata, collectæcue tuerant, priusquam Quæstio præsens existeret. Nonquid sive in humoribus humanis, sive in ipso urinario systemate, aliquid existit, quod applicatum Calculo, dolores, spasmosque excitet; quodque ipsum in quibusdam corporibus vel minime, vel haud sufficienter adsit, ut creet dolores? An hinc ratio petenda, cur inter diuturna tormenta Calculosorum nonnulli lucidis fruantur intervallis? An tandem Calx, & potissimum Uva ursina id in humoribus, aut systemate urinario, demant, absorbeant?

## C A P U T VI.

### *De Aneurysmate.*

---

§. I. Duo Aneurismata curata, & Tom. 4. descripta, egregie curata manent. §. II. Aneurismata non raro cognitu difficilia, imo etiam impossibilia. Probatur 1°. exemplo Aneurysmatis ad Poplitem quod ad vitæ finem usque Chirurgus imposuit. Anatome. Disquiritur an homo culpa Chirugi periisse credendus sit? Animadversio in Practicos, quibus Collegarum honori detrabere volupe. §. III. Probatur Idem 2°. exemplo inventi ad pectus Aneurysmatis.

Sc.



*Sequuntur ad hos duos casus Corollaria Medico-Chirurgica. Quandonam compressio Aneurysmatis externa prodesse queat, nocere debeat. §. IV. Origo, ac celer progressus Aneurysmatis arteriæ popliteæ, & amputatio cruris. Considerationes Medico-Chirurgicæ circa arteriarum interceptiones, ac Fungi Agarici ad abscissas arterias adplicationem. Hæmorrhagia letalis, quanvis tanta adhibita esset in operatione prudentia. Anatome. Problemata circa hoc infortunium. §. V. Varia Phænomena Aneurysmatu internorum, eademque palliandi methodus.*

§. I. **D**Edi anno proxime priore duarum feminarum historiam, quarum altera compressione simplici, altera operatione, ab Aneurysmate in brachio curatæ fuerant. Caput præsens compositurus, iussi ambas in urbe quæri, & ad me adduci, quo constantiam curæ, inconstantiamve, cum Publico communicarem. Lætus vidi utriusque perfectam curam fuisse, ambas sanissimas esse, omnemque, quem vellent, motum, brachio exercere posse. Unice modo conquerebantur, quod ad mutatas tempestates ingrata titillatio affectam olim arteriam afficeret.

§. II. Cognitio Aneurysmatum utinam certior esset; signisque munita pathognomicis desisteret turpissimis erroribus ansam præbere! Hinc infortunia, quæ vel michi, vel aliis, defectu horum signorum, contigerint, candidus enarrabo: quo demum aut majorem in Diagnosi certitudinem, aut majorem saltem in pertractando eo prudentiam, omnes adipiscamur.

Homo 37. annorum per omnia sanus, mense Octobri 1759. Erisipelate ad internum sinistri pedis malleolum se laborasse narrabat; eoque evanido, do-

lorem se ad ejusdem cruris Poplitem percepisse, deprehendisseque ibidem tumorem, qui mole ac dolore indies augesceret. Hisce compescendis Emplastro Oxycroceo admoto, non modo tumorem ac dolorem Poplitis auctos esse, sed integrum crus, pedemque, occupasse.

Hæc porro narrabat Chirurgus, quem medio Januario hujus, quem vivimus anni, ad se vocabat. Attente exploratis ille omnibus, detexit ad caput internum ossis tibiæ quendam veluti materiæ strepitum; in medio vero ejus, externoque capitis latere, materiem fluctuantem. Quantumcunque rem examinabat, malum a vi quapiam externa originem ducere deprehendere non potuit. Itaque crus ac pedem vehementer inflammatum esse cernens, cataplasma emolliens circumposuit illi. Altera die pars affecta abscessus similitudinem hinc inde exhibuit, observatusque antea strepitus, conticuit. Die tertio crure ac pede detumefcentibus, maturum fere abscessum Poples referebat. Die 19. Jan. turgens pure tumor, ac veluti pus hinc inde transfundendo propellens, levi scalpelli ictu dilatabatur, effundebatque mox purulentam materiem, sed simul 4. vel 5. cochlearia sanguinis. Levamen hinc tantum, ut indies redeuntem sanitatem æger assereret. Nitrosis emulsis interea utebatur. Sexto vero demum ab apertura die, quis crederet unquam! Hæmorrhagiam ad usque animi deliquium passus est. Involvit, ligavitque, quantumque possibili arte, partem. Adveniens mox Chirurgus circa guttulam effusam sanguinis totum abstulit adparatum. Sanguis igitur ultra non effluxit; debili tamen ægro ronchus in pectore auditur, deficit respiratio, & 12. horis ab Hæmorrhagia elapsis moritur.

Re ego percepta, ad ædes me contuli, & emta examinandi venia, Aneurysmaticum saccum pugn



gni magnitudine inveni, qui ex parva origine, suo in collo vix digitum crassa, in enormem hunc faccum abiverat. De corpore ablatum in liquore servo.

Facile prævideo multos his lectis fore, qui suis in arte Collegis condemnandis assueti, in Chirurgi sive ignorantiam, sive imprudentiam, acriter inventuri sint, ac si miserandus ille homo Chirurgi culpa periisset. Verum antequam eo perveniant, rogatos eosdem volo, ut, vacuo a præjudiciis animo, ad sequentia mecum attendere velint.

1. Aneurysmati generando nulla causa violenta præcesserat. 2. Nulla Aneurysmatici tumoris signa ex anxietate ad compressionem, vel ex ejusdem pulsatione, aderant. 3. Strepitus quidem percipiebatur; sed cum is & in Aneurysmate aliquando, nonnunquam etiam in tumoribus purulentis & aquosis observatur, ad quos Emphysema sive ob aëris accessum externum, sive ab ejusdem generatione interna, accedit; hinc cum nulla alia Aneurysmatis indicia adessent, strepitus loci ad aliam longe originem, quam ad Aneurysma, referendus videbatur. 4. Sex diebus continuis apertus tumor pus, nullum vero sanguinem, dedit; id quod alioquin in Aneurysmate, ablata resistantia, impossibile videtur. Equidem in apertura ipsa aliquot effluxere cochlearia sanguinis; sed quis Chirurgorum ignoret expanso vase cutaneo, eoque percisso, quandam Hæmorrhagiam observari oportere? Sex sane dies sine ullo sanguine aperto de vulnere transacti, quamcumque Aneurysmatis suspicionem, si qua nata forte fuisset, dispulissent. 5. Et qui tum in Aneurysmate, tum variis aliis in tumoribus quandoque adest strepitus, jam pridie aperturæ evanuerat. E. contrario 6. communis inflammationis signa, Erysipelas nempe, aderant. 7. Hæc inflammatio primum malleolum internum occupa-

pa-

paverat . 8. Nil verisimilius , quam quod Erysipelas Metastasin ad Poplitum fecerit , relinquens malleolum . 9. Inflammatio Erysipelatosa in abscessum abiit . 10. Fluctuatio materiæ manifesto percepta est . 11. Apertura facta , pus & mox , & sequentibus exivit diebus .

Suam cuique sententiam integram relinquens , judico inculpatum Chirurgum fuisse , & concludo ita personatum Aneurysma esse posse , ut decipiat vel oculatissimos . Quo subinde contingente , necesse foret quosvis cordatos Chirurgos Medicosque in defensionem ejus , qui deceptus fuerit , unitos videri , & probe memor s principii tum Naturalis , tum Evangelici ; *Quod tibi non vis eri , alteri ne facito .*

§. II. Confirmare idem potest historia sequens . Femina quadragenaria 17. Junii præsentis anni me accessit , conquerens a 3. vel 4. annis agrum se pectore esse : sputa quippe purulenta , subinde sanguine mista , se reddere , cor sibi palpitare , difficulter se respirare , vagosque experiri dolores . Lactasse quidem infantem sese , at vero cum indies emaciaretur , pectusque pectore haberet , ablactasse . Anni spatio menstruis se carentem , nempe lactationis tempore , nunc denuo a trimestri gaudere . Tandem adjunxit a Festo Paschatis , ex nulla nota sibi causa , pustulam primo animadversam esse ad sinistri lateris thoracis costas , & quidem eo a latere sterni loco , ubi cartilaginee infimarum costarum pene uniuntur , sterno jam jam inarticulandæ . Parvam quidem dudum mansisse , a quatuor vero retro septimanis in tuberculum callaneæ magnitudinis abivisse .

Tumor examinatus , non pulsans , sed durus & elasticus , veram sui non determinabat naturam . Eo igitur Emplastro Diabotanon tantummodo tecto , curam ad Phthisin Pulmonalem potissimum direxi . Spatio



tio trium septimanarum nihil in tumore mutabatur; eo vero elapso sensim emollecebat, ita ut 17. Julii apostema perfectum referret, manifesta que puris fluctuatio genuinam tumoris naturam nunc determinare videretur.

Suspicio itaque indurati, scirrhusi, aut cujuscunque alius mali, prosum evanuerat, certitudo apostematis aderat, adeoque ejusdem apertura vel ideo maxime suadenda erat, quod Pulmo suppuratus fortunato casu viam sibi extrorsum quandoque capebat; qua diu aperta internum ulcus demum evacuetur, & sanescat. Duos ejusmodi casus sub oculis præsentibus habebamus; tertium, eumque tristem, lugentes, eo quod, contra monitum nostrum, Balneator salutate hoc incommodum præpostera sua arte delevisset, agerque jam hectice consumeretur. Et quantum casum tractabamus, jam vel ideo desperatum, quod tumor a natura extrorsum ductus, sed ruptus necdum, iniqua vero Chirurgi arte retropulsus, evanitusque nunc eundem in locum a nobis revocari nullo latenus posset.

Igitur tumorem aperuimus; pusque & album, & coctum, eduximus. Erat autem pus illud ratione tumoris parcius; in fundo autem durius quidquam supererat. Igitur tumorem partim maturum, partim erudum esse concludentes, digestivum imposuimus, & Empl. Diach. c. gum., scopo maturandi totum teximus. Biduo elapso rediit. Horrescebamus; Loco expectatæ maturationis pulsus ibidem fortissimus in tota lata basi tumoris, digitumque repellens observatur: digito vero per aperturam immisso horrendum Aneurysma obtupecimus. Itaque mox consolidandæ aperturae gratia Emplastrum ad Rupturas Fernellii imposuimus, integramque fere consolidationem spatii trium septimanarum obtinuimus. Deinde tumor Aneurysmatis sensim est imminutus, & in  
toto

toto tumoris ambitu sub costis manifestum Aneurysma pulsationis vehementia percipitur. Ita ut quod primo detectum fuerit, id modo veluti appendix sit, quæ a magno sacco orta sese inter costarum cartilagineas insinuaverit.

De industria bigam hanc Aneurysmatum communicare volui, ut patefceret 1. Nullum fere morbum esse, in quo tum facilius, tum turpius, decipiamur. 2. Posse Aneurysma gigni sine ullo pulsu externo percepto; idque verosimiliter tunc, quando in eodem nascente, mox laminæ concreti cruoris se ejusdem applicant parietibus. 3. Posse in membrana adiposa, nascens Aneurysma tegente, inflammationem, supputationemque, ab affricu, nasci; & copiosum pus omnem ita motum suffocare, ut licet jam forsitan antea pulsatio quæpiam adverti potuisset, eadem nunc minime percipi queat. 4. Posse etiam educto pure adhuc veram mali naturam latere, si tumor residuus, explicata ad n. 2. de causa, non pulset. 5. Etiam educto pure feri posse, ut in uno casu per duos dies, in altero per sex, copiosior cellulosa substantia, nondum consumpta, debiliorem Aneurysmatis pulsationem, si qua adest, adhuc suffocet. 6. Posse quoque reliquam hanc adiposam membranam in pus converti, atque integris sex diebus omnem Aneurysmatis suspicionem, suo effluxu, amovere. 7. Videri demum ablata resistantia, vel arteriam subito frangi, vitamque cum sanguine profunderi; vel extendi ita, ut latens olim, jam manifesta deprehendatur. 8. Consultum esse, ut in posterum, dum nobis purulenti tumores exhibebuntur, quibus aut inflammationes, aut tumores duri, atque ambigui, dudum præcesserint, antequam pus adpareat; idque maxime iis in locis, ubi dura tubercula minus frequenter, quam quidem in collo v. g. aliisque glandulosis in locis, purulenta pro parte fieri



fieri solent; ut, inquam, hic consideratissime procedamus. 9. Oportere demum, ut dediscant Chirurgi Medicos laceßere, ut quidem Publicis Actis fecerint, jactando hos circa plurima incerta, intus latentia, versari duntaxat; se autem maxime externis, ideoque certis, occupari.

Cum optimo nostro Chirurgo *Leber* in hunc casum meditatus, cogitavi, num forte compressio externa hic non conducere? Attentionior vero contemplatio nos docuit, vitium in externa arteria locum, non habere, neque ejus sedem, præcise determinatam, ibi esse, ubi cartilaginee jam junctæ firmam basin præbeant. Verisimile maxime ex figura rotunda esse, quod saccus sit, qui per rimam inter binas cartilaginee exurgat, emineatque; quippe propterea vel arteriæ intercostalis, vel cujuscumque alius interioris, degenerationem denotet. Quia nunc egregius *Lanciscus* clare demonstravit compressionem simili in casu mortem accelerare, vitalibus quippe hinc angustatis ab omni externo molimine abstinuimus. Quia & docuit eventus, ut mox monebam, pag. 197. id minime indicari.

§. IV. Arteriæ *Popliteæ* Aneurysmatis novum exemplum habeo. Rarius id descriptum jam ter *Vienne* vidi. Primum enarravi Tom. 4. pag. 11. Alterum mox communicavi. Tertium autem sic se habet.

Lanio quadratus 32. annorum me convenit 10. Junii proxime elapsi, narrans tres modo septimanas esse, quod sura sinistra sibi intumuisse; duas septimanas, quod ad Poplitem tumorem adverterit, dolentem quidem, & mole in gradiendo auctum. Examine patuit Aneurysma arteriæ popliteæ esse, cujus mole venas comprimente, crus ad suram intumesceret, & varicosum fieret. Ab aliis postea relatum est hominem ab alto per multos gradus cecidisse, antequam de crure conqueri cepit. Ve-

Vena brachii secta est ; serum lactis cum Pulpa Tamarindorum , Rob Sambuci , ac Nitro , copiose datum ; Decoctum adstringens cruri circumpositum ; Ligatura idonea , quæ ab omni parte saccum arctaret , Spir. vini rect. intincta , adponebatur ; & summa corporis in lecto quies imperata est . Ut autem exactius omnia peragerentur , hominem in Nosocomio servavi .

Hac Methodo fura intra quatrimum egregie curabatur ; popliteus vero tumor indies crevit , & pugni demum magnitudinem mole æquavit ; ita ut mense exacto , omnis per compressionem illum curandi spes evanesceret . Unde demum ipsi serio declaravimus bina modo superesse , quorum alterutrum eligeret : vel certam mortem , sive post calamitosum martyrium , sive inopinatam ; vel amputationem ambiguan . Hanc ideo ambiguan diximus , quia & per se gravis ac periculosa est , & nesciebamus , quam alte inciperet dilatatio aneurysmatica ; quæ quidem si amputato crure altior , vix constringi idonea ligatura valeret ; si autem adhuc ligari posset , tamen impulsu sanguinis novum illico saccum formaret .

Respondit Lanio rem naturæ aliquantisper committere se velle , & Nosocomio valedixit . Interea Balneatoris se curæ commisit . Venam is secuit , multaque adplicuit . Tandem prima Augusti per amicos certiores nos reddidit æger de tumoris incremento , & intolerabilitate dolorum : enixe petens , quo recipi in Nosocomium , amputationemque inibi subire posset . Mox eum recipientes , invenimus tumorem longe extensorem , inque latus productum esse ; dolores autem tantos , ut ne opio quidem largiore sopirentur .

Hinc properandum esse rati sumus . Amputationem , præsentibus iisdem fere Medicis atque Chirurgis ,



gis, qui Lithotomæ pag. 156. adstiterant, aliisque;  
D. Leber spat. 7. minorum absolvit.

Quæsitum fuerat, utrum arteriam majorem, atque unam alteramve minorem, ligatura, an *Fungi Agarici* adplicatione, obturarem? Considerabamus ab una parte ligaturam arteriæ totissimam quidem, semper haberi; non raro tamen intercepto nervo, ej. sive ramulis, convulsiones nasci, quibus ars non esset interno externeque auxilio compescendis. Ab altera parte *Tom. 2. Decad. Reg. Chir. Par.* tria exempla inveneramus, ab egregio *Morando* relata, felicis *Agarici* successus in crurum amputatione. Hinc eo fere inclinassetur. Attamen *Parisiensis* exempla *Cruris* referebant, non *Femoris* amputationem. Cum igitur hic de femoris amputatione ageretur, & quidem de eadem longe altius, ne quid de sacco reliqui faceremus, instituenda, ubi certe arteria longe majoris diametri esset; præterea cum exemplum in iisdem *Actis Parisinis*, in *Dissert. D. Louis*, pag. 395. referretur, quod *Agaricum* in amputato crure adeo inutilem demonstrasset, ut semihora elapsa totus adparatus auferendus esset, adhibendaque ligatura; rem dubiam experiri nolimus, sed majorem saltem truncum arte ligandum esse, minores vero *Agarici* fungo obturari posse, unanimi consilio decrevimus. Chirurgus itaque eo modo omnia perfecit, & solti pulveris adstringentis loco totum vulnus *Agarici* fungi, pulvere crasse textit, Instrumentum, tornatile quoque ad arteriam apte comprimendam adposuit.

Hoc pacto nos ab omni Hæmorrhagiæ metu exemptos credentes, turpiter tamen nos elusos vidimus; trihorio ab operatione sanguine per universum transfluente adparatum, lectoque toto inde modeste. Chirurgus fasciis novis super vetera adductis, arctiusque appresso stringente Instrumento, egoque

Dia-

Diacodio largiore , Hæmorrhagiam imminuimus, moderavimus, stitimus .

Saccus nunc erat amputata in parte examinandus . Arteria supra saccum naturalis magnitudinis demonstrabat amputationem debito peractam in loco esse . Arteria, non ut in casu pag. 190. descripto, uno latere, sed toto suo ambitu in saccum quaquaversum extensum, abiverat, excrecente sepiamento membranoso, sed sursum deorsumque abrupto, illum bifariam dividente . Nervus magnus adjacens totæ sacci longitudine arctissime cum eodem coiverat . Ipsumque Aneurysma cum superiore portione Gastrocœmii inseparabiliter connatum erat . Unde hominem ita a motu minimo doluisse non mirabamur; quia saccus, nervusque, & musculus, unam exhibebant, eandemque concretam, atque confusam massam . Membrana porro ipsa postica sacci, laterisque externi, adeo tenuis fuit, ut dum vi minima expandebatur, dilaceraretur . Quapropter id certum, quod, dilata operatione, disrumpi cito, subitamque facere mortem, debuisset .

Interim æger noster una atque altera hora, postquam Hæmorrhagia cessasset, debilitari cepit, brevi dein frigescere, leviozem iterum Hæmorrhagiam pati, continuo vomere, pulmone angi, leviter delirare, tandemque vultu convelli . Horis 25. ab operatione elapsis obiit .

Examinavimus tunc serio amputationis locum . Ligatura arteriam majorem apte claudebat; nervum autem minime comprehendebat . Fungus vasis suis per strata adplicatus inventus est . Vulnus integrum, pulvere fungi egregie, crassusque, tectum . Pectore aperto, cor maximum, at pallefcens, & vacuum . Vacua etiam omnia vasa majora, arteriosa, venosa; exiguum modo, gracilemque, polypum sua in axi gerentia .

Hæ-



Hæmorrhagia inter operationem, ac trihorio post illam, nata, homo hic tantum amisit cruoris, ut sine vitæ dispendio ultra amittere non potuerit. Levior postea per totum adparatum transsudatio abstulit cum reliquum necessarium sanguinem, vitamque ademit.

Optime tamen cum provisum Hæmorrhagiæ videretur, tum Ligatura, tum Fungo, tum Instrumento, quæri potest an Fungi hujus viribus nimium, non tribuamus? An vero in posterum forte præstaret majori arteriæ adplicare eundem quia habet compressio suum punctum fixum ad os; reliquas autem duas, tresve arterias, imo etiam venam majorem, quæ, ligata arteria, aliquando vice arteriæ fungens, terribilem Hæmorrhagiam producit, firma interceptione ligare?

§. V. Aneurysmata interna multa *Austria* habet. Plura curavimus Methodo descripta Tom. 4. multa vero incurabilia manent. Habuimus hoc anno horrenda exempla, costarum remotarum, sterni elevati, motus aneurysmatici terribilis supra mammam dextram, sine ullo motu ad regionem cordis, &c. Hos palliatis utcumque ærumnis solamur, omnem vigiliantiam adhibitori, ut post fata eosdem examinemus. Mire interim quosdam levare sequentia demonstrant.

Juvenula fortis, torosa, bene menstruans, 24. annos nata, finire Septembri 1759. circa inferiora sterni dolere cepit, & quoddam Emplastrum loco admovit. Sed pedetentim aliquid sub cartilagine eniformi tumere percepit, ad tactum dolere, simulque fortiter pulsare, & somnos valde perturbatos efficere. Cum hæc ingravescerent, venit primo ad me 26. Febr. 1760. Cum Chirurgo & Assistentibus, eam examinans, deprehendi locum pulsanter, palmam manus fere æquantem esse, stanti quidem magis, minus vero jacenti, percipiendum. Malum sensim cepit nocte

ingravescere, ac tandem gradus conscendenti respiratio fere omnis deficere. A pastu quoque pejor habuit. M<sup>o</sup> jo mense minus; Junio p<sup>er</sup> rum, Julio nihil ultra femina doluit; pullatio minime molesta superfuit modo. Ita quidem, ut jam optime comedit, tranquillissime dormiat, & graves ancillares labores, indelessa omnino, liberaque pectore, peragat.

Ad inexpectatam hanc mutationem sumsit tota die serum lactis, cum Nitro, & Cremore Tartari; cubitum vero petens  $\frac{1}{6}$  sequentis: & pulp. Tamarind. Rob. Samb. Syr. Diacond.  $\frac{1}{2}$  unc. 2. Laud. Liq. Syd. dr. 1.  $\frac{1}{2}$  Et quia etiam nauseoso ac debili ventriculo, tum & seigniori alvo, prospiciendum erat, sumsit quovis quarto mane dr. med. Elect. Hieræ picræ. Optime se nunc habens, pergit sero l<sup>actis</sup> cum melle quotidie uti, alterno autem die Purgatorio.

Dubitabit forte quispiam, utrum hæc femina, verum Aneurysma habuerit, an potius Deuteropathicum a Ventriculo, Pyloro, Pancreate? Idque 1. quia haud insolitum hic Medicos decipi, ut exemplis patuit, *Tom. 4. cap. de Aneur.* 2. Quia signa adfuerunt hærentis cujuspian labis in ventriculo, aut prope illum. 3. Quia post multa solventia, & repetitam sæpius quartanam purgationem insigniter lucrata est ægra. Huic respondeo: Etiam si res ita haberet, conferret vidisse, qua demum Methodo ambiguum hoc malum superetur. Attamen longe verosimilius Prothopaticam esse affectionem; cum morbus medium annum jam emensus esset, priusquam inciperet ventriculi incommoda sibi juncta habere; & antea cum optima functione naturali, solo tumore, dolore, ac pulsu consisteret.

Femina 26. annorum mense Augusti 1758. brachia in altum, onus grave depositura, extendens, medio in pectore crepitum observabat. Paulo post ædemate totius corporis affecta est; quod copioso Rob  
Sam-



Sambuci dispulisse se credit. Tussis inde nata, sputumque sanguinis, vespertini quoque horrores, & pectoris dolores continui. Remediis aptis a Tussi multum, a sputo sanguinis penitus, ubi liberata erat, conquesta est 15. Martii 2759. interna, eaque violenta pulsatione os sterni sibi attolli videri. Examine instituto deprehendimus media, eaque inferiore, sterni parte tota ejusmodi pulsum, ut digiti, vi quasi, repellerentur. Cum adderet vehementius ibidem se ardere ac dolere, nec dorso ultra incumbere posse, suspicari Aneurysma debuimus. Tandem pulsatio, tumorque magnus, colli totius anteriora & lateralia occupabat; dumque se in lecto convertibat, os pectoris veluti sibi findi lamentabatur. Imo & supra sinistram orbitam pulsatio & dolor extendebantur. Nocte aliquoties suffocatum iri se credebat, nisi erecta sedisset. Demum cordis palpitationem molestumque in dorso pulsum, conquesta est. Cum omnibus his ærumnis menstruo fluore optime gaudet.

Iterata V. S. & Methodo demum eadem, qua ægra præcedens, sensim tantum lucrata est, ut jam dudum vitam maxime tolerabilem gerat.













